


94
Ж-13

ИСО ЖАББОРОВ

АНТИК
МАДАНИЯТ
ВА МАЪНАВИЯТ
ХАЗИНАСИ



Исо ЖАББОРОВ

АНТИК
МАДАНИЯТ
ВА МАЪНАВИЯТ
ХАЗИНАСИ

Тарихий-этнографик лавҳалар

Ўзбекистон Республикаси Олий ва ўрта маҳсус
таълим вазирлиги талабалар учун ўқув қўлланма
сифатида тавсия этган



Тошкент
«ЎЗБЕКИСТОН»
1999

63.3(5У)
Ж 43

Тақризчилар:
тарих фанлари доктори А. ЙЎЛДОШЕВ;
тарих фанлари номзоди X. ФУЛОМОВ

Муҳаррир С. Мўминов

ISBN--5-640-02221-3
0505000000—014
ЖК М.351 (04) 99

Ярим асрлик умр йўлдошим,
садоқатли рафиқам Сўњахоннинг
ёрқин хотирасига бағишлайман

Муаллиф

КЎХНА ЎЛКА СИРЛАРИ ВА ЖАСУР ТАДҚИҚОТЧИЛАР

*Хоразм ноёб маданият, нафис санъ-
ат, юксак маърифат, турмушнинг доно
фалсафаси ва инкорпарварлик гоялари
 билан йўғрилган адабиёт ва шеърият
 маскани, дунёвий илм ўчоқларидан бири.*

Ислом КАРИМОВ

Маданиятимизнинг пойдевори бўлган тарихий меросимизни ўрганиш — фақат илмий жиҳатдан катта аҳамият кашиф этибгина қолмай, айни вақтда буюк аждодларимиз яратган маънавий хазинадан баҳраманд бўлишда, ижтимоий-сиёсий муаммоларни ҳал қилишда ва инсоннинг ҳар томонлама камол топишида муҳим омил ҳисобланади. Асримизнинг улуғ донишмандларидан бири ўтмишни билмай туриб, ҳозирги замоннинг чинакам маъносини ва келажак даврнинг мақсадларини тушуниш мумкин эмас, деган экан. Ҳақиқатан ҳам тарих тажрибасини ўрганиш — давримизнинг мураккаб ижтимоий-сиёсий ҳодисаларини чуқур идрок этиш ва тушуниб этишга, озодлигимиз, мустақиллигимиз ва равнақимизни қадрлашга, порлоқ истиқлол йўлида янги зўр тараққиёт учун катта режалар белгилаш ва уларни амалга оширишга даъват этади. Ниҳоятда бой ва ранг-баранг тарихимизни идрок этиш — кишининг билим доирасини кенгайтирибгина қолмай, шахс ижтимоий онгини юксак даражага кўтарилишига имконият яратади. Бундай олижаноб вазифани бажаришда археолог, тарихчи ва шарқшунос олимларнинг кейинги бир-икки аср давомида қилган ажойиб кашфиётлари алоҳида ўринни эгаллайди. Бинобарин, чексиз саҳродағи қум уюмлари ва тақирилар остида ётган мунгли ҳаробалар сирини очиш, чанг босиб ётган архив хужжатларини жиддий тадқиқ этиб, тилга киритиш энг катта илмий жасорат эканлигини алоҳида қайд қилиш лозим.

Республикамиз Олий Мажлисининг учинчи сессиясида юртбошимиз Ислом Каримов мустақилликнинг энг муҳим сабоқларидан бири асрлар давомида мўрт ва тарқоқ бўлиб яшаган ўзбек миллати ягона ва жипс миллат сифатида шакллана бошлади, эркин ва озод миллатга хос ғурур ва

онг касб этди, деган эди. Бундай сабоқнинг негизи асли халқимизнинг ўз тарихини, ўзлигини теран анлаганлигида, аждодларимиз қолдирган буюк меросдан баҳраманд бўлганлигида, унинг тарихий онгининг ўсишидадир. Буни кенг Хоразм воҳаси тарихи мисолида ҳам яққол кўриш мумкин.

Ўрта асрларда тарих саҳнасида пайдо бўлган ўзбек хонликларидан бири Хива антик хоразм маданияти заминида мустақил давлат сифатида намоён бўлиб, унинг аҳолиси қадимий даврлардан хоразмликлар деб юритилган. Юқсан маданият ва маънавият марказига айланган бу кўхна ўлка тарихий манбаларда Хоразм номи билан машҳурдир.

Асримиз бошларида ўзбек элатлари турар жойига қараб хиваликлар, бухороликлар, қўёнликлар, андижонликлар, фарғоналиклар, тошкентликлар каби атамалар билан ўзаро номланиши бежиз эмас эди. Чунки ўзбек миллати ҳали тўла шаклланмаган, миллий ўзлигини ва ҳис-туйғуларини, ҳудудий ва иқтисодий-ижтимоий бирлигини англаш даражасига кўтарилиб улгурмай туриб, дастлаб рус мустамлакаси даврида, кейин инқилобий тўнтарилишлар туфайли туркистонликлар тупроғи маъмурий жиҳатдан бўлинниб кетди. Аммо ўзбек, қозоқ, туркман, қирғиз, қорақалпоқ каби туркий халқлар маъмурий жиҳатдан гўёки мустақил давлатларга бўлинса-да, аслида марказлашган тоталитар тузумга хос ташкил этилиб, бошқаришга қулай ўлка харитаси янгидан қайта тузилган эди. Барча туркистонликларни советлаштириш сиёсати билан ақидалаштирилган мафкура байроғи остида янги мустамлакачилик сиёсати амалга оширила бошланлиги миллий қадриятларни чеклаб, мустақилликдан маҳрум қилди. Чоракам бир аср давом этган мустабидлик даврида миллий онг ва руҳ, ўзлигини англаш, юқсан маънавият ва ҳис-туйғулар, ниҳоятда бой тарихимиз тор қолипга солиниб шафқатсиз топталган эди.

Ҳар бир халқ ўзининг ўтмишини билишга интилади, бой тарихий мероси ва унутилмас саналари билан ғурурланади. Қадимий даврлардан буён Туркистон элида рўй берган турли хил сиёсий ва ижтимоий ҳодисалар, бир вақтлар Европа ва Осиёни ларзага келтирган тарихий воқеалар, ноёб моддий ва маънавий обидаларнинг пайдо бўлиши қадимий маданият марказларидан бири Кўхна Хоразм хонлиги билан боғлиқ. Унинг аҳолиси умуминсо-

ний қадриятлар яратишида, айниқса жаҳон маданияти хазинасини бойитишда жуда катта ҳисса қўшган. Кейинги даврда бепоён Қизилқум ва Қорақум саҳроларида, Аму ва Сир дарёлари қуи оқимида топилган юзлаб ажойиб тарихий обидалар тадқиқ қилиниши, бу ерда яшовчи аҳолининг моддий ва маънавий ҳаётининг ҳар томонлама ўрганилиши мазкур фикримиз далилидир.

Қадимий Хоразм аслида бир неча минг йиллар давомида хилма-хил воқеаларга бойлиги билан тарих саҳифаларини тўлдирган афсонавий ўлка ҳисобланади.

Турли миллатга мансуб беҳисоб сайёҳ ва миссионерлар, олим ва ёзувчилар бу гўзал ва бой ўлканинг узоқ ўтмишини, моддий ва маънавий ҳаётини асрлар сари ўз замонасининг ғояларига асосланиб таърифлаб келганлар. Аммо булар ўзига хос маданиятни яратган, оламга ал-Хоразмий, ал-Беруний, Нажмиддин Кубро ва Замахшарий каби буюк мутафаккир олимларни, истеъододли адилар Мунис, Огаҳий ва Баёний кабиларни етказиб берган Хоразмнинг пайдо бўлиши ва шаклланиш жараёнини, унинг қадимги даврдаги иқтисодий-ижтимоий ва сиёсий қиёфасини тўла тасвирлаш учун етарли эмас эди.

Хоразм маданий жиҳатдангина эмас, табиий-географик жойлашуви жиҳатдан ҳам ўзига хос хусусиятга эга бўлиб, бу унинг тараққиётида муҳим роль ўйнади. Бино-барин, бу ўлканинг тарихини муфассал тушуниш учун унинг табиий-географик шароитини билиш зарур шартлардан биридир.

Инсон туйғуларини тараннум этувчи ажойиб табиий манзаралар кўп асрлик киши меҳнати ва иродаси билан янги ҳусн касб этади. Аммо инсоният пайдо бўлгунга қадар курра ўз қиёфасини ўзгартириш йўлида неча минг асрларни босиб ўтган. Масалан, геология фанининг кўрсатишича, Ўрта Осиё текисликлари, шу жумладан Хоразм воҳаси учламчи даврнинг ўрталарида денгиз остида бўлган. Неча минг йиллар давомида иқлимининг ўзгариши натижасида денгиз қуриб, аста-секин шимолга чекина бошлайди. Денгиз остидан кўтарилиган ерлар эса тўқай ва қамишзорларга айланади. Шу даврда пайдо бўлган кўл ва дарёлар ҳар томонга оқиб, Помир ва Олой тоғларидан олиб келган тош ва лойқаларни қолдирад эди. Натижада жуда кенг майдонда турли хил экин ва дарах-

тлар ўсиши учун қулай бўлган серунум тупроқ — аллювий қатламлари ҳосил бўларди.

Юқоридаги каби омиллар таъсири натижасида тоғлиқ ва тепаликларнинг шакли ўзгара бориб, чексиз биёбонда қум уюmlари бунёдга келган ва бир жойдан иккинчи жойга кўчиб юрган.

Шундай бир шароитда кўчма қумлар орасида — Аму этакларида бир манзилгоҳ пайдо бўлиб, ўлка қиёфасига кира бошлайди. Бу ўлка қадимги Хоразм эди. Тарихий манбалардан маълум бўлишича, ўша даврда Хоразм ва бутун Ўрта Осиё иқлими ҳозиргига нисбатан анча нам бўлган. Бундай табиий ҳолат одамларнинг яшashi учун анча қуляй бўлган.

Ҳозирги Хоразм воҳаси инсон тарихи бошланишидан илгариги даврга нисбатан анча фарқ қиласи. Ўрта Осиё харитасига бир назар ташлайлик. Минтақада Помир тоғларидан бошланган ва бутун жониворларга чинакам ҳаёт бағишлаган икки дарё — Аму ва Сир бир вақтлар орол денгизига тўлиб-тошиб қўйилиб турганлиги ва қўйи оқимида гўзал воҳа мавжуд бўлганлиги кўзга ташланади. Учбурчак шаклида яшил рангдаги воҳа икки томондан Қизилқум ва Қорақум даштлари исканжасига олинган, шимоли-ғарбий томондан Устюорт ясси тоғлиги қад кўтариб денгиз сувлари билан шовиллаб турган, жануби-шарқий қисмида унча баланд бўлмаган Султон Увайс тоғлари қад кўтарган, қовжираб ётган Султон Санжар баландликлари узоқларга чўзилган. Амунинг ўнг соҳили бўйлаб Қипчоқقا яқинлашган сайин Қоратоғ тизмалари, ундан сўнг дарёнинг чап соҳилида Жумуртов ва Қубатов тепаликлари ўзига хос манзарани намойиш қиласи.

Хоразм воҳаси асли учта узвий боғлиқ манзарани кўз олдингизда намоён қиласи: биринчидан, аллювиал серунум тупроқли жуда кенг ҳудудни эгаллаган дашту-биёбонлар, айrim жойларда учрайдиган текис тақирилклар ва баландпаст адирлар, дарёнинг ўнг соҳили бўйлаб чўзилган Султон Увайс чўққилари Қизилқум уюmlари билан тулашиб кетган; иккинчидан, инсоннинг меҳнат фаолияти туфайли яратилган кўм-кўк боғу-роғлар ва экинзорлар, уларнинг орасида ўзига хос пахсали ёки синчли уй-ҳовлилар, кўшку-биёбонлар, шаҳар ва қишлоқларда эса қадимий ва замонавий ҳашаматли бинолар, шаҳарликлар чиқиб дам оладиган гўзал ёз-ёвонлар; учинчидан, бутун воҳага гўё қон томиридек дарёдан бошланган сунъий каналлардан

тарқалған катта-кичик ёб (ариқ) ва солмалар, экинзор далаларга ҳаёт бағишилаб, шилдираға оқаётгандың сувлар, ариқларнинг этакларида түпланған балиқли күл ва күлчалар.

Маълумки, Хоразм воҳасида Ўрта Осиёning энг катта дарёси Аму дельтаси жойлашган. Бу дельта жуда ҳам кенг бўлиб, эллик минг квадрат километрга яқин майдонни ишғол қилиб ётади. Унинг шимоли-ғарбида Уст-юрт тепалиги, шарқда Султон Увайс тоги ҳамда Қизилқум, жанубда ва жануби-ғарбда Қорақум саҳролари ўраб олган.

Амударё дельтаси бутун Евроосиёда энг катта бўлиб, Волга дельтасига нисбатан уч ярим ҳисса, қадимги Нил дельтасига нисбатан икки ҳисса кўпроқ майдонни эгаллайди. Дельта тупроғи унумли бўлиб, дехқончилик учун жуда ҳам қулай. Бу ҳудуд иқлими эса Ўзбекистоннинг бошқа ерларига қараганда кескин континентал иқлим ҳисобланади, яъни ёзи жуда иссиқ, қиши эса анча совуқ келади, ҳатто кечки ҳарорат билан кундузги ҳарорат ўртасида ҳам анчагина фарқ бўлади. Йилнинг беш ойи (май-сентябрь) давомида ҳарорат ўрта ҳисоб билан 20° дан юқори, июль ойида эса $26-30^{\circ}$ иссиқ бўлиб туради. Қиши Ўзбекистоннинг бошқа районларига қараганда анча узоқроқ бўлиб, баъзан совуқ $-31-32^{\circ}$ га ётади. Енгирчиликнинг жуда ҳам кам бўлиши туфайли йилнинг кўп қисми қурғоқчилик билан ўтади.

Кескин ўзгарувчан иқлимли Хоразм табиати ўзининг қуруқлиги билан маҳаллий аҳолига асрлар давомида бир қатор қийинчилклар туғдирган. Бинобарин, Хоразм дехқончилиги Ўрта Осиёning бошқа районларига нисбатан анча кўп меҳнат талаб қиласиди.

Хоразм воҳасида яшовчи турли элат ва халқлар бу гўзал ўлкани чин қалбдан севиб, ўз куй ва қўшиқларида, афсона ва ривоятларида, эртак ҳамда достонларида воҳанинг табиий-географик шароитлари, шунингдек унда яшовчи уруғ-аймоқ ва қабилалар ўтмиши, уларнинг хўжалик фаолияти, урғ-одатларини тараннум этиб келгандар. Тарихий манбалардан ўрин олган айрим ривоят ва афсоналарда Хоразмнинг пайдо бўлиш тарихи ҳам ўз ифодасини топган.

Хоразмликлар тўғрисидаги ривоят, эртак ва ҳикояларда келтирилган маълумотларда воҳа аҳолиси турли уруғ ва қабилалардан ташкил топганлиги айтилади. Хоразм ҳудудида ўтказилган археологик ҳамда палеантропологик текширишлар бу фикрни тасдиқлайди.

Антраполог Т. А. Трофимова ибтидоий ва антик даврга оид бўлган калла суюкларини текшириб, қадимги хоразмликларнинг тузилишида бир томондан Жанубий Европадаги саҳро, бронза маданиятига хос, иккинчи томондан, яъни Шарқ ва Шимолий Ҳиндистон аҳолиси, яъни қадимий ирқлардан дравидоидларга хос алломатлар борлигини исботлаб берди.

Қадимги грек тарихчиси Страбон хоразмликларни массагет қабилаларининг бир тури деб таъкидлаб ўтади. Маълумки, массагет ёки сак қабилаларининг йирик иттифоқи бутун Хоразм воҳасида яшаган. Бу ярим кўчманчи ва кўчманчи қабилалар воҳаларда яшовчи халқлардан ажралиб чиққани сабабли уларнинг урф-одати ва тили бир-бираға анча яқин бўлган. Шунинг учун ҳам Страбоннинг айтгани тўғри бўлса, ажаб эмас. Массагет деган сўзни "улуг' гетлар" ёки "катта саклар ўрдаси" деб таржима қилиш мумкин.

Шундай қилиб, Ўрта Осиёning кенг майдонида массагет иттифоқи узоқ давр ҳукм сурган.

Шуни қайд этиб ўтиш лозимки, "Хоразм" атамасининг маъносини жуда кўп олимлар ўзларича тушунтиришга интилганлар. Шу боис "Хоразм" сўзи тарихий манбаларда ҳар хил ёзилиб келинган. Масалан, энг қадимги Ўрта Осиёга оид диний асарлардан бири зардушт (оташпарастлик)нинг муқаддас китоби "Авесто"да — Хвайризем, грек ва лотин тилларида — Хорасмиё, қадимги форсчада — Уварзмиш, арабчада — Хваризм, VII асрга оид Хоразм тангаларида — Хварзм деб юритилган. Лекин олимларнинг кўпчилигига бу сўзниг иккинчи бўғинини таржима қилишда анча ўхшашлиқ бор. Улар охирги бўғинини "узем" ёки "зм"ни форс сўзи "замин" билан боғлаб "ер" ёки "тупроқ" деб таржима қиласилар. Шунинг учун баъзи бир олимлар Хоразмни "паст текис ер", айримлари "серунум ер", деб таърифлайдилар. Ўтган асрда яшаган рус шарқшуноси Савельев Хоразмнинг биринчи бўғинини форсча "ҳур", яъни "қуёш" сўзи билан боғлаб "қуёшлиқ ер" деб таржима қиласиди. Машҳур шарқшунос олим, тарихчи С. П. Толстов фикрича, бундай изоҳлаш ҳақиқатга анча яқин.

Ал-Мақдисий берган маълумотга кўра, хоразмликлар X асрда ўзига хос маданиятга эга, дарё соҳиллари икки томондан (яъни Хурросон ва Хайтал) аҳолисидан урф-одатлари, тили, характеристери ва түфма сифатлари билан фарқланадилар. Унинг таърифича, Аллоҳ уларга арzonчилик ва

ҳосилдорлик ато этган, уларни ўқимишли ва ақл-идрокли қылган. Улар меҳмондўст, жасур ва урушда метиндек, ўзига хос феъл-атворга эга бўлганлар. Мазкур ривоятда хоразмликларнинг бошқа элатлар билан аралashiши натижасида келиб чиққанлиги, уларнинг этногенезида аллақандай келгинилар иштирок этганлиги тўғрисидаги маълумот муҳим аҳамиятга эга. Шуни ҳам алоҳида қайд этиш лозимки, Ал-Мақдисий ривоятидаги сюжет тарихий манбаларда афсона тарзида сақланиб қолган.

Тарих фанининг отаси Геродот ва бошқа кўпгина қадимги грек муаллифларининг асарларида ҳам Окс, яъни Амударё бўйида яшовчи халқлар тўғрисида мароқли афсоналар келтирилади. Қисман юқорида айтиб ўтганимиздек, жуда кўп араб ёзувчиларининг асарларида, Чингизхон ва Темур даврида ёзилган кўп жилдлик солномаларда, рус тарихчилари солномаларида ҳам қудратли Хоразмга тегишли ҳар хил қимматли ҳикоялар муносиб ўринни эгаллайди. Хоразм довруғи кўп асрлар давомида Шарқда забардаст Чинмочин давлатидан тортиб, ғарбдаги Буюк Рум империясигача ёйилган бўлиб, кўплаб давлатларнинг диққат-эътиборини ўзига жалб қилиб келган. Антик даврдан бошлаб бутун ўрта аср давомида Хитой, ғарбий Европа ва яқин Шарқ мамлакатларидан Хоразмга жуда кўп сайёҳ ва элчилар келиб кетган. Афсоналарда бой ва гўзал деб таърифланган бу ўлкани босиб олиш учун ахмоний шоҳлари ва македониялик Искандарнинг қилган юришлари, кучли эфталит ва турк ҳоқонларининг босқинчилик ҳужумлари, қудратли салжуқийларнинг истилоси ва ҳукмронлиги, қорахитойлар билан бўлган ғолибона урушлар илк ўрта асрларда ҳам Хоразм жаҳонда кўзга кўринарли ўрин тутганлигини тасдиқлади.

Айниқса, Хоразм империясининг мўғул босқинчилари зарбасига учраганга қадар ўзининг буюклигини сақлаб келганлигини тарихий обидалар тасдиқлади. Археологик тадқиқотлар Ўрта аср Хоразми иқтисодий юксалиши жараёнини асосли ёритиб берган. Кўҳна харобаларни текшириш натижасида бу ўлкага хос катта сув иншоотлари, қальъалари, ўнлаб карвонсаройлари, шаҳарлардаги ҳаёт, ҳунармандчilik ва савдонинг гуркираб ўсиши, санъатнинг шукуҳли ривожи кўз ўнгимизда очиқ намоён бўлади. Ўрта асрларда мўғуллар истилоси арафасида бу ерга келган машҳур араб сайёҳи ва олимни Ёқут ўзининг ажойиб илмий қомусида шундай деб ёзади: "Хоразм ерларидай кенг ва аҳоли кўп яшайдиган жой дунёning ҳеч бир ерида бўлмаса

көрак, деб ўйлайман; бунинг устига аҳолиси машаққатли ҳаётга ва оз нарсага қаноат қилишга ўрганиб қолган. Шу билан бирга бу ерларда умумий хавфсизлик ва хотиржамлик ҳукмрондир."

Аммо кетма-кет талон-торож қилинган йирик шаҳар ва қишлоқлар, харобага айланган, аҳолисининг анча қисми қирилган, ҳайдалган ёки қул қилинган Хоразм XV—XVII асрларда оғир тушкунликни бошидан кечирган. Чет эл истилочилари ва маҳаллий ҳукмдорлар ўртасидаги муттасил таҳт талашиш курашлари ва кўчманчи қабилаларнинг воҳага кетма-кет ҳужумлари мамлакатни оғир аҳволга солган.

Шундай фожиали вазиятда ҳам харобалардан қайта қад кўтариб тикланган Хива хонлиги ва унинг аҳолиси қадимий маданиятнинг мустаҳкам заминида қарор топган эди. Ўтказилган тадқиқотлар шуни кўрсатадики, оддий заҳматкаш хиваликлар — деҳқонлар ва ҳунармандлар ғоят мешаққатли бир шароитда эски суғориш иншоотларини қайта тиклаш ва янгиларини бунёд қилиш, харобалар ўрнида янги истеҳкомлар, кўшклар, боғу-бўстонлар яратишида катта жасорат кўрсатганлар.

Амударё қуви оқими воҳасида тарихчилар, археологлар ва этнографларнинг кўп йиллар давомида ўтказган самарали тадқиқотларига асосланиб хоразмликларнинг сон-саноқсиз харобалари сирларини, узоқ тарихини бир варақлаб кўрайлик.

Чексиз биёбон. Тўлқинланган денгиз манзарасини эслатувчи бепоён қум тепалар, қайси томонга қараманг, ҳаммаёқ дашту биёбон. Эрта кўкламда кимсасиз Қизилқум ва Қорақум саҳроларига ғалати чирой бериб турувчи рангбаранг ўт-гиёҳлар саратоннинг жазирама иссиғидан сарғайиб, қовжираб кетган. Теварак-атроф абадий сўнгнага ва мутлақо ҳаёт йўқقا ўхшаб кўринади. Лекин баъзан бепоён қумликлар орасида пайдо бўладиган туялар, ўт, янтоқ орасидаги югуриб чиққан калтакесаклар бу ерда ҳам ҳаёт борлигидан дарак беради.

Саҳро ичига тобора кириб борган сари яна ҳам бошқачароқ манзара кўзга ташлана бошлайди. Деярли ҳар қадамда ажойиб ва хилма-хил ишланган сопол идишлар синиқлари, мис ва темирдан ясалган буюм парчалари, бронзадан ишланган камон ўқларининг учлари, зирақ, билагузуклар, сарғишқизил лойдан ишланган сопол ҳайкалчалар, подшоларнинг расмлари солинган қадимий



Құм тағида қолған сирли харобалар

тангалар, хуллас, инсон қўли билан бунёд этилган хилмажил буюм қолдиқларини кўриш мумкин.

Қуёш ботаётган пайтда бу ерлар жуда чиройли кўринади. Мовий осмон остида қадимги қалъалар қад кўтариб турибди. Бу ажойиб ёдгорликларга диққат билан назар солар экансиз, ўтмишдаги қудратли давлатнинг қолдиқлари беихтиёр кўз олдингизда гавдаланади.

Лекин сон-саноқсиз харобаларнинг сири нимада? Қандай манбалар бу тилсимни еча олади?

Афуски, узоқ ўтмишда бу ерда яшаган халқлар ҳаётига оид деярли битта ҳам асар бизгача стиб келмаган. Айрим сайёҳларнинг ҳикоялари, грек тарихчиларининг тўлиқ бўлмаган маълумотларигагина асосланиб халқимизнинг исломга қадар кўп асрлик ҳаётини тўлиқ тасвирлаш мумкин эмас, албатта. Бинобарин, амалда бутун Ўрта Осиё тарихи, шу жумладан Хоразм тарихи ҳам VII—VIII асрлардаги араб истилоси давридан бошланар эди. Бунга асосий сабаб ислом динини тарқатувчи аҳлларнинг ўша даврда ўзга диндаги халқларни ўзига бўйсундириш йўлида олиб борган сиёсатидир. Хоразмнинг араб халифалигининг истилосидан илгариги тарихига оид илмий ва бошқа асарлар, уларни яратган маҳаллий олимлар араб истилочилари томонидан ваҳшийларча йўқ қилинган. Ўрта асрнинг машҳур мутафаккир олими Абу Райҳон Беруний бу тўғрида "Қадимги халқлардан қолган ёдгорликлар" деган асарида шундай ёзади: "Қутайба турли йўллар билан хоразмликларнинг ёзув ва ривоятларини сақлаган кишиларни ва шу қаторда барча олимларни тарқатди ва уларга барҳам берди. Натижада ислом келгунига қадар бўлган уларнинг тарихи қоронгулика айланиб, бу тўғрида ҳақиқий билим қолмади."

Шу сабабли охирги вақтларгача Ўрта Осиёда исломгача бўлган даврда қандай ижтимоий тузум бўлганлиги тўғрисида ниҳоятда мужмал, чалкаш ва қарама-қарши ҳар хил фикрлар ҳукм суреб келган.

Узоқ ўтмишнинг тилсиз шоҳиди бўлган ва чексиз саҳро ичиди қад кўтарган беҳисоб харобалар асрлар давомида халқнинг ажойиб эртак ва достонларида куйланиб келган, холос. Қорақум саҳролари ичиди ўрнашган дабдабали қалъалардан бирининг номи халқимизнинг севимли лирик поэмаси "Шоҳсанам ва Ғариф" достони билан боғлиқ. Ана шу ва бошқа кўргина достонларда учрайдиган Ширвон, Ёрбакир, Бадиркант, Қирққиз каби сўзлар билан маҳаллий аҳоли кўҳна харобаларни атайди. Аммо айрим қалъалар-

нинг ҳозир халқ оғзисида тарқалган номлари кишида даҳшат ва қўрқинч туғдирали. Қўйқирилганқалъя, Одамлиқалъя, Қумбосганқалъя, Қумқалъя, Тупроққалъя каби харобаларнинг номи бу ерларда узоқ вақтлардан бери ҳаёт сўнгандилигидан, табиатнинг жоҳил кучлари остида бир қанча фожиали воқеалар бўлганлигидан дарак беради.

Демак, археологлар олдида Қизилқум ва Қорақум саҳролари орасида, Амударёning қўйи оқимида жойлашган қадимги Хоразмнинг узоқ ўтмиш тарихини қайтадан тиклаш, тилсиз харобаларни сўзлатиш вазифаси турар эди. Тадқиқотчилар ихтиёрида ўтмишдан қолган жуда кам манбалар ва шу манбалар асосида ёзилган чет эл олимларининг айрим асарлари бор эди, холос.

Хоразм тўғрисидаги дастлабки маълумотлар Эрон шохлари томонидан қоя ва қабр тошларига ўйиб ёзилган зафарномаларда учрайди. Бу ёзмаларда Хоразм аҳмонийлар империясининг Ўрта Осиёдаги вилоятларидан бири деб кўрсатилади. Айнан шундай маълумот тарих илмининг отаси машҳур грек тарихчиси Геродот асарларида ҳам мавжуд. Геродот ёзишича, Хоразм Дорий давлатига қарам бўлиб, унга солиқ тўлаб турган. Ҳатто Эрон шоҳи Ксеркснинг Грецияга қилган юришида ҳам хоразмликлар иштирок қилганлар. Эрамиздан олдинги V асрларда эса аҳмонийлар давлатининг айрим вилоятларига хоразмликлардан раҳбар тайинланган.

Хоразм фақат эрамиздан аввалги IV асрга келибгина мустақил бир давлат сифатида тарих саҳифаларидан ўрин олади. Грек тарихчилари Арриан ва Курцийнинг ёзишича Хоразм шоҳи Форсмонни 1500 отлиқ қўшин билан эрамиздан илгариги 329—328 йилларда Бақтрияга келган Македониялик Искандар билан учрашиб, ундан иттифоқдош бўлишни сўраганилигини хабар қиласилар. Страбон асарларида греклар билан урушда енгилиб Хоразмга қочиб қутулган Суғд мамлакатидан чиққан халқ қаҳрамони Спитамен ҳақида сўз юритилади. Эрамиздан олдинги II—I ва эрамизнинг VIII асрларига оид айрим маълумотлар Хитой манбаларида ҳам учрайди.

Хоразмнинг қадимги даврига оид жуда ҳам муҳим тарихий лавҳалар маҳаллий ва араб муаллифларининг асарларида ҳам мавжуд. IX—XII аср муаллифларидан Ибн Хўрдадбех, ал-Балхий, ал-Истаҳрий, Ибн Ҳавқал, ал-Масъудий, ал-Мақдисий, Ёқут сингари йирик географ ва саёҳатчилар, машҳур энциклопедист олим ал-Беруний, буюк табиб Ибн Сино, улуғ математик ал-Хоразмий, этно-

граф, географ, тарихчи Абу саъд Абдулкарим ва бошқа олимларнинг асарларида қадимги Хоразмга оид маълумотлар бор.

Шулардан энг қимматлиси хоразмлик мутафаккир Берунийнинг бизгача етиб келмаган "Хоразм тарихи" дир. Бу ажойиб асардан айрим парчалар фақат қўшни мамлакатда тарихчиларнинг асарларида сақланиб қолган.

Айтиб ўтилган манбаларнинг асосий камчилиги шундан иборатки, уларга асосланиб антик Хоразмда қандай ижтимоий тузум бўлганлиги, бу ерда яшовчи халқларнинг моддий ва маънавий турмуши хусусида тўлиқ тасаввурга эга бўлиш мумкин эмас. Шунга кўра, чет эл олимлари антик Хоразм ва бутун Ўрта Осиё қадимдан феодализм тузуми билан боғлиқ бўлган ва бу ерда қулдорлик формацияси бўлмаган, деган фикрни билдирганлар. Бундай нотўғри фикрлар машҳур рус шарқшуноси академик В. В. Бартольд ва бошқа тадқиқотчиларнинг асарларида ҳам мавжуд. Аммо кўп олимлар, жумладан, К. А. Иностранцев, Н. Веселовский, П. Лерх, В. В. Тарн ва бошқалар қадимги Хоразм тарихини тушунишга интилганлар.

Кейинги даврда археологик текширишлар кўлами анча кенгайди. Бу текширишлар натижасида Ўрта Осиё, шу жумладан, Хоразм халқларининг энг қадимги давридан то XIX асргача бўлган давр ичида босиб ўтган тарихини аниқлаб олишга муюссар бўлдик.

Ўрта Осиё, жумладан, Ўзбекистон ҳудудидаги археологик тадқиқотлар асли асримизнинг 30-йилларидан бошлаб авж олди. Бу ишни собиқ СССР Фанлар академиясининг Ўрта Осиё республикаларидағи филиаллари, Ленинград ва Москвадаги илмий ташкилотлар, алоҳида Моддий маданият тарихи академияси (ҳозир Россия Фанлар академиясининг Археология институти), Шарқ маданияти Музейи каби ташкилотлар олиб борган.

Г. В. Григорьевнинг 1934 йилдан бошлаб бир неча йил давомида Тошкент атрофидаги ёдгорликларни ва Самарқанд яқинидаги антик даврга оид обидаларни қазиб текширишлари натижасида яхши натижалар қўлга киритилди. М. Е. Массон раҳбарлигидаги (1936—1938) Термиз комплекс экспедицияси ва унинг 1939 йилдаги Катта Фарғона каналида ишлаган экспедицияси муҳим текширишлар ўтказди. В. А. Шишкуннинг 1937 йилда Бухоро воҳасининг ғарбий қисмида, А. И. Тереножкин, Р. Н. Нашибев ва бошқаларнинг 1939—1940 йилларда Тошкент

яқинидаги Оқтепа ҳамда Тошкент каналида ўтказган текширишлари ҳам муҳим аҳамиятга эга. Сурхондарёнинг Бойсун тоғларидаги 1938 йилда А. П. Окладников тадқиқ қилган илк тош даври (палеолит)га оид макон жаҳон фанига қўшилган зўр ҳиссадир.

Урушдан кейинги даврда Ўрта Осиёда яна кенг миқёсда археологик текширишлар олиб борилди. Атоқли тарихшunosлар А. А. Фрейман, А. Ю. Якубовский томонидан кўп йиллар давомида олиб борилган ишлар ва А. Л. Беленицкий раҳбарлигидаги катта Тожикистон экспедицияси, М. Е. Массон бошчилигидаги Жанубий Туркманистон экспедицияси, Ўзбекистон археологлари Я. Ф. Гуломов, В. А. Шишкин раҳбарлигидаги ҳамда кўпгина бошқа экспедицияларнинг самарали ишлари натижасида ўлкамизнинг тарихи янгидан-янги саҳифалар билан бойиди. Мазкур экспедицияларнинг ишлари самарали амалга ошишида рус олимларининг хизматини алоҳида қайд қилиш лозим. Ўзбекистон Фанлар академиясининг эллик йиллик юбилейидаги нутқида Президентимиз Ислом Каримов Россия олимларининг Ўзбекистонга, ўзбек халқига замонавий фанни бунёд этиш борасида кўрсатган ёрдамларини алоҳида таъкидлаб ўтсак арзиди, деб таъкидлаган эди.

Собиқ СССР Фанлар Академияси ва Германия Демократик Республикаси Фанлар академияси мухбир аъзоси, Ўзбекистон Фанлар академиясининг фахрий академиги, профессор Сергей Павлович Толстов бошчилигига машҳур Хоразм археология-этнография комплекс экспедицияси Ўрта Осиё, жумладан Хоразм воҳаси халқлари қадимий тарихини ўрганишда катта аҳамиятга эга бўлди.

Ислом дини Ўрта Осиёга келгунгача даврни, яъни қадимги Хоразмни биринчи марта ўзбек археологлари Я. Гуломов ва Т. Мирғиёсовлар текширган. Улар 1936 йилда Манғит қошидаги Кубатов тепалигидаги эрамиздан илгариги биринчи минг йилликнинг ўрталарига оид қабристонни қазиб кўрганлар. Бир йилдан кейин Я. Гуломов Жанубий Қорақалпоғистондаги қадимги суғорилган ерларни текширишга қайтадан киришган.

Ўша йили Хоразм экспедицияси шу ҳудудда ўзининг кенг фаолиятини бошлаган эди. Экспедиция раҳбари С. П. Толстов ҳам ажойиб археологик дурдоналарга эга бўлган бой казина — Хоразмга биринчи марта 22 ёшда — 1929 йилда Ижтимоий фанлар илмий текшириш институти Россия ассоциациясининг экспедицияси таркибида келганди.

Моҳир тадқиқотчи С. П. Толстов бепоён қум дарёси ўртасида йўқолиб кетган бу ўлкага жуда қизиқиб қаарди. Бу ишда у ёлғиз эмасди. С. Толстовнинг шогирдлари анчагина эди. Шулар қаторида мен ҳам борлигимдан фахрланиб юраман. Устозим С. П. Толстов менга ўзининг мураккаб ижод йўлини ҳикоя қилиб берарди.

Даҳшатли гражданлар урушининг серташвиш йиллари. Ота-оналаридан маҳрум бўлган минглаб етим болалар очялонғоч. Ўша оғир дамларда ташкил этилган болалар уйлари етим-есирларни ўз қучогига олган. Шундай уйларнинг бирида яшаб, ўқиб тарбия олган Сергей "инсониятнинг порлоқ келажаги учун" курашда фаол иштирок этиш орзусида эди. Бу орзу унинг келажагини белгилаб берганди.

С. П. Толстовнинг ҳаёт фаолияти М. В. Ломоносов номли Москва Давлат университети билан бевосита боғлиқ. Бу илм даргоҳида ушбу сатрлар муаллифи ҳам С. П. Толстовдек истеъодли устоздан таълим олиш шарафига мусассар бўлган. Ўша вақтда С. П. Толстов этнография кафедраси мудири лавозимида ишлаб, дарс ҳам берар эди.

Дастлабки таассуротларим университетнинг бош корпусида етакчи олимлар ўқийдиган лекциялар билан боғлиқ. Эсимда, бир куни бизнинг курс талабалари учун этнография фанидан лекция бўлиши керак эди. Унга ҳатто бошқа факультетлардан ҳам талабалар келишган. Зал лиқ тўла. Ўша куни лекцияни атоқли этнограф ва шарқшунос олим Сергей Павлович Толстов ўқиши керак эди. Унинг майин овози, сермазмун нутқлари ҳамон менинг қулоғимда янграйди. Ўша пайтларда нафақат мен, бошқа талабалар ҳам бундай жўшқин донишманд домланинг шогирди бўлишни орзу қилган эди.

Юқори курсда ўқиётган вақтимда кафедра мудири вазифасини адо этаётган, айни вақтда Н. Н. Миклухо-Маклай номли этнография институти директори, профессор С. П. Толстов мени хоразмлик эканимни билиб, йўқлатган экан. У мени ўзи бошчилик қилаётган катта экспедицияда хизмат қилишга, таржимонлик ёки лаборантлик вазифасини бажаришга таклиф этди. Мен ҳам бу таклифдан қувониб, "Сергей Павлович, илтимос, менга илмий раҳбар бўлсангиз, барча топшириқларингизни бажаришга тайёрман", — дедим.

Кейинчалик С. П. Толстов мени ўзи билан Хоразм экспедициясига олиб кетди. Экспедиция давомида бўлиб ўтган сермазмун суҳбатлар келажак илмий тақдиримни аниқ ҳал



Хоразм экспедициясининг бошлиги профессор С. П. Толстов ўз шогирди И. Жабборов билан Қизилқумда археологик разведка вақтида

қилиб берди. Мен тарих факультетини тугаттагач, у кишининг раҳбарлигига аспирантурада ўқишга мұяссар бўлдим.

Бундай истеъодд эгаси, оташин нотиқ, Хоразм обидаларини кўп йиллар давомида текшириб жаҳонга танитган катта олимга шогирд бўлиш катта баҳт. Мен ўз олдимда турган масъулиятни яхши англар эдим. Шунинг учун ҳам барча куч-ғайрат ва имкониятимни устоз маъқуллаган режа асосида ишлашга сафарбар қилдим.

Албатта, мени кўпроқ домламнинг илмий изланишлари, унинг Ўрта Осиёга қандай келиб қолганлиги, нима учун Шарқ тарихи ва этнографиясини танлаганлиги жуда ҳам қизиқтирас эди. Устоз ўз хотираларида шундай ёзади:

"Мен болалик чоғларимдаёқ, этнография билан — Ер куррасидаги барча халқларнинг маданияти ва ҳаётини ўрганувчи фан билан шуғулланишга аҳд қилдим. Этнографияга оид китобларни, айниқча XIX асрнинг машҳур олими Элизе Реклюнинг ажойиб асарларини, халқлар томонидан яратилган қадимий улуғвор ёдгорликларга оид саҳифаларни қунт билан мутолаа қилдим. Қадимий саройлар ва ибодатхоналарнинг вайроналари ҳамда бошқа кўпгина ёдгорликларга бағишиланган саҳифалар менда зўр таассурот қолдирди. 20-йиллар охирларига келиб ўзим

севган соҳанинг илмий ходими бўлиб олгач, мен этнографиянинг ниҳоятда кўп муаммолари ичидаги ўша вақтда жуда кам ўрганилган Ўрта Осиё этнографиясини, шу жумладан, Хоразмнинг қарийб мутлақо ўрганилмаган этнографиясини танлаб олдим. Бу борада қилиниши лозим бўлган ишлар беҳисоб эди...

Хоразмга боришимнинг бошқа боиси ҳам бор эди. Талабалик йилларимда аксари Волга бўйи халқлари этнографияси билан шуғулландим. Бу халқларнинг моддий ва маънавий маданиятларини ўрганиш жараёнида ўша вақтдаёт мен бир нарсага эътибор берган эдим: бу халқлар маданиятигининг талайгина элементлари қадимги замонларда ўнинг Ўрта Осиё билан алоқалари бўлганлигидан далолат берарди. Мамлакатимиз халқлари ўртасидаги қадимий тарихий алоқалар бизнинг кунларимизда халқлар дўстлигини янада мустаҳкамлашга, миллатлар ўртасидаги ўзаро ишончсизликни батамом тугатишга хизмат қилиши керак эди. Миллий маданиятларнинг бир-бири билан яқинлашув жараёнини ўрганиш учун шу соҳага оид китобларни ўқиб чиқиши ва музей экспонатлари билан танишишнинг ўзи камлик қилган бўлур эди. Энг муҳими, ўша жойларга ўзим боришим, Хоразмнинг жонли маданиятини ўз кўзим билан кўришим, шундан кейингина муҳим тарихий-маданий хуносаларга келишим керак эди."

С. П. Толстовнинг Хоразмга қизиқишига яна бир муҳим сабаб бор эди. Узоқ вақтлар гарб фани Шарқ тарихини ҳаддан ташқари чалкаштириб, шарқ халқлари прогрессив тараққиётини инкор этувчи, Шарқ мамлакатлари азалдан сира бартараф қилиб бўлмайдиган турғунликка маҳкумдир, деган сохта даъволар тарқатган эди. С. П. Толстов шарқ халқлари ҳам мураккаб тараққиёт йўлини босиб ўтганликларини, улар ҳам ижтимоий-иқтисодий тузумларни бошидан кечирганликларини, тарих шарқ бошқа-ю, гарб бошқа деган гапни билмаслигини исботлаш учун зўр умидлар билан Хоразмга йўл олади.

С. П. Толстов бу ўлкани севар, унинг тарихий қимматини яхши тушунар эди. "Қадимги Хоразм" деган монументал асарида шундай деб ёзади: "Бу экспедиция муаллифнинг келажакда қиласидиган ишларининг йўналишини белгилаб берди. Хилма-хил тасодифий вазифалар унинг эътиборини ҳар қанча чалғитмасин, бари бир ўзига хос Ўрта Осиё "Мисри"нинг тарихи, этнографияси ва археологияси билан қизиқди.

То 1936 йилга қадар мен Хоразм воҳасининг ва унга чегарадош жойларнинг ҳозирги аҳолиси ҳаёти билан машғул бўлиб, асосан, этнографияга оид материал тўпладим. 1937 йилдан бошлаб, гарчи Хоразмни ва унинг теварак-атрофидаги чўлларни этнографик жиҳатдан текширишни давом эттираверган бўлсам-да, тадқиқотларимда асосий эътибор ажойиб археологик ёдгорликларга қаратила бошлади. Археология материаллари ҳам, этнография материаллари ҳам мен кутган натижаларни берди».

С. П. Толстов бошчилигига ўша йиллари олиб борилган археология-этнография соҳасидаги кенг кўламдаги ажойиб кашфиётлар, юқорида қайд қилинганидек, фақат илмий-назарий жиҳатдангина эмас, балки амалий жиҳатдан ҳам катта аҳамиятга эга. Экспедиция ходимлари иккинчи жаҳон урушига қадар илмий разведка олиб бориб, сувсиз Қорақум ва Қизилқум саҳроларида тұяда ва пиёда юзлаб километр масофани босиб ўтганлар. Бу жасурона юриш натижасида маълум бўлмаган сон-саноқсиз тарихий ёдгорликларни кашф қилиб, уларни текширишга киришган эди. Аммо тинч ҳаётимизни бузган уруш туфайли тадқиқотчи-олимлар илмий фаолиятларини вақтинча тўхтатиб, қўлга қурол олиб, азиз Ватанни ҳимоя қилишга отландилар. Экспедиция бошлиғи оташин ватанпарвар С. П. Толстов ҳам ўзининг гражданлик бурчини адо этиб, қонли курашда бевосита иштирок қилди.

Уруш ғалаба билан тугаб, жаҳонда тинчлик таронаси янграй бошлагач, археологларимиз ҳам ўзларининг саҳро томон юришларини ҳар қандай шароитда юра оладиган (вездеход)лар ва авиация ёрдамида қайтадан бошлаб юбордилар. Бир неча отряддан иборат бу машҳур экспедиция шарқда Сирдарё ва Марказий Қизилқумдан, ғарбда то Каспий денгизининг шарқий ва жанубий қирғоқларигача бўлган кенг ҳудудида ибтидоий жамиятдан бошлаб ўрта асрнинг охирларигача бўлган даврларга оид кўп ёдгорликларни текшириди. Шундай қилиб, археологларимиз олдида жуда ҳам бой туганмас тарихий дурдоналарга эга очиқ музей пайдо бўлган эди. Афсонавий ёдгорликлар ва обидалар хазинасига айланган бу кимсасиз чўли-биёбон тадқиқотчиларга ўз сирларини бирма-бир очар ва уларга ўтмиш воқеаларидан сўзлаб берарди.

Мазкур экспедициянинг кўп йиллик самарали меҳнати туфайли яратилган тадқиқотлар бир неча жилдлик қимматбаҳо илмий асарларни ташкил қиласиди. Бу асарлар бепоён Хоразм воҳасида яшовчи халқ ва қабилаларнинг

ибтидоий жамоа тузуми давридан, антик қулдорлик тузуми оша сўнгти феодализм давригача бўлган тарихий ривожланиш жараёнини кузатиш имконини беради. Шу билан бирга бир қатор қадимги суғориладиган ерларни кенг тадқиқ қилиш натижасида С. П. Толстов ва унинг жасур ҳамкаслари ҳозирги даврда шу районларда қўриқ ерларни ўзлаштириш учун ниҳоятда муҳим бўлган амалий хуласалар қилишга мусассар бўлдилар.

Бу экспедиция Хоразмнинг энг асосий кўп қатламли обидаларида доимий қазиашма ишлари олиб бориш билан бирга қадимги суғориладиган райондаги барча ҳудудларда разведка ишлари, шу жумладан, турли картографик ишлар ҳам ўтказган эди. Археология фани тажрибасида биринчи марта экспедиция ишида аэрофотограмметрик услубнинг қўлланилиши ва тадқиқотларда атоқли неоморфолог М. С. Кесънинг иштирок қилиши туфайли жуда ҳам муҳим кашфиётлар қўлга киритилган эди.

Машҳур Хоразм экспедициясининг дастлабки ўн йиллик иш натижалари кўргина шарқ ва ғарб тилларини эгаллаган зўр қобилиятли тадқиқотчи С. П. Толстовнинг "Қадимги Хоразм", "Қадимги Хоразм маданиятини излаб" номли мукаммал монографияларида мужассам ўз ифодасини топган. Бу асарлар илмий жамоатчилик томонидан юксак баҳоланиб, биринчи даражали Давлат мукофотига мусассар бўлган эди. Юқорида зикр қилинган китобларнинг иккинчиси чех, поляк, румин, венгер, немис, француз, урду ва бошқа тилларда, 1964 йили эса ўзбек тилида босилиб чиқди.

С. П. Толстов кашфиётларининг энг муҳими шундан иборатки, у халқимизнинг узоқ ўтмишдаги номаълум бутун бир тарихий даврини тўлиқ гавдалантириб берди. Хоразм ҳудудида неолит ва бронза даврларига оид кўп сонли ибтидоий маконларнинг топилиши археология фанида янги саҳифа очди. Кашф этилган неолит давр маконлари ичida жаҳон фани томонидан тан олинган Калтами-нор маданияти алоҳида ўринни эгаллади. Нисбатан юқори даражада тараққий этган бронза даврига оид Тозабоғён маданияти қазиашмаларининг Сибирь ва Қозогистонда топилган Андронов маданиятига яқинлигининг аниқланиши

1

С. П. Толстовнинг таржимаи ҳоли ва у раҳбарлик қилган экспедициянинг кўпқиррали фаолияти тўғрисидаги батафсил маълумотлар қўйидаги рисолада мавжуд: И. Жабборов, Фанга бағишлиланган умр. Т. "Фан", 1987.

ушбу ҳудудларда яшаган халқлар ибтидоий жамоа тузуми даврларидан бері ўзаро муносабатда бўлганлигини исботлаб берди.

Хоразм экспедициясининг қилган кашфиётлари Ўрта Осиё тарихидагина эмас, балки жаҳон тарихида ҳам катта аҳамиятга эга. Бу кашфиётлар фарб олимларининг Ўрта Осиё ҳудудида "исломгача даврда" феодализм тузуми ҳукмрон бўлган деган фикрни рад қиласди. Тадқиқотчилар Ўрта Осиёда, Хоразмдаги мавжуд кўпгина шаҳар ва қальалар, жуда катта канал ва ариқлар, бепоён экинзорлар, ибтидоий иш қуроллари — озод деҳқонлар кучи билан эмас, балки ҳукмрон синфга бутунлай тобе бўлган қулларнинг меҳнати туфайли пайдо бўлиши мумкинлигини тасдиқлаб берди. Маълумки, илк феодализм даврида, яъни IX—XII асрларда бутун Ўрта Осиёда, шу жумладан, Хоразмда фан ва маданият гуркираб ўсган ва жаҳонга Абу Али ибн Сино, ал-Беруний, ал-Хоразмий, Нажмиддин Кубро, аз-Замахшарий каби машҳур сиймоларни етказиб берди. Бундай маданият узоқ даврлар мобайнида шаклланниб келаётган бир ижтимоий замин асосида пайдо бўлиши мумкин. Асрлар давомида ҳукм суриб келган қулдорлик тузуми ана шундай замин бўла олади. Бу фикрни маълум маънода бошқачароқ тарзда талқин этиб, Ўрта Осиёда шаклланган антик замон қулдорлик жамияти бўлмагандан, ўрта асрларда пайдо бўлган қудратли Хоразм давлати, унинг гуллаган санъати, замонасига нисбатан илғор фани ҳам бўлмас эди, десак хато қилмаган бўламиз.

Хоразм ва бошқа экспедициялар Ўрта Осиё халқлари-нинг қадимги даврда ўзига хос мустақил маданиятга эгалигини аниқ кўрсатиб берди. Бунинг натижасида баязи бир фарб олимларининг ирқий назария асосида "цивилизациялик Фарбни" "варварлик Шарққа" қарама-қарши қўйиш учун қилган интилишларига янгидан қатъий зарба берилди. Шу билан бирга айрим сохта "тарихчи"ларнинг гўё Ўрта Осиё халқлари тарихий халқ "эмаслиги", уларнинг маданияти Эрон ва бошқа мамлакатларнинг маданиятига "тобе эканлиги" ҳақидаги даъволари фош қилиб ташланди. Экспедиция рад қилиб бўлмайдиган бой далиллар билан Шарқ халқлари, шу жумладан Ўрта Осиё халқлари ҳам худди Фарб мамлакатлари халқлариdek умумий тарих қонунлари асосида тараққий этганлигини исботлаб берди. Хоразм тарихи, унинг ажойиб маданияти ўз ҳудуди билан чекланиб қолмай, анча ташқарига чиққанини, Хоразм билан Ўрта ер денгизи бўйидаги қадимги давлатлар,

Шарқий Европа, Ҳиндистон, Хитой ва айрим Узоқ Шарқ мамлакатлари ўртасидаги қадимий иқтисодий ва маданий алоқалар мавжуд бўлганини, ҳаттоқи аждодларимизнинг бу мамлакатларга маълум даражада ўз таъсирини ўтказганлигини ёрқин тасвиirlаб берди.

Ўрта Осиё, шу жумладан Хоразм ҳам қишлоқ хўжалиги бой бўлган ўлкалардан биридир. Баъзи бир тадқиқотчилар бу гўзал ўлкада узоқ ўтмишда фақат кўчманчи, ваҳший қабилалар яшаган деб ҳисоблайдилар. Экспедиция қатнашчиларининг кўп йиллик самарали ишлари натижасида Ўрта Осиё деҳқончилиги тараққий қилган ўлка бўлганлигини исботлади. Қизилқум ва Қорақум саҳроларида, Амударё, Сирдарё, Зарафшон, Мурғоб ва Тажан дарёларининг воҳаларида, Копетдоғ ва Фарғона водийсини ўраб олган тоғ этакларида топилган сон-саноқсиз кўҳна ҳаробалар, сунъий тепалар, катта-кичик ариқ ва далалар бўлганлигидан гувоҳлик берувчи нишоналар фикримизнинг тасдигидир.

Қадимги Хоразм деҳқончилиги қишлоқ хўжалиги экинларининг ниҳоятда турли-туманлиги билан ажralиб туради. Ўша даврларда, қазишмаларда топилган буюмларга биноан, ҳар хил дон экинлари экилган, боғдорчилик ва полизчилик ривож топган, ҳатто техника экинлари — ғўза, кунжут ва бошқалар экилган. Воҳанинг чекка жойларида ва Сирдарё этакларида фақат арпа, тариқ ва полиз экинлари ўстирилган. Бу ерларнинг хўжалиги комплекс характерга эга бўлган, деҳқончилик билан чорвачилик қўшилиб кетган, подада қорамол ва отлар салмоқли ўринни эгаллаган.

Ўрта Осиё халқларининг қадимдан мустақил, ўзига хос юқори маданиятга эга бўлганлигини яна бир кўрсатувчи далил — жуда ҳам кенг ҳудудларда кашф этилган ажойиб архитектура, санъат ва ёзув дурдоналаридир. Қадимги Нисада топилган фил суюгидан ишланган ритон (қадаҳ идиш), Хоразмнинг кўп жойида учрайдиган лойдан ва сополдан ясалган хилма-хил ҳайкаллар, Тупроққалъада топилган қадимги Хоразм ёзуви ва бой расм галереяси, Тоҷикистоннинг Мӯғ тоғида очилган сўғд даврига оид архив, Афросиёб, Болалиқтепа ва Панжикентда кашф этилган ҳар хил маросимларни тасвиirlовчи ажойиб ранг баранг расмлар, Айртом ва Варажшанинг гўзал ганч ҳайкал ва безаклари, бутун антик даврда қурилган ҳашаматли қалъаларнинг архитектураси — Ўрта Осиё халқларининг

қадимги аждодлари қанчалик юқори маданиятга эга бўлганликларини ёрқин кўрсатиб турибди.


Хоразм комплекс археология-этнография экспедицияси урушдан кейинги эллик йилга яқин давр ичида кенг миқёсда тадқиқотлар ўтказиши натижасида қўлга киритган муҳим илмий кашфиётлар С. П. Толстов яратган 400 га яқин илмий асарларда, айниқса, унинг юқорида тилга олинган "Қадимги Хоразм" ва "Қадимги Хоразм маданиятини излаб" номли китобларида, кўпжилдлик экспедиция тўпламларида ўз ифодасини топган.

Археолог, тарихчи, этнограф ва геоморфологларнинг комплекс тадқиқотлари туфайли узоқ вақтлар ғарб фани ечолмай келган Ўзбой муаммолари ҳам ҳал этилган. Фанда илгари маълум бўлмаган янги далиллар асосида Амударёнинг қадимги оқими анча тўлиқ аниқланди, дарё тошқинининг муттасил даврлари белгиланди, қадимги воҳаларнинг шўрланиш ва чўл-биёбонга айланиш сабаблари ўрганилди. Сўнгги комплекс тадқиқотлар ва археология-топографик текширишлар натижасида суғориш техникикаси ва ҳар хил этник гуруҳларнинг жойлашиш тарихига оид ниҳоятда бой материаллар тўплашга муваффақ бўлинди.

Таниқли ўзбек олимни академик Я. Ф. Гуломов С. П. Толстов тўғрисида шундай деб ёзган эди: "Ўзбекистон, умуман Ўрта Осиёнинг олис ўтмишини ўрганиш ҳақида гап кетганда, кўҳна тарихимизнинг етук билимдони, тарихчи, археолог ва этнограф, СССР ФА мухбир аъзоси, тарих фанлари доктори, профессор Сергей Павлович Толстов ҳақида гапирмай бўлмайди. Зотан, у мозий сирларини очишдаги тинимсиз ғайрат-шижоати, Ўрта Осиё тарихини ўрганишдаги салмоқли мавқеи билан... бутун дунёда тан олинган ажойиб олимдир. Сергей Павловичнинг фанга бахшида этилган ҳаёти ҳам чинакам илм аҳлига хос ва ибрат олса арзигулик даражада..."

Мен кўрган йирик экспедициялар ичида Хоразм экспедициясидек интизомли, серғайрат ва ҳаракатчан экспедиция бўлмаган. У гўё илмий тадқиқот институтига ўхшарди. Шунча илмий кучга эга бўлган экспедицияда С. П. Толстовнинг ўзи энг оғир ишларни биринчи бўлиб бошлаб берарди."

С. П. Толстов экспедициясининг ютуқларидан бири у кўп қатламли стационар қазилмаларни олиб бориш билан бирга қадимги суғориладиган райондаги барча ҳудудларда авиация ёрдамида, кенг автомобиль маршрутлари туфайли



Қадимий харобаларни авиация ёрдамида разведка қилиш

кенг миқёсдаги картографик ишлар ўтказиб, ноёб археологик план ва хариталар яратилғанлығынан. Авиамаршрутлар босиб ўтган йўл таҳминан 9.000 км масофани ташкил қиласди, бир неча минг фото расмларни ўрганиш орқали ноёб археолого-топографик материаллар тўплангандар, оқибатда 250 дан ортиқ қадимий шаҳар ва қишлоқлар кашф этилиб, тадқиқ қилингандар.

Юзлаб кўҳна харобаларни текшириб тилга киритган Хоразм экспедициясининг раҳбари С. П. Толстов Ўрта Осиёда урушдан олдинги ва кейинги йилларда ўтказилган тадқиқотларнинг натижаларини ҳам якунлаб, шундай ёзган эди: "Бизнинг Хоразмда иш олиб борган археология-этнография экспедициямиз олдида ҳам турган марказий илмий муаммо — ислом динидан аввалги Ўрта Осиёнинг ижтимоий тузуми масаласи эди. Бизнинг экспедициямиз тўплаган талай материаллар 1940 йиллар охирига келиб, бу муаммолар ҳал бўлди, деб ҳисоблаш имконини берди... Энди шу нарсани узил-кесил аниқланган деб ҳисоблаш мумкинки, Фарб ва Шарқ мамлакатлари сингари Ўрта Осиё халқларининг қадимги тарихи ҳам ибтидоий

жамоа тузумидан қулдорлик тузумига ва уйдан феодализмга прогрессив ривожланиш орқали ўтишдан иборат бўлган узундан-узоқ йўлни ташкил этади."

Азиз устознинг бундай теран ва доно хуносаси ҳозирги авлод учун тарихни замона хизматига қўйишнинг энг ёрқин ва ишончли намунаси эканлигини, исботлаб беради.

ҚАДИМИЙ ДАРЁ, КАНАЛ ВА АРИҚЛАР БЎЙЛАБ

Халқимизнинг сувсиз ҳаёт, меҳнатсиз роҳат бўлмас, деган нақли ниҳоятда чуқур маънога эга. Сув бўлмаса ер юзида ҳеч қандай ҳаёт бўлмаганидек, меҳнат бўлмаса, роҳат лаззати ҳам бўлмайди. Инсон иродаси билан жиловланган дарёлар инсон ҳаётининг манбаидир.

Жасур археологлар ва тарихчиларимиз олиб борган кўп йиллик тадқиқотлар кўрсатадики, Шарқ мамлакатларидаги қишлоқ жамоалари сув хўжалигининг, демак бутун деҳқончиликнинг ривожи учун курашганлар. Ўша даврда ҳокимиятларнинг асосий вазифаларидан бири — канал қазиш, дамбалар қурдириш, суғориш иншоотларини тозалатиш кабилардан иборат эди. Ўтмишда тез-тез содир бўлиб турган ижтимоий-иқтисодий ёки сиёсий тангликлар суғориш ишларига салбий таъсир қилиб, ўз навбатида мамлакат экономикасига путур етказган.

Узоқ йиллар давомида Хоразм суғориш тарихини ҳар томонлама ўргангандан С. П. Толстовнинг қайд қилишича, феодализм даври мобайнида ирригация шохобчаларининг қисқариб боришига қадимги ирригация маданиятининг негизи бўлган жамоа, қулчилик ва марказлаштирилган истибдоднинг емирилиши сабаб бўлган. Ҳақиқатан ҳам Хоразмда узоқ ўтмишда бунёдга келтирилган улкан сув иншоотлари ўрта асрга келиб феодал тарқоқлик, тож-тахт учун бўлган ўзаро курашлар ва вайронагарчиликлар натижасида барбод бўлган. Сурхондарё, Зарафшон ва бошқа дарёлар бўйидаги ҳавзаларда бунёдга келган ва ғуллаб-яшнаган қадимий воҳаларнинг чўл-биёбонга айланишига ҳам мана шу ижтимоий ва сиёсий воқеалар сабаб бўлган.

Жамият бирор талофат ёки тангликка учраса, уни табиат омилларига — дарёларнинг тошиб кетишига, қўмларнинг кўчиб юришига, тупроқларнинг шўр босишига, сув тошқинларига ва дарё ўзанларининг ўзгаришига йўйилар эди. Буларнинг ҳаммаси деҳқончилик билан шуғулланувчи аҳолининг бошқа жойларга кўчиб кетишига, маданий ер-

ларнинг кўплаб дашт-биёбонларга айланишига сабаб бўларди. Суғориш ишлари ривож топган давр давлатнинг сиёсий марказлашуви ҳамда мустаҳкамланиши даврига тўғри келиши тасодифий эмас.

Ўтмишдаги афсонавий ўлкага айланган, Европа ва Осиё мамлакатларидаги катта бозорларни ранг-баранг моллар билан таъмин қилиб турган қудратли ва бой Хоразм қандай мамлакат эканлигини билишга, бу узоқ сирли ўлка билан мунтазам равища савдо-сотиқ муносабатларини ўрнатишга кўп йирик давлат арбоблари интилиб келганлар. Уларнинг асосий мақсади ўша даврларда савдо учун энг арzon ва қулай сув йўлларини топишга қаратилган эди. Ўрта Осиё, жумладан Хоразм билан қадимдан бери яқин иқтисодий ва сиёсий муносабатда бўлиб турган йирик давлат Россия эди. Дастлаб мазкур мамлакатлар орасидаги савдо-сотиқни мустаҳкамлаш мақсадида илмий текширишларга таяниб Волга дарёси ва Каспий денгизи орқали Хоразмга сув йўлини ўtkазиш имкониятини топишга чор Россияси томонидан кўп уринишлар бўлган.

Волга дарёсининг пастки оқимидағи Астрахань шаҳри Пётр I замонида рус империясининг Шарқдаги энг катта савдо марказларидан бири эди. Астраханда Ўрта Осиёдан келган савдогарлар кўп бўлиб, улар қизғин савдо-сотиқ ишларини олиб борганлар. Рус давлати Шарқ мамлакатлари билан алоқаларини яна ҳам кучайтириш мақсадида ана шу давлатлар тўғрисида мукаммалроқ маълумотларга эга бўлишини истар эди. Бинобарин, 1713 йилда хоразмликлар Амударё қумларидан жуда кўп олтин ажратиб олмоқда, деган хабар рус савдогарлари ва давлат арбобларининг диққатини ўзига жалб қиласди. Бундай хушхабарни эшитган рус князи Сомонов ўз императори Пётр I ни хурсанд қилиш учун бу хабарни етказган Хўжа Непесни унинг олдига бошлаб боради. Хўжа Непес Пётрга Хоразмда олтин борлигидан ташқари Амударё бир вақтлар Каспий денгизига қўйилганини ва унинг ҳозиргача эски ўзани борлигини гапириб беради. Хўжа Непес экспедиция ташкил қилишни таклиф қилган ва бу тадбирни ўtkазишда туркман қабилалари ёрдам кўрсатади, деб ваъда берган.

Ўша вақтда Петербургга борган Хива хонининг элчиси Ашурбек ҳам Амударё суви илгари Каспий денгизига қўйилган, деган фикрни тасдиқлади. Ўша вақтда Сибирь губернатори Гагарин ҳам Пётрга Шарқий Туркистанда ҳам бой олтин зарралари бор, деб хабар қилган эди.

Буни эшитган Пётр I Ўрта Осиёга ўз таъсирини ёйиш ва бу бой ўлка билан савдо муносабатларини кучайтириш мақсадида иккита экспедиция тузади. Экспедициянинг биттасига капитан Иван Бухгольцни бошлиқ қилиб тайинлайди. Иккинчи экспедиция бошлиғи Бекович — Черкасскийга асосий вазифаларидан бири "дарё оқимини яна эски ўзанга буриб, уни Орол дengизига қуйилмайдиган қилиш" учун имкон бор-йўқлигини аниқлаш топширилган эди. Фожиали мағлубиятга учраган бу экспедиция Пётр I қўйган вазифаларни бажара олмади. Аммо экспедиция Хоразм билан Россия ўртасидаги муносабатларни кучайтиришга асос солди. Амударёнинг Каспий дengизига оқканлиги тўғрисидаги фикр эса шу минтақани жиддий текшириш учун йўл очиб берди.

Пётр умрининг охиригача Ўрта Осиё хонликларининг ҳаёти ва шу ўлкага йўл очиш имконияти тўғрисидаги маълумотларга тўлиқ эга бўлиш мақсадидан кечмади. Унинг буйруғи билан 1719 йилда Каспий дengизини текшириш учун янги экспедиция ташкил қилинади. Бу экспедициянинг ва ундан олдинги экспедицияларнинг тўплаган материаллари асосида 1720 йилда Каспий дengизининг биринчи харитаси тузилган эди. Келаси йили Бухорога элчи бўлиб борган Флорио Беневени Хивага бориб, бу мамлакатлар тўғрисида қимматли тарихий, географик ва этнографик маълумотлар олиб келган. Аммо мазкур тадбирлар Пётрни Амударё тўғрисидаги зарур маълумотлар билан таъмин қила олмади. Кейинги ўн йилликларда ўтказилган археологик тадқиқотлар туфайли Амударё ўз сирларини анча очиб берган эди. Каспий ва Орол дengизи ўртасидаги кенг ҳудудда юзлаб километр қуриб қолган дарё ўзанларининг қолдиқлари, катта-кичик ариқ излари, қум уюмлари орасида сезилар-сезилмас учрайдиган қадимги полизлар асрлар давомида кўп сайёҳларни ҳайратда қолдирган. Тадқиқотчиларнинг тарихий геология ва гидро-геология, палеогеография (Ернинг қадимги қиёфасини текширадиган фан) ва археология соҳасида ўтказган кўп йиллик ишлари Амунинг келиб чиқиши тарихи ва кўпдан бери ҳал бўлмай келган Ўзбой муаммосини ечиб берди.

Орол дengизи билан Каспий дengизи ўртасидаги катта ҳудудда ибтидоий даврдан бошлаб ўрта асрларнинг охирларигача бўлган даврга оид сон-саноқсиз ёдгорликларни утратиш мумкин. Бу ҳолат Амударё қуий оқимининг шаклланиш тарихини ва бу районнинг палеографиясини тушунишга ёрдам беради.

Маълумки, Нил бўлмаганда Миср бўлмаганидек Амударёning баракали суви бўлмаганда Хоразм ҳам бўлмас эди. Ўрта асрнинг атоқли географи ва тарихчиси Истаҳрийнинг айтишича, Хоразм Жайхун (Амударё)нинг бутун фойдасини ола билган мамлакатдир. Бинобарин, Хоразмнинг тарихини яхши тушуниш учун ҳаётбахш Амуниг тарихини ва унинг таърифини ҳам билиш зарур.

Амударё Ўрта Осиёнинг энг йирик дарёси бўлиб, узунлиги 2336 километрга teng. Амударёнинг ирмоқлари беш минёв километр баландликда — абадий қор ва музликлар билан қопланган Помир ва Ҳиндиқуш тоғларидадир. Даёниг юқори қисми тоғлар орасида бўлиб, ўрта ва пастки қисми кенг саҳро ичидан оқиб ўтади. Унинг энг юқори оқими бешта асосий ирмоқдан — Вохондарё, Помирдарё, Гунт, Ванч ва Вартонг дарёларидан иборат бўлиб, Панж (бешта) номи билан аталади. Амударё Вахш ирмоғи қўшилган жойдан бошлаб ўз номи билан (Амударё) юритилади. Бу ирмоқларнинг баланд тоғ қоялари орасидан оқиб, ҳар километр масофада беш метр пастга тушиши сабабли Амударё жуда тез ва даҳшат билан оқади ҳамда ўз тўлқинлари билан жуда кўп миқдорда серунум минерал жинсларни лойқа ҳолда оқизиб келади. Амударё 1036 километр масофада чексиз жазирама Қорақум ва Қизилқум саҳролари орасидан оқиб ўтиб, Орол дengизига келиб қуяр эди. Ана шу масофада унга ҳеч қандай ирмоқ келиб қўшилмайди. Оролга тахминан 150 км қолганда — Нукус шаҳрига яқин жойдан Амударёнинг кўп тармоқли ҳавзаси бошланади. Ана шу жойлар илгари қалин қамишзор ва тўқайзорлардан иборат бўлган.

Дарё оқими ҳар йили 200 миллион тонна (1,2 куб км) лойқа олиб келтирган. Унинг лойқалиги машҳур Нил дарёсига қараганда икки ҳисса, ёзги тошқин даврларида эса уч ҳисса ошиқ ва анча серунум. Баъзан Амударё бир йил ичida теваракдаги текисликларда 20 сантиметргача қалинликда қуйқа тўплаган. Қуйқа Амуни табиий оқимиning ўзгартириб туриши бир неча километрларга ёйилган табиий тошлар орасида кўчиб юришига сабаб бўлиб келган. Бу эса унинг ўзига хос хусусиятидир.

Амударё сувлари йилига бир неча марта тошади. Бу тошқинлар экинларнинг сувга муҳтоҷ бўлган даврига тўғри келгани сабабли маҳаллий деҳқонлар кўп асрлик тажрибага асосланиб тошқинлар календарини тузганлар. Шунинг учун Хоразмда дарё тошқинининг қачон бошланишини биладиган ва дарё оқимининг қай тарзда

ўзгаришини айтиб берадиган махсус кишилар ҳам бўлган. Уларнинг календарида тўрт тошқин кўрсатилади, "кўк қамиш тошуви" дейилувчи биринчи тошқин март ойининг охирларида, яъни кўлларда қамиш эндигина ўсиб чиққан пайтларда бошланади. Қамишнинг тез ёки секин ўсишига қараб хоразмликлар тошқиннинг ўз вақтида бўлишини ёки кечикишини аниқлай билганлар. Апрель ойининг ўрталарида оқ балиқлар Орол дengизидан Амударёning юқори оқимига ўта бошлайди, шунга қараб иккинчи тошқин белгиланади. Бунга "оқ балиқ тошуви" дейилади, "юлдуз тошуви" — учинчи тошқин май ойининг ўрталарига тўғри келади. Деҳқонлар бу тошқинни Ҳулкар юлдузлар туркумининг кўриниш вақти билан белгилайдилар. Тўртинчи тошқин — "қирқ чилғов тошуви" (ёзги чилла) июннинг иккинчи ярмида бошланиб, қирқ кунча давом этади. Бу тошқин тўғрисида Беруний ҳам ёзган эди.

Тошқин даврида дарё сувининг анча қисми деҳқончиликка кетади. Бутун Амударё сувининг 25 фоизи халқ хўжалигига сарф бўлади (шундан 18 фоизи фақат сугоришга кетади). Бу эса Европадаги энг катта дарёлардан бири бўлган Днепрнинг умумий сув ҳажмидан ҳам кўп. Амударёning деҳқончиликка кетадиган сувининг кўп қисми Хоразм воҳасида сарф бўлади.

Ҳаётбахш бу дарё жуда қизиқ ва бой тарихга эга бўлиб афсона ва эртакларда, ашула ва достонларда куйланиб келади. Аму деган ном нисбатан яқин даврларда пайдо бўлган. Бу ном, профессор Я. Ф. Гуломовнинг айтишича, Хурсон ва Мовароуннаҳр ўртасида асосий ва энг кўп ўтиш жойи бўлмиш Амуя (Чоржўй) шаҳри билан боғлиқdir. Қадимги юонон муаллифлари Амударёни "Окс" ёки "Оксус", араб ёзувлчилари эса "Жайхун", деб атайдилар. Амударё дастлаб эрамиздан аввалги V асрда яшаган атоқли тарихчи Геродот асарларида тилга олинади. У Эрон шоҳи Кирнинг юришлари ҳақида гапириб, Амударёning бир ўзани Каспий дengизига қуйилади, деб ёзган эди. Иккинчи юонон тарихчиси ва географи Страбон Амуни кемалар сузадиган катта дарё деб таърифлаб, у орқали ҳинд товарлари Каспий (Гиркон) дengизигача олиб келинади, деб маълумот беради. Эрамизнинг II асрида яшаган Птоломей эса Амударё билан Сирдарёning оқиши йўналишларини кўрсатиб берган эди. Faқat IV асрға келиб тарихчи Аммион Марцеллин Ўрта Осиёнинг мазкур икки буюк дарёсининг Орол дengизига қуйилганини анча аниқ ёзиб қолдирган. Ўрта асрларга оид манбаларда, араб ва форс тилларида ёзилган асарларида Амударёning қуий оқими,

унинг айрим ўзанлари, дарё бўйида жойлашган аҳоли яшайдиган баъзи жойлар тўғрисида ҳар хил маълумотлар мавжуд.

Амударё Ўрта Осиёнинг бошқа катта дарёлари каби учламчи даврнинг иккинчи ярмида пайдо бўлган. Бу Помир, Олой ва Тяншан тоғлари кўтарила бошлаган бир давр бўлиб, бутун Ўрта Осиё текисликларини қоплаган денгиз фарбга томон чекина бошлаган. Денгиз чекинганидан кейин очилиб қолган ерлар эса қадимги дарёларнинг тартибсиз оқиш майдонига айланади. Шундай дарёлардан энг каттаси қадимги Аму ўша даврдан то тўртламчи давр ўрталаригача Қорақум саҳроси орқали қадимги Хазар ҳавзаси (ҳозирги Каспий денгизи)га қўйилган. Кейин ер қатламида бўлиб турган тектоник ҳаракатлар натижасида ва дарёнинг кучли оқимида пайдо бўлган қалин қўмлоқлар Амударё йўлини ўзgartади. Қадимги Аму Ўрта Осиё текисликларининг пасайган томонига, яъни шимолга — ҳозирги Хоразм воҳаси томонга ёйилиб оқа бошлайди.

Дарёнинг катта ўзанларидан бири ер қатлами ўзгариши натижасида пайдо бўлган чуқурлик — Сариқамиш кўлига қўйилган, иккинчиси Оқча дарё орқали шимолга, учинчиси, эса Орол чуқурлигига оқиб янги кўл ташкил қила бошлаган. Сариқамиш кўлининг чуқурлиги 110 метр бўлиб, 11 минг квадрат метрдан кўпроқ майдонни эгаллаган, Амударёнинг асосий ўзани Сариқамишга қўйилиб, ундан Узбой орқали яна қадимги Каспийга оққан. Бу даврда Каспий денгизининг суви ҳозиргига нисбатан 70-80 м баланд бўлган. Тўртламчи даврнинг бошларида Сирдарё ҳам Қизилқум саҳроларини ташлаб шимолга — Орол бўйларига қараб оқа бошлайди. Қорақум ва Қизилқум саҳроларининг шимолида учрайдиган ва ҳозиргача сақланиб келган кўхна ўзанларнинг юзлаб километр узунликдаги излари қадимги Аму ва Сирдарёнинг дайдиб жуда кўп тармоқлар пайдо қилганлигидан далолат беради. То тўртламчи даврнинг ўрталаригача Амунинг асосий тармоғи Кўҳнадарё ва Довдан бўлган. Чунки Амударё сувининг кўп қисми Сариқамишга оққан, кейин Узбой орқали Каспийга оққан. Узбой қирғоқларида, Сариқамиш чуқурлигининг жанубий ва шарқий бўйларида, Кўхна ва Оқча дарёларининг ҳавзасида топилган жуда кўп неолит даврига оид ибтидоий маконлар ҳам тўртламчи даврнинг биринчи ярмида бу ерда сув сероб бўлганлигидан дарак беради. Бу даврда ҳали Орол чуқурлиги тўлмаган ва у ҳозирги шаклига келмаган эди, бошқача қилиб айтганда, Орол денгизи бўлмаган.

Тўртламчи даврнинг ўрталарида Хоразмнинг палеогеографик тузилишида анча ўзгаришлар рўй беради. Тектоник ҳаракатларнинг давом қилиши натижасида Орол бўйлари пасайиб Амударё шимолга қараб Оқчадарё орқали оқа бошлайди. Амунинг асосий суви бошқа томонга оқа бошлагани туфайли Сариқамиш чуқурлиги даги сув анча камаяди. Бинобарин, Узбойда эндиликда сув илгаригидай доимий бўлмасдан аҳён-аҳёнда оқиб турган.

Шундай қилиб, ибтидоий хоразмликлар бронза даврида, яъни эрамиздан илгариги III—II минг йилликларда астасекин шимолга — Оқчадарё бўйларига кўча бошлайдилар. Бу даврда иқлим ҳам анча ўзгариб қурғоқчилик ортади. Энди деҳқончиликка ўтган хоразмликлар сунъий суғориш усулларини аста-секин ўзлаштира бошлайдилар. Бронза даврида Сирдарё ҳавзаси ҳозирги шаклга кела бошлайди. Аммо ундан иккита катта ўзан — Қувондарё ва Жанадарё оқиб чиқиб, Амударё билан Сирдарё ўртасидаги кенг ҳудудда ибтидоий маконларнинг пайдо бўлишига имкон туғдиради.

Тахминан биринчи минг йилликнинг бошларида Амударё асосан ҳозирги ҳавзасини ташкил қилиб, сувнинг кўп қисмини Орол чуқурлигига қуя бошлайди. Орол чуқурлиги ҳам ўша даврдаёқ 1950-йиллардаги қиёфага кира бошлайди. Демак, Оролни бутун дунёдаги энг ёш денгиз дейиш мумкин.

Амударёнинг Кўҳнадарё (Дарёлик), Довдан каби ўзанларида эрамиздан илгариги биринчи минг йилликнинг иккинчи ярмида сув бўлмаганилигига бу ерда учрайдиган Қангақалъя, Кўзалиқир, Кўҳнавоз каби антик давр ёдгорликлари далил бўла олади. Аммо Амударёнинг бу ўзанларидаги сув Сариқамишгача етиб бормай, сунъий суғориш иншоотлари орқали деҳқончиликка сарф қилинган.

Бу даврда Сирдарёнинг суви асосан Жанадарё ва Қувондарё ўзанлари орқали оқиб, катта-кичик ариқлар орқали Жетиосор, Чирикработ, Оққир, Бобишмулла каби қалъаларнинг аҳолисини таъмин қилиб турган. С. П. Толстовнинг айтишича, бу ерда массагетларнинг тохар ва апасиак қабилалари яшаган. Амударё ва Сирдарёнинг антик давр ўзанларидан чиқарилган сунъий кўҳна канал ва ариқларнинг чексиз излари ҳозиргача сақланиб келган.

Антик давр суғориш тармоқлари ғарбда Сариқамиш ҳавзасида, шимолда Сирдарёнинг қуий оқими ва шарқда Амударёнинг жанубий Оқчадарё ҳавзаси оралиғидаги кенг

территорияда анча ривожланган. Бу йирик сугориш шохобчалари атрофида жойлашган сон-саноқсиз харобалар, түгри бурчакли дала уватлари ўша даврда сунъий сугоришнинг нақадар ривожланганини кўрсатади.

Қадимги каналлар катта ва узун бўлган. Уларнинг рош (ариқ қазишдан чиққан тупроқ уюми) оралиги 30—40 метргача етган бўлиб, одатда дарёнинг қадимги ўзани бўйлаб бир неча ўнлаб километргача чўзилган. Бу даврга оид энг йирик дабдабали сув иншооти Хоразмда Қалъалиқир ва Кўзалиқир харобалари ўрталарида жойлашган. Унинг умумий кенглиги 70 метр, икки рош оралиги 40 метрга етган. Довдан ва Қангадарё ўзанлари бўйлаб қурилган ўша замондаги каналлар ҳам йирик иншоотлардан ҳисобланади.

Ниҳоятда кент ҳудудни — бутун Ўрта Осиё ва қисман қўшни ерларни ўз ичига олган Кангюй-Кушон империяси даврида (эрмиздан аввалги IV ва эрамизнинг II асрлари) ирригация хўжалиги анча такомиллашади. Бу даврда фақат Амударё ва Сирдарёнинг пастки оқимидағина қадимги сугориладиган ерларда сунъий сугоришга асослануб деҳқончилик қилинган майдоннинг умумий ҳажми 3,5—3,8 миллион гектарга етган. Шундай катта ҳудудда тахминан 1,7 миллион гектар майдон интенсив сугорилган, қолган ерларда бетайин дарё ўзанларининг сувларидан фойдаланилганлиги туфайли вақти-вақти билангина деҳқончилик қилинган. Антик давр ичидаги ҳозирги Амударё воҳасини эътиборга олганда сугорилган ерларнинг умумий ҳажми 4,5 миллион гектарга яқин бўлиб, кўпроқ қисми (2,5—2,8 млн. гектари) Сирдарёнинг пастки оқимида жойлашганлиги сўнгги йилларда ўтказилган тадқиқотлар асосида аниқланди. Демак, қадимги сугорилган ерлар ҳозирги сугориш иншоотлари таъмин қилаётган ҳудудга нисбатан ўзаннинг мураккаблиги билан фарқ қилган. Эндиликда мазкур иншоотлар анча чуқур ва кўп тармоқли бўла бошлиди.

Антик даврда сугоришга асосланган деҳқончиликнинг тараққий қилганлигини жуда кўп археологик топилмалар тасдиқлайди. Қазишималардан топилган ғалла уруғлари, мева данаклари ва бошқа ўсимликларнинг қолдиқлари ўша даврларда ғаллачилик (арпа, буғдой), боғдорчилик ва полизчилик (ўрик, шафтоли, олхўри, узум, қовун) бўлганлиги ва баъзи техник экинлар (пахта, кунжут) экилганлигидан далолат беради.

Ўрта асрларда қишлоқ хўжалик ишлаб чиқариш усуулари ва ирригация яна ҳам такомиллашади. Шуни ҳам қайд қилиш лозимки, V—VI асрларда қулдорлик тузуми емирилиши, феодал тузумининг барпо бўлиши туфайли рўй берган ижтимоий-иқтисодий кризис натижасида суғориш майдонлари камаяди. Аммо феодал тарқоқлик тұгаган Қорахонийлар даврида (Х—XI аср) ва кейин бутун Ўрта Осиёни бирлаштирган Буюк Хоразмшоҳлар даврида (XII—XIII асрнинг боши) суғориш иншоотлари яна қайтадан тикланиб, гуркираб тарақкий этади. Бу даврдаги суғориш иншоотлари маълум даражада ҳозирги системага ўхшаб кетади. Магистрал каналлар тор, аммо чуқур, суғориш тармоқлари анча мураккаб бўлган. IX—X асрларда сувни чиғир билан (юқорига) чиқариш техникаси қўлланилган.

Ўрта асрларда қишлоқ хўжалик әқинларининг турлари антик даврга нисбатан кўп бўлган. Суғоришга асосланган деҳқончилик ерларида дон әқинларидан ташқари ҳар хил мевалар — ўрик, шафтоли, узум, олхўри, нок, полиз әқинлари — қовун, тарвуз, қовоқ, бодринг, сабзи, пиёз, мош, пахта ва кунжут сингари әқинларининг экилиши суғориш ишлари бирмунча такомиллашганлигидан дарак беради. Шундай бўлса-да, әқинзорларнинг умумий майдони анча камайган. Масалан, ирригациянинг энг тарақкий қилган даври — XII—XIV асрларда Амударё ва Сирдарё қуи оқимидағи суғорилган ерларнинг умумий майдони — антик даврда сув билан таъмин этилган ҳудуднинг учдан икки қисмiga тўғри келади.

Амударё ҳозирги ҳавzasига тушгандан кейин ҳам бир қанча марта ўз оқимини ўзгартирган. У вақти-вақти билан қафасга тушган шердек ўзини ё ўнгга, ё сўлга урар, кучли оқими билан қирғоқларни бузар, суғориш иншоотларини ва деҳқончиликни бир ердан иккинчи ерга кўчиришга мажбур қиласр эди.

XVI асрнинг охирига келиб Кўҳнадарёда сув бутунлай тўхтаб, Сариқамиш кўли қуриб, унинг ўрнига чўл-биёбон ва шўр ерлар пайдо бўлади. Кўҳнадарё бўйидаги ажойиб ўрта аср воҳаси ва шу даврга оид Вазир каби кўп қалъалар сув камлигидан харобага айланган.

Халқнинг ўтмишда яратган "Отанг мироб бўлса-да, еринг сувнинг бошида бўлсин", деган мақоли ниҳоятда чуқур маънога эга. Асрлар давомида эзилиб, сувга ташна бўлиб келган меҳнаткаш деҳқонлар асосан йирик феодаллар эгаллаган серсув, серунум ерлардан маҳрум эдилар. Сувга яқин жойлашган ерларга эга бўлиш ҳар бир деҳқон-

нинг орзу-умиди эди. Мазкур мақол ҳам халқнинг ана шу кўп асрлик мақсадларини ифодалайди.

Кўп йиллар давомида тўпланган бой тажриба маҳаллий аҳолининг мураккаб сув хўжалиги техникасини яратиш ва уни жорий қилиш борасида муайян кўникума ҳосил этиш имконини берди. Ўрта Осиёнинг ҳар бир қишлоғидаги ирригация иншооти қон айланиш системасига тамомила ўхшаб кетади. Турмушда сув ниҳоятда эҳтиёт қилинган. Қаерда сув бўлса, ўша ерда нур, бойлик бўлади, ер ҳайдалиб, боғ-роғлар яратилади.

Магистрал каналларга ва улардан майдан ариқларга дарёдан сув чиқариш жуда оддий тўғонлар қуриш йўли билан амалга оширилган. Устига шох-шабба ва тош ташланган сепоя, дарёнинг секин оқадиган жойларига тош уйиш, қорабура (шох-шабба, ўт-ўлақ ичига тош ўраб, юмалоғлаб) ташлаш ва шу кабилар билан тўғон қуриб дарёдан каналларга сув чиқариш энг кўп қўлланилган усуллардир. Магистрал каналларнинг бош қисмларида бир оз мураккаб ирригацион иншоотлар қуриларди. Масалан, магистрал каналларнинг бош қисми вард, қорабура билан тўсилган. Қорабура йўғонлиги бир неча метр, узунлиги эса бир неча ўн метр қилиб тайёрланади.

Хоразмда каналлар ва ариқлар ҳар йили кузда ана шу йўсинда тўсилиб тозаланган. Асосий каналлар тозаланиб бўлингач, тўғонлар яна очиб юборилар эди. Полвонёп каби йирик каналларни тўсиш учун беш-олтиталаб қорабура ташланарди.

Қорабуралар сув камайиб боришига қараб бирин-кетин олинарди. Амударё Хоразмдаги маданий ерлардан баландроқда оқади, шунинг учун дарё суви илгарилари суғориш системаларини барбод қилиш, теварак-атрофдаги экинзор ва аҳоли яшайдиган жойларни босиб кетиш хавфини туғдирив турган. Амударё қўклам, ёз пайтларида айниқса даҳшатли. Шунинг учун унинг қирғоғида кўтарма (қочи) олинади. Хоразм аҳолиси шу қадар эҳтиёт чораларини кўришига қарамай, дарёнинг бир меёрда оқмаганлигидан ҳамиша хавфсирар эди.

Хоразмнинг энг катта сунъий иншоотларидан бири Полвонёпни Аму емиришга уринар ва воҳа сув босиш хавфида қоларди. Буни мустаҳкамлаш учун меҳнаткаш халқ неча кунлаб тер тўкарди. Ваҳимага тушган халойиқ Полвонёпнинг дарёдан чиқсан жойи — Тошсоқага аравада, от-эшакда, яёв юриб Хоразмнинг ҳар ёғидан тўпланар эди. Ҳамманинг оғзида ваҳимали сўз — "дейиш". Бу сўз билан

хоразмликларни даҳшатга солувчи дарёнинг энг хавфли емирувчи оқими аталган. "Дейиш" қанча шаҳар ва қишлоқлар, боғу бўстон ва экинзорларнинг бошига етган. Амунинг даҳшатли оқими бундан минг йил муқаддам қадимги Хоразмдаги Кат шаҳрини олиб кетган бўлса, минг йилдан кейин Тўрткўл шаҳрини ўзининг кучли оқими остида қолдирди.

Амударёнинг даҳшатли ва инжиқ характеристи халқ оғзаки ижодида ҳам турли ривоят ва афсоналарни пайдо бўлишига сабаб бўлган. Ҳозиргача хавф туғдириб турган дейиш билан боғлиқ афсоналардан бири ёвуз руҳлар ҳақидаги ривоят кенг тарқалган. Аранглар номли бу ёвуз руҳлар Амударёнинг чуқурлигига яшаб унинг оқимини бошқариб турад эмис. Улар истаганича дарё оқимини ўзгартирас, дейиш ҳосил қилиб қирғоқларни емирас, кемаларни ҳалокатга учратиб, сув тошқинлари келтириб, шаҳар ва қишлоқларни барбод қилас экан. Одамга қарши ёвуз куч ҳисобланган аранглар доимо ғолиб бўлавермаган, инсон ақл-идроқи олдида ожизлик ҳам қилган.

Хоразмнинг қадимий каналларидан Фазиобод тўғрисида қўйидаги афсона ҳам ёвуз аранглар билан боғлиқ. Унда бундай ҳикоя қилинади: Бир вақтлар Амударё шундай тошиб кетганки, Фазиобод каналининг соҳилларини емириб экинзорлар-у қишлоқларни сув боса бошлаган. Бу ҳолат гўё аранглар ғазабланиб одамларга уруш эълон қилганлигининг оқибатида рўй берган. Ҳалойик ваҳимага тушиб нима қилишини билмаган. Шундай оғир вазиятни сезган тақводор бир эшон канал томон тогдан тушиб келиб қўлида қиличи билан аста-секин сувга кириб ғойиб бўлган. Даҳшатли тўлқинлар гирдобида эшон йўқолиб кетгандан сўнг одамлар нима бўлар экан деб кутгач, канал суви тинчиб, осойишта оқа бошлаган. Аммо сув юзи бирданига қизил қонга бўялган ва сувга қалқиб қонга беланганд эшоннинг жасади юзага чиққан. Демак, эшон билан аранглар уруши оқибатида канал суви тинчиган. Шундан кейин бу сув иншоотларини қаҳрамонликда (ғози) ҳалок бўлган эшон хотирасига Фазиобод деб ном берилган. Бундай ривоятлар асосида турли иримлар пайдо бўлган. Амударёда сузиб юрган кемаларнинг бурни қисмига афсонавий образлар ўрнатилган, ҳар хил худойилар ўтказилган.

Меҳнаткаш халқ асрлар давомида ўз ўлкасини сув балосидан сақлаш учун дарё бўйлаб юзлаб километр тупроқдан қочи кўтарар, Полвонёп воҳасини қутқариб қолиш учун дуолар ўқиб, қурбонликка мол сўярдилар. Бундай

аңғаналар сув етишмаган пайтларда ҳам ўтказилган. Сув етишмаслигидан қутилиш учун ҳар хил аңғаналардан ташқари қўшимча мажбурий қозу (ариқ чопиш) ўтказилган. Бу тадбир асрлар давомида ҳар бир деҳқон учун одат бўлиб қолган. Ўн икки кунлик мажбурий қозу меҳнаткаш халқнинг аҳволига жуда ёмон таъсир қиласр эди. Шундай мажбурий меҳнат натижасида кўп деҳқонларнинг хўжалиги қаровсиз қолар, деҳқон эса қашшоқлик ва тушкунликка учарди.

Янги ариқ ўтказиш ва дарё қирғоқларига қочи қуриш, ариқ бошларини тозалаш ва тўғон босиш каби кўп хил тадбирлар давлат томонидан ҳар бир хоразмлик учун мажбурий хизмат бўлиб, унга ҳеч ким ҳақ ва овқат бермас эди. Қазишиш ишлари устида турган соҳибкорларни боқиш учун "капча пули" солиғини ҳам тўлаганлар. Унинг устига хилма-хил жарималар, арзимайдиган гуноҳ учун ваҳшийларча азоблаш ва дорга осиш оддий бир воқеа бўлиб қолганди. Катта қозу устида энг олий мансабдаги соҳибкорлар туриб, хоннинг бевосита иштироки билан ўтказилган. Катта қозу асосан Полвонёп, Фазиобод, Шовот каби йирик каналларда ўтказилган.

Хоразм деҳқончилиги учун бу оғир қозу ишларидан ташқари яна қўшимча меҳнат — сувни сунъий йўл билан пастдан юқорига чиқариш ҳам бор эди. Бу усул Хоразмга хос бўлиб, Ўрта Осиёнинг бошқа районларига нисбатан маҳаллий деҳқончиликда яна ҳам мураккаброқ ва кўпроқ меҳнат ва маблағ сарфланишига олиб келади.

Амударё ва ундан чиқадиган ёп (канал)ларнинг сув сатҳи далалар сатҳидан анча паст бўлгани туфайли Хоразмда қадимдан сув чиқарадиган техника ишлатилади. Бу ердаги сув чиқаришнинг энг оддий усуллари "сапма", "дапма" ва "нова" деб аталади. Бу усуллар одам кучи билан ишланган жуда оддий асбоблар — курак, новадан иборат бўлган.

Миср ва Месопотамияда қадимдан маълум бўлган "соқия", Эрон ва Ҳиндистондаги "чарх" каби сув чиқариш воситаларига ўхшаш Хоразмда ҳам то сўнгги давргача энг содда усул "чиқир" номли механизм оддий ғилдирак ва унга бириктирилган махсус сопол идиш — дигирлар орқали чуқурликдан юқорига сув чиқарилган. Мазкур ғилдирак горизонтал ўққа иккита тишли ғилдирак билан бирлаштирилган ва тую, от ёки сув кучи билан ҳаракатга келтирилган.

Чиқирлар маҳаллий ёғочсоз усталар томонидан тайёрланарди. Чиқирнинг барча қисмлари 8—10 йилдан сўнг алмаштирилиб янгиланган. Чиқирнинг тишлари мойланиб, вертикал ўқининг учига эса совун суртиб турилган.

.. Юқорида тасвиirlаб ўтилган чиқирлардан ташқари магистрал каналларнинг бўйларига сув чиқир — чархпалак ҳам ўрнатилар эди. Чархпалак ёрдамида сув чиқаришдан фақат Хоразмдагина эмас, балки Зарафшон ва Сурхондарё водийларида, шунингдек Тошкент воҳасида фойдаланилган. Аммо чиқирнинг классик ўлкаси Хоразм ҳисобланиб, у ерда яқин вақтларгача ҳам ишлатиб келинган.

Булардан ташқари, Хоразмда далага сув чиқаришда суғоришининг яна ҳам (оддий) усули — қўл билан ҳаракатга келтириш усуллари: "сапма", "дапма", "нова" қўлланган. Бу оддий усуллар билан чиқир қиёсланса, шу нарса аён бўладики, чиқирнинг кашф этилиши ғоят муҳим аҳамиятга эга бўлган. Чиқир ёрдамида суғориш қадимий суғориш иншоотларининг иш унумини оширган ва меҳнатни хийла осонлаштирган.

Б. М. Георгиевский ёзишича, Хоразм воҳасининг сатҳи инсоният пайдо бўлгандан кейинги давр ичida икки метрдан ортиқ кўтарилиган. Асримизнинг 20-йилларининг бошлирида Хоразм воҳасида бб мингдан кўпроқ чиқир бўлган. Чиқирнинг ҳайвон кучи билан ҳаракатга келтирилиши туфайли маҳаллий деҳқонлар учун арава, ер ҳайдаш ишига керак бўлганидан ташқари яна қўшимча ҳайвон кучи зарур бўлганини кўз олдимишга келтириш қийин эмас.

Барча суғориш шохобчаларини ҳар йили албатта чопиб тозалаб туриш шарт бўлган. Бу ғоят мушкул ва машаққатли иш бўлиб, меҳнаткаш деҳқонларнинг тинкасини қутилар эди. Катта ариқларни чопиш ва дамбалар қуриш айниқса оғир эди. Бундай ишлар одатда, қиши ёки эрта кўкламда бажарилар, бъязи йиллар ариқлар бир неча бор тозаланаар эди. Бунинг учун анча-мунча киши талаб қилинар эди. Масалан, Хива хонлигида ариқларни тозалаш учун 700 мингга яқин ишчи кучи сарф бўлган. Хоразмнинг йирик сув магистрал канали Полвонёпни тозалаш учун 12 кундан кўп вақт кетган.

Ҳар ўн таноб ер — бир сув ҳисобланиб, мана шу майдон ҳисобидан ариқ тозалашга бир ҳашарчи юборилар экан. Ўн танобдан камроқ ери бўлган хўжаликлар кичикроқ сув жамоаси — жабди тузишарди. Жамоа аъзолари ариқларни навбат билан тозалашарди. Ҳашарчилардан биттаси бошлиқ қилиб тайинланарди. Одатда бир қишлоқлик

ҳашарчилар йигирма кишидан тузилган гурухларга бирлашиб, ораларида икки кишини ҳашарга бошлиқ қилиб сайлаб қўйишган. Бу икки киши иш вақтида ҳашарчиларга хизмат қилган. Керакли озиқ-овқат, қурол-яроғ, кўрпаташқари, ҳашарчилар сувни идора қилиб турадиган маъмуриятга "капча пули" — солиқ ҳам тўлашар эди.

Суғориш шоҳобчаларидаги барча ишларни маҳсус маъмурият бошқаради. Хонликларда суғориш ва катта ариқларни тозалаш ишларини назорат қилиш бирор тўра ёки амалдор зиммасига юкланаарди. Аҳоли ичидан сайлаб қўйиладиган қўп сонли мираблар ана шу назоратчиларга бўйсунар эди. Сув бериш тартиби ва қанча миқдорда бўрилишини мираблар белгилаган. Тўғонларга қараб туриш учун маҳсус кишилар ёлланарди. Булар соқачи, яъни тўғончи деб аталган. Мираблар билан тўғончилар сони анча-мунчага етарди. Улар муайян маош олмай аҳолидан йигиб олган маблағи билан тирикчилик қиласар эдилар. Шунинг учун ҳам мирабларнинг аҳволи анча танг бўлиб, баъзан амални сустеъмол қилишга сабаб бўларди, яъни мироб ким кўпроқ пул тўласа биринчи навбатда ўшанга сувни берарди. Бундан бечора камбағал ва майдаде дэҳқонлар зарар кўрарди.

Хоразм воҳасида экинлар суғориладиган даврда сув танқис бўлганлигидан навбат билан фойдаланишга қатъий риоя қилинар, чек ташланарди. Биринчи навбатда ариқнинг охиридаги ерга сув бериларди, кейин ариқ охиридан иккинчи участка сугориларди ва ҳакозо. Қуйи оқимидағи ерларни сув билан таъминлаш мақсадида дарёдан сув олувчи катта ариқларнинг ўрта оқимида тўғон қурилган. Бу тўғон мавсумда икки марта — майнинг иккинчи ярмида ва августнинг охирида олинарди. Ҳатто кичик ариқларда ҳам сув тартиб билан берилган.

Ҳар бир дэҳқон ўз навбатини зориқиб кутар ва уни ўтказиб юбормасликка ҳаракат қиласарди. Сувдан фойдаланишда тартибни бузган кишига сув берилмай қаттиқ жазоланар, гуноҳкорга пул жаримаси тўлашга мажбур қилишарди ва ҳатто у қамоқقا олинарди. Сув миқдори муайян тартибда ўлчанарди. "Бир сув" (мазкур ариқдан бир кеча-кундузда оқиб ўтган сув), "бир тегирмон" ёки "тош" (бир дўл донни тортишга кетадиган сув), "бир қўш" (бир қўш ҳўқиз билан кун бўйи ҳайдалган ерни суғориш учун етадиган сув) ва "бир қулоқ" (ер суғоришида бир сувчи эплай оладиган сув) каби сув ўлчовлари кенг тарқалган эди.

Қарийб ҳамма ерда ортиқча ёки оқава сувлар дала охирига ташлаб қўйилар, бу кўпинча ерларни ботқоқлантириб, безгак ва бошқа касалликларнинг тарқалишига сабаб бўларди.

Хоразм деҳқонлари ерларнинг ботқоқланишига қарши кураш чораларни азалдан билишади. Улар ботқоқ ерларнинг сувини қочириш учун захкаш ёки зовурлар қазишган. Бироқ йирик-йирик захкашларни қазишга деҳқоннинг қурби етмас, қазилган захкашлар эса кутилган натижани бермас эди.

Деҳқонлар сувсизлик ёки сув босиши хавфидан ҳамиша ташвиш тортар эдилар. Бу ташвиш деҳқонлар орасида ибтидоий тасаввурларга боғлиқ бўлган урф-одатларни келтириб чиқаарди. Катта ариқ, бош иншоот ёки дамба уриб кетгудек бўлса, теварак-атрофдаги аҳоли буни хавф-хатар деб билиб, турли-туман диний маросимлар ўтказган ва қурбонлик қилган. Борди-ю сув уриб кетган жойни бутун кучни сафарбар этиб ҳам боғлаб бўлмаса, у ҳолда энг сўнгти чорани кўришган: тўғон остига Турғун, Турсун ёки Тўхта исмли бирон кишини тутиб келиб тириклай кўмиб юборишган.

Хоразмнинг кўпчилик ҳукмдорлари узоқ ўтмишдан бери сувнинг аҳамиятини яхши тушуниб, суғориш системасини бошқаришни ўзининг асосий вазифаларидан бири деб билганлар. Аммо улар суғориш билан боғлиқ бўлган ишларда халқ меҳнатидан ўз шахсий манфаатлари учун кўпроқ фойдаланганлар. Демак, сув халқни эзишда қўшимча восита ролини ўйнаган.

Иккинчи томондан сувнинг аҳамиятига яхши тушуна олмаган, унга етарли даражада эътибор қилмаган давлат арбоблари юртнинг харобаликка айланишига сабабчи бўлганлар.

Баъзан гуллаб ётган кўп ўлкаларни чўлу биёбонга айланишига табиат кучларигина эмас, шунингдек, ижтимоий шароит ҳам сабабчи бўлган. Хоразм тарихидаги жуда кўп саҳифалар Амударё оқимининг табиат қонунлари асосидагина ўзгариб қолмай, юқорида қайд қилганимиздек, кишининг ёвуз иродаси ёки одамларнинг суғориш қонунларини билмай юргизган нотўғри фаолияти ва айрим тарихий ижтимоий омиллар туфайли содир бўлган ўзгаришлар рўй бериб турганини кўрсатади.

Фарб олимлари кўрсатганларидек қадимги гўзал шаҳар ва қишлоқларнинг вайроналикка айланишига "Ўрта Осиёнинг қурғоқланиб қолганлиги" ёки "дарё оқимининг

"ўзгариши" каби табиат ҳодисалари эмас, балки бир тузум ўрнига иккинчи тузумнинг келиши, доимий тўқнашувлар, тож-тахт талашувлари ва ўзаро урушлар, қўшни қабила-ларнинг бир-бирига тўхтовсиз ҳужумлари каби ижтиомий омиллар сабаб бўлган.

ИБТИДОЙ МАКОНЛАР ВА ИЛК АЖДОДЛАР ҲАЁТИ

Амударёning ўнг қирғоидаги Султон Увайс тоғларининг шарқий этагида Жонбосқалъа баландликлари жойлашган. Бу баландликлардан жануб ва шарққа қарап экансиз, кўз олдингизда ажойиб бир манзара очилади. Чексиз кўчма қум уюmlари орасида онда-сонда қад кўтарган катта-кичик қалъаларнинг харобалари, жуда ҳам узоқларга чўзилиб кетган сув иншоотларининг тугалмас излари, офтобда ярқираб ётган тақир ерлар қадимги Оқчадарё воҳаси бир замонлар инсон меҳнати билан гуллаб-яшнаганлигидан дарак беради. Агар қадимги дарё ўзанлари бўйлаб бир неча километр йўл юрсангиз қумликлар орасидаги тақир ерларда ғалати қилиб ишланган чақмоқтош бўлакларини, айrim жойларда эса ўчоқ ўринлари ва ҳайвон суюкларининг қолдиқларини учратишингиз мумкин. Юзаки қараганда бу нарса ҳеч қандай аҳамиятга эга эмас. Аммо мутахассислар учун қум уюmlари орасида топилган чақмоқтош бўлаклари жуда ҳам катта янгилик ҳисобланади. Улар кенг Оқчадарё воҳасида топилган нарсаларни текшириб, бу ерда ибтидоий макон қолдиқлари мавжуд эканлигини кўрсатиб бердилар.

Одатга биноан археологларимиз кашф этган бу маконлар топилган жойнинг номи билан тарих фанида "калтамиор маданияти" деб аталган. Калтамиор маданиятининг ёдгорликлари неолит ва энеолит, яъни эрамиздан аввалги IV ва III мингламчи йилларга оид бўлиб, жуда кенг ҳудудда тарқалган. Бу маданият тош қуроллари шакларининг бирлиги, сопол идишларга берилган нақшларнинг ўзаро ўхшашлиги билан ажралиб туради.

Калтамиор маданияти ёдгорликлари Фарбий Қозоғистоннинг кўп қисмида, Сирдарёning пастки оқимида, Орол бўйларининг шимоли-шарқ қисмида, Амударёning ўрта ва пастки оқимида, Узбой ва Сариқамиш бўйларида, Марказий ва Шимолий Қизилқумда ва Қорақумнинг кўп қисмида учрайди. С. П. Толстовнинг бу

ёдгорликларни текшириш асосида яратган айрим асарлари — Ўрта Осиё ибтидоий археологиясига қўшган жуда катта ҳисса хисобланади. Чунки, унинг бу соҳадаги кўп ишлари Ўрта Осиё, Қозогистон ва ҳатто қўшни мамлакатларнинг неолитик ёдгорликларини текширишда туртки бўлиб ҳисобланади.

Сўнгги вақтларда қилинган неолит даврига оид кашфиётлар калтамиор маданиятини ҳам территориал, ҳам хронологик жиҳатдан анча кенг тарқалганлигини кўрсатади. Бинобарин, бу ажойиб маданият устида батафсил тўхтаб ўтиш зарурдир.

Калтамиорликлар яшаган даврда Хоразмнинг иқлими ибтидоий ҳаёт кечирувчи кишилар учун қулай бўлган. Амударё ва Сирдарё эса кўчиш натижасида кўп кўл ва ботқоқликлар, катта-кичик ўзанлар ташкил қилган эди. Сувга сероб бўлган Оқчадарё воҳасини профессор С.П. Толстов "Ўрта Осиё Венецияси" деб атайди. Балиқчилик ва овчилик билан тирикчилик қилган калтамиорликлар ўзларининг оддий маконларини шу сонсаноқсиз кўл ва ботқоқ бўйларида тиклаган. Қадимги грек ёзувчиси Страбоннинг бу ерда яшовчи қабилаларни "Ботқоқлик ва орол массагетлари" деб атаси ҳам бежиз эмас. Кўлга бой бу ўлка Зардуштнинг муқаддас китоби Авестода "Вуруктара денгизи", яъни "Қирғоқсиз денгиз" номи билан машҳур. Ҳақиқатан ҳам сўнгги неолит даврида аҳолиси зич Хоразм ўзаро ўзанлар билан боғланган жуда кўп сув ҳавзаларига эга бўлиб, уни "Буюк кўллар ўлкаси", деб аташ мумкин.

Калтамиор маданияти икки даврга бўлинади. Илк калтамиор маданиятига Жонбос-4, Кўнак-1, Кўгинак-22, 195, 198, Болаэшим-9 деб номланган ибтидоий маконлар киради. Бу маконларда топилган сопол идишлар маҳаллий соғтупроқдан бир оз иирик қум ва туйилган чиғаноқ аралашмасидан ясалган. Шакл жиҳатдан улар хилма-хил бўлиб, кўпинча кўзага, чуқур ва кенг косага ёхуд катта чўмичга ўхшаб кетади. Идишларнинг деярли ҳаммасига нақш берилган. Берилган нақшлар жуда оддий бошоқ, синиқ чизиқ, юқоридан пастга ва горизонтал ўтказилган тўғри чизиқлар ва айрим геометрик шакллардан иборат бўлган. Нақшларнинг айрим шакллари фақат калтамиор маданиятига хос бўлиб, қисман Ўрта Осиёнинг жанубидаги илк деҳқончилик (Жайхун) маданияти, Бухоро воҳасининг катта ва кичик Туз конида, шунингдек шимолда пастки Объ дарёси атрофидаги маконларда

топилган баъзи сопол идишларнинг нақшларига ўхшаб кетади.

Илк калтамиорликларнинг иш қуроллари чақмоқтош, кварцит каби тошларнинг ҳар хил турларидан ясалган. Бу тош қуролларининг асосий хусусияти — анча архаик типда бўлганлигидир. Аммо бундай ҳолат калтамиорликлар тошни ишлашда орқада қолган, деган фикрни туғдирмаслиги керак. Чунки илк калтамиорликлар тошни ишлашда деярли бутун неолитик усулларни билгандар. Улар тош ва суяқ қуролини оддий парчалаш ёки синдириб олиш билан бирга, унга анча аниқ шакллар берувчи икки томонлама учириш усули, пармалаш ва силлиқлаш техникасини ҳам билгандар. Бунга мазкур маконларда топилган сон-саноқсиз икки томонлама ишланған япроқсимон ўқ-ёй учлари, бир томонлама ўткир пичоқсимон қуроллар, ҳар хил шаклдаги қирғич ва кескир асбоблар далил бўла олади. Калтамиор усталари катта кулранг қумтошлардан ёргуchoқ ва қармоққа бойланаидиган лангарчалар ҳам ясаганлар. Топилган нарсалар орасида турли хил зеб-зийнат сифатида ишлатилган чиганоқлар диққатга сазовордир. Илк калтамиор даврига оид сопол идишлар ва тошдан ясалган асбоб-ускуналар бошқа бир қанча сўнгги неолит ёдгорликларидан қазиб олинган нарсаларга ўхшаб кетади.

Калтамиор маданиятининг сўнгги босқичини кўрсатувчи маконлар Оқчадарё ҳавзасини Жингалди ва Тожиқозган, Қизилқумнинг Лавлакон ва Бешбулоқ каби районларида, юқори Узбой ва Фарбий Қозогистоннинг айrim жойларида топиб текширилган. Бу маконларда топилган сопол идишлар ва тошдан ишланған асбоб-ускуналар илк калтамиорликларнинг анъаналарини сақлаб келганиларини кўрсатади. Аммо топилган кўп нарсалар ичida янгилик элементлари ва мукаммаллаштирилган қуроллар ҳам учрайди.

Янгиликлар асосан кулолчилик буюмларига солинган нақшларда кўпроқ сезилади. Мазкур маданият учун хос нақшлар юқоридан пастга, горизонтал ва қийшиқроқ ўтказилган тароқсимон чуқурчалар ва учбурчакка ўхшаш шакллардан иборат.

Сўнгги калтамиорликларнинг тош қуроллари ҳам ўз аждодларимизникига ўхшаб кетса-да, сон жиҳатидан кўп ва анча такомиллаштирилган. Ромбсимон ва учбурчакка ўхшаш ўқ ёй учлари кўп топилган. Бу маданият тошдан ясалган асбоб-ускуналар ичida кўпгина катта пичноқ, най-

зача (дротик) ва найза учлари учраши билан ажралиб туради. Найза учлари япроқ шаклга ўхшаш бўлиб, 7—10 сантиметр узунликдаги тош парчаларидан ясалган. Сўнгги калтамиорликларнинг пичоқлари ҳам тош парчаларидан ясалиб, ишлов берилган, айримларининг эса икки томони ҳам кескир бўлган. Пичоқларнинг узунлиги 8—10 см, ҳар томонлама йўниб олинган тош ўзаги (нўклеус) билан бир қаторда илк калтамиорликларнига ўхшаш ёруғчоқ, лангарча ва чиганоқ безаклар ҳам учрайди. Айрим далиллар сўнгги калтамиор маданиятида мисни эритиш технологиясини, оддий металл буюмларни ясашни билганлигидан дарак беради. Бешбулоқ маконида топилган мис шлаклари, Иргиз маконида топилган тўрт қиррали мис бигиз бунга далил бўла олади.

Калтамиор маконларининг деярли ҳаммаси, юқорида қайд қилганимиздек, бир-биридан анча узоқдалигига қарамасдан, моддий-маданият шаклларининг бирлиги билан ажралиб туради. Шундай бўлса ҳам сўнгги калтамиорликлар маданиятида бирмунча ўзига хос хусусиятлар бўлган. Оқчадарё, Узбой ва Фарбий Қозоғистон маданиятлари алоҳида ажралиб туради. Бу маконларнинг кўп қисми эрамиздан илгариги учинчи минг йилликнинг иккинчи ярми ва иккинчи минг йилликнинг бошлари билан саналади.

Бутун калтамиор маконларидан топилган суяк қолдиқлари калтамиорликлар балиқчилик ва овчилик билан шуғулланганлигини кўрсатади. Балиқ суякларининг кўп қисми (86 фоизи) сазан, чўртон ва лаққа балиқларницидир. Илк калтамиорликларнинг хўжалигига асосий ролни балиқчилик ўйнагани туфайли, уларнинг маконлари ҳам балиққа бой сув манбаларига яқин — кўл ва дарё қирғоқларида бўлган. Суяк қолдиқлари балиқни санчқига ўхшаш қурол-қармоқ билан, топилган лангарчалар эса тўр билан тутилган деб фараз қилишга имкон беради. Калтамиорликлар чўлда яшовчи жайрон каби сут эмизувчи ҳайвонларни ов қилганлар.

Сўнгги калтамиор маконларида ўқ-ёй ва найза учларининг, катта пичноқсимон қуролларининг ва йирик сут эмизувчи ҳайвон суякларининг кўп учраши — бу даврда калтамиорликлар хўжалигига овчилик катта роль ўйнаганлигидан дарак беради. Айрим маконларда топилган сигир ва қўй суякларининг қолдиқлари эса калтамиор маданиятининг сўнгги босқичларида чорвачиллик пайдо бўлганлигини кўрсатади.


Калтамиорликларнинг ўтроқ ҳаёт кечирганликларини тасдиқлашда Жонбос-4 маконида топилган ибтидоий кулба қолдиқлари катта аҳамиятга эга. Кулба конус шаклида бўлиб, катта ўқи 24 метрга, кичкина ўқи 17 метрга яқин, марказий устунларнинг баландлиги тахминан 8—10 метрча бўлиб, синчбоп ходалардан тикланган ва улар устига қамиш ёпилган. Жуфтлаштириб ўрнатилган устунлар устига қўйилган старапиллар бир-бирига жуда яқинлашиб маҳкам боғлаб қўйилган. Маълумки, бундай қурилиш усуслари Африка, Океания ва Америкада яшаган ибтидоий халқлар архитектурасида ҳам кенг тарқалган эди. Томнинг четидаги куйиб кетган материал массасининг зичлиги — кулбанинг унча баланд бўлмаган деворга таяниб турганлигини кўрсатади. Икки қатор устунлар билан ўралган тор йўлак томнинг ўртасида доимо ёниб турадиган марказий ўчоқقا олиб боради. Бу ўчоқнинг диаметри бир метрга яқин бўлиб, у ярим метрли куйган қизил қум қатлами остида, оппоқ зич қатламли кул ҳолида сақланиб қолган. Эшикнинг ўнг томонида, марказий ўчоқнинг орқасида эса овқат пишириш учун жуда кўп кичикроқ ўчоқлар бор. Кундалик турмуш буюмларининг кўпчилиги мана шу ўчоқлар атрофида топилган. Кираверишда чап томонда асосий туаржой бўлими бўлиб, унда ўчоқлар, асбоб-ускуна ва буюмлар деярли йўқ. Бу кулбада тахминан 100—120 киши она уруғи тартибида яшаган. Кулбанинг катталиги ва унда кичкина-кичкина ўчоқларнинг борлиги — бу жамоанинг хўжалик жиҳатдан жуфт-жуфт оиласаларга бўлина бошлаганини кўрсатади. Катта ўчоқда доимо муқаддас олов сақланиб турган ва бу ўчоқ, С. П. Толстов фикрича, шу кулбада яшовчи уруғ жамоасининг диний маркази ҳисобланган. Жонбосқалъя харобалари яқинида топилган ҳамда шу даврга оид сополдан ясалган хотин ҳайкалчasi ҳам калтамиорликларнинг эътиқодлари тўғрисида фикр юритишга имкон беради.

Калтамиор маданиятига оид ёдгорликларнинг кенг територияда тарқалишига қарамасдан, уларнинг моддий ва маънавий ўхшашлиги, этник ва тил жиҳатдан қандайдир бирлик борлигидан дарак беради. Иккинчидан, бу ҳолат калтамиорликларнинг қўшни мамлакатлар билан яқин муносабатда бўлганлигини кўрсатади. Калтамиор маконларида учрайдиган чиғаноқларнинг айrim турлари бу муносабатларнинг бир учини Ҳинд океани қирғоқларига элтади.

Бинобарин, илк калтамиорликлар Ҳиндистондаги айрим қабилалар билан яқындан алоқада бўлган. Маълумки, бу фикр илгаридан ҳам адабиётда мавжуд. Аммо калтамиор маконларида топилган кўп нарсалар бу маданиятни жанубий Туркманистондаги ва Яқин Шарқдаги, яъни Эрон ва Ироқдаги илк деҳқончилик неолити маконлари билан анча яқинлаштириб қўяди. Бўя яқинлик мазкур маконларда топилган тош асбоб-ускуналарда, сопол идишларнинг шакллари ва уларга берилган нақшларда жуда ҳам аниқ сезилади.

Юқорида кўрсатилган иқтисодий ва маданий яқинликларни фақат оддий муносабат ёки бир маданиятнинг иккинчи маданиятга таъсири деб қараш мумкин эмас. Кейинги йилларда жанубий Туркманистонда ва Яқин Шарқда ўтказилган археологик текширишлар шуни кўрсатади, сўнгги неолит даврига оид илк деҳқончилик маданияти — маҳаллий овчи ва термачи аҳолининг ўтроқ ҳолатга ва деҳқончиликка ўтиши натижасида пайдо бўлган. Маълумки, бу даврда хўжаликда рўй бераётган ўзгаришлар туфайли кўп овчи қабилаларнинг шимолга кўчиш ҳаракатлари бўлиб ўтади. Демак, тўртинчи минг йилликнинг охирида Орол бўйларига янги этник группалар кўчиб борган, деб фараз қилиш мумкин.

Сўнгги калтамиор маданиятининг намуналари Объ ва Кама дарёлари бўйларида учрайди, Уралда топилган неолит даври маконлари бир-бири билан жуда яқин муносави



Қалъалиқир харобаларидан қазиб олинган калла суюклари асосида ясалган ибтидоий хоразмликларнинг ҳайкаллари

батда бўлганлигини кўрсатувчи далиллар кўп. Ҳатто айрим олимларнинг таъкидлашича, калтамиорликлар Объ, Урал рок қилганлар. С. П. Толстов, кейинчалик атоқли рус археологи С. В. Киселев ва бошқа тадқиқотчилар Ўрта Осиёнеолитининг жанубий Сибирда топилган машҳур Афанаьев маданиятига қисман таъсир қилганлигини бир қанча марта таъкидлаганлар. Кўп далиллар калтамиор маданиятининг сўнгги, яъни энеолит (эрамиздан аввалги III-II минг йилликлар) даврида Фарбий Қозоғистон билан муносабати бошқа ерларга нисбатан анча яхшиланганини кўрсатади.

Хоразм ибтидоий тарихининг кейинги даврлари ҳам калтамиор маданиятининг бевосита давоми ҳисобланади. Бу бир маданият босқичидан иккинчисига ўтиш жараёни Хоразм иқлимининг ўзгариши билан белгиланади. Шамолнинг асосан шимолдан нам ҳавони олиб келиши туфайли илгариги қурғоқчилик бир оз камаяди.

Бу даврда хўжаликда бронза, яъни жез қўлланила бошланган. Лекин Ўрта Осиёда, шу жумладан Хоразмда дастлабки даврда мис унча қаттиқ ва мустаҳкам бўлмаганлиги туфайли тош қуролларнинг ўрнини босолмаган. Бинобарин, мисдан фойдаланиш ишлаб чиқариш кучларининг тараққий этишида катта роль ўйнамаган. Шундай бўлса-да, хўжаликда миснинг қўлланилиши ибтидоий Хоразмликларга металлни ўзлаштириш ва унга зарур ишлов бериш йўлини очиб берди. Бронза ихтиро қилиниши бутун ўрта осиёликларнинг узоқ ўтмиши тарихида муҳим бир босқич бўлиб, ибтидоий жамоа хўжалиги, ижтимоий ва маданий ҳаётнинг ҳамма соҳаларини олға силжитиша катта аҳамиятга эга бўлди. Маълумки, бронза ишлов бериш ва ҳар хил асбоб-ускуна ҳамда қурол ясашга жуда қулай. У яна бошқа ажойиб хусусиятларга ҳам эга; мисга нисбатан анча паст ҳароратда эрийди, қирралари ўткир ва чиройли чиқади. Шунинг учун бронза тошни турмушдан аста-секин сиқиб чиқара бошлаган.

Бронза аспи бошланиши билан ибтидоий кишиларнинг хўжалик фаолияти ва ижтимоий тузумида тубдан ўзгаришлар юз бериб, маданият нисбатан юқори поғонага кўтарилади. Бу жараён бутун инсониятга хосдир. Бронза даврида илгари хўжалик асосини ташкил қилган овчилик ва балиқчилик ўрнига анча самарали ҳисобланган чорвачилик биринчи ўринга кўтарила бўшлайди. Деҳқончилик аста-секин хўжаликнинг мустақил, муҳим тармоғига айла-

на бошлайди. Баъзи районларда, археологларнинг кўрсатишича, бу даврда арча дараҳтидан ясалган омоч билан ишлов бериш пайдо бўлган. Дастрлабки омочлар ёғондан ясалганлиги туфайли бизларгача етиб келмаган.

Хўжаликнинг ривожланиши жамият тарихида энг муҳим ҳодисалардан бири ҳисобланган биринчи йирик ижтимоий тақсимотига олиб келади. Айрим вилоятларда табиий шароитга қараб чорвачилик хўжаликнинг энг асосий, етакчи тармоғига айлана бошлаган. Чорвачилик учун зарур кенг яйловларнинг етишмаслиги бошқа районларда деҳқончиликни етакчи тармоққа айлантирган. Оқибатда икки йирик хўжалик соҳаси — деҳқончилик ва чорвачилик ҳамда уларга хос маданият шаклланади.

Мазкур жараёнда яна бир муҳим ўзгариш рўй беради. Ижтимоий меҳнат тақсимоти натижасида аҳоли ўзини барча зарур буюмлар ва маҳсулот билан таъмин қила олмай қолади: кўчманчи чорвадорлар деҳқон меҳнати яратган маҳсулотга муҳтож бўлиб қолган ва, аксинча, чорвачилик маҳсулоти ўтроқ аҳоли учун зарур эди, бу ҳолат бир томондан кўчманчи чорвачиликка эга қабилалар, иккинчи томондан ўтроқ деҳқон аҳолиси орасида мол айирбошлашнинг пайдо бўлишига ва ривожланишига олиб келган.

Хўжаликнинг ривожланиши, овчиликдан ва уй ҳайвонларини урчишидан чорвачиликка, оддий деҳқончиликдан омоч асосида такомиллашган деҳқончиликка ўтиш ижтимоий тузумда ҳам катта ўзгаришларга олиб келди. Илгари эркак овчилик билан, аёл деҳқончилик ва таом тайёрлаш билан шуғулланган бўлса, эндиликда хўжаликнинг муҳим етакчи тармоғига айланган чорвачилик ёки деҳқончилик эркакларнинг асосий машғулотига айланади, аёллар эса фақат уй-рўзгор ишлари билан шуғуллана бошлайди. Бу ҳолат аёл ва эркакларнинг ижтимоий турмушда тутган ўрнини белгилаб берди. Хўжаликнинг асосий тармоғи эркакнинг зими масига тушганлиги туфайли тош даврига хос матриархал, яъни она уруғи ижтимоий муносабатлари емирилиб, ўрнига патриархал, яъни ота уруғи тузуми ҳукмронлик қила бошлайди.

Жонбосқалъа районида ва Анқоқалъанинг шимоли-шарқида топилган маконлар, Бургутқалъа воҳасининг ғарбий чеккасида Норинжон ҳамда Тешикқалъа харобалари ўртасида топилган ибтидоий ёдгорликлар Хоразмнинг бронза даври маданияти ҳақида маълумот беради. Хоразм-

даги бу даврга мансуб биринчи ёдгорлик құмлар орасыда кимсасиз Бургутқалъа воҳасида топилган. Узоқ ўтмишда бу воҳа орқали Пахтаарна сугориш системасига киравчи Тозабоғён канали ўтган. Шунинг учун ҳам бу маданият Тозабоғён номи билан юритилади.

Тозабоғёнпликлар эрамиздан аввалги икки мингинчи йилда янги ерларни ўзлаштириб, деҳқончилик ва чорвачилик билан шуғулланганлар. Бу даврга оид маконларнинг кўпгина қисми Амударёнинг қадимги ўзани Оқчадарё бўйларида топилган. Бу ёдгорликларнинг ичидаги энг муҳими Анқо-5 номли макон бўлиб, унинг майдонида узун тор эшикли тўғри бурчак шаклдаги ярим ертўла диққатга сазовордир.

Тозабоғён маданияти қолипда босилган ва ўйилма нақшлар берилган сопол идишларнинг бўлиши, ишлаб чиқариш техникасининг оддийлиги ва майда тошлардан қилинган (микролитоид) қуролларнинг камайиб кетиши билан характерланади.

Кўкча тоғ тизмаларининг жанубида топилган Кўкча-3 номли қабристон археологларнинг диққатини ўзига жалб қилган. Қабристоннинг тақир қатламлари қазилганда юзга яқин гўр топилиб, унда дағн қилинган жасадларнинг бошлари гарбга қаратиб ётқизилганлиги аниқланган. Улар якка-якка ва жуфт-жуфт қилиб кўмилган. Жуфт кўмилганлар ичидаги бирга ётқизилган эркак ва хотинларнинг, айниқса, болаларнинг жасади кўп учрайди. Аммо жуфт кўмилганларнинг бири аввал, иккинчиси кейин дағн қилинган. Текширилган қабрларда жуда кўп нақшли сопол идишлар, бронздан ясалган билагузуклар, бигизлар, ўқ ёй учлари ва попуклар топилган. Кўмилган жасадларнинг ётқизилиши ва қабрлардан топилган буюмлар тозабоғёнпликларнинг диний эътиқодларини тушунишда қимматли маълумотлар бсрлади.

Тозабоғёнпликларнинг дағн қилиш маросимларини чуқур ўрганган С. П. Толстов ва М. А. Итина кабиларнинг фикрича, бу даврда жамият ҳали патриархал тузумга тўлиқ ўтиб етишмаган. Эр ва хотин орасидаги қариндошлик муносабатлари анча мустаҳкам, уларнинг жамиятда тутган ўрни teng бўлган. Жиддий тадқиқотлар шуни кўрсатадики, жуфт кўмилганлар ичидаги деярли ярмиси аввал хотин киши жасади, кейин эса эркак киши дағн қилинган. Маълумки, кейинроқ патриархал қулдорлик тузумида яшаган скиф қабилалари эри-ўлгандан кейин унинг хотинини қатл қилиб, бирга дағн этганлар.

Бронза даври охирларида Сирдарё, Жангадарё ва Оқчадарё ҳавзаларида истиқомат қилган турли этник-маданий аҳоли бир-бири билан муносабатда бўлганлар. Мазкур этник гуруҳларнинг маданияти заминида бу ердаги сак (скиф) қабилаларнинг "Кўкча денгиз маданияти" деб аталган ниҳоятда ўзига хос маданият вужудга келган. Бу маданият намояндалари бирмунча кейинги этник манбаларда Гекатей — Страбон "Ботқоқлик ва орол массагетлари" деб аталган апасиаклар ўрнини олади.

Тадқиқотлар шуни кўрсатадики, антик даврда Сирдарёning қадимги дельтасида жойлашган қабилалар ўша вақтнинг ўзидаёқ комплекс хўжалик юргизганлар, ҳам чорвачилик билан шуғулланганлар, ҳам обикор деҳқончилик қилиб, тариқ, арпа экканлар, Жангадарёning ўрта оқимида апасиак қабилалари қадимги пойтахтининг харобалари жойлашган бўлиб, улар мӯғуллар истилосидан кейинги ўрта асрларга оид ном билан — Чирикработ ёки Чирикқалъя ("қўшин жойлашган работ" ёки "қалъа" маънисида) деб аталади. Сўнгги йилларда мазкур қалъа апасиак ёдгорликларидан Бобишмулла ва Болондида ўтказилган тадқиқотлар натижасида Хоразм воҳасини ўраб олган скиф қабилаларининг турмушкини ўрганишда муҳим материаллар қўлга киритилган.

Қадимги суғорилган жойларда Жонбосқалъа районида Тозабоғён маданиятига яқин Суёргон номли деҳқончилик маданияти пайдо бўлади. Суёргонликлар ёғоч устунларга ўрнатилган енгил шиййон билан ёпилган тўғри бурчакли кулбаларда истиқомат қилганлар. Бу кулбаларнинг сатҳи калтамиорликларнига нисбатан кичик бўлган. Ундаги ўchoқларнинг камлиги эса аввало бу даврда илгариги катта она уруғидаги оиласлар ўрнига кичик ёки айрим ота уруғидаги оиласлар келганлигини кўрсатиб, ибтидоий Хоразмнинг жамоа тузумида катта ўзгаришлар рўй берганлигидан дарак беради. Айрим тадқиқотчиларнинг айтишича, бу ҳол ярим интенсив деҳқончилик билан бирга пода ҳайдаб чорвачилик қилиш шароитида юз берган янги хўжалик ўзгаришлари туфайли содир бўлган. Шу маданиятга оид маконларнинг бирида ўтказилган текширишлар илк деҳқончилик ва чорвачиликка ўтган ибтидоий хоразмликлар тошқин гоҳ у ерда, гоҳ бу ерда бўлиб тургани учун тез-тез бир жойдан иккинчи жойга кўчиб юрганини кўрсатади.

Ибтидоий суғориш деҳқончилиги билан бир қаторда қадимги хоразмликлар қайрларда, яъни дарё тармоқлари

ва сунъий каналларнинг этаклари бўйлаб жойлашган, ер ости суви юқорида бўлган ерларда деҳқончилик қилганлар. Қайрларда қадимдан полиз экинлари экилиб, юқори ҳосил олинган. Бундай ерларда экилган Хоразм қовунлари кўп асрлардан бери дунёга машҳур. Тарихий манбаларда бу қовунларни зардан ишланган маҳсус тўрларга солиб, узоқ Бағдодга, араб халифаларига олиб борилганлигининг хабар қилиниши бежиз эмас.

Яхё Гуломовнинг айтишича, эрамиздан олдинги иккинчи минг йилликда Хоразмнинг бронза даври маданияти, афтидан, Копетдоғ этакларида топилиб текширилган ilk деҳқончилик маданияти билан Шарқий Европадаги дашт бронза маданиятини бир-бирига боғловчи ҳалқа бўлиб хизмат қиласди. Бошқа бир қанча олимларнинг (С. П. Толстов, А. Н. Бернштам ва А. В. З布鲁ева) таъкидлашига қараганда, Хоразм бронзаси Тяньшан этакларидан Кама дарёси бўйлаб то Дон дарёсигача чўзилган кенг территорияда топилган деҳқончилик ва чорвачиликка кўчган бе-поён дашт маданияти билан жуда яқин бўлган.

Эрамиздан аввалги XI—X асрларга мансуб ҳисобланадиган кечки Суёргон маданиятининг ўзига хос хусусияти шундаки, у Суёргон ва Тозабоғёп анъаналарининг чатишмасига Қорасун маданиятининг баъзи белгилари аралашувидан вужудга келган. Маълумки, Қорасун маданиятининг маркази Минусин ўлкаси ва Олтойда



Тагисken таъмирланган мақбараларининг умумий кўриниши



Тагискен мақбараларидан топилған сопол буюмлар

бўлиб, унинг Хитой шимолий чеккасининг бронза давридаги маданияти билан яқин алоқада эканлигини археолог С. В. Киселев исботлаб берган.

Шу тариқа бронза даврида, С. П. Толстов тасдиқлашича, Амударёning ҳозирги ўзани шаклланиши арафасида Хоразмда шимолий, жанубий ва шарқий этник-маданий элементларнинг чатишиш жараёни боради. Шу асосда ўзига хос эроний тилда сўзлашган қадимги Хоразм халқи — Амударё ҳавзасидаги буюк суғориш системасининг ижодкори бўлган халқ мазкур этник элементлар негизида вужудга келган.

Эрамизгача бўлган биринчи минг йилликнинг бошларида, яъни илк темир даврида янги, Амиробод маданияти вужудга келади. Қўлда ясалаб, қора ва тўқ кулрангга бўялган ҳамда оғзи тўғри ва паст қилиб ишланган сопол идишлар ана шу маданият учун характерлидир.

Амирободликлар ўз аждодлариdek ёғоч устунлардан ясалган чайлаларда эмас, балки лойдан анча мустаҳкам қилиб ишланган узун уйларда яшаганлар. Бундай уйларнинг узунлиги 70 метргача бўлиб, иккита параллел даҳлизга ўхшаган ва бир-бирига параллел бўлган иккита ҳужрадан ташкил топган. Афтидан бу даврда амирободликларнинг ижтимоий-иқтисодий турмушида ва уларнинг ибтидоий жамоа тузумида ўзгаришлар рўй берган бўлса керак. Кўп далиллар бу маданият ибтидоий варварлик даврининг юқори босқичида бўлганлигини кўрсатади. Аммо амирободликларнинг цивилизацияга ўтишига озроқ вақт қолган бўлиб, улар бу муҳим босқичга эрамиздан аввалги VIII—VII асрларгá келиб ўта бошлайди. Натижада Хоразм тарихида янги давр бошланади.

ОТАШПАРАСТЛИК ВА МУҚАДДАС АВЕСТО

Буюк донишманд шоир Абулқосим Фирдавсийнинг ўлмас асари "Шоҳнома"да Инсон мавқеини юқори даражага кўтарган, гуманистик ғояларни, адолатпарварлик ва халқ орзу-умидларини рўёбга чиқаришни, дунёда тўқ ва фаровон давлат яратиш зарурлигини зўр маҳорат билан тараннум этган. Шоир тили билан айтганда, барча нарсларнинг ижодкори инсон, инсондан яхшилик, нур ва равшанлик, инсонсиз дунёда йўқ фаровонлик. Бу улуғ инсоний ғоя асли жаҳонда биринчи марта эрамиздан аввалги биринчи минг йиллик ўрталарида бутун Ўрта ва Олд

Осиёга тарқалган зардустийлик динининг муқаддас китоби Авестода ўз ифодасини топган эди. Юксак ғояларга тўла муайян тартибга солинган диний мафкуранинг жуда кенг ҳудудда жойлашган қадимий давлатлар ва элатлар орасида ҳукмрон бўлиши тасодифий эмас эди.

Тарихий манбаларга асосланиб тадқиқотчилар бепоён евросиё даштларида, шу жумладан, Ўрта Осиё ва Қозогистонда, эрамиздан аввалги III—II минг йилликларда ҳинд-европа тиллари туркумига оид жуда кўп ўтроқ ва кўчманчи элат ва қабилалар яшаганлигини исботлаб берганлар. Улар Олой тоғи этакларидан Дунай дарёси қирғоқларигача, Урал тоғ тизмаларидан Ҳинд дарёсига-ча ниҳоятда кенг маконни эгаллаб нафақат тили жиҳатидан, ҳатто хўжалик фаолияти, маданияти, келиб чиқиши ва этник тузилиши жиҳатидан ҳам умумий бирликка эга бўлганлар. Мазкур элатларнинг ўша даврда ўзларини "арий" (яъни бир уруғ одамлари) деб аталган қисмлари қўшни халқлар тарихида муҳим роль ўйнаганлиги аниқ. Дарё соҳилларида яшовчи ўтроқ "арийлар" деҳқончилик ва ҳунармандчилик билан шуғулланган бўлса, кўчманчи "арийлар" чорвачилик билан шуғулланганлар.

Эрамиздан аввалги III минг йилликнинг охирларида ёзма манбаларда бу элат ва қабилалар скиф-сармат, сак-массагет номи билан тилга олинади. Асли ярим ўтроқ ва кўчманчи ҳисобланган ҳинд-европаликларнинг бир қисми Қозогистонга, Ўрта Осиёнинг шимолида асосан Орол бўйи, кейинчалик Сир ва Аму дарёнинг қўйи оқимига жойлашиб, ўзига хос юксак маданият яратганлар. Ўша даврларда ёқ сак-массагет қабила ва элатлари металлдан ҳар хил меҳнат қуроллари ва яроғ-аслаҳалар — ханжар, болта, найза, ўқ-ёй, хилма-хил бадиий безаклар, катта ғилдиракли уч-тўрт от қўшиладиган оғир аравалар ва ҳарбий юришларда ишлатиладиган енгил аравалар ясаганлар. Улар ҳатто янги чидамли от турларини парвариш қилганлар, илғор уруш тактикасига эга бўлганлар, аравали лашкарлар эса айрим табақани ташкил қилган. Эрамиздан аввалги II минг йиллик ўрталарида кўҳна Хоразм, Марғиёна, Сўғдиёна ва Бақтрияда суғориладиган деҳқончилик билан шуғулланувчи, эроний тилда гаплашувчи элатлар билан жуда яқин алоқада бўлган сак-массагетлар бутун Яқин ва Ўрта Шарқни ҳам қисман Европани ларзага келтириб турган.

Евросиё чексиз даштларида онда-сонда учрайдиган қадимий тепаликларда дағн қилингандай бой қабила бошлиқларининг ва ҳарбийларининг дабдабали қабрлариниң қазиб текшириш натижасида скиф-сармат, сак-массагет қабилаларининг юксак маданиятга ва қудратли ҳарбий кучга эга бўлганлиги исботланди. Қабрларда жасад билан кўмилган турли ҳарбий қуроллар, безакка бой юган ва эгарлар, от-аравалар, нақшли сопол буюмлар, гўзал ҳайкалчалар, қимматбаҳо тош ва металлардан ясалган безаклар бунга ёрқин далиллар. Юқорида қайд қилинганидек, антик замон муаллифлари таърифлаган, буюк Фирдавсийнинг "Шоҳнома"сида куйланган, кейинчалик ғарб ва шарқнинг машҳур эпик достонларида тилга олинган французларнинг "Роланд ҳақида қўшиқ" номли ажойиб достонида ёзилганидек, "...дашту биёбон Оссиана юртининг худога ишонмаган лаънати қабилалари" асрлар давомида машриқдан мағрибгача қўшни элат ва давлатларга ўз таъсирини ўтказиб келган.

Шуниси муҳимки, сак ва скиф-сармат тепаликларида топилган бадиий буюмлар, от-арава, туя, қўчкор, илон каби турли махлуқлар тасвиirlанган расм ва ҳайкаллар ўтган асрнинг охирларида жанубий Тожикистонда кашф этилган "Амударё ҳазинаси" буюм ва безакларида, кейинги Аҳмонийлар, Македониялик Искандар ва Кушон давлати даврига оид топилмаларга жуда ўхшаб кетади. Қозогистон ва Қирғизистон тоғ бағрларида, Ўзбекистоннинг кўп жойларида қоятошларга битилган ибтидоий расмларда ҳам от-туя қўшилган аравалар, ҳар хил ҳайвонлар — туя, тоғ эчкиси, қўчкор ва бошқа махлуқларнинг тасвиirlаниши узоқ ўтмишда ўрта осиёликларнинг маънавий маданияти билан евросиё даштларида яшаган қабилалар маданиятида қандайдир умумийлик, яқинлик мавжудлигидан далолат беради. Туркманистон ва Ўзбекистоннинг жанубий районларида топилган Жайтун маданияти, Қоратепа, Номозгоҳтепа, Яланғочтепа ва бошқа жойларда қилинган ажойиб кашфиётлар ҳам бу фикрни тасдиқлайди.

Ўрта Осиёда рўй берган ижтимоий-иқтисодий ўзгаришлар, минтақадаги кўчманчи қабилаларнинг аста-секин ўтроқ ҳолатга ўта бошлиши, жамиятда ижтимоий табақаланишнинг юзага келиши ижтимоий онга ҳам муайян ўзгаришларга олиб келган. Археология ва этнография соҳасидаги тадқиқотлар моддий бойликларни ишлаб чиқарishi, ижтимоий муносабатларнинг мураккаблашиши таъсирида диний тасаввурлардаги эволюцион ўзгаришларни тасви-

лашга имкон беради. Оқибатда мазкур ҳудуддаги илк жамият даврида ёқ табақаланиш билан бир қаторда ғайри табий олам ҳам табақалана бошлайди: сон-саноқсиз руҳлар ичидан олий имтиёзли ғайритабиий мавжудотлар — худолар табақаси ажралиб чиқа бошлайди. Агар руҳлар айримликни ифодалаган бўлса, худолар умумийликни ифодалайди. Энг қадимий афсонавий образлар илгари табиат кучларини ифодалаган бўлса, эндиликда улар илоҳий куч сифатида ижтимоий муносабатларни ифодалайдиган образлар сифатида намоён бўла бошлайди. Оқибатда кўпхудолик тасаввурлар пайдо бўлиб, худолар теварак-атрофдаги чексиз борлиқнинг ҳамма томонини эгаллайди ва ўз назоратини ўрнатади. Бундай жараён, яъни диний ифодалашда яккалиқдан умумийликка ўтиш ижтимоий тараққиёт билан боғлиқ ижтимоий муҳит негизида рўй бериши мумкин эди. Шунинг учун кўпхудолик — қулдорлик негизида ва жамият манфаатига хизмат қилувчи восита сифатида пайдо бўлган ижтимоий онг шакли эди.

Кенг терриорияда бўлиб ўтган мазкур жараённинг маркази Ўрта Осиё, унинг ўзаги Хоразм воҳаси десак хато бўлмайди. Археологик қазишмаларда топилган буюм ва безакларда кўп учрайдиган афсонавий тасвиirlар, айрим худоларнинг образларини ифодаловчи ҳайкал ва расмлар узоқ ўтмишдаги аждодларимизнинг диний эътиқодлари, урф-одатлари тўғрисида мулоҳаза қилишга имкон беради. Ҳар хил идишлар, ханжар ва пичоқ дасталари, билагузук ва исирғалар, тўғнағич ва тўқаларга ясалган эчки ва қўйлар, қанотли қўчқорсимон ёки отсимон маҳлуқлар, яримодам яримилон, бўри ёки шер шаклидаги афсонавий образлар, тамға ва муҳрлардаги ҳар хил қуш ва ҳайвонларнинг тасвири оддий санъат намунаси бўлибгина қолмай, балки илк дин шакллари, айниқса тотемизм билан боғлиқ тасаввурлар маҳсулидир.

Тарихий маълумотларга қараганда евросиё даштларида яшовчи аҳолининг хўжалик, ҳарбий ва маданий ҳаётида әрамиздан аввалги II минг йиллик ўрталарига келиб жиддий ўзгаришлар рўй берганлиги аниқланган. Бу даврда табиат ўзгариши, айниқса ҳавонинг совуши ва бошқа баъзи сабабларга кўра сон-саноқсиз қабила ва элатлар ҳаракатга келади. Юқорида қайд қилинган, "арийлар" номи билан маълум этник жамоа иккига бўлиниб, катта бир қисми Кавказ тоғлари устидан олд Осиёга кўчиб ўтади. Бу ерда улар маҳаллий элатларга отни парвариш этиш ва аравада жанг қилиш тактикасини ўргатиб, ўzlари туб

аҳоли билан аралашиб, тарих саҳнасидан йўқолиб кетганлар. Уларнинг Ўрта Осиёning шимолида яшаган иккинчи қисми ҳам ўша даврда Тоҷикистон тоғ довонларидан аста-секин ошиб ўтиб, шимоли-ғарбий Ҳиндистон, Гўмам, Сват ва Гандхара га кўчиб жойлашганлар. Бу "буюк кўчиш" натижасида мазкур этник қавмлар босиб ўтган йўлда ҳозиргача скиф-сармат қабристонлари, отлар дафн қилинган мозорлар, аравалар суратлари солинган қоялар учрайди. Ҳозиргача Шимолий Ҳиндистон аҳолиси орасида европадаги илк ватан тўғрисида афсона ва ривоятлар сақланиб келади. Ҳинд-эроний қабилаларнинг илк ватанидан жанубга бир неча марта кетма-кет тўлқин бўлиб кўнганлиги тўғрисида зардуштийлик динининг муқаддас китоби Авестода ҳам ҳикоя қилинади.

Яна Хоразм воҳасига қайтсак. Эрамиздан аввалги II минг йиллик даврида ё Амударёning Жанубий Оқчадарё ҳавзаси майдонларини одамлар ўзлаштира бошлиганлар. Унинг ён ўзанлари бўйлаб Жанубий Уралбўйи даштларидан келган андронов маданиятига оид аҳоли маҳаллий сувёргон қабилалари билан аралашиб кетган (асли генетик жиҳатдан калтамиораликларга тақалган) элатлар жойлашган. Бу маконларнинг кашф этилиши натижасида, у ердаги кулба ва қишлоқларнинг қолдиқлари, кўҳна ариқ тармоқлари ва далаларнинг аниқ излари, Жанубий Оқчадарё ҳавзаси аҳолисининг хўжалиги, уйлари ва туар жойлари тўғрисида археологларимиз жуда бой материалларни қўлга киритдилар. Хоразм бронза (жез) даврига оид бу кашфиётлар фанда мутлақо номаълум бўлган узоқ ўтмишдаги ижтимоий тузумни қайта тиклаш имконини берди.

Орол бўйининг жанубида серунум тупроқли текисликларида ва уни ўраб олган дашт яйловларида анча мураккаб этник жараённи бошидан кечирган аҳоли яшаган. Маҳаллий аҳолининг этник тузилишида ҳам жанубий, ҳам шимолий гуруҳларнинг иштирок этганлигини қадимий қабристонлардан топилган ашёлар тасдиқлади. Табиийки, этник чатишмалар билан бирга уларнинг урф-одатлари ва диний тасаввурларида ҳам жiddий чатишмалар юз берган бўлиши керак. Айниқса диний тасаввурлар билан мифологик асарлар, оғзаки ҳалқ જоди жанрлари билан диний ақидаларнинг узвий боғлиқлиги кенг ҳалқ оммасининг онгида янги диний таълимотлар билан бирга ибтидоий дин шаклларини сақлаб қолишга имкон яратади.

Шундай бир мураккаб вазиятда минтақада синкретик тарзда юзага келган зардуштийлик дини янги ижтимоий

тузумга мос келган эди. Аммо ҳозиргача тадқиқотчилар орасида биринчи жаҳон динининг ватани қаерда эканлиги аниқланмаган. Ва лекин кўпчилик тарихчи, шарқшунос ва диншунос олимлар турли манбаларга таяниб, зардустийлик Марказий Осиёда, айримлари ҳатто кўҳна Хоразмда пайдо бўлган деган фикрни исботлашга ҳаракат қилганлар. Юқорида қайд қилинган арийлар ва бошқа турли элат ва қабилаларнинг турмуш тарзи, оғзаки ижодида ҳар хил жанрлардаги образлар, айниқса эртак ва достонларнинг қаҳрамонлари янги диний таълимотда ўз аксини топганлиги зардустийлик шубҳасиз Марказий Осиё, шу жумладан Хоразм воҳаси билан боғлиқ эканлигини кўрсатади.

Эрамиздан аввалги I минг йилликнинг бошларида Марказий Осиёда пайдо бўлган қудратли давлатлар ўз ҳукмронлигини ўрнатиш ва уни мафкуравий жиҳатдан мустаҳкамлаш учун муайян ғоявий воситага муҳтож ҳам эди. Маълумки, минтақада эрамиздан аввалги VII асрнинг охирида қисқа давр ҳукмронлик қилган Ассурия салтанати емирилиб, унинг харобаларида икки катта давлат — Мидия ва Бобил давлатлари пайдо бўлган. VI—V асрнинг ўрталарида эса Олд Осиёни ўзига бўйсундирган Аҳмонийлар империяси юзага келади. Унга асос солган мустабид подшо Кир II (Эрамиздан аввалги 558—529 йиллар) қўл остидаги давлатда ўзини барча мавжуд динларнинг ҳомийси, деб жар солади ва уларга ҳатто моддий ёрдам беради. Шундай тарихий вазиятда юзага келган зардустийлик дини шарқ мустабидларининг диққатини ўзига жалб қилган эди.

Аҳмонийлар давридаги ўтроқ деҳқонлар ўзларини арий, ўз мамлакатларини эса Ариан (Эрон номи шундан келиб чиққан бўлса керак), деб атадилар. Кўчманчи арийларни аҳмоний форслари саклар деб, Шарқий Эрон ва Ўрта Осиёнинг жанубидаги ўтроқ аҳолини турлар (Турон номи ҳам шу сўздан), деб атаганлар. Янги динга асос солган Зардустнинг ўзи ҳам тур бўлганлиги, унинг ваъзлари кўчманчи қабилалар орасида обрў қозонмаганлиги туфайли у ўз ватанини тарқ этиб, Эронга келиб диний таълимотини тарғиб қила бошлаганлиги тўғрисида ривоятлар бор. Эрон ва Турон ўртасидаги рақобат ва интиҳосиз урушлар, тур ерлари билан боғлиқ воқеалар нафақат ҳалқ оғзаки ижодида, улуғ шоир Фирдавсийнинг ўлмас асарида ҳам батафсил тасвирланган. Ундаги Заратуштра (Зардуст) номи эроний тилда "кекса (ёки сариқ) туя эгаси" деган

маънони англатади ва бундай ном кўчманчи чорвадорлар учун хос атамадир.

Кўп тарихий асарларда Зардушт афсонавий йиғма образ, аслида бундай шахс бўлмаган деган фикр узоқ вақт ҳукм суреб келган эди. Кейинги тадқиқотларга қараганда, айниқса оригинал матнлар синчиклаб ўрганилиши натижасида бу фикрлар асоссиз бўлиб чиқмоқда. Айрим олимларнинг таърифича, Зардушт томонидан яратилган шеърий оятларда бу пайғамбарнинг ҳаётига оид баъзи маълумотлар мавжуд. Масалан, бир ерда Зардушт ўзининг камбағаллигидан нолийди, бошқа бир ўринда унинг оиласи, қизлари ва куёвлари бўлганлиги тўғрисида хабар бор. Унинг ижодида машақат чеккан, курашларда чиниққан, зўр истеъдод эгаси ёрқин шахс намоён бўлади. Бошқа пайғамбарларга ўхшаб Зардушт ҳам ўз таълимотини кишиларга тўла етказа олмай чуқур изтироб чекади ва атрофдагилар уни душманлик билан қарши оладилар. Зардушт гапларида мўъжиза, илоҳий жасорат, сеҳргарлик намоён қилмайди, бундай хатти-ҳаракатларнинг барчаси зардуштийликнинг кейин пайдо бўлган асарларида афсонавий руҳда унга нисбат берилиб, бўрттириб тасвиrlанган.

Асли зардушт таълимоти эрамиздан аввалги VII асрда пайдо бўлиб, у адабиётларда бошқа номлар билан ҳам аталади, унга бош худо Ахурамазда исми билан маздаизм, бош муқаддас китоб Авесто номи билан авестаизм, асосий эътиқод оловга сифиниш бўлганлиги туфайли оташпарастлик ёки кейинги зардуштийлик даврида худо Митра исми билан митраизм, деб ном берилган. Бу диннинг асосий бош асари Авесто Осиё ва қўшни мамлакатларнинг деярлик минг йиллик тарихи ва маданиятини ўрганишда энг муҳим ёзма манбалардан бири бўлиб ҳам хизмат қиласди.

Авесто ривоятларидан бирида, афсонавий биринчи одам ва эронийларнинг биринчи подшоси Йима осмон худоси Ахурамазда унга берган ерларини кенгайтирганлиги тўғрисида ҳикоя қилинади. Йима уч юз қиши ҳукмронлик қилган. Шу давр ичида унинг ерида ўсимликлар, қушлар, турар жой ҳам қолмаган, ерга ҳам оғирлик тушган. Кейин жанубга бошлаган ва у ерда 600 йил ҳукмронлик қилган. Яна аҳоли кўпайиб зич бўлганидан, Йима ўз кишиларини олиб кетади ва охирида орзу қилган ўлкаси Арконам Ваэжога етади. Йиманинг етти ойи илиқ қиши, беш ойи

файзли гўзал ёз билан ўтган. Аммо Авестонинг бош образларидан ёвузлик худоси (руҳи) Анхра Майню (Аримон) келиб, бу серунум саҳий ўлкани сув билан таъмин қилиб турган дарёни қаҳратон қиши билан тўлдирган. Эндиликда бу ерда ўн ой қиши ва фақат икки ой ёз бўлган.

Айрим олимларнинг фикрича, бу афсонавий ўлка муқаддас Амунинг қуи оқимида кўҳна Хоразм ҳисобланган. Археологик ва тарихий тадқиқотлар ҳам бу фикрни тасдиқлайди. Беруний берган маълумотларга қараганда Хоразмга афсонавий қаҳрамон Сиёвуш келиб, дастлаб давлатга асос солган даври Хоразмга йил ҳисобининг бошланиш санаси "буюк кўчишлар" даврига тўғри келиши диққатга сазовор. Эрамизнинг X асрига қадар ҳукмронлик қилиб келган мазкур афсонавий сиёвшулар сулоласининг асосчиси Авестода Сиёвашон номи билан тилга олинади, унинг образи ҳалқ достонлари ва афсоналарида ярим худо қиёфасида гавдаланади. Хоразм эртакларида жуда кўп учрайдиган девлар, аждаҳо ва бошқа турли ёвуз кучлар Авесто образларига тўғри келиши ҳам тасодиф эмас. Авестонинг айрим қиссалари Фирдавсий асарларида тилга олиниб, Сиёваршона ва Ҳусрав кўрсатган қаҳрамонликлар билан боғлиқ воқеалар Урва (Урганч) яқинидаги кўлларга бой ўлка, Вурукаш (Орол) денгизи атрофларида ҳамда дахлар ва сарматлар (Волга бўйи даштлари) мамлакатида рўй беради. Шу ерда Вурукаш денгизига яқин жойда Ардви (Амударё) ирмоқлари пайдо қилган оролларда "еттига киришвор" аҳоли яшаган энг қадимий вилоятлар юзага келган. Бу ерга Сасраок номли муқаддас ҳўқизга минган дастлабки авлодлар муқаддас маздакий оловини келтиради. Шу оловнинг энг қадимийси ва энг ҳурматлисини Йима-Жамшид Хоразм тоғларидан бирининг чўққисига ўрнатади.

Йима эса буюк "Шоҳнома"да Жамшид образида намоён бўлади. Жам (Йим) киши исми, шид-нуроний деган маънени англатади. Унинг подшолик қилган даври ёруғлик зулмат устидан, адолат ёвузлик устидан, инсонлар девлар устидан узил-кесил ғалаба қилган, ҳатто ўлим еягилган, ҳар бир дардга даво топилган замон, деб таърифланади, эронийларнинг афсонавий тарихида "олтин давр" деб ҳисобланади. "Шоҳнома"даги бир афсонага кўра, Жамшид авлоди Ҳушанг Прометей сингари оловни кашф этиб, сада байрамида кишиларга тақдим этади ва уни муқаддаслаштиради. Унда зардуштийлик динининг асосий эътиқоди

оловга сиғинишининг пайдо бўлиши ҳақида ҳикоя қилинади.

Шундан бери оташ қибласи бўлди,
Шуъласидан дилга ёруғлик тўлди,
Кеч киргач, ўт ёқиб айлади гулхан,
Гулхан атрофида аъёнлар билан
Ўлтириб бошлади базм ва байрам,
Сада деб ном берди дилдан ариб ғам.
Сада базми ундан қолди ёдгор,
Хушангдек бўлсайди бари шаҳриёр...

Унда ёруғлик, эзгулик худоси Ахурамазда ва қоронғулик, ёвузлик худоси Анgra Майню (Аҳриман) орасидаги доимий кураш ётади. Асли Зардуст дини қадимий Марказий Осиё қабилалари ҳинд-эрон худолари образидан келиб чиққан. Икки худо — Варуна ва Митра — илк худоларнинг бошида турган. Бу жуфтликда Варуна жамият ахлоқий тартибларини бузган кишиларни жазоловчиси, Митра эса инсонларга яқин бўлиб, у кишилар ўртасидаги аҳд ва дўстлик худоси сифатида тасвирланади. Мазкур диний тасаввурлар ўрнида пайдо бўлган зардустийлик Варуна образини Ахурамазда (донишманд худо) сифати билан улуғлайди ва уни бутун коинот ва жонли мавжудотни, руҳларни, инсон ва жониворларни яратган ягона худога айлантирган. Бу бунёдкор парвардигор инсонга эзгулик ва ёвузлик, ҳақиқат ва ёлғонни танлаш ихтиёрини берган. Бунда тарихда биринчи марта ижтимоий зиддият ва ёвузлик муаммоси илоҳий образлар орқали ифодаланган.

Зардуст таълимотининг муҳим томони шундаки, у ижтимоий зулмга қарши курашиш имкониятини, бунда ҳам руҳ, ҳам инсон ўз йўлини танлаши лозимлигини баён этади. Мазкур ғоя буюк "Шоҳнома"да ҳам ўз аксини топган. Унда инсон ҳаёти кўринишларининг моҳирона тасвирларида, кишиларнинг ўзларига хос эзгулик ва камчилклари, ижобий ва салбий томонлари ифодаланган. Иккинчи асосий ғоя яхшилик ва ёмонлик орасидаги азалий ва абадий кураш ғоясидир. Асарда зўр маҳорат билан дунё Ахурамазда бошчиллигидаги яхшилик кучларининг Аҳриман қўл остидаги ёвузлик лашкарларига қарши кураш сифатида талқин этилган. Тадқиқотчилар қайд қилганидек, "Шоҳнома"да ўтроқ аҳоли эронийлар, уларнинг қўшиллари эзгулик кучлари мужассами ҳисобланса, туронийлар, ру-

мийлар ва бошқа барча күчманчи ёвузлик — Аҳриман томонидан юборилган бало, деб тасвиrlанади. Фирдавсийнинг энг севимли образи Рустам ёвуз ниятли босқинчиларга қарши курашда ғолиб чиқиб, ўз биродарига урушдан кейинги эл аҳволини таърифлаб, шундай деб ёзади:

Бир четда қолади ростлик, аҳд-паймон,
Хурматда бўлади эгрилик, ёлғон.
Ҳақиқий жангчилар айланур ётга,
Лофчи, опқочарлар минишар отга,
Ҳунарсиз деҳқонлар бўлади аскар,
Мева бермай қўяр насаб ва ҳунар.
Пинҳони ошкордан баттарроқ бўлур,
Шоҳлари тош кўнгил, бебошвоқ бўлур —
Ёмонлиқ ўйлайди отага бола,
Ўйлдан отанинг дилида нола...
Эронига араб турклар қотишиб,
Уруғ пайдо бўлур бари чатишиб,
На турку, на араб, на деҳқон бўлур,
Тили ҳазил-мазаҳ, сўз ёлғон бўлур.

Асарнинг бош қаҳрамони номидан айтилган бу башорат сўзлар асли зардуштийлик динининг асосий ғоявий моҳиятини ифодалабгина қолмай, балки ўз даврининг муммоловини тушунишга ёрдам берадиган муҳим ғоялар десак хато бўлмайди.

Қадим ўлкамизда пайдо бўлган буюк аждодимиз пайғамбар Зардушт таълимотининг энг зўр ва муҳим муммоларидан бири икки ярим минг йилдан ортиқ барча гуманистик ва юксак ғоявий асарларда куйланиб келган инсон муммосидир. Унинг таърифича, барча одамлар эзгулик йўли ва ёвузлик йўлини ихтиёрий равишда танлашади. Бу ахлоқни эркин танлашда тарихий бурилиш даври, бир турмуш тартибидан бошқасига ўтиш учун характерли бўлган шахс озодлиги ўз аксини топган. Инсон мавқини улуғлайди, тўғри турмуш тарзи тинч меҳнатдан иборат эканлигини таъкидлайди. Унинг фикрича, бу дунёда илоҳий кучлар марҳамати билан нариги дунёда катта қўрбонликлар шарофати билан бахтга эришиш мумкин эмас.

Фирдавсий ўз достонида инсонга озор бермасликка, ёмонликнинг уругини қуритишга даъват этади. Одам энг қимматли гавҳар, барча нарсанинг ижодкори инсон, унга ёмонликни раво кўрмаслик керак, деган фикрни илгари суради. Доимо тинчлик тарафдори қон тўкишга қарши бўлган Фирдавсий пайғамбар Зардушт сингари ҳаётни қадрлашга, инсонни эъзозлашга чорлайди.

Билиб қўй, яхшимас қон тўкиш асло,
Бегуноҳларга ҳеч келтирма бало!
Сабабсиз жанг бошлар экан қай инсон,
Бўлур жигари қон, ранги заъфарон,...
Инсондан яхшилик, нур ва равшанлик,
Инсониз дунёда йўқ фаровонлик.

Зардуштийлик таълимотига биноан, Ахурамазда Аҳримон ва ёвуз девлар устидан ғалаба қозонади, бутун инсоният бирикиб, ягона тил ўрнатилади, барча одамлар фаровон ва тинч ҳаёт кечирадилар. Аммо "зиё салтанати", яъни жаннатий ҳаёт ўрнатилишидан олдин қиёмат-қойим бошланади, бутун жонзотлар эриб турган маъдан ичидан ўтадилар. Гatalарда бундай дейилади: "Қип-қизил олов ва эриб турган маъдан синовидан ўтгач, Дурж (ёлғон, тартибсизлик руҳи) тарафдорлари зулмат салтанатига, Арта (ҳақиқат, тартибот руҳи) тарафдорлари эса зиё салтанатига тушадилар". Унда жаннат ва дўзах тасаввури қўйида-гича таърифланган: "Келажакда ҳар кимнинг ўз эвази бор. Ким Арамати (тинчлик) билан дўстлашса, ўша Ахурамазда ва Арта салтанатига тушади". Зардушт фикрича, ўлгандан сўнг кишининг руҳи жар устидан чинвот (исломдаги Сирот — И. Ж.) кўпригидан ўтиши керак. Бу кўприк тақводорлар учун кенг ва равон бўлса, ёвузлар учун қилдай ингичка бўлиб қолади ва оқибатда улар жаҳаннамга қулаб тушадилар. Жаҳон динларига ўтган охират таълимоти ва одамларнинг нариги дунёда худо олдида тенг бўлиши ғоялари ўша даврда Марказий Осиё ва бутун Ўрта Шарқни ларзага келтирган, бой-зодагонлар ва руҳонийларга қарши қаратилган маздакийлик номли халқ ҳаракатида ўз ифодасини топади. Маниҳой коҳини Маздак бошчилигидаги диний ниқобда бошланган бу ҳаракатнинг ғояси "Шоҳнома"да жўшқин куйланади:

Маздак оддий халқа фикр этиб изҳор,
Дерди: "Бою гадо — баробар зинҳор.

Кам-ортиқ бўлмасин ҳеч кимнинг моли,
Бир бўлсин ўриш ва арқоқ мисоли,
Бойлик, бечоралик бўлмасин, токим —
Тенглик бўлсин жаҳон мулкида ҳоким.
Бир хилда яшасин қашшоқ билан бой.
Қашшоқда ҳам бўлсин оила, уй-жой.
Ушбу эътиқодим менинг динимдир..."

Маълумки, ғарб тарихида буюк ислоҳотчилар ва маърифатчилар даври энг зўр ва ажойиб Уйғониш деб ном олган даврни ҳозирги замон маданиятининг бешиги ҳисобланган антик Рим ва Юнонистон маданиятига қиёс қилиниб таърифланади. Асли дастлабки гуманистик ғоялар ислоҳотчилик ҳаракати Ўрта Осиёнинг буюк фарзанди Зардуштдан бошласак ҳақиқатга тўғри келади. Чунки унинг таълимоти инсонпарварлик ғояларини биринчи бўлиб илоҳийлаштирган, дунёвий ҳаётни муқаддаслаштирган, унинг асосий ақидалари кейинги жаҳон динлари — христианлик ва исломнинг ақидавий ва ибодат қоидаларига ҳам замин бўлган.

Зардушт образи муқаддас Таврот, Инжил ва Қуръонда куйланган пайғамбарлар тақдирига тўғри келиши ҳам тасодифий эмас. У ҳам муайян тарихий даврда Ўрта Осиёда дастлабки табақаланган жамият ва давлатларнинг пайдо бўлиши ва шаклланиш жараёнида юзага келади. Оқибатда минтақада даставвал политеизм (кўпхудолик) ва кейинчалик монотеизм (якка худолик) ғояларининг умумий қоидлаштирилиши мавжуд диний тасаввурларнинг танланиши ва тартибга солинишига сабаб бўлади.

Юқорида қайд қилинганидек, Зардушт афсонавий шахс деб таърифланса-да, асли пайғамбарлик даражасига кўтарилиган тарихий образни ўзида мужассамлаштирган. Аммо кўп асрлик тарих ва илоҳиётчиларнинг ижодий фаолияти туфайли афсоналарга чулғангандан шахс сифатида намоён бўлади.

Зардустийлик анъанасига биноан унинг ҳаёт даври эрамиздан аввалги VII аср охири — VI аср бошларига тўғри келади. Бир қатор олимларнинг фикрича, Зардушт ўз тарғиботини Ўрта Осиёдаёқ бошлаган, аммо ўз ватанида муваффақият қозонмаган, бу ерни тарк этишга мажбур бўлган.

Энди яна мазкур динни яратган Зардустнинг илк ватани Хоразмга қайтайлик. Кейинги йилларда ўтказилган тадқиқотларга биноан, С. П. Толстовнинг ёз-






ма манбаларга ва археологик қазишмаларга асосланиб, зардустийликнинг келиб чиқиши тўғрисидаги фикрлари яна ҳам мустаҳкамланади. Масалан, зардустийликдаги олов, сув, хаома, гуаш Уrvана ибодатига боғлиқ худолар билан бирга табиат кучларини ифодаловчи маҳаллий рамзий маъбудалар мавжуд бўлган. Шулардан қадимий ҳинд-эронликлар, жумладан, хоразмликлар, бақтрияликлар, сўғдийлар ва бошқа элатларда кенг тарқалган Осмон ва Зам номли мовий осмон ва ер маъбудалари. Хвар ва Max номли қуёш ва ой маъбудалари диққатга сазовор. Тадқиқотчиларнинг мазкур номлар билан Хоразм этиологиясини боғлаб, бу атама "хвар" (офтоб) ва "зам" (ер) сўзларидан келиб чиқсан, деб фараз қилишлари ҳақиқатга анча яқин эканлигини юқорида ҳам қайд қилган эдик. Узоқ ўтмишдаги ёзма манбаларда тилга олинган бу улуғ ва ажойиб ўлка афсона ва ривоятларда ҳам куйланган, "Шоҳнома" каби буюк асарларнинг пайдо бўлишига сабаб бўлган. Антик Хоразмнинг буюклигини дабдабали қалъалар ва қасрларнинг бизгача стиб келган сон-саноқсиз харобалари ҳам тасдиқлайди.

Зардустийлик дини яратилиш даври, айниқса эрамиздан аввалги V—I асрлар қадимги Хоразмнинг гуллаб-яшнаган даври бўлиб, бу вақтга оид ёдгорликлар жуда кўп ва хилма-хилдир. Ўлканинг антик даврдаги шаҳарларининг деярли барчаси воҳани даштдаги қўшни қабилалардан мудофаа қилиш мақсадида қурилган. Амударёнинг ўнг соҳили бўйлаб бирин-кетин чўзилган дабдабали Кангақалъа, Жонбосқалъа, Бозорқалъа, Қирқиз, Қўроғшинқалъа, Аёзқалъа ва Тупроққалъанинг йирик суғориш иншоотларининг этағида бир-бирларига яқин қилиб қурилиши, уларнинг муайян кўринишга асосланган мудофаа тизимиға эга бўлиши ўша даврдаги Хоразмнинг ҳақиқатан ҳам қудратли давлат бўлганлигини кўрсатади. Бу қалъаларни тадқиқ қилиш натижасида, айниқса Кангақалъа, Жонбосқалъа ва Қўйқирилганқалъа харобаларидан топилган буюмлар, қурилиш тарзи ва бошқа топилмалар қадимий хоразмликларнинг нафақат турмуш тарзи, уларнинг диний эътиқодларини аниқлашга имкон беради. Масалан, Жонбосқалъа марказий кўчаси охирида жойлашган иморат харобаларини текшириш натижасида ўт ибодатхонаси бўлганлиги аниқланди. Иморат ўртасидаги супачада қурилган ўчоқда муқаддас ўт доимо ёниб турған. Ибодатхонанинг ички девори тагида узун супа, оташхона ёнида эса ибодат қилувчиларнинг диний маросимларни ўтказишлари учун

айрим хона ҳам мавжуд бўлган. Бу хонада топилган кўп суяқ қолдиқлари, унда диний маросимлар учун тайёрланган таомлар истеъмол қилинганинидан дарак беради. Ўрта Осиё халқларида, шу жумладан хоразмликларда то ҳозиргача жамоа тўпланган пайтларда, тўй-маъракаларда умумий маросим таомларини пишириш, одамлар тўпланиши учун маҳсус жамоа уйлари бўлиши, айрим маросимларда гулхан ёкиш одати, баъзи қишлоқларда (Тожикистон)да яқин давргача оташхонали уйларнинг мавжудлиги мазкур диний эътиқодларнинг қолдиқлари эканлигини тасдиқлайди.

Жонбосқалъя ва бошқа ёдгорликларда жуда кўп учрайдиган сопол ҳайкалчалар, идишларга солинган отнинг расмлари қадимги хоразмликларда оташпарастлик ва зардуштийлик диний эътиқодларидан ташқари табиат кучларига, айрим ҳайвонларга, чунончи отга сифиниш эътиқоди муҳим аҳамиятга эга эканлигини кўрсатади. От образлари ҳатто дафн қутиси (оссуарийлар)да ҳам учрайди. "Шоҳнома"да куйланган айрим қаҳрамонларнинг номи (Лухрасп, Гўштасп, Аржасп, ёки Хоразмдаги қалъя Хазорасп) от (асп) билан боғлиқ эканлигини эътиборга олганда бу тасвирлар шубҳасиз муайян диний эътиқодлар билан боғлиқ бўлган. Серҳашам кийимли аслзода кишини тасвирловчи жуда кўп ҳайкалчалар унумдорлик худоси, сув ва суфориш иншоотларининг ҳомийси Анахита образи билан боғлиқлиги аниқ. Норшоҳийнинг ёзищича, Зардушт динидаги бухороликлар ҳар йили наврӯз байрамида бозордан лойдан ясалган маъбуда ҳайкалчаларини олиб, эскисини синдирадар эканлар. Обидаларда топилган ҳайкалчаларнинг деярли ҳаммаси синдирилганлиги бу фикрни тасдиқлайди. Беруний асарларида ҳам Норшоҳий ҳикоясига ўхшаш маълумотлар ва ривоятлар мавжуд.

Шуни алоҳида қайд қилиш лозимки, бутун Ўрта Осиёда, айниқса Хоразм воҳасида, бошқа ерларга қараганда ниҳоятда кўп оссуарийлар топилган. Масалан, Қўйқирилганқалъя ва Қалъалиқир атрофида юзлаб дафн қутилари кашф этилган. Уларнинг айримлари ҳақиқий санъат намуналари. Шулардан айниқса тўртбурчак шаклидаги, қопқоғида чордана қуриб ўтирган калта мўйловли, соқоли хоразмча қирқилган эркакнинг ҳайкали жуда ажойибdir. Унинг нақшдор кийими ва камари учидаги қўй бошини тасвирловчи безак борлиги — муайян тасаввурлар билан боғлиқ эканлиги шубҳасиз. Сўнгги йилларда Қалъалиқирда топилган қумтошдан, лойдан, алебастрандан ва сополдан



Кўхна харобалардан топилган одам сүяклари дафн қилинган сопол қути (оссуарий)лар

ясалган турли типдаги оссуарийлар ичидан юмaloқ қопқоғида қуш тасвири берилган квадрат дафн қутилари алоҳида ажралиб турди. Уларнинг тотемистик тасаввурлар билан боғлиқ эканлиги аниқ.

Обидаларда бўрттириб ишланган расмлар орасида қадаҳ кўтарган боғбон, жимжима жиякли камзул ва бурмали кўйлак кийган, бир қўлида кўзача, иккинчисида қадаҳ ушланган аёл тасвирланган ҳайкалчалар кўп учрайди. С. П. Толстов таърифича, бу аёл сиймосида ҳосилдорлик маъбудаси,

виночилик худоси Мино образи тасвириланган бўлиши ҳам мумкин. Хоразм Анахитасининг серҳашам кийим кийган, бир қўлини кўкрагига қўйиб, иккинчи қўлида жажжи қўшқулоқ идиш тутган ҳайкалча диққатга сазовор. Бундай обрәзлар антик замонда, масалан, қадимги юнонлардаги ўсимлик маъбудаси Дионисга бағишиланган вакханалия (айш-ишрат) байрамига ўхшаш кузда йифим-терим вақтида ўтказиладиган хушчақчақ байрамлар Хоразмда ҳам ҳар йили ўтказилган бўлиши эҳтимол. Топилмалар ичидаги жуда кўп сонли ҳайкалчалар билан бирга сон-саноқсиз сопол идишлар орасида сувдонга ўхшаш идиш синиқларидағи жозибали расмлар, айниқса тахтда ўтириб бола эмизаётган аёл, ёки бўрттириб ишлатилган соқолли бош билан баҳайбат қанотли отга ўхшаш афсонавий маҳлуқ (грифон) тасвири, ёки шернинг боши тасвириланган жажжи идиш кабилар кишини ҳайратда қолдиради. Бундай ноёб топилмалар узоқ аждодларимизнинг нафақат дунёқарашлари, балки юксак маданият яратганлигидан далолат беради.

Мазкур обидаларни текшириш Марказий Осиёда яшаган қадимиий халқларнинг юксак маданиятига ва муайян мафкурага эга эканлигини тасдиқлади. Бунинг заминида узоқ тарихий давр давомида жуда кенг ҳудудда шаклланиб келган умуминсоний қадриятлар, моддий ва маънавий маданият анъаналари намоён бўлганлигини кўрамиз. Айниқса, топилган санъат буюмлари минтақанинг бир томондан Шимолий Қора Денгиз бўйларида ва бепоён Қозоғистон даштларида яшаган қабилаларнинг таъсири борлиги, иккинчи томондан Ҳиндистон ва Эрон халқларининг маънавий ва мафкуравий таъсири борлиги сезилади. Бутун антик даврда қадимги Ўрта Осиё ва қўшни Эрон халқларининг ҳаётида эрамиздан аввалги биринчи минг йилликларда пайдо бўлган ва минтақада давлат динига айланган зардуштийлик билан бир қаторда буддизм ва илк ибтидоий дин шакллари (тотемизм, сеҳргарлик, анимизм, табиатта сифиниш кабилар) жуда кенг тарқалган. Турли даврларда пайдо бўлган хилма-хил элат ва этник групкалар дунёқарашларининг ўзаро таъсири остида қадимиий аждодларимизнинг динлари мураккаб синкетик (қурама) характерга эга бўлган. Аммо бу синкетизм анъаналари кейин шаклланган жаҳон ва бошқа динларда ҳам ўз ифодасини топганлиги муҳим аҳамиятга эга. Бундай мураккаб жараённинг марказида антик маданият ва маънавият хазинаси ҳисобланган Хоразм турганлиги илмий жиҳатдан исботланган.

ДЕВЛАР ЯРАТГАН ҚАСР ВА ҚАЛЪАЛАР ДАВРИ

Хива хони Оллоқулихон машхур Тошҳовлини қурдириш учун иморатсоз ҳунармандларнинг бош қаландари (оқсоқоли)ни чақириб, қурилишни жуда ҳам қисқа муддат ичида тамомлашни буюрган. Аммо бош қаландар бу қисқа муддатда бундай катта ҳашаматли иморатни битказиш мумкин эмаслигини айтган. Баджаҳл хон ғазабланиб, ҳунармандлар бошлигини ўз ҳукмига қарши чиққанлар қаторида айблаб, энг оғир жазога — қийнаб ўлдиришга буюради. Гуноҳсиз қаландарни тириклай ўткир ёғоч қозиққа ўтқазиб, ваҳшнийларча ҳалок этадилар. Ана шундай оғир жазоларни билган халқ золим хонларнинг барча буйруқларини бажаришга мажбур бўлган. Шундай ваҳший усуулларни қўллаган шафқатсиз шоҳлар асрлар давомида кенг меҳнаткаш ҳалқни эзиб, ўз майшати ва шахсий маффаати учун ҳашаматли қасрлар, дабдабали шаҳарлар ва қалъалар қурдириб, ҳаётбахш канал ва ариқларни қаздириб келганлар. Антик ва ўрта асрга оид бир қанча қалъаларнинг деворларига қўйилган гишталар орасида баъзан киши жасади сүякларининг учраши айтилган бу фикрларни яна бир марта исботлайди. Бу ҳақда халқ орасида бир қанча афсоналар ҳам тўқилган.

Марказлашган қулдорлик давлати бўлмаганда ва минглаб асоратга тушган қуллар давлатга мажбуран хизмат қилмаганда эди, доимо ўзгариб турадиган дарё ўзанларидан чиққан майда ариқлар ўрнига эни қирқ метр, узунлиги юз километрдан ҳам узун бўлган магистрал каналлар, илгариги майда чайлалар ўрнига бир неча гектар ҳудудни әгаллаган ва деворларининг баландлиги 20—25 метр бўлган қалъаларни бунёдга келтириш мумкин ҳам эмас эди, албатта.

Демак, эрамиздан аввалги VII—VI асрларга келиб Хоразмда ишлаб чиқариш кучларининг тараққий қилиши туфайли илгариги ибтидоий жамоа тузуми ўрнига, Шарқдаги ва Ўрта ер денгизидаги классик антик давлатлар каби, аммо ўзига хос қудратли қулдорлик давлати вужудга келади. Янги тузум таҳминан минг йилларча, яъни эрамизнинг IV—V асрларигача давом этади.

Хоразмда ўтказилган кўпийиллик тадқиқотлар ва мавжуд ёзма манбаларга қараганда бу ҳудудда шаҳар деб ном олган 64 та археологик обидалар аниқланган. Эрамиздан аввалги IV асрлардан эрамизнинг XIV асргача бўлган даврга оид мазкур обидалардан 32 таси тўғрисида тарихий

маълумотлар сақланган, 20 тасида эса муайян археологик тадқиқотлар ўтказилган ва улар тўғрисида ўрта аср муаллифлари асарларида қисқача ахборотни ўқиш мумкин. Қадимий шаҳарлар асосан харобаларга айланиб, улар фақат қазишма ишлари орқали ўрганилган.

Хоразм шаҳарларининг кўпчилиги катта карvon йўлларида жойлашган бўлиб, асосан жанубдан, Хуросон, Жўржон ва Мовароуннаҳр томондан Амунинг икки соҳили бўйлаб ўтган. Айрим шаҳар ва қасрлар воҳзанинг дашт қисмида, яъни кўчманчи аҳолига чегарадош жойларда тикланган. Хоразмда шаҳарларнинг пайдо бўлишини уч зонага бўлиш мумкин: 1) Марказий Амударё соҳилларидағи қадимий шаҳарлар анча барқарор мустаҳкам бир неча асрлар давомида бир ерда шаклланиб келган қисми; 2) Амударё қуий оқимида шаҳар типидаги қароргоҳлар асосан кейинроқ (VII—IX асрларда) пайдо бўлган ва XII—XIII асрларга келиб равнақ топган; 3) Хоразмнинг шимоли-ғарбий ва ғарбий чеккаларида Шимолий Давдон ва Дарёлик оралиғида турли даврларда пайдо бўлиб, XIII—XIV асрларда ривожланган Жучи улусига қараган шаҳар ва қасрлар.

Кейинги икки зонага кирган шаҳарларнинг аҳолиси этник жиҳатдан турли-туман элатлардан ташкил топган, айниқса Сирдарё соҳилларидан чиққан аҳоли жойлашган дастлабки шаҳарлар шулар жумласига киради. Садвар ва Жигарбантдаги қазилмалардан маълум бўлишича, аҳоли баланд икки қатор деворли, ўқ отадиган шинакли ва буржли шаҳар-қалъаларда истиқомат қилганлар. Баландликка қурилган Қалъалиқир II, кичик Қирққиз, Бурлиқалъя, Илк Шоҳсанам каби обидаларда ўша давр аҳоли яшаш тарзини кузатиш мумкин. Бундай типдаги, аммо текисликларда қурилган тўғри бурчакли, энг катта қадимий қалъалардан Хазорасп ҳам диққатга сазовор. Ўн гектардан ортиқ территорияда қад кўтарган бу шаҳарнинг қадимий қатламларида антик даврда ҳатто ҳунармандчилик расталари мавжуд эканлиги аниқланган. Бошқа обидаларда ҳам ҳунармандчилик асосан шаҳар атрофида жойлашганлигини кўрамиз. 2500 йил муқаддам қад кўтарган қалъалардан Хива ҳам анча кенг территорияни эгаллаган. Шуни қайд қилиш лозимки, бу иккала антик даврга оид шаҳарни афсоналарда Сулаймон девлари қурганилиги ҳикоя қилинади.

Тадқиқотчиларнинг таърифича, барча қадимий шаҳарлар ўз тузилиши, мудофаа ва қурилиш услуби билан умумийликка эга бўлган. Хоразм шаҳарларининг энг қадимги қатлами Кангюй даври (Эрамиздан аввалги IV—III

асрлар)га, ундан олдинги архаик даври (эрэмиздан олдинги VI—V асрлар)га оид теварак-атрофдаги макон ва қишлоқлар кашф этилди. Шаҳар-қалъалар ичиде ҳалигача энг қадимги пойтахт қайси эканлиги аниқланмаган. Аммо тадқиқотчилар антик шаҳарларнинг ўзига хослигини қайд қиласидилар: даставвал бу ерда маҳсус ҳунармандларнинг расталари бўлмаган, улар фақат илк ўрта асрларда пайдо бўла бошлаган; қалъаларда деярли қаср-сарайларнинг ва шаҳар теварагида қурилишларнинг йўқлиги; мураккаб дарвоза олди иншооти мавжуд бўлган. Қишлоқлар ва ҳовли-қасрлар асосан катта канал ва ариқ бўйларида қурилган. Шунинг учун баъзи шаҳар-қалъалар ва катта қишлоқлар канал номи билан маълум. Масалан, Хазорасп шаҳри ёки Мадр қишлоғи ўша номлардаги канал бўйида жойлашган.

/ Айрим шаҳарларнинг номлари "кан-хон" қўшимчалари билан айтилиши бежиз эмас. Чунки бу қўшимчалар қадимий Хоразм тилида "булоқ", "канал" деган маънони англатади (Миздахкон, Войххон номли қалъалар). Қадимги Хоразм шаҳарларининг кўп номлари ҳозирги шаҳар номларига тўғри келмайди. Баъзи номларга берилган қўшимча сўзлар "уй", "қишлоқ", "ҳовли" ёки умуман шаҳар маъносини англатади. Масалан, манбаъларда учрайдиган ардахуш-митан, хушмитан ёки "кат", "кас" сўзлари асли шаҳар ёки ҳовли деган тушунчани англатади. Аммо кат, кант каби қўшимчалар девор билан ўралган ҳовли ёки қишлоқ маъносини англатса айрим номлардаги "вар" (садвар, нузвар) ҳам мудофааланган шаҳар деган маънони ифодалайди. Шу муносабат билан баъзи тадқиқотчиларнинг Хоразм атамасини қадимги эроний ва авесто тили билан боғлаб "Чорва сақлайдиган яхши истеҳкомли ўлка", "истеҳкомли қишлоқлар ватани", "яхши ва (истеҳком)ли мамлакат", деган мулоҳазалар ҳам диққатга сазовор. Хоразмда кенг тарқалган "кат" сўзи қадимдан пойтахт, қўра, маҳсус ёғоч кроват, дағи қилиш иншооти билан боғлиқ тушунчаларни англатиши бежиз эмас. Яна бир нарса хоразмга хос, у ҳам бўлса жуфт сўзли номларнинг мавжудлиги: Хива — Ардахива, Кардор — Кардаронхус, Пирнахус, Хушмитан — Ардахушмитан ва ҳакозо. Қадимий пойтахт Кат атрофидаги баъзи шаҳар ва работларнинг номлари "хус" (суғдча "кат" билан қиёс қилиб) "қишлоқ", "овул", "шаҳар" маъносини англатиши ҳам қизиқ. Ҳозиргача сақланиб келган Пирнахус каби қишлоқларнинг номи қадимий (хус, кус) Хоразм шаҳарларининг бизгача етиб келган атамалари эканлигига шубҳа йўқ. Қадимий Хоразм шаҳарларининг теварак-атро-

фидаги работларининг қалъадан 3—4 км узоқликда сув бўйларида жойлашганлиги ҳам уларнинг ўзига хослигини кўрсатади. Бундай топонимик хусусиятлар ўрта асрларга келиб ўзгарида ва йирик шаҳарлар атрофида работлар пайдо бўлади.

Бу даврда Хоразм воҳасида яшовчи халқларнинг хўжалиги сунъий суғоришга асосланган. ўтроқ деҳқончиликдан иборат бўлса, воҳани ўраб олган чексиз дашт-биёбонда чорвачилик ҳам тобора тараққий қила бошлайди. Иқтисодий жиҳатдан бир-бири билан чамбарчас боғлиқ икки хил хўжалик юритиш воҳа ва дашт ўртасида меҳнатнинг бўлиниши натижасида юзага келди. Подаларнинг жуда тез кўпайиши, яйлов ва ўтлоқларнинг анча кенгайиши туфайли чорвачилик билан шуғулланувчи аҳолининг турмуш тарзи ҳам ўзгара бошлайди. Кўп подалари бўлган кўчманчи бой ўзининг катта хўжалигида фойдаланиш учун текин ишчи кучига муҳтоҷ эди. Ўша даврда фақат қул ана шундай куч бўла олган. Демак, ўтроқ деҳқончилик хўжалигидагина эмас, ундан ажralиб чиқкан кўчманчи чорвачиликда ҳам қулдорлик кенг тарқала бошлайди.

Амударёнинг чап қирғофида — Туркманистондаги Тошховуз вилоятининг кўҳна Чарманёп канали ҳудудида Хоразмнинг илк қулдорлик даврига оид ёдгорликлар то-пилган. Мавжуд қадимий истеҳкомлар теварак-атрофи узун кетган халқоб сувли ботқоқликлардан иборат табиий баландликларга қурилган. Бу антик шаҳар харобалари тарихда Қалъалиқир ва Кўзалиқир номи билан машҳур.

Кўзалиқир ўзи ишғол қилган табиий баландликнинг шаклига мувофиқ сатҳи 1000x400 метр келадиган учбур-чакдан иборатdir. Текшираётган кўҳна харобалардан энг қадимииси ҳисобланган бу ёдгорликда икки қурилиш қатламишининг топилиши мухим аҳамиятга эга бўлди. Қуйи қатламишининг (янги эрадан аввалги VII—V асрлар) қурилиш техникаси классик Хоразмнинг қурилиш техникасидан кескин суратда ажralиб турувчи бир талай хусусиятларга эга. Чунончи, хом фишт стандартти бу ерда тамомила бошқача, классик давр учун хос бўлган ўчоқ ўрнида икки хонали ўчоқ (печ)ни кўрамиз; ясси бостирмалар кўп бўлиб, гумбазлар учрамайди. Агар бунга сопол буюмларнинг архаик кўринишга эга эканини ҳамда сопқонда отиладиган тошлар мутлақо бўлмагани ҳолда, скифларнинг бронзадан ясалган камон ўқларининг ниҳоятда кўплиги, шунингдек, чорва таркиби ҳам бошқача эканини бирга

қўшиб ҳисобласак, қадимги Хоразм кўз ўнгимиизда бир талай ўзига хос хусусиятлари билан намоён бўлади. Кўзалиқирнинг юқори қурилиш қатламидаги фарқ шундан иборатки, илгариги тўғри тўртбурчак (ўлчами 52x26x10 см) ғишт ўрнига бутун антик Хоразмга хос (40x40x10 см) шаклдаги ғиштга ўтилган. Архитектура жиҳатдан эса юқори қатлам классик Кангюй даври архитектурасига кўп жиҳатдан яқинлашиб кетади. Шаҳар тузилиши ажойиб хусусиятга эга: жуда қалин ва бир неча километр узунликдаги девор билан ўралган, шаҳар харобасининг деворлари қатор солинган тор бинолардан иборат.

Қалъалиқир шаҳрининг шимолидаги деворга ичкаридан ёндошлириб кўп ҳужраги бино солинган. Текширишлар шуни кўрсатадики, бу бино дафн этиш маросими билан боғлиқ бўлиб, уни археологлар "жасадлар уйи", яъни хилхона деб атаганлар. Чунки бу бинода маҳсус сополдан ясалган катта қути (оссуарий)ларда киши жасадларининг сувклари сақланган. Муқаддас китоб Авестода ҳам бу шаҳарлар ҳақида кўп нарсалар ёзилган. Бу китобда афсонавий шахс Йимо (Ўрта аср достонларида Жамшид) асос солган "Тўрт бурчакли Вара" истеҳкоми Қалъалиқир ва Кўзалиқир каби шаҳарларнинг архитектураси ҳамда ўша даврдаги Хоразмнинг ижтимоий ва иқтисодий ҳаётининг баъзи томонлари тасвир этилган.

Баланд ва қалин деворлар билан ўраб олинган шаҳар ичидаги кенг майдон молқўра эканлиги — хоразмликларда ўша даврларда чорвачилик ривожланганлигини кўрсатади. Шаҳар теварагидаги суғориш иншоотларининг қолдиқлари эса унда яшовчиларнинг деҳқончилик билан ҳам шуғулланганлигидан дарак беради. Шунга ўхшаш ёдгорликлар Фарғона водийсида ҳам топилган.

С. П. Толстов таъкидлашича, олти-етти километр узунликда қатор қурилган бу бинода кам деганда бир неча юз киши яшаган. Унинг фикрича, шаҳар ичидаги уйларнинг ижтимоий жиҳатдан унча фарқ қилмаслиги, ундаги жамоанинг ҳали анча архаик тузум — уруғ, қабила анъаналарини сақлаб келаётганлигини кўрсатади. Иккинчидан, мустаҳкам деворлар билан ўралган қалъаларда яшовчилардан ташқари чорва молларининг сақланиши — бу даврда жамоалар орасида уларнинг асосий бойлиги бўлган чорва учун ўзаро зўр курашлар бўлганлигидан дарак беради.

Авесто ва қадимги ёзувчиларнинг бирқатор асарлари мазкур фикрни қувватлайди. Чорва моллари кўп бўлган ҳарбий аристократия бошқалардан ажралиб туради. Бу эса

ибтидоий жамоанинг ҳукмрон бўлишига қарамасдан унинг ичидаги бой ва камбағалларнинг, яъни синфларнинг пайдо бўла бошлаганлигини кўрсатади. Хўжаликда асосий меҳнат — пода боқиш ва уни сақлаш, деҳқончилик қилиш ва ҳарбий хизматда бўлиш эркакларнинг вазифаси бўлгани туфайли, бу даврдаги ижтимоий-иқтисодий ҳаётда ота уруғи ҳукмрон роль ўйнаган. Аммо, ижтимоий тузумда, ота алоҳида даражада бўлса ҳам, узоқ вақтлар она ўзининг таъсирини ўтказиб келган.

Қадимги грек ёзувчилари, айниқса Милетлик Гекатей, Страбон асарларида массагет — сак ёки апасиак номи билан маълум (орол бўйи скифлари деб ҳам юритилади). Сўнгги йилларда Сирдарёning қадимги ўзани — Жонидарё ёдгорликларини текшириш туфайли мураккаб комплекс хўжалик — чорвачилик, деҳқончилик, балиқчилик ва овчилик билан шуғулланувчи қабилаларнинг турмуши қандай бўлганлиги аниқланди. Эрамиздан аввалги VII—VI асрларда Сирдарё воҳасида апасиак қабилаларининг ёдгорликлари, яъни археологлар Кўкчаденгиз деб атаган маданият пайдо бўлади. Бу маданиятга оид жуда кўп жойларда илгариги бронза маданиятининг анъаналарини давом эттириш билан бир қаторда уларнинг хўжалик фаолиятида бир қанча ажойиб янгиликлар содир бўлганини кўрамиз. Кўкчаденгиз маданияти II асрларгача тараққий қиласди.

Текширилган ёдгорликлар орасида энг ажойиби — Жонидарёning ўрта оқимидағи дабдабали Чирикработ ёки Чириққалъя харобаларидир. Чирикработ истеҳкоми тухум шаклида ва катталиги 850—600 метр бўлиб, чор атрофи икки қатор девор билан ўралган. Деворлар ораси эса чуқур хандақдан иборат. Бу истеҳком баландлиги 15 метргача бўлган тепаликка қурилган. Қалъанинг ичидаги иморатлар жуда зич солинган. Текширишлар шуни кўрсатади, Чирикработ эрамиздан аввалги V асрлар арафасида пайдо бўлиб, ундаги ҳаёт II асрларнинг ўрталарига келиб тутаган. Қалъя жойлашган тепаликнинг баланд қисмида топилган апасиак қабила бошлиқлари ёки шоҳларнинг мақбара-лари жуда ажойиб. Мақбаралар яқинидаги номаълум қўргон харобалари ҳам киши эътиборини жалб қиласди.

Кўкчаденгиз маданиятига оид Бобишмулла, Боланди каби ёдгорликларни текшириш натижасида апасиакларнинг комплекс хўжаликка эга эканлиги яна яққол кўринади. Бу маданиятга оид сопол идишлар шакл жиҳатидан Хоразмнинг Амударё воҳаси маданиятидаги идишларидан фарқ қиласди. Қурилиш ва фортификация ишлари,

ҳунармандчиллик апасиакларнинг ўз қўли билан эмас, аксинча, Ўрта Осиёning жанубий ўлкаларидан олиб келинган қуллар қўли билан қилинганини текширилган ёдгорликлардан кўриниб турибди. Аммо апасиак усталари чет элдан келтирилган қуллар бўлса-да, қурилиш ва ҳунармандчилликни ўз хўжайинларининг талабига биноан хоразмликларнинг архитектура ва касб санъатига тақлид қилиб ишлаганлар.

Анчагина мақбаралар текширилганда уларда одам суюклидан ташқари бошқа ҳар хил буюмлар ҳам бўлганлиги аниқланди. Топилган нарсалар орасида ҳар хил сопол идишларнинг синиқ бўлаклари, уч қиррали скиф камон ўқлари, олтин ва кумушдан ясалган безаклар, мунчоқлар, темирдан ясалган найза учлари ва бошқа нарсалар кўп учрайди. Айрим ҳужраларда одам суюкларининг куйдирилганлиги кўкчаденгизликларнинг кўмиш маросимида янги урф-одат пайдо бўлганлигидан дарак беради. Ҳатто жасадларни куйдирадиган махсус ҳужралар ҳам учрайди. Мурдани куйдириб кўмиш одатини Сенгиртом, Бобишмулла, Тагискен каби ёдгорликларда ўтказилган тадқиқотлар ҳам тасдиқлади. Аммо кўпчилик мақбараларда кўмилган жасадлар юқорида таърифланган бронза даврига оид Кўкча-З қабристонидагидай дағн қилинган. Бобишмулладаги қабрларнинг (улар 70 га яқин) бирида дағн қилинган жасад қолдиқлари билан бошқа кўп буюмлар орасида жездан ясалган 90 та мих топилган. Эҳтимол бу михлар қабила бошлигини кўмиш маросимида мақбара деворларига қоқилиб, уларга ажойиб безаклар осилгандир.

Ваҳоланки, мазкур қадим урф-одатлар ва ибтидоий жамоа турмушининг шакллари ижтимоий тузум негизида рўй бераётган буюк ўзгаришларни инкор қила олмайди, албатта.

Эрамиздан аввалги биринчи минг йилликнинг ўрталарига оид Боланди харобалари архитектура тарихи жиҳатидан жуда ҳам муҳим аҳамиятга эга. Бу ёдгорликнинг баландлиги 4,5 метр бўлиб, диаметри таҳминан 16 метр келади. Унинг марказида бутун айланасига ғалати конструкцияли еттита тор ҳужралар билан ўралган гумбазли зал жойлашган. Ҳужралар бир-бирига пештоқлар билан туташиб туради. Мақбарага кирадиган жой ҳам гумбаз шаклида ишланган.

С. П. Толстовнинг фикрича, жаҳон архитектурасида гумбаз шаклидаги қурилиш биринчи марта кўхна Ўрта

Осиёнинг чўлларида пайдо бўлиб, Парфияга тарқалган ҳамда у орқали, эҳтимол, қадимги Римга ҳам ўтган.

Кўкчаденгиз маданиятида кашф қилинган яна бир ажойиб нарса Чирикработ қўргонларининг бирида топилган скиф, яъни апасиак жангчисининг темирдан ясалган совутидир. Бу совут Искандар юришлари даврига оид бўлиб, ҳозирги Ўрта Осиёда энг қадимги шу хилдаги темир қурол-аслаҳаларнинг нусхаларидан ҳисобланади. Қора денигиз шимолидаги қадимги мақбараларнинг биридан топилган совут қолдиқлари ва шунга ўхшаш қурол-аслаҳа кийган жангчи расми солинган тангалар Ўрта Осиёнинг жанубида ва Ҳиндистоннинг шимолида мавжуд бўлиб, Чирикработ совутига нисбатан анча кейинги даврга оиддир. Бундай совутларни тактика жиҳатидан анча кучли бўлган кўп мингли массагет жангчилари кийиб юрган. Минг йиллардан кейин Фарбий Европа мамлакатларида кенг тарқалган рицарлик қурол-аслаҳалари асли узоқ Орол бўйидаги дашт қабилаларидан Европа скифлари ва бошқа халқлар орқали ўтган, деб фараз қилиш мумкин.

Айрим олимларнинг айтишича, Геродот ва Страбон асарларида учрайдиган массагет қабила иттифоқига асосан қўйидаги қабилалар: хорасмийлар, апасиаклар, Хоразмнинг то Нуротагача етган жануби-шарқий чегараларида яшаган сакараваклар, Амударёнинг ўрта қисмида ўрнашган дебиклар, тухар ёки дахлар (Қувондарё бўйларида), осий ёки яксартлар (Сирдарёнинг ўрта оқимида) ва овгос (овгол)лар кирган. Бу ёш ва қудратли Хоразм давлати остида бириккан зўр иттифоқ анча кучли аҳмонийларнинг Кир ва Доро монархиясига қараганда ожиз бўлиб, эрамиздан олдинги VI асрда Эронга бўйсунган ҳамда унинг XVI сатрапи (вилояти)га айланган.

Аммо Хоразм ўз ҳукмронлигини аслида сақлаб қолган, ҳатто у аҳмонийлар салтанатининг давлат ишлари ва ҳарбий юришларида бевосита иштирок қилган. Ажойиб қурол-аслаҳали ва зўр тактикали хорасмийлар, сакараваклар, сўғдлар, бактрияликлар билан бирга эрамиздан аввалиги 480 йилда Ксеркснинг Элладага қилган юришида иштирок қилганлиги ҳақида Геродот ёзади. Аҳмонийлар ҳукмронлигидаги Яқин Шарқ ва Африка мамлакатларининг ҳарбий ва давлат ишларида хоразмийликлар юқори лавозимларда турганлиги маълум.

Баъзи бир маълумотлар Македониялик Искандар Ўрта Осиёга келиши арафасида Хоразм бутунлай мустақил бўлганлигини кўрсатади. Доро III нинг Искандарга қарши

фожиали курашида хоразмийликларнинг иштирок қилмаганлиги бежиз эмас, албатта. Хоразм ҳатто Искандарга нисбатан ҳам мустақил сиёсат юргизган. Маълумки, Хоразм шоҳи Форосмон эрамиздан аввалги 329—328 йилларнинг қишида 1500 отлиқ лашкар билан Искандарнинг унинг ҳарбий юришларида иттилоғдош бўлишига шартнома тузади. Аммо Хоразм шоҳи аслида истилочиларга қарши курашишга тайёр эди. Тузилган шартнома аҳмонийлар ҳукмронлигининг охиригача емирилиши учун бир восита ролини ўйнаган, холос. Шунинг учун Форосмон шартнома тузилган вақтда бир йил ўтмасданоқ, македониялик истилочиларга қарши партизанлик ҳаракатини олиб борган сўғдларнинг бошлиғи Спитаменни қўллаб-қувватлайди.

Шундай қилиб, мустақилларини сақлаб қолган қудратли Хоразм давлати сиёсий кураш майдонига чиқа бошлайди ва эрамиздан аввалги III—I асрларга келиб Ўрта Осиёни чет эл истилочиларидан озод қилишда катта роль ўйнайди.

Маълумки, эрамиздан аввалги IV асрнинг охирларида Ўрта Осиёнинг жанубий ва шарқий қисми Грек-Македония империясига, кейинроқ Искандар босиб олган Осиё мамлакатларидан ташкил топган Селевкий давлатига кирган эди. Тахминан эрамиздан аввалги 250-йилга келиб, aka-ука Аршак ва Тиридат раҳбарлигидаги (жанубий Туркманистон ҳудудидаги) дашт қабилалар қўзғолон кўтариб селевкийлардан ажralиб чиқиб аршакийлар сулоласи бошчилигига Парфия давлатига асос солган. Мустақил Хоразм давлати аршакий монархияси ташкил топишида муҳим таянч бўлган, чунки у селевкийларга қарши қўзғолон кўтарган қабилаларга ҳар томонлама ёрдам берган. Бу қабилалар орасида Орол бўйидаги дайлар ҳам бўлган. Аршакийлар билан бир вақтда селевкий давлатидан ажralиб чиққан Грек-Бақтрия давлатини тахминан 140-йилларда Хоразм атрофида жисплашган массагет қабилаларининг иттилоғи босиб олади.

Пировардида, эрамиздан аввалги III асрнинг иккинчи ярмига келиб, Хоразм ғарбда Каспий денгизигача, шарқда эса то Мўғулистон чегарасигача бўлган кенг ҳудудда ўз сиёсий таъсирини ўtkаза бошлайди. Хитой манбаларида "катта юечжи" деб аталган массагетлар (асли хоразмликлар)да оғир яроқ-аслача билан қуролланган отлиқ қўшинлар бўлиб, улар қўшни мамлакатларга хавф туғдириб турганлиги ёзилган. Биринчи марта Хоразмда пайдо бўлган бундай отлиқ қўшин билан жанг қилиш

тактикаси аста-секин сарматлар орқали Шарқий Европага, ундан Римга, Шарқда эса гуннларга ўтади. Эрамиздан аввалги I асрларда парфияликлар Марв темирчилари қўли билан ясалган совут кийган отлиқ қўшин билан римликларга қарши Карр яқинидаги жангда қатнашганликларини грек муаллифлари хабар қилади. Баланд бўйли ҳарбий отларнинг асл зоти ўша даврларда массагетлар юрти, яъни Хоразмдан Мўгулистан, Хитой ва Жанубий Сибирга ҳам тарқала бошлаган.

Бундай муҳим тарихий воқеалар рўй берадиган бир вақтда, Ўрта Осиёга келиб кетган Хитой элчиси ва сайёхи Чжан Цяннинг кўрсатишича, Кангюй ёки Кандзой деб аталмиш катта давлат борлиги маълум бўлади. Авестода ҳам, ҳинд эпоси Махабхаратада ҳам бу давлат Кангха ёки Канки номи билан тилга олинади. С. П. Толстов ва бошқа бир неча тадқиқотчилар Кангха билан Хоразм иккови бир деб ҳисоблайдилар. Ҳозирги Хоразмда ҳам Ханқа тумани номининг мавжудлиги бежиз эмас. Кангха эрамиздан аввалги II асрларда ниҳоятда ривожланади. Кейинги икки аср давомида ҳам Кангха ҳудудида кўпгина янги шаҳар ва қалъалар пайдо бўлади. Турли ҳунар ва савдо-сотиқ ўсади, натижада танга пул системаси ва муомласи ривожланади. Бу эса иқтисодий ҳаётда катта силжишлар бўлганлигидан дарак беради.

Демак, эрамиздан аввалги IV—I асрлар қадимги Хоразмнинг гуллаб-яшнаган даври бўлиб, бу даврга оид ёдгорликлар жуда ҳам кўп ва хилма-хилдир. Хоразмнинг антик даврдаги шаҳарларининг деярли барчаси воҳани даштдаги қўшни қабилалардан мудофаа қилиш мақсадида қурилган. Амударёнинг ўнг томонида шарқдан гарбга қараб бирин-кетин чўзилган обидалар — Кангақалъя, Жонбосқалъя, Бозорқалъя, Қўроғшинқалъя, Қирққиз, Аёзқалъя, Бўрлиқалъя ва Тупроққалъя суғориш иншоотларининг этагида бир-бирларига яқин ва қатор қилиб қурилган. Бир режага асосланган мустаҳкам мудофаа ва йирик суғориш иншоотларининг мавжудлиги Хоразмнинг қудратли марказлашган давлат бўлганлигини кўрсатади.

Хоразм экспедицияси ходимлари сўнгти йилларда, бир томондан, мазкур обидаларда қазишималар олиб борган бўлса, иккинчи томондан, шу ишларга параллель равища маҳсус отрядлар ва партиялар бу шаҳар ва қишлоқларни сув билан таъминланган ва жуда яхши сақланиб қолган суғориш тармоқларини ўрганганди. Қўйқирилганқалъя ҳаробаларининг теварак-атрофларидан, ҳозирги Калтами-нор каналини давом эттирувчи қадимги канал бўйларидан

Қадимги далаларнинг жуда яхши сақланиб қолган излари топилган. Бу далалар эрамиздан аввалги IV—III асрларга, яъни классик Кангюй даврига тўғри келади. Қадимий бўйларидан топилган далалар кўҳна Кушон даврига — эрамизнинг III—IV асрларига мансубдир. Уларнинг кўриниши анча мураккаб ва турли-туман бўлиб, бу ҳол далачилик ишларининг тараққиётидан далолат беради.

Минг йилдан ортиқ даврни ўз ичига қамраб оловчи юқорида санаб ўтилган обидаларни қазиб текшириш натижасида зўр кашфиётлар қўлга киритилган эди. Қазишмалар ўtkazilgan xarobalap orasida arxeologlari-miz' diqqa-tinini ўziga jalb қилган Kang'a-kal'ya, Jon-topilgan narsalarning kўpligi va ўziga xos xususiyati билан aloҳida ўrinni egallaydi.

Кангақалъя қадимги Хоразмнинг бевосита Сариқамиш кўли ёнида, жануби-ғарбий томоннинг энг чеккасида жойлашган таянч нуқтаси ҳисобланган. Текширишлар шуни кўрсатадики, бу қалъя қарийб минг йил давомида, эрамиздан аввалги биринчи минг йилликнинг ўрталаридан эрамизнинг IV асрига қадар мавжуд бўлган. Кангақалъя катта ҳарбий фалокат натижасида харобага айланган. Юқори қатламнинг ҳамма ерида кучли ёнғин белгиларининг топилиши бунга далиллар.

Топографик тадқиқотлар қалъя ва унинг теварагидаги деҳқончилик ерларини сув билан таъмин қилиб турган Кангадарё шимолий қирғоқларининг қурилиши натижасида бу ирмоқлардан сув олган суғориладиган ерлар майдони бир неча марталаб ўзгариб турганлигини кўрсатади. Бу ирмоқлар ҳосил қилган ўзига хос ҳавзалар Сариқамишга етиб бормай суғоришнинг ўзига сарф бўлган.

Муҳим аҳамиятга эга бўлган бу даврга оид қизиқ ёдгорликлардан бири Жонбосқалъадир.

Жонбосқалъанинг тўрт бурчакли сатҳи 170—200 метр келадиган майдонни эгаллайди. Унинг тўрт томони 10—11 метр баландликдаги қалинлиги 1—1,3 метр келадиган икки қават девор билан ўраб олинган. Жонбосқалъанинг ўзига хос хусусияти шундан иборатки, унинг деворлари Хоразм қалъаларининг деярли ҳаммасида мавжуд бўлган буржлардан холи. Қадимги шаҳар ва қалъаларда бурж тиклаш шунчалик катта ўрин тутганки, бу анъана то сўнгти вақтларгача маҳаллий ҳовлиларда сақланиб келган. Хоразмнинг катта ҳовлиларида учрайдиган кўп кунгиралар

бунга яққол мисол бўла олади. Жонбосқалъа деворлари 2 метргача пахса, ундан юқориси хом фиштдан тикланган бўлиб, ташки қатори шахмат шаклида қўйилган икки, уч қатор найзасимон шинакларга эга. Эни 18—20 см келадиган шинаклар пастга қараб ўқ отишга қулай қилиб, оралиғи 1,2 м узунликда қўйилган. Шинакларнинг икки қатор қўйилиши, шинак қаторлари ўртасида тўсин учун қўйилган тешик изларининг бўлиши қалъа деворлари икки қават бўлганлигини кўрсатади. Қалъага кириладиган дарвоза ҳам тўғри бурчакли, мураккаб иншоотдан иборат. Бу иншоот ҳам қалъа деворлари каби мудофаа учун қулай бўлган икки қатор шинакларга эга. Шундай бўлса-да, деворларда буржаларнинг бўлмаслиги, шинакларнинг жуда яқин қўйилиши жонбосқалъаликларнинг мудофаа системаси анча қолоқ бўлганлигини кўрсатади. Шинакларнинг сонига қараганда қалъани икки мингга яқин жангчи мудофаа қилган. Жонбосқалъада 400 га яқин хона борлигини эътиборга олганда, қалъани мудофаа қилишда шаҳар аҳолисидан қурол ушлашни биладиган эркаклар билан бир қаторда аёллар ва теварак-атрофдаги майда деҳқон қўрғонларидан келганлар иштирок этган, деб фараз қилиш мумкин. Шуни ҳам таъкидлаш зарурки, бу истеҳком анча чеккада бўлиб, Сирдарё қирғоқларидан келган дашт қабилаларининг дастлабки зарбаларини ўз устига олиб турган қалъалардан биридир.


Қалъа дарвозасидан ичкарига қараб шаҳарни икки катта мавзега ажратиб турган кенг кўча ўтади. Ҳар қайси мавзеда бир-бирлари билан ички йўлаклар орқали боғланган 200 га яқин хонадон бўлган. Шаҳарнинг шутариқа иккига бўлиниши унда истиқомат қилган аҳоли бир-биридан ажралган ҳолда, аммо ўзаро қариндошлиги билан боғлиқ уруғ жамоасидан иборат эканлигини кўрсатади. Харобалар орасида топилган ҳар хил тамғали фиштлар ҳам қалъа аҳолиси бир неча уруғлардан иборат эканлигига далил бўла олади. Чунки тамғали бу фиштлар ҳар бир даҳада алоҳида-алоҳида тартиб билан қўйилган бўлиб, унинг ҳар қайсиси маълум бир уруғнинг белгиси эканлигини кўрсатади.

Марказий кўча охирида жойлаштан иморат харобаларини текшириш натижасида жонбосқалъаликларнинг ўз ибодатхонаси бўлганлиги аниқланди. Иморат ўртасидаги супачага қурилган ўчоқда муқаддас ўт доим ёниб турган. Ибодатхонанинг ички девори тагида узун супа, оташхона ёнида эса ибодат қилувчиларнинг диний маросимларни

ўтказишлари учун айрим хона ҳам мавжуд бўлган. Бу хонада топилган кўп суяқ қолдиқлари, унда диний маросимлар учун тайёрланган таомлар истеъмол қилинганинидан дарак беради.

Демак, аждодларимиз ҳар бир даврда турли динга сифинган бўлсалар, ҳозирги диний тасаввурлар ва бошқа қарашлар ҳам киши фантазиясининг маҳсулоти сифатида абадий бўлмай, балки янги дунёқарашларни юзага келтириши мумкин. Бунга кейинги асрдаги воқелигимиз ёрқин мисол бўла олади.

Қўйқирилганқалъада топилган кўп нарсалар қадимги хоразмликларнинг диний эътиқодларини тушунишга анча ёрдам беради. С. П. Толстов фикрича, Қўйқирилганқалъа — дафн қилиш маросими билан боғлиқ ёдгорлик бўлса, эҳтимол. Бу қалъа қадимги Калтаминон сув иншо-отининг бўйидаги катта ҳудудни эгаллаган деҳқончилик райони марказидадир. Қўйқирилганқалъа буржга ўхшаш катта цилиндр шаклида бўлиб (диаметри 44,4 метр), атрофидаги тақирилклар сатҳидан 8,5 метр баланд кўтарилиган иморатдан иборат бўлган. Та什қаридан уни ҳалқа каби қўшдевор (диаметри 86,5 метр) ўраб турган. Девор ичидаги гумбазли жуда кўп хоналар бўлган. Қалъанинг ташқи қўшдеворида 9 та ярим доирасимон буржлар бор. Қўшдеворнинг ва марказий иморат деворининг ташқи қаторларида Жонбосқалъадагидек найзасимон



Қўйқирилганқалъанинг қазилишдан кейинги кўриниши

қатор шинаклар кўп. Девор ичидаги хоналардан топилган нарсаларга қараганда, унда қуллар ва ибодатхона хизматкорлари яшаган.


Қазиб текширилган икки қаватли (унинг пастки қавати қарийб бутунлай сақланиб қолган) марказий буржсимон бинонинг кўриниши ниҳоятда ўзига хосдир. Биринчи қаватнинг баҳайбат деворлардан ва хом ғиштдан ишланган кўп гумбазли хоналари қатъий ва аниқ шаклга эга. Пастки хоналарга юқори қаватнинг ўқ отиладиган шинакли йўлаги орқали тушилади. Бинонинг диаметри бўйлаб жойлашган марказий гумбазини кўндаланг қурилган девор иккига ажратиб туради. Марказий гумбазнинг ҳар икки чеккасида икки томонлама тушиб чиқиладиган зиналар бўлиб, улар орқали, юқорида айтилганидек, иккинчи қаватга, шинакли ташқи йўлакка чиқилган. Марказий гумбазнинг ҳар икки томонида, айлана бўйлаб жойлашган олтида ён гумбазнинг арки марказий гумбазга қараб очилади. Бу ерда биринчи бор топилган ойналар ниҳоятда катта қизиқиши туғдиради; қуий девори қалин қаватнинг хоналарига ёруғлик тушишига имкон берган бу ойналар шимолий гумбаздан бошқа ҳамма гумбазларнинг ғўлачалар терилган деворларида мавжуд. Ўқ отиладиган йўлак шинаклари чизигидан пастда жойлашган дераза токчалари қалинлиги олти метр келадиган ташқи деворга мос қалинликда ичкарига нишаб бўлиб тушган. Пастдан туриб мана шу ойналар орқали қаралганда осмон кўринган, бу эса хоналарнинг анча ёруғ бўлишини таъминлаган.

Бу ажойиб обида ўтказилган кўп йиллик қазишмалар натижасида марказий бинонинг тарихий ҳаёти илк Кангюй даври доираси билан чекланган ҳолда, ташқи ҳалқа иморатлари тахминан тўрт асрча эрамизнинг биринчи асли охиригача, яъни Хоразмнинг Кушон империясига қўшилиш арафасига қадар мавжуд бўлганлиги аниқланди. С. П. Толстовнинг тахминича, дафн қилишга оид ҳамда диний урф-одатлар жойи бўлган марказий бурж атрофида, дастлаб, айлана шаклидаги шинакли биргина девор бўлган бўлса керак. Сўнгра девор батамом қайта қурилган ва ичкаридан унга тақаб турли-туман омборхоналар қуришган. Кечки Кангюй даврига келиб ташқи ҳалқанинг бутун саҳнига иморатлар солинган, бурж атрофида тақсимот йўлаги вужудга келтирилган, бу ибодатхона хўжалигининг бир талай хоналари — одам яшайдиган уйлар, омборлар, устахоналар эса радиус бўйича бир-биридан қалин деворлар билан ажралган бир қанча секторларга бўлинниб кетган.

Археологик қазишилар ичида учрайдиган хилма-хил топилмалар эрамиздан аввалги IV—I асрларда, яъни Кангюй даврида қалъа аҳолисининг хўжалик ва маданий ҳаёти қандай бўлганлигини тасвирилашга имкон беради. Жуда кўп учрайдиган сопол идишлар орасида тую ва эшакларда олиб юриладиган сувдон (фляга)га ўхшаш идиш синиқларидаги расмлар алоҳида кўзга ташланиб туради. Бу идишларнинг бирида тахтда ўтириб бола эмизаётган аёл, иккинчисида эса муштлашишга тайёрланасётган эркак (қадимги аждодларимиз бокс билан таниш бўлиши эҳтимол) аниқ тасвириланган.

Бошқа бир идишда бўрттирилиб безатилган композициянинг марказида соқолли бош тасвири бўлиб, у ён томондан кўриниб туради, четда эса грифон деган баҳайбат қанотли отга ўхшаш афсонавий маҳлук тасвириланган. Яна бир сувдон парчасида серҳашам қилиб безатилган дубулға кийган эркак сурати тушурилган бўлиб, дубулға тожига афсонавий қушнинг тасвири ишланган, энсага тушиб турадиган қисмига эса одам маскаси (ниқоби) солинган. Қўйқирилганқалъа учун характерли бўлган ва бандининг юқори қисмида шернинг боши тасвириланган кўзаларни, оғзи одам шаклида ишланган жажжи идишни ҳамда от ва грифонларнинг образлари берилган кўп рангли сопол ритон (ичкилик ичиладиган шоҳсимон идиш)ларнинг бир талай парчаларни ҳам рельефли флягалар жумласига киритиш мумкин.

Бўрттириб ишланган расмлар орасида вино кўтарган қари боғбон, жимжима жиякли камзул ва бурмали кўйлак кийиб олиб, бир қўлида кўзача, иккинчисида қадаҳ ушлаган аёл тасвириланган ҳайкалчалар диққатга сазовордир. Бу аёл сиймосида балки виночилик маъбудаси Мино тасвирилангандир. Мино ибодати ва мифологияси тўғрисидаги баъзи маълумот-



Қўйқирилганқалъа харобасининг таъмирланган кўриниши



Қазиши малардан топилған сопол ҳайкалчалар парчасидан намуналар

ларни Беруний асарларидан топиш мумкин. Ҳосилдорлик маъбудаси — Хоразм Анахитасининг серҳашам кийим кийган ҳолда тасвиrlанган талайгина ҳайкалчалари топилган. Маъбуда бир қўлини кўкрагига қўйиб, иккинчисини эса осилтириб турибди. Яна бир ҳайкалчада қўлида қадаҳ ва жажжи қўшкулоқ идиш ушлаган маъбуда тасвиrlанган.

Бу топилмалар ва қалъанинг ташқи доирасидаги хоналарнинг бирига ўрнаштирилиб, баландлиги 1—1,5 метргача келадиган ҳамда усталик билан ишланган вино идишлар — хумлар, қалъа теварагида учрайдиган токзор излари қадимги хоразмликларда узумчилик анча тараққий қилганилигини кўрсатади.

Археологик қазиш натижасида хоналарда деворга ясалган раңг-баранг нақш ифодалари, от, тuya, қўй ва шусингари ҳайвон ҳамда қушларни тасвиrlовчи расмлар, ўсимлик шаклидаги, мазмундор нақшли қатта идишлар, дастаси фил ёки от бошига ўхшатиб ясалган кўзалар ва бошқа бадиий қимматли кўп хил сопол буюмларнинг парчалари топилган. Ташқи доирадаги хоналарнинг бирида топилган ҳайкалча усталик билан сополдан ясалган бўлиб, унда қўлида бола ушлаб ўтирган маймун тасвиrlанган, бу эса қадимги Ҳиндистон санъатини эслатади.

Қўйқирилганқалъа атрофини эгаллаб ётган тақирларда ҳам ажойиб санъат нусхалари кўп учрайди. Қалъанинг шимолидаги тақирдан топилган кампир ҳайкалининг калла қисми — қадимги ҳайкалтарошлик реалистик асосга эга бўлганлигини кўрсатади.

Тасвирий санъат намуналари ичida жимжимали оссуарийлар алоҳида ўринни эгаллайди. Бу даврда бутун Ўрта Осиёда зардушт дини ривож топган эди. Юқорида айтганимиздай Зардушт динига биноан, ўликларни ерга кўмиш, сувга ташлаш гуноҳ деб ҳисоблаб жасадни ё куйдирғанлар, ёки гўшт ва терисини йиртқич ҳайвон ва қушларга едириб, суякларини махсус сопол қути (оссуарий)ларга солиб айрим биноларда сақлаганлар. Шундай қутиларни Ўрта Осиёнинг ҳамма ерида учратиш мумкин. Мана шу ва бошқа далилларга асосланиб, юқорида қайд қилганимиздек, кўп олимлар Зардуштнинг ватани Ўрта Осиё деб ҳисоблайдилар.

Хоразмнинг Қўйқирилганқалъа теварагида кўп учрайдиган оссуарийлар ўзининг хилма-хиллиги билан ажралиб туради. Бу оссуарийлар қопқоқларининг кўпчилигига ҳайкалчалар қилинган. Қўйқирилганқалъадан тахминан бир ярим чақирим шимолда қум тепалар орасида топилган



Эркак кишининг жасад сүяклари солинадиган оссуарийнинг
татмirlангандан кейинги кўриниши

квадрат шаклидаги оссуарийнинг қопқоғидаги чордона қуриб ўтирган эркакнинг ҳайкали жуда ажойибdir. Шуниси қизиқки, калта мўйловли, соқоли хоразмча қилиб қўйилган, кийими нақшдор қилиб тўқилиб, камари учидаги қўй бошини тасвиrlовчи безак борлиги ҳайкалдан кўриниб турибди. Оссуарийлар ичидаги отга ўхшатиб қилинган ҳайкалчалар ҳам учрайди.

Қалъалиқирда сўнгги йилларда топилган қумтошдан, лойдан ва алебастрдан, шунингдек сополдан ясалган турли типдаги оссуарийлар ичидан юздан ортиқ дафина топилган эди. Аксарияти бир хил бўлган бу оссуарийлар орасида талайгина турли-туман типлар учрайди. Шуларнинг ичидаги ғўласида тешиги бўлган бочкасимон, юқоридаги қопқоғи тўртбурчак шаклидаги тешикли ҳамда устки қирраси пирмида шаклида бўлиб, юмaloқ қопқоғида қуш тасвири берилган оссуарийлар алоҳида ажralиб туради.

Қўйқирилганқалъадаги ажойиб кащфиётлардан яна бирни — Хоразмнинг қадимги ёзувидир. Ташқи доира харобаларида хум оғзининг четига ўйиб ёзилган арамей типидаги алфавитли қисқа хат топилган. Ёзув шундай аниқ сақланганки, уни осонгина ўқиш мумкин. Иккинчи нусхаси хумчага туш билан (Хоразм тарихида сопол идишга туш бериш биринчи марта учрайди) ёзилган бўлиб, у ҳам осон ўқилади. Бу ёзув намуналарини фақат Хоразмдагина эмас, балки бутун Ўрта Осиёда ҳозиргача маълум бўлган энг қадимги ёзув деб айтсак хато қилмаган бўламиз.

Ёзилган сўз, шубҳасиз форсий тилда бўлиб, "аспабарак" ёки "аспабадак" деб ўқилади. Уни "отда кетаётган" ёки "отминиб турган" деб таржима қилиш мумкин. Ҳар ҳолда у атоқли от бўлиб, хум эгасини ва унга қафашли отни ифодалайди. Бундан ташқари сўнгги йилларда хумга ёзилган яна уч ёзув ҳамда аёл ҳайкалчасини орқасига тирнаб ёзилган яна бир ёзув топилди. Бу ёзувлар Хоразм архивининг эрамизнинг III асрiga мансуб ҳужжатлари ҳамда янги эрадан аввали I асрга оид ва Нисодан топилган Парфия архиви билан бирга, Ўрта Осиё қадимги халқлари ёзувларининг тез тўлиб бораётган тарихи хазинасига муҳим ҳисса бўлиб қўшилади. Демак, Хоразм илк антик даврданоқ кенг тарқалган ёзувга эга бўлган, бу эса унинг маданий жиҳатдан юқори босқичда турганлигини кўрсатади.

Шундай қилиб, кўмиш маросими билан боғлиқ бўлган ибодат қасри Қўйқирилганқалъа қимматли ва муҳим материалларни асрлар оша бизгача сақлаб келган. Бу қалъадаги ҳаёт Кангюй давлати даврида давом қилиб, Хоразм-

нинг Кушон империясига қўшилиши билан тўхтаб қолади ва кейин ҳеч жонланмайди.

Қўйқирилганқалъя атрофидаги кўҳна Кангюй ва айниқса кейинги Кушон даврига оид суғориш иншоотларини текшириш шуни кўрсатадики, бу даврда ирригациянинг илгарига нисбатан анча торроқ (рошлар орасидаги масофа 10—15 метр) ва чуқурроқ магистраллари билан ажralиб турувчи анча такомиллашган янги типлари вужудга келган. Бу каналлар ҳавза тармоқлари билан бевосита боғланмаган бўлиб, ўртасидан кесиб ўтади. Шу билан боғлиқ ҳолда тақсимлаш ва суғориш тармоғи ҳам магистрал каналнинг фақат бир томонидан эмас, балки иккала томонидан, каналга нисбатан тўғри бурчак остида ўтказилган. Сув оқими қонунлари тўғрисидаги анча чуқур билимга асосланган, тежамли ва муқаммал бўлган бу суғориш системаси ўзининг асосий хусусиятлари билан сувни ва қурувчилар меҳнатини яна ҳам тежаш имконини берган ўрта асрлар суғориш системаси учун замин ҳозирлади.

Пировардида шуни ҳам қайд қилиш лозимки, бу даврда Амударё воҳасини ўраб олган апасиак — сакаравак қабилаларининг бир қисми скифларнинг жануб томон кенг кўламда юришлари туфайли Хоразм ҳудудига ҳам кириб келган. Эрамиздан аввалги II асрдан бошланадиган сўнгги Кангюй даври керамикасидагина эмас, балки Қўйқирилганқалъанинг охирги ҳаётига мансуб қатламида қазиб олинган, дашт қабилалари ўртасида ёйилган ва бу ерга улар томондан келтирилган ҳар хил топилмалар бундан далолат беради. Янада илгарироқ даврга мансуб бўлган ва апасиакларнинг ўзи барпо этган қишлоқлар Хоразм воҳасининг жануби-ғарбий чеккаларида пайдо бўлиши ҳам шундан дарак беради.

ҚУДРАТЛИ КУШОН ДАВЛАТИ ВА ТИЛСИМОТЛИ ТУПРОҚҚАЛЪЯ

Эрамиздан аввалги биринчи аср охирларида Ўрта Осиё қудратли Кушон империясига киради. Хоразмнинг Кушон даврига оид тарихи жуда ҳам ноаниц. Аммо бу даврда Хоразм шоҳларининг тангалари ўрнини кушонликлар тангаси эгаллашига қараганда Хоразм Кушон империяси таркибиға кирган, деб фараз қилиш мумкин. Эрамизнинг III асрларида Хоразмда маҳаллий шоҳларнинг тангалари зарб қилиниши ва кушон тангаларини сиқиб чиқарилиши Хо-

размнинг яна илтариgidай мустақилликка эришганлигини кўрсатади.

Император Канишка (78—123 йиллар) ҳукмронлик қилган даврда Кушон давлати жуда қудратли давлатга айланиб, замонасининг буюк давлатлари Рим, Парфия ва Хитой билан бир қаторда тұғарди. Канишка ҳукмронлигининг охирги йилларида Кушон давлати жуда катта ҳудудни ўз ичига олган. Унинг чегараси Farbda Орол ва Каспий деңгизи бўйларигача, жанубда Ҳинд дарёсининг қўйи оқимигача, Шарқда эса Синъцзяннинг Хўтан шаҳридан Ганг бўйларидаги Банорасгача чўзилган.

Канишка галибона юришларидан ташқари катта қурилишлар ҳам қилди. Унинг даврида Шимолий Ҳиндистондаги анча шаҳарларга асос солинган. Ҳозиргача шу шаҳарларнинг бири унинг номи билан юритилади. Бу даврда кўп мамлакатлар билан иқтисодий ва сиёсий муносабатлар кучаяди. Эрамизнинг 99 йилида Кушон элчиарининг Римга келиши ва Кушон давлати ҳудудида жуда кўп рим тангаларининг топилиши бунга далил бўла олади. Кушон тангалари Кама бўйларida ҳам учрайди.

Кушон даврида бу империяга қарашли мамлакатларнинг маданиятида ривожланиш юз берди. Бу даврда пайдо бўлган ажойиб меъморчилик ва ҳайкалтарошлиқ санъатининг кўпгина ёдгорликлари Шимолий Ҳиндистонда, Бақтрия Кобул дарёси водийсида ва Амударёнинг юқори оқимларида бизгача сақланиб келган. Бу ёдгорлик намуналари ана шу ёдгорлик кўпроқ топилган ернинг номи билан маҳсус адабиётларда гандхар санъати деб аталади. Гандхар санъати Хитой, Ҳинди-Хитой, Япония ва Индонезия халқларининг бадиий маданиятига катта таъсир ўтказган ҳамда унинг анъаналари бутун ўрта аср ва ҳатто ҳозирги давргача сақланиб келган.

Кушон империяси даврида дин, архитектура ва санъат соҳасида рўй берган ўзгаришлар Хоразм маданиятига ҳам таъсир этди. Шунингдек, қадимги Бақтрия (Термиз яқинидаги Айиртом ёдгорлиги), Тўхористон (Сурхондарё вилоятининг Ангор районидаги Болалик тепа ёдгорлиги) маданияти ҳам гандхар санъати анъаналарининг бевосита таъсири остида тараққий қилган. Натижада Хоразмда учрайдиган кушон даври ҳайкалчаларининг кўриниши анча ўзгаради. Эндилика ҳайкалчалардаги кийим ва безаклар кангюй давриникидай серҳашам бўлмай, унда гандхар санъатининг таъсири сезилиб туради. Янги типдаги ҳайкалчалар ҳинд кийимлари-

дагидай анча ери очиқ бўлиб, бу ҳол унинг будда образлари билан боғлиқ эканлигини кўрсатади.

Хоразмнинг кушон даврига оид ёдгорликлари ҳам жуда бой ва ажойибdir. Бу даврда ҳам илгаригидай суғориш тармоқлари ривожланади ва такомиллашади, эски қалъалар қайта қурилади, янги қалъалар ва аҳоли яшайдиган истеҳкомлар вужудга келади. Янги пайдо бўлган катта суғориш иншоотларидан Қирққиз ва Тупроққалъя каналларини айтиб ўтиш лозим. Воҳа чеккаларида кушон даври учун хос бўлган мудофаа иншоотларидан қуйи Чарманёпда Говурқалъя, Устюрт қирларида Девкесганқалъя бунёдга келади. Суғориш тармоқларининг ривожланиши натижасида Аёзқалъя, Қизилқалъя, Қўрошинқалъя, Тупроққалъя, Катта Гулдурсун, Кичик Қирққиз каби яхши мустаҳкамланган шаҳар ва қалъалар пайдо бўлади. Бу ёдгорликларнинг ичida Катта Гулдурсун, Қизилқалъя, Аёзқалъя, Говурқалъя, Анқақалъя ва ажойиб тарихий хазина бўлган Хоразмшоҳлар резиденцияси — Тупроққалъя алоҳида диққатга сазовордир.

Катта Гулдурсун найзасимон шинакли қўшдевор билан ўралган зўр истеҳком бўлиб, у иккита катта сув иншооти: Қирққиз ва Тупроққалъя каналлари бир-биридан ажралган жойда қурилган. Ички ҳовлида қизил лойдан ишланган сополлар ва катта иморатларнинг қолдиғи бор. Бу қалъя яқинида Қирққиз магистрал каналидан шимоли ғарб ва ғарбга жуда катта сув иншооти ўтказилган. У Норинжон истеҳкоми олдида тугайди. Жилдиққалъя районида ундан чиқарилган шахобча ўзанининг кўп қисми ҳозир қум остида қолиб кетган бўлиб, этаги Аёзқалъядаги тоғ ён-бағирларида пайдо бўлади. Бу каналнинг катталигидан ҳатто Тупроққалъя канали унинг шохобчаларига ўхшаб кетади. Мана шу зўр сув иншоотларининг бош қисмини мудофаа қилувчи ва сув тақсимлаш ишларини бошқарувчи марказий идора Гулдурсунқалъясида бўлса, эҳтимол. Бу канал ва шохобчаларнинг қуйи оқимларини Қизилқалъя илк кушон даврида баланд гишт пойdevорга қурилган анча қудратли истеҳком бўлиб, ундаги бинолар каттагина чегара соқчилигини олиб борган ҳарбий қўрғонга мўлжалланган. Қалъанинг ички қисмига ёппасига равоқли йўлаксимон бинолар қурилган. Қизилқалъя муҳим стратегик истеҳком бўлиб, у хоразмшоҳлар маскани — Тупроққалъани қадимги йўлдан ҳамда Амударё томондан қўриқлаб турган.

Аёзқалъя ёдгорлиги кичик девор билан ўралган Султон Увайс тоғининг шарқий этагидаги йирик деҳқонларнинг қўрғонларидан иборатdir. Эҳтимол, қўрғон ичида боғ ва полизлар мавжуд бўлган. Бундай жуда кўп деҳқон қўрғонлари орасида учтаси алоҳида ажralиб туради. Аёзқалъя қоясининг тепасини безаб турган Аёз — I деб аталган истеҳком ярим доира шаклидаги буржли баланд қўшdevорлар билан ўраб олинган. Қалъя бурчакларида икки буржнинг бир-бирига қўшилишдан "қалдирғоч думига" ўхшаш қизиқ шакл ҳосил бўлади. Бундай қурилиш усулини фақат илк кушонлар даврида қадимги Хоразмнинг ҳарбий истеҳком қурувчи усталари қўллаган. Кенг саҳро ўргасида баланд кўтарилиб турган Аёз — I ҳам Қизилқалъя каби Хоразмга шимолдан олиб борадиган йўл устидаги муҳим стратегик иншоот ҳисобланган.

Бу истеҳком жойлашган қоянинг пастки ён бағрида, жанубий тепаликнинг учидаги тухумсимон шаклда солинган Аёз-2 истеҳкоми мавжуд. Бу қалъадаги туарар биноларда ва деворлар ўртасидаги равоқсимон йўлкаларда ҳеч қандай маданий қатламлар бўлмаганлиги учун уни Аёз-I, Қизилқалъя, Қўнарлиқалъя каби ҳимоячи қўрғоннинг туарар қишлоғи деб ҳисоблаш мумкин. Эҳтимол, қамал вақтларида ҳимоячиларга атрофда яшовчи аҳоли ёрдамга келган.

Мазкур мустаҳкамланган тепаларнинг этакларида ғишт деворлар билан ўралган катта ҳовли қўрғонлардан иборат бир қишлоқнинг харобалари ётади. Улар орасида кўп буржли девор билан ўралган Аёз-3 номли қўрғон алоҳида ажralиб туради.

Аёзқалъя мажмуига кирган қишлоқ ёдгорликлари унда кўп миқдорда топилган кушон даври тангларига қараганда эрамизнинг II асрларида пайдо бўлган. Қишлоқ узоқ яшамай, ундаги ҳаёт III—IV асрларда тугаган. Олимларнинг айтишича, бу ердаги кўп қўрғонларда деҳқончилик билан шуғулланган аҳолининг патриархал типдаги катта жамоалари яшаган бўлиб, у Хоразм қишлоғининг ижтимоий-иқтисодий тузумида муҳим ўзгаришлар рўй берадиганидан дарак берарди. Кушон давлатининг гуллаш даврида катта уруғ-жамоа типидаги мустаҳкамланган истеҳкомлардан, патриархал типдаги кўп оиласи жамоаларнинг айрим қўрғон ёки катта ҳовлиларга ажralиб чиқиши анча кучаяди. "Катта оиласи" жамоаларнинг ажralиб чиқиши жараёни қулдорлик тузумининг емирила бошлаганлигини ва илк феодал хўжаликларнинг вужудга келаётганлигини кўрсатади.

Шуни ҳам қайід қилиб ўтиш лозимки, бу құрғонларда ахоли зич яшайдын Гулдурсун, Жонбосқалъя, Хазорасп, Тупроққалъя истеңкомуларында ўхшаш антик шаҳарлардан узоқда жойлашған озод деңқонларнинг қишлоқ уйларини күрамиз.

Күшон империясинаң шимолий чегараларидаги кучли мудофаа иншоотларында Говурқалъя ҳам киради. Қалъя Амударё қырғоғыда, Султон Увайс төғининг ғарбий тизмаларини кесиб ўтган жойда, дарё ва дарё бўйлаб кетадиган йўлни мудофаа қилишга қулай бўлган баланд қоя устида қурилган. Бу истеңком тахминан эрамизнинг II—III асрларига оид бўлиб, мудофаада ҳарбий кемалар ҳам қатнашган.

Говурқалъя икки қатор шинакли қўшдеворли оғишган тўрт бурчакдан иборат. Деворларнинг бошқа қаторида ундан бир оз баландроқ кўтарилилган, ораси 20 метр масофада қўйилган тўғри бурчакли буржлар мавжуд. Бурчаклардаги буржлар күшон даври меъморчилик анъаналарига асосланган бўлиб, "қалдирғоч думига" ўхшатиб қурилган. Қурилиш усули жиҳатидан унинг Аёз—Iга яқин тури билан боғлиқ эканлигини кўрсатади. Лекин Говурқалъада икки қатор шинакларнинг борлиги уни бир томондан Кангюй даврига оид Жонбосқалъя каби ёдгорликлар билан ҳам боғлиқ эканлигидан дарак беради.

Деворларга қўйилган катта ва қалин ($40\times40\times10$) ғиштларнинг деярли 25—30 фоизига тамға босилган. Кангюй ва Күшон даврига тегишли бармоқ билан лойга босилган 16 хил тамға белгилари аниқланган. Шубҳасиз, бу тамғалар айрим уруғ белгилари бўлган.

Қалъя ичида шимолий девор бўйлаб қурилган хона харобалари мавжуд. Қалъанинг шимоли ғарб бурчагида тўрт бурчак қурилган зал алоҳида ажралиб туради. Зал деворлари сувоқ қилинган ва унга нақш берилганлиги билиниб турибди. Тўрт деворда тўрт токча бўлиб, ўртада тошдан усталик билан ясалган иккита тагкурси қўйилган. Зални қазиб текширилганда ҳайкал топилган. Лойдан ясалиб, эркак кишининг бошини тасвирловчи бу ҳайкал алоҳида диққатга сазовордир.

Күшон империясинаң сўнгги давларидаги мудофаа иншоотларидан яна бири Анқақалъадир. Бу ёдгорлик Қўйқирилганқалъадан икки километр шарқда, қадимги қўрғон ва қишлоқ харобалари ўртасида жойлашған. Шу харобаларнинг бирида эрамизнинг III асрига оид бўлган бошига бургутсимон темир қалпоқ кийган шоҳнинг расми солинган Хоразм мис тангаларидан иккитаси топилган.

Бу ёдгорликни текшириш юзасидан олиб борилган ишларга асосланиб, Тупроққалъа эрамизнинг III—IV асрларига тегишли эканлиги аниқланди. Лекин, қалъани ўрганиш ишларига 1945—1950 йиллардагина астайдил киришилди.

Мана, шаҳарнинг жанубий бош дарвозаси. Дарвозадан ичкарига кирилган заҳоти тўғри бурчакли қилиб солинган уйга дуч келинади. Афтидан, бу шаҳар соқчилари турган жой бўлса керак. Шу уйдан марказий кўча бошланади. Ўн метр кенглиқдаги бу кўча тўғри ҳокимнинг саройига ва шаҳар ибодатхонасига олиб кирадиган дарвозага бориб тақалади. Шу кўчанинг охиридан ўнгта қараб кетган кўча бозорга олиб чиқади.

Бош кўчанинг ҳар томонида бир-бирига тўғри келадиган тор кўчаларда кўп хонали катта уйлар солинган. Қалъанинг ички архитектураси Жонбосқалъага ўхшаб кетади. Ана шундай тор кўчалар ўртасидаги ҳовли-жойлар бир-бирига туташиб кетган бўлиб, улар орасида девор йўқдай кўринади. Туташ ҳовлилардаги хоналарнинг сони 200 гача боради. Бу нарса Тупроққалъада истиқомат қилган аҳоли уруғчилик анъаналарига асосланиб авлодма-авлод яшаганлигидан ва ижтимоий ҳаётнинг жуда қадимги шаклига мансуб бўлганлигидан далолат беради.


Ҳоким саройининг жанубий дарвозасидан бошланадиган узун йўлакнинг охирида ўт ибодатхонаси жойлашган. Ибодатхона бир неча иншоотлардан ташкил топган. Иншоотларнинг ўртасида қўш деворлар билан қуршалган ва ичкарига айланма йўлаги бўлган тўғри бурчакли бино туради. Қадимий хоразмликлар ибодат қилган сўнмас ўт шу бинода бўлган.

Бундай ибодатхоналар қадимги Хоразмдаги бошқа ёдгорликларда ҳам, чунончи, Жонбосқалъадан ҳам топилганигини юқорида айтиб ўтдик. Тупроққалъадаги бу иншоот тузилиши жиҳатидан Эрон Озарбайжонининг Шопур деган жойидан Р. Гришман қазиб топган ибодатхонага ўхшайди.

Ўт ибодатхонаси билан ёнма-ён икки қават қилиб ишланган, уч бурчакли ажойиб бино ўзининг ҳашаматли кўриниши билан кишини ҳайратда қолдиради. Бинонинг юқори қисмидаги девор ганчдан ишланган чиройли ҳайкалчалар билан безатилган. Сарой ва ибодатхона қурилишлари жанубий ҳамда шарқий тарафдан шинакли қалин ва баланд деворлар билан гир айлантириб ўралган. Саройнинг биринчи қаватида юздан ортиқ хоналар борлиги аниқланган. Девор бўйлаб бурж ва дарвозалар қурилган саройга шарқ томондаги пандусдан кирилар эди. Пандус-



Тупроққалъа харобасыда топилған ганчдан ясалған ҳайкал парçasы



Тупроққалъадаги сарой биносынинг қазиши мадан кейинги күрниши

нинг охири турли ўсимликларга ўхшатиб нозик нақшлар солинган тор йўлак билан тугайди. Сарой шу қадар баланд қилиб солинганки, аҳоли яшайдиган ҳовлилар ундан жуда кичкина бўлиб кўринади.

Сарой биноларининг ўртасида ташқарига олиб чиқадиган катта хоналар, нақш ва ҳайкаллар билан безатилган зал бор. Археологларимиз бу хоналарга "шоҳаншоҳлар зали", "зафарлар зали", "жангчилар зали", "буғулар зали", "ўймакорлик зали" каби номлар берганлар.

Саройда булардан ташқари турли турар жойлар, хўжалик ва хизмат кўрсатиш бинолари, шунингдек уста-хоналар бор. Хоналарнинг деразалари йўқ. Ёруғ тушиб туриши учун туйнук қилинган. Пештоқ йўлаклари орқали хонадан хонага ўтилади.

Йўлаклар ёки даҳлизларнинг деворлари бўйлаб баланд супалар бўлиб, ундаги одам гавдасидан бир ярим баравар катта келадиган эркак ва аёлларнинг лойдан ишланган ҳайкаллари диққатга сазовордир. Уларнинг кийими ва безакларига қараганда, ҳашаматли шаҳзодалар билан марказида тож кийган подшонинг образи тасвиrlанган. Эркак ва аёлнинг бола билан тахтда ўтирган тасвири Қўйқирилганқалъада топилган бўртма расмларни эслатади. "Шаҳаншоҳлар залида" 138 та катта-кичик ҳайкаллар топилган бўлиб, улар на фақат тантаналар учун, балки ибодатлар учун ҳам хизмат қилгандир. Залнинг деворлари бўйлаб тахмон ва токчалар баланд супаларда даҳлиздагидек одамнинг натурал ҳажмидан каттароқ лойдан ясалган ҳайкалларнинг чап томонидаги паст супаларда бўртма нақш қилиб тасвиrlанган образлар шубҳасиз маҳаллий подшоларнинг уруғ-авлодига тегишли. Демак, бу тантановор хона илоҳийлаштирилган муқаддас жой бўлса керак. Учта девордаги катта тахмонда ўрнатилган жуда ҳашаматли ҳайкаллар учта худога бағишланган. Балки шулардан биттаси ҳосилдорлик худоси Анахита образини ифодалайди. Айрим маъбудалар йиртқич ҳайвонлар билан бирга тасвиrlанган.

Саройнинг кўча ёки ҳовлига очиладиган эшиклари, шунингдек хоналардаги эшиклар хилма-хил ўйма-нақшлар солиб безатилган. Уларда кишилар, ҳайвонлар, қушлар ва ҳатто тўлқинларда сузаётган балиқларнинг расмлари моҳирона тасвиrlанган. Уч бурчак шаклдаги катта соз(арфа)да ўйнаётган аёл, шунингдек мусиқа асбобининг пардасини ушлаб турган қўл расми ўзининг нағислиги ва жозибадорлиги билан кишини ўзига тортади. Яна бир жойда токлар


орасида юриб узум узаётган аёлнинг расми кўзга ташланади. Расм сополга минерал бўёқлар билан солинган.

"Шаҳаншоҳлар зали" ҳамда "жангчилар зали" нинг деворларидағи тахмон ва токчаларга подшолар ёки худоларнинг расмлари солинган. Улар орасида қора танли аскарлар ажралиб турди. Бир неча гумбазли йўлаклардан ўтгач, "раққосалар зали"га кирилади. ..

"Ниқобли рақсчилар зали" бош айвон билан боғланган бўлиб, унинг тарҳи ва жиҳозланиши марказидаги меҳроб қолдиқлари бу хона муқаддас жой эканлигини исботлайди. Айвон деворларига ўн олтига бўрттирилган эчки шохи, жуфт эркак ва аёллар рақсга тушаётгани тасвирангандан катта панно жуда таъсирли. Улар орасида ҳам якка раққосалар тасвиранганди. Мазкур залларнинг деворларига хилма-хил ўйма ва рангли нақшлар солинган. Улардаги кишилар, ҳайвонлар, қушлар расмлари моҳирона ранг-баранг қилиб тушурилган. Айниқса лой, сопол ва ганчдан ясалган ҳайкаллар турли ранглар билан бўялган. Сарой марказида деворларнинг айрим қисмига барглардан чамбарак қилиб безатилган маъбуда Анахита ибодати билан боғлиқ маросимлар ўтказадиган тантанавор зал бўлган.

Сарой биноларининг панжара ва пирамонлари ҳам нақшдор қилиб ишланган. Деворларга барглардан чамбарак қилиб гуллар солинган. Бу ердаги нақш ва безаклар қадимги Хоразм санъатининг ўзига хос ажойиб ютуқларга эришганлигидан дарак беради. Шуниси қизиқки, расмларда тасвиранганди тупроққалъаликларнинг юриш-туришлари, кийимлари, уйлари кўп жиҳатдан ҳозирги хоразмликларникига ўхшаб кетади.

1948—1949 йилларда уюштирилган экспедиция натижасида юқори қаватдаги хоналарнинг биридан қадимги хоразмликларнинг тери ва ёғочга ёзилган архиви топилди. Ундан ҳаммаси бўлиб 140 та ҳужжат чиққан. Шундан 122 таси терига ёзилган бўлиб, уларнинг кўпи чириб кетган. Терига ёзилган ҳужжатлардан 18 таси, тахтага ёзилганлардан эса 8 таси яхши сақланган. Бу ҳужжатларнинг асосий қисми маъмурий хўжалик масалаларига доир бўлиб, арамей типидаги алифбеда ёзилган. Ҳужжатларнинг тили А. А. Фрейман ва бошқа тилшунослар текширган Хоразмнинг XIII—XIV асрлардаги ўзига хос эроний (форсий) тилига ўхшайди. Айрим ҳужжатларнинг йили ҳам кўрсатилган. Улар терига ёзилган бўлиб, номаълум давр саналари 207, 231 ва 232 йиллар билан белгиланган. Ҳужжатлар топилган маданий қатлам Хоразм





Бугулар залидаги асли ва таъмирланган расмлар манзараси

тарихининг күшон-африғийлар даври оралиғи, яъни III—IV асрларга оидdir.

Берунийнинг таърифича, келтирилган йил ҳисобининг учинчиси африғийлар сулоласи билан боғлиқ бўлиб, эрамизнинг 305 йилидан бошланади. Тупроққалъадан қазиб олинган машҳур гандхар санъатига хос ажойиб ҳайкалтарошлиқ дурдоналари, Жонбосқалъя, Аңқақалъя каби кўп ёдгорликлардан топилган ҳар хил ҳайвон (маймун, фил, каркидон)ларни ва одам образларини тасвирловчи терракоталар (сополдан ясалган буюм ва ҳайкалчалар) бу даврда Ҳиндистон Хоразм билан ниҳоятда яқин муносабатда бўлганлигидан далолат беради. Тупроққалъя рассомчилиги намояндалари ҳам Аджантада топилган расмларга стиль ва услугуб жиҳатдан жуда ўхшаб кетади.

С. П. Толстовнинг фикрича, эрамизнинг биринчи асрларидан африғийлар сулоласи ўрнатилгунча Хоразмда расмий йил ҳисоби сифатида ҳинд "Шак даври" қабул қилинганини аниқлаш катта аҳамиятга эга бўлиб, у айrim тарихий масалаларни тўғри тушунишга ёрдам беради. Чунончи, шу асосда кўп вақтлар мунозарали ҳисобланган Күшон подшоси Канишканинг ҳукмронлик қилган даври ва бошқа хронологик саналарни аниқлаш мумкин. Тупроққалъя ва бошқа обидаларда топилган кўп сонли тангалар, яъни нумизматик (танга ва медаллар ҳақидаги фан) материаллар ҳам хронологик ноаниқликларни ойдинлаштиришда мухим восита ролини ўйнайди.





Тупроқталға харобаларидан топилған лойдан ясалған ҳайкалчалар



Говурқалъя шаҳарчасидан топилган
(Эрамизнинг II асри) расм ва
ҳайкаллардан намуналар

Хоразм Шоҳининг расми
туширилган қадимги
кумуш танга





Тупроққалъадан топилған қурол-аслача, уй-рүзгор буюмлари, безак ва тақинчоқлар намунаси

Хоразм территорииясида Кадфиз II, Канишка, Хувишка, Васудева номли подшоларнинг исмлари зарб қилингандан 60 га яқин тангалар топилған. Кўп тангаларда илгариги маҳаллий сулола — сиёвушларга оид белги-тамғалар мавжуд. Бу эса Кушон даврида ҳам Хоразм ўзининг мустақиллигини сақлаб қолишига интилиб келганлигини кўрсатади.

Демак, топилған тангалар асосида Кушон ҳукмронлиги ўрнатилгандан бошлаб, то Афригийлар давригача Хоразмда зўр тарихий ҳодисалар рўй берганлигини, ҳокимлик бир неча марта бир қўлдан иккинчисига ўтганлигини исботлаш мумкин.

Топилған айрим нарсалар ичидан бир ярим баравар каттароқ қилиб ганчдан ишланган эркак киши бошини тасвирловчи ҳайкал алоҳида диққаттә сазовор. Чунки бу Хоразмда ганчдан ишланган биринчи ҳайкалдир. Ҳайкалга ранг берилганлиги сезилиб туради.

Шуни ҳам қайд қилиш лозимки, тасвирий расмлар зал ёки шоҳ хоналаридағина эмас, ҳаттоқи қуллар яшайдиган уйларда ҳам бор. Зеби-зийнатлардан ўнтача олтин безаклар, 300 га яқин хилма-хил шиша қаҳрабо, маржон ва чиганоқлардан тузилған мунчоқ топилған.






Топилган нарсалар ичида хўжаликка доир бўлган Хоразмда биринчи марта учраган ўроқ ва темир совут тангачалари муҳим ўрин тутади. Совутнинг қолдиқлари саройдаги "жангчилар зали"даги ҳайкалларда тасвиirlанган совутга ўхшайди.

Тупроққалъадан топилган материаллар қадимги Хоразм ўзига хос санъат ва архитектурага эга бўлганлиги, мустақил тараққий қилганлиги ҳамда қўшни мамлакатлар — Парфия, Бақтрия, Ҳиндистон, Яқин Шарқ ва Қора денгизнинг шимолидаги давлатлар билан яқин алоқада бўлганлигини кўрсатади. Аммо, бу яқинлик фақат санъат нусхаларининг айримларида сезилади, холос. Саройнинг тарҳи ҳам, хоналарнинг бадиий жиҳатдан безатилиши ҳам, ҳайкал ва расмларнинг композицияси ҳам, нақш элементлари ҳам ўзининг ажойиблиги ва услуб бирлиги билан характерлидир.

Шубҳасиз, Тупроққалъадан топилган жуда бой археологик материалларни пухта текшириш билан хоразмликларнинг III—IV асрлардаги хўжалик фаолияти, жумладан қишлоқ хўжалиги ва ҳунармандчилиги, ҳарбий тузуми, бадиий маданияти ва ёзувини тўла равишда тасвиirlаш мумкин.

Бутун Хоразмда шоҳларнинг тенги йўқ дабдабали қароргоҳи бўлган Тупроққалъа саройи номаълум сабабларга кўра IV асрга келиб ташландиққа айланиб бўшаб қолади, шаҳардаги ҳаёт эса IV асртагача давом этади. Худди шу даврда Амударёning ўнг ва сўл қирғоғидаги сугориш иншоотлари бутунлай ишдан чиқади. Қадимги Калтаминон сув системаси ниҳоят қисқариб кетади. Сўл қирғоғидаги сугориладиган кўп ерлар чўлу биёбонга айланиб, шаҳарлар ҳувиллаб қолади. Говхўра канали тармоқлари бўйида жойлашган Анқақалъа, Қўйқирилганқалъа, Жонбосқалъа каби шаҳарларда ҳаёт сўнади, унинг бош ўзани Аёзқалъа этакларидағи қишлоқларни сугориб турган тармоғи қисқариб, бу ерлар ҳам чўлу биёбонга айланади.

Бу жараён шаҳар ҳунармандчилигининг кучайиб бораётган таназзули билан узвий боғлиқ бўлган. Агар III—IV асрларда аъло сифатли қадимий керамика анъаналарини ишлаш давом қилиб келган бўлса, V асрларда сопол буюмларнинг сифати жуда ҳам пасайиб кетган. Шу даврга мансуб идишларнинг кўп қисми уйда чархсиз ясалиб, қўпол ишланган: қорилган лой анча дағаллашган, унга турли нарсалар аралашган, баъзи кўзалар чархсиз — қўлда ясалган.



Қадимги Хоразм ёзуви намуналари

Беруний ёзишича, шаҳар ҳаётининг тушкунликка учраши хоразмшоҳлар марказини эрамизнинг 305 йили Кат қалъасига кўчиришга сабаб бўлади. Бу жараён Хоразм таҳтига янги, афригийлар сулоласининг кўтарилиши билан боғлиқ. Бу ҳақда Беруний қўйидагича ёзади: Шундай қилиб, Африғ Искандар келгандан кейинги 660 йилда Ал-Фир (Кат яқинидаги қалъа) шаҳри ичидаги қаср қуради. Ал-Фир шаҳри қалъа бўлиб, учта девори пахсадан ва хом фиштдан урилган; буларнинг бири иккинчиси ичига жойлашган, бирининг баландлиги иккинчисиникига қараганда ортиб боради; аммо шоҳлар қасри ҳаммасидан ҳам баланддир. Ал-Фир ўн миль ва ундан узоқроқдан кўриниб турган.

Янги сулолага асос солган Африғнинг расми Хоразм тангларида яхши сақланиб келган. Кўз олдимизда бургутсимон қиррабурун, чўққайиб турган сийрак соқолли, бўйнига мунҷоқ осган совуқ башарали кишининг образи туради. Унинг бошида қадимги Шарқ подшолари ва рим папалари киядиган тиара бор. Бу маҳсус қалпоқ ярим доира шаклида бўлиб, елкани бекитиб турган. Манглайида ярим ой белгиси бор. Танганинг орқасида отлиқ кишининг расми, отнинг оёғи остида эса қадимги Хоразм алифбесида "Шоҳ Африғ" деб ёзилган.

Ўрта асрларда илгариги, яъни Африғ давридаги Хоразм пойтахти ўрнида пайдо бўлган Шаббоз (ҳозирги Беруний атрофида сақланиб қолган ва маҳаллий тилда "Пил" деб аталиб келинаётган сўнгги антик даврига оид катта қалъа) харобалари мавжуд.

Қалъа харобалари атрофи шўр ботқоқлик билан ўралган бўлиб, унга битта сўқмоқ йўл боради. Меъморчилик жиҳатидан Пилқалъа Аёз—I га жуда ҳам ўхшаб кетади. Истеҳкомнинг бир бурчагида антик давр ёдгорликларига ўхшамайдиган тўртбурчак шаклидаги номаълум иморат ҳам бор. Пилқалъанинг деворлари пахсадан 10—11 метр баландликда ва 6 метр қалинликда қурилган.

Африғ сулоласи катта тарихий ўзгаришлар содир бўлган бир даврга тўғри келади. Дарвоҷе, эрамизнинг IV асрларида бошлаб шундай кучли воқеалар рўй берадики, натижада Хоразмнинг бутун хўжалик ва жамият тузуми, майший ва сиёсий ҳаёти кескин равишда ўзгара бошлайди. Бу ўзгаришлар янги хилдаги истеҳком ва ҳовлиларнинг пайдо бўлишида яққол кўринади.

Қудратли қалъалар соясида сақланиб, мустаҳкам қурилмаган истеҳкомлар ўрнига далалар ўртасида дехқонларнинг

ўзларига мустаҳкамлаб қурган қўрғончалари пайдо бўлади. Бу қўрғончалар билан бир қаторда зодагонлэр яшайдиган серҳашам янги қасрлар ҳам қад кўтаради. Воҳадаги дабдабали антик шаҳарлар тушкунликка учраб, жамият ҳаёти шаҳардан қишлоққа ўта бошлайди.

Ваҳоланки, Хоразм ҳудудида рўй бериб турган бу муҳим ижтимоий-иқтисодий жараённи чуқурроқ тушуниш учун шу даврда бутун Ўрта Осиёда авж олиб бораётган мураккаб сиёсий воқеаларни кўз олдига келтириш зарур.

В асрлардан боилаб бутун Ўрта Осиёни ўзига қарам қилиб олган сосонийлар давлати (бу давлат Кушон империяси ўрнига III асрда ташкил топган) "оқ хуннлар" ёки эфталитлар деган қудратли дашт қабилаларининг зўр ҳаракатлари натижасида барбод бўла бошлайди. Айрим тадқиқотчиларнинг фикрича, эфталит бирлашмасининг дастлабки маркази Хоразмнинг шимоли-шарқий чеккасида бўлиб, улар аслида сак массагетларининг Орол бўйидаги қадимий ватанларида қолган авлод-аждодлариdir.

Эфталитларнинг юришлари умрининг сўнгги асрларини бошидан кечираётган қулдорлик оламига қарши варвар қабилалар кенг кўламда авж олдириб юборган ҳужум занжирининг ҳалқаларидан бири эди. Қадимги қулдорлик давлатларининг шимолий чегараларига варварлар бошлаб юборган ҳужуми натижасида қулдорлик тузуми чуқур инқирозга юз тутди. Бу инқироз ички синфий курашнинг кескинлашиб кетишида — қуллар, ярим қул (колон)лар ҳамда хонавайрон бўлган ва асоратга тушган эркин аҳолининг тез-тез қўзғолон кўтариб туришида намоён бўлди.

Бешинчи аср мазкур синфиий зиддият ниҳоятда авжига минган давр эди. Ўрта Шарқда, яъни сосоний империясида бу қарама-қаршиликлар очиқдан-очиқ фуқоралар урушига олиб келган ва натижада эфталитлар ҳужумининг муваффақиятли чиқиши учун замин яратиб берган эди.

Феодаллашаётган Эрон зодагонларининг зулми ва зўравонлиги туфайли хонавайрон бўлаётган ва асоратга солинаётган қишлоқ жамоаларининг феодалларга қарши кенг кўламдаги ҳаракати (тариҳда бу кураш "маздакийлар ҳаракати" деб ном олган) ҳам варвар қабилаларининг юришларини анча енгиллаштирган. Аммо эфталитларнинг юришлари натижасида жамоа-уруғчилик ва ҳарбий-қулдорчилик анъаналари мустаҳкамланиб Ўрта Осиёning феодаллашиш жараёнини бир оз секинлаштириб қўйган.

Аммо, эфталитлар давлати мустақам бўлмаган. VI асрнинг иккинчи ярмида Марказий Осиёда ўзларининг янги қудратли империясини ташкил қилган урхун турклари кенг кўламда экспансия (босқинчилик) сиёсатини амалга ошираётган бир пайтда Эфталит империяси бутунлай таназзулга учраган эди. Шунинг учун ҳам бу империя 563 ва 567 йилларда туркларнинг зарбасига чидаш бера олмай барбод бўлади.

Турк ҳоқонлари билан феодаллашиб бораётган Ўрта Осиё зодагонлари орасидаги иттифоқ маҳаллий халқ омасига ва ҳоқонликдаги демократик ҳаракатларга ҳам қардни қаратилган эди. Туркларнинг бу роли VI асрнинг охиirlарида Бухорода рўй берган ва ҳоқонликдаги Абрўй бошчилигидаги кўтарилган бир неча қўзғолонлар ва бошқа ижтимоий курашларда намоён бўлади. Абрўй исёни бостирилиши билан уни қўллаб-қувватлаган ҳунарманд ва шаҳар меҳнаткашлари зодагонларнинг хизматкорлари ва кадивар (чала ҳуқуқли, қарам фуқаро)ларга айландилар.

Шуни қайд қилиш лозимки, Хоразм эфталитлар даврида ҳам, турк ҳоқонлиги даврида ҳам ўз мустақиллигини сақлабгина қолмай, балки бу империяларга дастлабки пайтларда ўз таъсирини ўтказиб турган. Бунга эфталитлар давридаги тангалар Хоразмдаги тангаларга ўхшатиб зарб қилинганлиги, лекин анча қўпол ишланганлиги мисол бўла олади. Византия элчиси Земархнинг 569 йили турк ҳоқонлигидан ўз элига Хоразм орқали ўтиб, бу ўлкани Ҳоқон билан тенг ҳуқуқли мустақил иттифоқдош давлат деб ҳисобланганлиги тўғрисидаги хабар ҳам бунинг далилидир.

Бутун Ўрта Осиёда ўша даврда авж олган ижтимоий-сиёсий буҳрон мустақил Хоразмни ўз гирдобига тортмай қўймади, албатта. Мазкур мураққаб шиддатли сиёсий воқеалар моддий ва маданий турмушда ҳам ўз аксини топган эди.

Хоразмнинг теварак-атрофидаги қўшни кўчманчи аҳоли билан яқин муносабатда бўлганлигини сўнгти йилларда қазиб текширилган Оқчадарё ҳавзасининг шимолидаги Барактом (IV—V асрлар) ва Кўшкантов яқинидаги Куюққалъя ёдгорликларида ёрқин кўриш мумкин. Юқорида қайд қилганимиздек, афригийлар керамикаси ва мельморчилигининг шаклланишида, шубҳасиз, дашт эфталит элементларининг мавжудлигини аниқлаш, бу қабилалар-

нинг ҳам ўтроқ аҳоли маданиятига ўз таъсирини ўтказганлигидан далолат беради.

Барактомда ўтказилган тадқиқотлар алоҳида диққатга сазовордир. Бу обидалар таркибига учта қаср кириб, уларнинг теварагида катта қишлоқ жойлашган. Тўғаракда Оқчадарё ҳавзасининг пастки кўхна ўзанлари асосида ишлов берилган қадимги суғориладиган ерларнинг излари аниқланган. Мазкур харобаларда топилган сопол идиш парчалари сўнгги антик Хоразм керамикасига ўхшаб кетади.

Обидалар ичида энг яхши сақланган Барактом—I дир. У икки қаватли иморат бўлиб, пастки қавати гумбаз шаклидаги хоналардан иборат. Бу иншоот қурилиш жиҳатдан бутунлай антик Хоразм меъморчилик анъаналарига эргашган, лекин эфталит бошлиқларининг турмуш ва эстетик эҳтиёжларига мос қилиб IV—V асрларда қурилган.

Иморат антик Хоразм типидаги хом ғиштлардан қурилган бўлиб, услугуб жиҳатдан Хоразм иншоотларидан анча фарқ қиласди. Иккинчи қаватдаги деворлари пештоқли тахмонлардан иборат, супали тантана зали ҳам ўзига хос. Супаларга кўк, қизил, пушти, олтин рангли табиий бўёқлар билан безалган гиламлар тўшалганлиги аниқланди. Гиламнинг маркази қандайдир сюжетли манзара билан безатилган. Зал ўртасида тўнтарилган кесик пирамидага ўхшаш ўчоқ ўрнатилган. Эҳтимол, зал ўтов шаклида кигиз билан бекитилган бўлиб, кўчманчи қабилаларнинг уй-жой анъаналарини сақлаган.

Кўшкантов яқинида жойлашган тахминан V—VI асрларда қад кўтарган Қуюққалъани тадқиқ қилиш эфталит-турк қабилаларининг маданиятини ўрганишда айрим муҳим маълумотларни қўлга киритишга имкон беради. Қалъа 41 гектар майдонни эгаллаган бўлиб, ўртасида иккита катта тўғри бурчакли бир-бирига ёнма-ён катта қаср харобалари мавжуд. Қазишмалардан олинган турли топилмалар асосида қалъа аҳолиси деҳқончилик, чорвачилик ва ҳунармандчилик билан шуғулланганлиги аниқланди. Темирчилик, мисгарлик ва кулолчилик дўконлари изларининг аниқланиши ҳам диққатга сазовордир.

Тадқиқотлар шуни кўрсатадики, мазкур қалъа кейинчалик, араб истилоси даврида, Хоразмдан айрим ҳолда ўз мустақиллигини сақлаб қолган Кедер музофотига кирган шаҳар харобаларидан биридир. Кедер аҳолиси, эҳтимол, ўзига хос тилда, эфталит шеваларидан бирида гапиргандир.

Сўнгги йилларда тўпланган археологик материаллар Хоразмни ўраб олган қадимги сак (скиф) ва эфталит-турк дашт қабилаларининг ижтимоий тузуми ва тараққиётини ўрганишга имкон беради. Бу масала узоқ вақтлар тадқиқотчилар орасида кўп хил мунозараларни туғдирган анча чигал муаммолардан бири бўлиб келган.

Европа ва Осиё мамлакатларини ларзага келтириб турган жуда ҳам кенг ҳудудда ҳаракат қилган скифларнинг Орол бўйи ўлкаси обидаларини ўрганиш бу этник группаларни фақат кўчманчи варвар қабилалар деб тушунишга барҳам берди. Европа скифларига қараганда анча зич яшаган. Орол бўйи скифлари чорвачилик билан шуғулланибина қолмай, балки биринчи галда ўзига хос тақомиллашган суғориладиган деҳқончилик ва тараққий қилган ҳунармандчилик билан ҳам шуғулланганлар. Даштда қад кўтарган дабдабали мудофаа ва дағн қилиш иншо-“ибтидоий кўчманчи”лар тушунчасига мутлақо зид эканлигини исботлайди. Комплекс хўжаликка эга бўлган дашт қабилалари ҳам ўтроқ қўшнилари сингари, шубҳасиз, қулдорлик тузумида яшаганлар. Аммо уларда уруғ-аймоқ ва қабилавий анъаналар кучли бўлган.

Қадимги сак-массагет қабилалари заминида ва хун-турк элементлари таркибидан IV—V асрларда ташкил топган құдратли хионит — эфталит “варвар” давлатининг маркази Амударё ва Сирдарё ҳавзаларида жойлашганлиги кенг Хоразм воҳасининг тарихий ролини яққол кўрсатиб турибди. VI—VII асрларда турклашиб кетган хионит — эфталитлар VIII—IX асрларга келиб ўғузлар деған умумий ном билан тарих саҳнасига кўтарилиб, бутун Ўрта ва яқин Шарқдаги жаҳон тарихий ҳодисаларида катта ўринни эгаллагани маълум. Бу даврда ўғузларнинг йирик марказларидан бири — Сирдарё ҳавзасида Янгикент (Жонкент) номи билан пайдо бўлган, унинг харобалари ҳозиргача сақланиб қолган.

Ғарбий Европа мамлакатларининг қулдорликдан феодализм тузумига ўтиши анча кенг ёритилган бўлса-да, Шарқ учун бу масала ҳали мукаммал ҳал қилинмаган. Мазкур муаммо кўпинча ташқи куч, яъни инқирозга учраган жамиятни, нисбатан құдратли жамият босиб олиши йўли билан ҳал қилинган. Бу қонуният ўз тарихий тараққиётида қулдорлик тузумини босиб ўтган барча мамлакатларга хосдир. Қадимги Хоразм ҳам Ғарбдаги мамлакатлар сингари бу жараённи ўз бошидан кечирганлигини сийрак ёзма

манба тардангина эмас, балки ниҳоятда бой моддий обидалар асосида исботлаб бериш имкониятига эгамиз.

Бу даврға оид ёдгорликлар жуда ҳам хилма-хилдир. Тахминан бир гектар майдонни эгаллаган Бургутқалъя, Тешикқалъя, Қумбосганқалъя каби истеҳкомлардан бошлаб то сатҳи бир неча юз квадрат метр келадиган жуда кўп майда дечқон қўрғонларини учратамиз. Аммо бу ёдгорликларнинг ҳаммаси бир хил йўналишда қурилган бўлиб, ўзига хос мудофаа иншоотларига эга.

Афригийлар давридаги мураккаб сиёсий ҳаётни муфассал тушуниш учун Тешикқалъя устида бир оз тўхтаб ўтиш зарур. Афригийларнинг бу истеҳкоми тўрт бурчак шаклидаги, овал бурчакли буржлар билан мустаҳкамланган қалъя бўлиб, сатҳи ўн минг квадрат метрдан кўпроқ майдонни эгаллайди. Тешикқалъя деворлари ҳам Пилқалъаникига ўхшаб ёппасига пахсадан тикланган. Қалъанинг ичида кишилар яшайдиган квадрат шаклдаги минорага ўхшашиб иморат-қаср бор. Қасрнинг пастки қисми пирамида шаклдаги ёппасига пахсадан урилган пойдевордан иборат. Қаср деворларининг ташқариси ҳашаматли ярим колонна шаклида ишланган, юқориси эса чиройли пештоқлар билан бир-бирига қўшилган. Бундаги туарар бинолар гилам ва ҳар хил гулдор нақшлар билан безатилган.

Тешикқалъадаги материаллар хоразмликларнинг VI—VIII асрлардаги ҳаёти ва маданиятини кенгроқ тасаввур қилишга имкон беради. Шуниси таажжубланарлики, афригийлар вақтидаги ҳунармандлар ясаган нарсаларнинг сифати антик даврдаги маҳсулотлар сифатига нисбатан анча паст бўлган. Сопол идишларнинг деярли ҳаммаси бир текисда пиширилмаган, қўлда чархсиз ясалган.

Қазишмаларда топилган майший қолдиқлар бу даврда боғдорчилик ва полизчилик билан бир қаторда зироатчилик ҳам тараққий қилганини кўрсатади. Маҳаллий деҳқонлар тариқ, арпа, буғдой, пахта, ловия, қовун, бодринг, узум, шафтоли ва ўрик кабиларни экканлиги аниқланган. Сигир, қўй, эчки, чўчқа, түя, эшак ва товуқ суюкларининг қолдиқлари хўжаликда чорвачилик ҳам муҳим роль ўйнаганлигидан дарак беради.

Қишлоқ хўжалик асбоб-ускуналаридан чўзинчоқ шаклдаги ёрғуchoқлар билан бир қаторда айлантириладиган катта ялпоқ тегирмон тошлари ҳам учрайди. Ҳайвон кучи билан ҳаракатга келтириладиган харос деб аталувчи бундай тегирмонлар Хоразм ҳудудида сўнгги вақтларгача кенг тарқалган. Булардан ташқари Тешикқалъада қўл тегирмон

тошлари ҳам топилган. Қўл тегирмонларини ҳозиргача Ўзбекистон, Қозогистон ва Туркманистон Республикалари-нинг айрим жойларида, Хоразм воҳасида учратиш мумкин. Сўнгги вақтларгача Хоразмда қўл тегирмони ва харосларнинг кенг тарқалишига сабаб унинг табиий-географик шароити сув ва шамол тегирмонларини қуришга имкон бермаганлигидир. Тешикқалъадаги қаср хоналари ва ҳовлидаги биноларнинг сўнгги қатламларидан харос ва қўл тегирмон тошлари топилган.

Тешикқалъадан топилган кумуш танга, жез чақалар ҳамда сопол идишлар ва бошқа материаллар VI—VIII асрлардаги бутун Бургутқалъа воҳаси ҳаётини ҳам аниқлашга имкон беради.

Тешикқалъани текшириш шуни кўрсатадики, бу қаср катта ерли деҳқон оиласариники бўлган. Бу даврда деҳқон оиласарининг қаср ва қўрғонлари асосан катта-кичклиги билан фарқ қилиб, зодагон деҳқонлар оддий деҳқонларга қарама-қарши синф сифатида эмас, аксинча, булар ҳаммаси бир ижтимоий табақа ҳисобланган. Ўша вақтда асли маҳаллий зодагонлар "деҳқон" сўзи билан аталган. Демак, янги ижтимоий тузум-феодализм ҳали ғалаба қозонмаган, аммо унинг белгилари бутун ҳаётда сезиларли. Зодагонларнинг дабдабали қасрлари катта сув иншоотларининг бошини аста-секин эгаллаб, оддий деҳқон қўрғонлари устидан ўз ҳукмини ўтказа бошлайди. Қўрғонларни мустаҳкамлашдан мақсад ташқи душмандан мудофаа қилишгина эмас, шунингдек, ўзидан кучли зодагонлардан ўз озодлигини ҳимоя қилишни кўзлаган эди. Бу даврга оид баъзи бир манбалар Хоразмнинг ички ҳаётида жиддий тўқнашувлар мавжудлигини кўрсатади. Истиқомат қиласиган жойларнинг мустаҳкамланганлиги, моддий ва маданий соҳада ўзига хос тор бўлганлиги — Хоразмнинг сиёсий ҳамда иқтисодий жиҳатдан Ўрта Осиёнинг бошқа ҳудудларидан ажralиб қолганлигини кўрсатади. Бу факт VIII асрга келиб араблар истилоси арафасида Хоразмшоҳлар ҳокимииятининг заифлашганлигидан дарак беради.

Афригийлар ҳукмронлигининг сўнгги даврида шаҳарларнинг тушкунликка учраши ҳақидаги маълумотлар VII аср араб ёзувчилари ҳикояларида бор. Ал-Табарий 712 йилда Хоразмда фақат учта катта шаҳар — Кат (Пил), Хазорасп ва Урганч борлигини ҳабар қиласиди. Эндиликда илгариги "мингта шаҳар"лар ўрнига мингталаб қаср ва қўрғонлар пайдо бўлади. Ал-Мақдисийнинг ёзишича, X

асрда африиийлар сулоласининг энг охириги кунлари арасида фақат Маздакхон (Қорақалпоғистоннинг Хўжайли туманига яқин) шаҳарининг атрофида 12 минг қўрғон бўлган. Хоразмнинг тушкунликка учрашига яна бир далил — катта суғориш иншоотларининг ишдан чиқишидир. Бу даврда Амударёning чап қисмидаги энг катта сув иншооти — Чарманёп канали ва ундан фойдаланаётган жойлар харобаликка айланади.

Бутун Ўрта Осиё ҳудудида содир бўлган бу янги ижтимоий ва сиёсий жараён марказлашмаган қудратли давлатларнинг ўрнига тарқоқ майдо подшолик ва хонликларнинг пайдо бўлиши — араб истилосининг муваффақият қозонишига анча снгиллик туғдирган. Араб лашкарлари Марказий Осиёга VII аср ўрталаридан бостириб кира бошлияди.

Ўрта Шарқни деярли ўзига қаратган сосонийлар сулоласининг сўнгги шоҳи Ездегерд III 642 йилда Нихавенд яқинида бўлган жангда араб лашкарларидан мағлубиятга учраб, минг нафар отлиқ аскар билан Марвга қочади. Аммо бу шаҳарнинг ҳукмронлари сосонийларнинг азалий душманлари — туркларнинг ёрдами билан Ездегердга қаршилик кўрсатадилар. У шаҳар атрофида саргардон бўлишдан бошқа илож топа олмай юрган вақтида, шу ерда иттифоқо учраган бир киши томонидан қатл қилинади.

Худди ўша йиллари араблар Ўрта Осиё чегараларида пайдо бўладилар. Улар дастлаб шартномалар тузиш ва маълум даражада солиқ солиш билангина чекланганлар. Марв, Ҳирот, Балхдек чегарарадош бой шаҳарларни аста-секин урушиз қўлга киритиб олгандан кейин араблар бу шаҳарларни бутун Ўрта Осиёни истило қилишда муҳим стратегик базага айлантирганлар. 654 йилда Сўғдиёнага қилинган ҳужумда ҳам улар қурол кучи билан талон-торож қилиш ва товон тўлатиш билан чекландилар. Лекин маҳаллий аҳоли босқинчиларнинг ҳаракатларига бефарқ қараб турмади. 655 йилда эндингина бўйсундирилган Хурсон музофотлари аҳолиси қатл қилинган Ездегерд III нинг ўғли Перўз бошчилигига шундай бир қудратли қўзғолон кўтардики, бунинг натижасида Араб давлати ҳалокатга учрашига сал қолди.

Сосонийлар сулоласининг энг сўнгги намояндаси Перўз арабларга бир неча марта кучли зарба бериб, Хурсонни истилочилардан озод қиласди. Бу ерда арабларнинг топ-мор келтирилиши кескин сиёсий инқизозга ва

халифаликда фуқаролар урушининг алангаланиб кетишига олиб келади.

Уруш натижасида халифа Усмон қўзғолон кўтарган аскарлар томонидан 565 йили ўлдирилади ва оқибатда Макка зодагонлари ичida насл-насиби жиҳатидан энг аслзода ва бой ҳисобланган уммавийлар сулоласининг намояндаси Муовий I таҳтга ўтқазилади. Шу даврда араблар Хурасонга қайтадан ҳужум бошлаб, 667 йилда Перўзни батамом тор-мор қиладилар ва бу ерда мустаҳкам ўрнашиб оладилар. 70—80 йиллар давомида улар Хурасонда туриб Мовароуннаҳр ва Хоразмга бир қанча ҳужумлар уюштирадилар.

Тарихий манбаларга қараганда, араблар Хоразмни истило қилишдан олдин унга икки марта юриш қилганлар: биринчи юриш 674 йили Халифа Муовий томонидан Убайдулла ибн Зиёд бошчилигига; иккинчиси эса 696 йили Хурасон ноиби Умайян ибн Абдулла бошчилигига амалга оширилган. Бу юришлар асосан талончилик мақсадини кўзлаган.

Ўрта Осиёнинг, шу жумладан Хоразмнинг босиб олиниши VIII аср бошларидаги Хурасон ноиби Қутайба ибн Муслим номи билан боғлиқ. 712 йили эса Қутайба лашкарлари Хоразмни забт қиласди. Хоразмни забт қилиш оғир шароитда ўтди.

Манбаларга қараганда Чарон номли Хоразм шоҳи халқ қўзғолонларининг бошида туриб унга раҳбарлик қилган ўз укаси Ҳурзоддан қўрқиб, 711 йилда Қутайбадан ёрдам сўрайди ва унга ўз шаҳарларининг олтин калитларини юборади. Қутайба Хоразмга келиб, Ҳурзодни тор-мор қилишда унинг акасига ёрдам беради.

Хоразмнинг Қутайба томонидан босиб олиниш тафсилотлари ниҳоятда муҳим бўлганлиги туфайли бу тўғрида бир оз тўхтаб ўтиш зарур.

Араб муаллифларидан Таборийнинг ҳикоя қилишича, Хоразмшоҳнинг укаси Ҳурзод ўз тарафдорларига суюниб, қонуний шоҳни мамлакатдан ҳайдаб, ҳокимиятни қўлга олган. У шоҳ тарафдорлари бўлган Хоразм аслзодаларини қаттиқ жабраган, уларнинг мол-мулкини, чорвасини, қизларини ва хотинларини тортиб олган. Аслида Ҳурзод қўзғолони маздакийлар ҳаракати типидаги аксилфеодал характерга эга бўлиб, зодагонларга қарашли ҳарамларни йўқотиш, хотин-қизларни феодаллар томонидан тортиб олинишини тугатиш ва қадимий жамоа анъаналарини тиклашга қаратилган эди. Бу даврда аёлларни жамоадан ажратиб, кичик хотин, чўри, ўйнаш, (тутинган қиз) сифатида зодагонларнинг ҳарамларида тўплаш жараёни жа-

моа эркин аъзоларини асоратга солишнинг ва уларни феодаллашиб бораётган оқсуякларнинг ярим қулига, дэхқонга айлантиришнинг энг муҳим йўлларидан бири эди.

Бу жараён жамоа аъзолари учун оғир мусибат бўлди. Ўша шароитда жамоа аъзоларининг талайгина қисми, даставвал камбағаллар хотинсиз ўтишга маҳкум этилди, ўзининг хусусий хўжалигини қуриш имкониятидан маҳрум қилинди. Ўрта Осиёдаги бошқа давлатлардагидек, Хоразм подшоларининг зоти муқаддас деб ҳисобланган бўлиб, уларга худоларнинг тимсоли, мужассами сифатида қаралган. Таборий ёзишича, Ҳурзоднинг асл исми Ҳамжерд бўлиб, бу — Хангори деган атоқли отнинг бузилган шаклидир. Шуни қайд қилиш лозимки, Ҳурзод ҳаракати ҳам бошқа илк ўрта асрлардаги аксилфеодал ҳаракатлар сингари диний мазҳаблар қобиғига ўралган.

Қутайба лашкарлари Абдураҳмон (укаси) саркардалигига Ҳазорасп остоналарида пайдо бўлади ва Ҳурзодни асир олади. Тўсатдан қўлга тушган Ҳурзод билан бирга тўрт минг асирни истилочилар ўлимга ҳукм қиласидилар. Бу Ўрта Осиёнинг араблар томонидан босиб олиниши учун замин яратиб берган эди. Қутайба бу билан чекланиб қолмай хоразмликларнинг тарихий адабиётини ва маданий меросини яратган ва сақлаб келган олимларни қириб юборди ва қувғин қилди. "Қутайба ибн Муслим Бахилий Хоразм хаттотларини ҳалокатга дучор қилганидан,— деб ёзади Беруний,— руҳонийларни ўлдириб, уларнинг китоблари ва ёзувларини куйдирганидан сўнг, хоразмликлар саводсиз бўлиб қолдилар ва ўзларига лозим бўлган масалаларда ўз хотираларигагина ишондилар". Хоразмшоҳ араб лашкарбошиси билан тузган шартномага биноан талон-тарож қилинган аҳоли ҳисобига йилига ўн минг бош мол солиғи тўлаш мажбуриятини олади.

Арабларнинг кетиши билан Хоразмда янгидан қўзғолон кўтарилиб, қўзғолончилар ўз Ватанини сотган шоҳни ўлдирадилар. Бу эса Қутайбанинг Хоразмга иккинчи марта юриш қилишига сабаб бўлади. Хоразмни қайтадан забт қилган Қутайба ўлдирилган шоҳ ўрнига укаси Асқажамуқни таҳтга ўтқазади, унга ёрдамчи (валий) қилиб, ўз укаси Абдуллоҳни белгилайди. Африғийлар билан яқинлашиш мақсадида укасини Хоразм шоҳининг қизига уйлантиради.

Шундай қилиб, Хоразм ўз мустақиллигини йўқотиб, араб халифалигига қарам бўлиб қолади. Бу ҳолат ички зиддиятларнинг яна ҳам кучайишига, ниҳоят араб истилоси арафасидаги иқтисодий тушкунликни яна ҳам жиддийлаштиришга олиб келади.

ИЛК ФЕОДАЛИЗМ ДАВРИ ОБИДАЛАРИ

Антик Хоразмнинг құдратли иқтисодий ва маданий пойдевори асосида вужудға келган янги жамият қисқа вақт ичидә оғир ижтимоий қийинчиликларни енгіб ўтди. Бу даврга тегишли ёзма манбалар аввалги даврга доир маълумотларга нисбатан анча бой ва түлиқроқдир. Бу ҳолат археологик ёдгорликларни текшириш ва улардан хulosаси чиқаришни анча осонлаштирган зди.

Күчли ички ларзалардан тушкунликка учраган Хоразм IX—X асрларда араб халифалигининг емирилиши туфайли кетма-кет Ўрта Осиё ва Шарқий Эронда пайдо бўлган йирик илк феодал давлатлари-тахирийлар, саффорийлар ва сомонийлар қўл остида бўлди. Бу даврда Ўрта Осиёning феодал тузумининг тараққий қилишига тўсқинлик қилаётган патриархал қулдорлик тузуми анъаналари анча тез емирила боради. Бу емирилиш йирик феодал зодагонлари билан озод деҳқон оммаси орасидаги шартли тенглик ниқобини олиб ташлаб, улар ўртасидаги ижтимоий ихтилофни кучайтиради. Чунки юқори табақага тез кўтарилаётган текинхўр оқсуяклар озод деҳқонларни асоратга солиш учун кучли таянчга муҳтож зди. Феодал давлати эса ана шундай таянч бўла олган.

Шарқнинг энг йирик сиймоларидан бири Беруний яшаган давр бутун Ўрта Осиёда илк феодал тузумининг чуқур инқизорзга учраган, ижтимоий зиддиятлар, босқинчилик ва ваҳшиёна урушлар кучайган бир давр зди. Мазкур жараённинг авж олиши сомонийларнинг фақат номигагина сақланиб қолган сўнгги ҳокимиятнинг парчаланишига, Фазнавий давлати куч-құдратининг тез ўсишига ва Салжуқийлар империясининг пайдо бўлишига олиб келди. Сирдарёning қуи оқимидағи бу давлат X асрнинг иккинчи ярмига келиб ниҳоятда кенгайиб кетди. Унинг чегараси жануби-шарқда Тороз (ҳозирги Жамбул) ва Шош (Тошкент) шаҳарлари, жанубда Қувондарё ва Жангадарё, шимолда Сарису, Чалқар ва Иргиз ҳавзаларини қамраб олган, шимолий Урал тоғлари этакларидаги бошқирд ерларига ва ғарбда ҳазорларнинг Волга бўйидаги мулкларига бевосита туташиб кетган зди. Шундай бир вазиятда ўз мустақиллигини сақлаб қолган Хоразм тарих саҳнасига қайтадан кўтарила бошлайди.

Кўп тарихий ва археологик маълумотларга қараганда X аср охиrlарида Хоразм иқтисодий жиҳатдан жуда тез ривож-


лана бошлайди. Бунга шаҳарларнинг ўсиши далил бўла олади. Агар 712 йилда Хоразмда уттагина шаҳар бўлган бўлса, X аср бошларида Хоразмда шаҳарлар сони ўн уттага етган. 985 йилларга келиб эса ал-Мақдисийнинг ёзишича, шаҳарлар ўттиз иккитага етган. Археологик қазишма вақтида топилган кулолчилик маҳсулотлари шаҳарларда ҳунармандчилик тез ривожланганлигидан дарак беради.

Бу даврда вужудга келган шаҳарлар — кичик шаҳарча ва истеҳкомли работлар тариқасида қалъалар этагида ривожланади. Бунга Бургутқалъя шаҳарчасининг пайдо бўлиши ва айниқса Норинжон шаҳри яққол мисол бўла олади. Гулдурсун, Қаватқалъя, Жонлиққалъя, Довдонқалъя сингари X асрда ва кейинроқ вужудга келган кўп шаҳарларнинг ҳеч қандай арки бўлмаган, уларнинг атрофи мустаҳкамланмаган бўлиб, айрим ҳолда истеҳкомли шаҳристон ҳам учрайди.

Шубҳасиз, шаҳарларнинг ўсиши мамлакат умумий иқтисодий тараққиётининг муҳим томонларидан бири эди. Янги-ча асосда юксала бошлаган Хоразм бошқа мамлакатлар билан иқтисодий алоқаларни мустаҳкамлай бошлади. X—XI асрларда Хоразм йирик савдо марказига айланган. Хоразм савдогарлари ҳозирги Қозоғистон ва Туркманистон ўрнидаги даштларда яшовчи аҳоли билан, Волга бўйидаги Хазория ва Булғор подшолиги ҳамда Шарқий Европадаги славян олами билан кенг кўламда савдо ишларини олиб борган.

Узоқ вақт давомида Урганчда яшаган X аср муаллифи Истаҳрий бу ерда савдонинг ривожланганлигини қўйидаги ча таърифлайди: "Хоразм,— деб ёзди у,— ҳосилдор, озиқ-овқати ва мевалари кўп шаҳар (Мадина), фақат ёнғоғи йўқ; бу ерда пахта ва жундан хилма-хил маҳсулот тайёрланади ҳамда бу нарсалар узоқ-узоқ жойларга элитилади. Аҳолисининг ажralиб турадиган хусусияти — бойлиги ва мардлик кўрсатишга интилишидир".

X асрда Хоразмнинг йирик ҳунармандчилик, дәҳқончилик ва чорвачилик марказига айланганлиги ва иқтисодий жиҳатдан тез суръатлар билан ўсганлигини таъкидловчи маълумотлар атоқли сайёҳ ал-Мақдисий асарларида ёзib қолдирилган. У Хурросон музофотларидан бошқа ўлкаларга чиқариладиган молларнинг энг узун рўйхатини тузади: "Хоразмдан сувсар, кулранг олмахон, оқ сичқон, дашт тулкиси, тулки, қундуз, бўялган қуён, эчки териси, мум, камон ўқи, оқ терак пўстлоғи, қалпоқ, балиқ елими ва балиқ тиши чиқарилади; қундуз териси, анбар, кимухт (терининг бир тури), мис, ўрмон ёнғоғи, лочинлар, қилич,



Илк ўрта асрларга оид Талайхонота қазишмаси

совут, қайин, қўй ва сигирлар — буларнинг ҳаммаси булғорлардан келади. Хоразмда узум, майиз, кунжут, йўл-йўл кийим-бошлар, гиламлар, кўрпалар, ажойиб кимхоб, чойшаб, қулф, рангли кийимлар, энг кучли одамлар эга оладиган камонлар, алоҳида бир хил пишлоқ, зардоб, балиқ тайёрланади. У ерда кемалар ясалади, ясалганда ҳам ниҳоясига етказилади". Бу рўйхат на фақат Хоразмнинг бойлигини, унда мол айрибошлаш муҳим роль ўйнаганлигини ва бу ўлка транзит савдо марказларидан бирига айланганлигини яққол кўрсатади.

Археологларимизнинг текширишича, Ҳазар подшолигининг маркази — Итилга борадиган савдо йўли Беловул харобаси орқали Эмбанинг қуйин оқими Урал ва Волгага қараб ўтган. X асрнинг охирлари, XI асрнинг бошларида шу йўлдан юрган араб сайёхи ибн Фадлан ҳашаматли карвонсаройлар бўлганлигини ҳамда карвонсаройлар орасидаги масофа тахминан 25 км га тенг келганлигини кўрсатади. Бу ҳолат карвонларнинг нормал юришини таъмин қилган.

Археологларимиз қазиб текширган ўша даврга оид Талайхонота карвонсарой доира шаклида (диаметри 60 м) ва пишган фиштдан солинган бўлиб, уни ўраган деворнинг бир қисми сақланиб қолган. Карвонсаройнинг ўртасида тўрт бурчак шаклда тўрт томони айвонлар билан бузатилган ҳовли бўлиб, унга икки томондан 18 та хона қўшилади. Ҳовли ўртасида пишган фиштдан терилган зинапояли (диаметр 1,7 м, чуқурлиги 3,5 м келадиган) сардoba киши диққатини ўзига тортади. Карвонсаройга кирадиган жойнинг қархисида сардобага тарнов ўтказилган бўлиб, бу тарнов орқали сарой атрофидаги ерларда ёмғир сувлари тўпланган. Топилган кўп нарсалар ичида хилма-хил идишлар, жумладан, сувдонлар, темир буюмлардан эса белкурак, қайчи, бигиз ва ҳоказолар бор. Кираверишда тош деворга куфик алифбесида ёзиб қўйилган хатлар ҳам киши диққатини ўзига жалб қиласиди.

Мазкур савдо йўлида жойлашган энг зўр обида Беловли номли карвонсарой харобалариридир. Бу ажойиб иншоот ички девори йўнилган тош билан қопланган тўртта қудуқ ёнида жойлашган. Ҳар бир қудуқнинг оғзи тош плиталардан ишланган тўсиқ билан иҳоталанганди. Ҳар бир қудуқнинг ёнида молларга сув берадиган тошдан ясалган катта охур мавжуд. Карвонсарой биносининг ўзи зўр маҳорат билан йўнилган сарғиш тошдан қурилган. Бинонинг ички тарҳи девор бўйлаб солинган икки қаватли ҳужралар ва бино-

нинг орқа қисмидаги бир қанча йирик заллар ҳосил қилган тўғри тўрт бурчакдан иборат. Пештоқ қаршисида бир саҳн бўлиб, унинг ичида кўмилиб кетган қудуқ ёки ҳовузнинг изларини кўриш мумкин.


Шуни алоҳида қайд қилиш лозимки, Беловли илк ўрта асрлардаги Хоразм меъморчилиги ва монументал безак санъатининг ажойиб намунаси бўлибгина қолмай, Хоразмшоҳларнинг Волгага олиб борадиган "Буюк ипак йўли" иншооти бўлиб, кўлами жиҳатидан форсларнинг қадимиий "Катта шоҳона йўли"дан қолишмайди.

Агар Беловлидан шимоли-ғарб, яъни Эмба томонга равона бўлсангиз, унча катта бўлмаган иншоотлардан бири — Чурук номли обидага дуч келасиз, яна уч-тўрт тош йўл босилса, Қўсқудуқ, кейин Учкон, Тоскечу каби харобаларни учратасиз. Агар жануби-шарқ томонга йўл олинса, Қўсбулоқ, Булоқ, Учқудуқ номли карvonсаройларнинг харобалари учрайди. Бу йўл билан хоразмшоҳларнинг ўрта асрлардаги маркази харобага айланган кўҳна Урганчга етиб борасиз. Кўп карvonсаройларда ҳозиргача бир-иккита сув қудуқларни учратиш мумкин.

Шарқий Европа билан савдонинг ўсиши натижасида Хоразм давлатининг шимоли-ғарб томонидаги энг четки истеҳкоми бўлган Кўҳна Урганч Хоразмда бу савдонинг биринчи аҳамиятга эга бўлган марказига айланади.


"Ҳудуд ал-Олам"нинг номаълум муаллифи таърифича, "Гурганж (Урганч) қадимги замонда хоразмшоҳ мулклари жумласига кирган шаҳар бўлиб, эндиликда унинг алоҳида подшоси бор. Шаҳар подшосини "Гурганж мири" деб атайдилар. Жуда бой бўлмиш бу шаҳар Туркистонга кирадиган савдогарлар тўпланадиган бир жойдир". Унинг алоҳида бўлиб ажралиб чиқишини мамлакатнинг иқтисодий жиҳатдан гуриллаб ўсиши ҳамда Волга бўйи билан бўлган савдо алоқаларининг ривожланиши билангина эмас, балки умумий сиёсий тарихий шароит билан боғланган ҳолда тушуниш мумкин.

Ўша даврда Хоразмнинг пойтахти ҳисобланган Кат шаҳри ҳам "Буюк ипак йўли"даги мамлакатнинг энг йирик савдо маркази ва қул савдосининг энг катта бозори деб танилган. "Ҳудуд ал-Олам"да ёзилганидек, Кат — Хоразмнинг бош шаҳри, Туркистонга кириладиган дарвоза, турклар, Туркистон, Мовароуннаҳр ва хазарлар музофоти молларининг омбори, савдогарлар тўпланадиган жой..." Бу ҳол Ўрта Осиё ва Шарқий Европанинг турли халқлари, ҳатто греклар ("румликлар") ва суряликлар



Буюк Хоразмшоҳлар даврига оид археологик топилмалардан сирли нақш берилган сопол идиш намуналари ва парчалари (121-123-бетлар).





намояндаларининг ҳам Кат шаҳарида тўпланишига шароит яратган эди. Бу эса ўз навбатида, хоразмликлар учун мазкур ҳалқларнинг тили, маданияти ва фани билан яқиндан танишишга имкон туғдирган.

Улуғ ватандошимиз Берунийнинг она шаҳри Кат ўзини инқироздан ўнглаб, қисқа вақт ичидагатта савдо ва сиёсий марказ сифатида шуҳрат қозонибгина қолмай, фан ва маданиятнинг йирик ўчоғига ҳам айланади. Замондошларидан Мақдисийнинг ёзишича, унинг даврида Кат шаҳри Бухородан катта бўлган; ўша даврнинг жуда кўп олимлари ва ўқимишли кишилари шу ерда яшаганлар; баъзи жиҳатдан Кат ҳатто Ироқнинг энг йирик маданий марказларидан ҳам устун турган.

Амударёнинг бетайин оқими натижасида бўлиб турадиган доимий тошқинлар шаҳарнинг тараққий қилиши, гуллаб-яшнаши учун тўскенилик қилиб келган, аҳолини дарё қирғоқларидан нарироққа чекинишга мажбур этган. Хасринг биринчи ярмидаёқ Амударёнинг тўлқинлари қадимги Кат қалъасини ва шаҳарнинг унга ёндошган қисмларини ювиб кетиш хавфини туғдирган, шаҳар дарвозасини эса сув олиб кетган. Асрнинг охирларига келиб, дарё қалъани бутунлай емириб тамомлаган эди. Берунийнинг кўрсатишича, Амударё шаҳар қалъасини тагидан ювиб, унинг бўлакларини йил сайин олиб кета берган ва оқибатда 994 йилга келиб, қалъадан асар ҳам қолмаган.

Аммо дарёning ҳужуми натижасида Катдаги ҳаёт тўхтаб қолмайди, шаҳар аҳолиси эски шаҳарни ташлаб, унинг шарқ томонида янги уй-жойлар қўра бошлайди. Яна шу Мақдисийнинг таърифича, ўз саңъатлари билан донг чиқарган хоразмлик меъморлар вайроналарни жуда қисқа фурсатда тиклаганлар.

995 йилда Урганч ҳокими Маъмун ўз қўшинлари билан хоразмшоҳлар пойтахти Катни эгаллайди ва азалий душмани ҳисобланган Абу Абдуллоҳни қатл қиласиди. Хоразмни ўз ҳокимияти остида бирлаштирган Маъмун I қадимий Хоразмшоҳ унвонига эга бўлади.

Маъмун I ҳукмронлик қилган давр даҳшатли, қонли воқеалар, узоқ мамлакатларга қилинган ҳарбий юришлар, мураккаб сиёсий фитналар билан тўлиб тошган давр эди. Кейинчалик таҳтга Маъмун II кўтарилади ва Хоразм тарихида катта ўзгаришлар билан боғлиқ бўлган ёрқин давр бошланади. Ўша вақтдан бошлаб янги пойтахт Урганч фан ва маданиятнинг йирик марказига айланади.

Дунёнинг жуда кўп ерларини айланган атоқли араб сайёҳи ва географи Ёқут бу шаҳар ҳақида қўйидагиларни ёзди: Мен умримда бу шаҳарга ўхшаш бой, чиройли шаҳарни кўрмаганман. Битмас-туганмас бойликлари, пойтахтнинг кенглиги ҳамда аҳолисининг жуда кўплиги ва яхшилиги билан Хоразмнинг бош шаҳрига ўхшаган шаҳар бўлмаса керак, деб ўйлайман. Истаҳрийнинг таърифика: Гурганж Хоразмнинг энг катта шаҳри... у ўғузлар билан савдо қиласиган жой бўлиб, у ердан Журжония, Хазорларга, Хурросонга карвонлар жўнайди. Истаҳрийдан олдинроқ Хоразмга келган ибн Батута у (Урганч) аҳолисининг кўплигидан денгиз сингари тўлқинланиб туради, деб ёзган эди.

Пойтахт йирик ҳунармандчилик маркази бўлган. XIII аср муаллифларидан бири ёзганидек, ўша даврдаги хоразм шаҳарларида тахминан 50 та турли ҳунар-каслар мавжуд бўлган. Закарийя ал-Казвени таърифика, урганчликлар моҳир ҳунармандлар, айниқса темирчилик, дурадгорлик каби касбларни мукаммал эгаллаганлар. Урганч ўймакорлари суяқ ва ёғочдан ажойиб маҳсулотлар яратиб донг чиқарганлар, аёллар эса моҳир каштачи бўлганлар. Шаҳарда натурал ипак дўконлари ишлаб турган, бинокор усталар толдан мустаҳкам синч уйлар қурганлар. Казвени Урганчни жаннатдаги шаҳарга ўхшатиб, уни фаришталар куёв келинга эътибор қилгандай эъзозлайдилар, деб таърифлайди. Урганчнинг аҳолиси зич жойлашган. Шаҳар Амударёнинг икки соҳилида жойлашган сув тўғонига эга бўлиб, уни мўғуллар узоқ вақт қамал қилганлар. Фақат шаҳар тўғонини бузиб уни сувга бостиргач аҳоли таслим бўлган. Бу оғатдан олдин у шаҳарда бир неча бозор бўлган, бозорга маҳсус хўжайин-мухтасиб тайинланган ва у бу ердаги тозаликка, тартиб-коида, тарози-тошга қараб турган, мол сифатига ва ҳалолликка алоҳида эътибор қилган.

Урганч "Буюк ипак йўли"даги йирик савдо марказлардан бири бўлиб танилган. Маҳаллий савдогарлар ўз молларини узоқ мамлакатлар, жумладан Ироқ, Хитой, Ҳиндистон, ҳатто ал-Андалус (Испания)гача олиб бориб сотганлар. Хоразмшоҳлар карвонларни хавфсизлигини таъмин қилишга алоҳида эътибор берганлар. Хоразм шаҳарлари ва айрим катта қишлоқларнинг ҳар биттасида ўз бозори бўлган. Тарихий манбаларнинг гувоҳлик беришича, буюк хоразмшоҳлар даврида ўлка қишлоқлари ҳам гўзал боғу-бўстонга ўхшаган. Вилоятнинг қишлоқ туманлари "ажойиб ишлов берилган далаларга эга", унда пахта,

полиз экинлари, ҳар хил мева дарахтлари, гулзорларга бой эканлигини манбалар қайд қиласи. Ўша даврдаги ҳовли ўйлари, қаср ва кўшкларнинг бой жиҳозланиши, аҳолининг тўқ-фаровон ва юксак маданиятга эга бўлганлигини ёзма ва археологик маълумотлар ҳам тасдиқлайди.

Нисбатан қисқа вақтга чўзилган инқироздан кейин Хоразмда маданий уйғониш рўй бериб, "араб дунёсида" танилган йирик сиймоларнинг пайдо бўлиши тасодифий эмас.

Кўпмиллатли араб халифалигида яшаб ижод қилган муаллифларнинг асарлари араб тилида қандай роль ўйнаган бўлса, у ўрта аср Шарқида худди шундай аҳамиятга эга бўлган. Европада асрлар давомида расмий фан тили лотин тили бўлиб келганидек, бу фаннинг вужудга келишида араб тили Шарқнинг ўзига хос лотини бўлиб хизмат қилди. Аслида эса уни Ўрта ва Кичик Осиё, Закавказье, Эрон, сўнгра Испания олимлари яратдилар. Араб тили турли миллат олимларини бирлаштирган ва бир-бирларини тушунишларини осонлаштирган.

Оташин ватанпарвар Беруний замона талабига қараб, ўз асарларини она тилида ёза олмаганидан афсусланган. У ўзининг она тили фан тили бўлмай қолганлигини ва унинг ўрнини араб тили эгаллаганини алам билан эътироф қилиб, дунёнинг ҳамма мамлакатларидағи фанлар араб тилига таржима қилинган, деб ёзган эди. "Ҳар бир ҳалқ,— деб фикрини давом эттиради Беруний,— ўзи ўрганган, ўз эҳтиёжи учун ўзига ўхшаган кишилар билан алоқа қиласидиган тилини севади. Мен араб ва форс тилларида ёза бошладим, лекин уларнинг ҳар иккени ҳам менинг она тилим эмас, шунинг учун ўз фикримни бу тилларда баён этишга қийналаман." Албатта, охирги сўзни Берунийнинг одатдаги камтарлиги деб тушуниш лозим, чунки у араб тилини жуда яхши билган ва араб тилидаги адабий жанрларнинг барча турларидан bemalol фойдаланган. Беруний форсча, қадимги санскрит, грек, суря тилларини ҳам билган.

Араб халифалиги системасига кирган хоразмлик олимлар "араб фани"ни яратган олимлар орасида биринчи ўринни эгаллайдилар. Моддий маданият ёдгорликларини жиддий ўрганиш ҳам қадимги вақтлардан буён Хоразмда аниқ ва табиий фанлар юқори даражада тараққий этганинги исбот қилишга имкон берди. Мельморчилик санъати аниқ қонуниятга асосланган мутаносиблиги, қурилиш ишларининг синчиклаб ҳисоб қилиниши, дабдабали суфориш

иншоотлари, Беруний тасвирлаган Хоразм календари ва мукаммал астрономик терминология, Тупроққаңда, Күхна Урганч ва бошқа обидаларда кашф этилган нақшлардаги минерал бўёқларнинг бойлиги ва ранг-баранглиги, қазишмалардан топилган қадимги шиша ва ҳил металл буюмлар — буларнинг ҳаммаси ўша вактда аниқ фанлар ривожланганлигини кўрсатади.

Қирғин ва вайронгарчилик келтирган араб истилосидан бир асрдан кўпроқ ўтган давр ичидаги халифаликдан узоқда, Ўрта Осиё даштларида жойлашган ўлка жаҳонга ўз замонасининг энг йирик олимларидан бири ҳисобланган Муҳаммад ибн Мусо ал-Хоразмийни (VIII аср охириларида туғилиб, таҳминан 850 йилларда вафот этган) етказиб берди. Бу улуғ сиймо янги илм-фан мактабига асос солган машҳур математик, астроном ва географ олимдир. Хоразмий асарлари дунё фани тарихида муносаб ўринни эгаллади. Математика фанида "алгоритм" термини ал-Хоразмий номининг бузилиб айтилишидан келиб чиққанлиги, унинг "ал-Жабр" номли асаридан "алгебра" келиб чиққанлиги маълумдир. С. П. Толстовнинг таърифича, "Алгебра фанининг улуғ асосчиси" ал-Хоразмийнинг кучи шундаки, у қадимги Хоразм математикасининг кўп асрлик анъанасига таяниб иш тутди ва уни ижодий равишда қайта тиклади ҳам ривожлантириди. Ал-Хоразмий ярим варвар арабларни, сўнгра лотинча таржималар орқали бутун Европа олимларини Хоразмнинг ана шу етук математикаси билан танишитирди.

Айрим маълумотларга қараганда, ал-Хоразмий халифанинг Хазорияга юборган элчилигига географ сифатида иштирок этган. Тадқиқотчилар орасида Шарқий Европа географияси ва этнографиясининг негизини ал-Хоразмий яратган деган фикр мавжуд. В. В. Бартольднинг эътироф этишича, ал-Хоразмий ўзининг "ал-Китоб Сурот ал-Ари" ("Оlamning суратлари") асари билан араб география фанига асос солди.

Фаннинг Хоразмий машғул бўлган асосий соҳалари — математика, география, астрономия хронологияси унинг Хоразмдаги замондошлари ва ундан кейинги авлод олимлари томонидан зўр қунт ва ғайрат билан ривожлантирилди. Буларнинг асарлари эса мазкур соҳалар бўйича ўзига хос Хоразм илмий мактабини ташкил этган эди. Абу Райҳон Беруний ана шу мактабнинг X—XI асрлардаги ёрқин намояндаси бўлиб этишди. Унинг ижодида Хоразм фани энг юксак чўқига чиқди. Беруний сиймосида ўрта асрлар Шарқнинг улуғ олими, астрономи, географи, минерологи, этнографи, тарихчиси ва шоири мужассамлашган. Дунё фан оламининг

энг буюк арбоблари орасида Берунийга тенг келадиган олимни топишга уриниб, уни иккинчи Эротосфен, Птоломей ва ҳатто уйғониш даврининг улуғ рассоми ва олими Леонардо да Винчи деб атаганлар. Аслида, С. П. Толстов одилона кўрсатиб ўтганидек, Беруний иккинчи Леонардо да Винчи эмас, аксинча, Леонардо да Винчини иккинчи Беруний дейиш мантиққа мувофиқ бўлади.

Ал-Беруний феодализм гуриллаб ривожланаётган кўп қиррали ва мураккаб тарихий бир даврда Жанубий Хоразмнинг маркази — Кат шаҳри чеккасида (берун сўзи шаҳардан ташқаридаги жой деган маънони англатади) 973 йили туғилди. У феодал ҳукмдорларнинг ўзаро урушлари, ҳалқ ғалаёнлари ва уларнинг шафқатсиз бостирилишини ўз, кўзи билан кўрди, олимлар бошига тушган жабру жафоларга гувоҳ ва шерик бўлди. Умрининг кўп қисми дарбадарликда ўтган буюк олим энг қийин аҳволда қолганда ҳам бутун кучини илм-фанга бағишилади ва уни ҳар қандай манфаатлардан устун қўйди.

Истеъодли олим Беруний ўз она-ватани Хоразмда туриб чуқур таълим олади. У қадимий юонон классик илмини эгаллайди, бир неча тилларни, фалсафа, ботаника, математика, астрономия фанларини ўрганади. Бу фанлар соҳасида танилган машҳур астроном ва математик Абу Наср Мансур ибн Ироқни Беруний доимо ҳурмат билан тилга олган ва устод деб билган.

Кат шаҳри Урганч ҳокими томонидан босиб олинган илии Беруний (ўшанда йигирма уч ёшда эди) ватанини ташлаб кетишга мажбур бўлади. У Каспий денгизининг жануби-шарқий соҳилида жойлашган Журжон шаҳрида бир қанча вақт яшайди, кейин Рей (ҳозирги Теҳрон)га боради, сўнг яна Журжонга қайтиб келади.

Беруний Рейдан Журжонга ўз эҳтиёжи билан келмаган бўлса керак. Уни Шамс ал-Маоли (Руҳий касалликлар қуёши) деган унвонга эга бўлган Журжон ҳокими Қобус ибн Вашмигир таклиф қилган. Ўз атрофида атоқли шоир, ёзувчи ва олимларни имкон борича кўпроқ тўплашга интилган Қобус илм-фан осмонида кўтарилиб келаётган янги юлдуз — Берунийни ҳам ўз шаҳрига олиб келган эди. Бу вақтга келиб Беруний амалий астрономияга бағишиланган ўнлаб асарларнинг муаллифи бўлган эди.

Беруний Журжонда ўзининг биринчи энг йирик "Алосари ал-Боқия" ("Қадимги ҳалқлардан қолган ёдгорликлар") номли йирик асарини, кейинроқ унга яна ҳам катта

шұхрат келтирған машҳур асар "Ал-Қонун ал Масъудий"ни яраттган эди.

Беруний Журжонда уч-түрт йил яшагандан кейин атрофдаги мұхитдан машаққат торта бошлади ва ўз валинеъмати Қобуснинг ҳаддан ошишига ортиқ тоқат қила олмай, ўз ватанига қайтишни орзу қиласы. У Журжон ҳокими түғрисида гапириб, "Шамс ал Маоли" (Қобус) мендан хоҳишимга хилоф хизматларни талаб қиласы, у жуда баджахл киши эди", деб ёзади. Хоразмнинг ўша вақтдаги ҳукмдори Али ибн Маъмуннинг ўзи Берунийни ўз ватанига қайтишини таклиф қылған бўлиши ҳам мумкин.

Беруний қувғиндан 1004 йили ватанига қайтиб келгандан кейин унинг ҳәётида янги ижодий давр бошланди. У Али ибн Маъмун ҳукмдорлик қилиб турған даврда олти йил давомида фан билан бемалол шуғулланиш имкониятига эга бўлган. Бу йиллар ичиде Берунийни ўз мұхитига олган Хоразмшоҳ "унга яхшиликлар қилиб, тасалли берган". Кейинчалик ҳокимият тепасига Али ибн Маъмуннинг укаси Маъмун ибн Маъмун келиши билан (1010 йилда) олимимизнинг аҳволи тубдан ўзгарди. Илгари у саройда ҳеч қандай роль ўйнамаган бўлса, энди янги шоҳ Берунийни тез орада давлатни бошқариш ишларига жалб этади. Қўрқоқ ва иродасиз Маъмун ибн Маъмун Берунийни ўзининг энг яқин маслаҳатчиси қилиб олади ҳамда унга энг оғир ва масъулиятли дипломатик топшириқларини беради. Орадан анча йиллар ўтгач, ўз ҳәётининг бу даврини эслаб Беруний: "Менинг бошимга шундай кун солдиларки, ҳолимга аҳмоқларгина ҳавас қиласы, раҳмдил донолар эса ачинар эдилар," деб ёзади.

Шундай бўлса-да, бу давр олим ижодининг энг гуркираб ўсган даври эди. Чунки бошқа феодал ҳокимлари сингари Маъмун II ҳам эл олдида ўзини фан ва адабиёт ҳомийси деб кўрсатиш мақсадида ўз саройига атоқли олим ва шоирларни тўплаб, илмий тўғарак ташкил этган. Тахминан 1010 йилда ташкил топган, тарихда "Маъмун академияси" номи билан машҳур бу тўғарак Ўрта Осиёning йирик мутафаккирларини маълум вақтгача бирлаштириб, Берунийнинг илмий фаолиятида мұхим роль ўйнаган. Тарихий ёзма манбаларнинг хабар беришича, ўрта аср фаннининг энг йирик сиймоларидан бухоролик Абу Али ибн Сино, атоқли астроном ва математик ал Ҳўжандий, машҳур табиб ва файласуф журжонлик Абу Саҳл ал Масҳий, атоқли табиб ва таржимон Абул Хайр Ҳаммар, кўзга кўринган адабиётчи ва шоир Абу Мансур ас-Саоли-

бий ва бошқалар Беруний билан бирга шоҳ саройида ижод қилган. Улар ичида Берунийнинг биринчи устози Абу Наср ибн Ироқ ҳам бўлган. Бироқ "Маъмун академияси" фақат 1017 йилгача давом этган эди.

Бу даврда Хоразм даҳшатли истилочи феодал, катта империяга асос солган Маҳмуд Фазнавийга тамоман қарам бўлади. У Хоразм шоҳи саройида яшаб ижод этаётган барча олимларни ўзига берилишини талаб қиласди. Оқибатда, Беруний бошқа олимлар билан бирга Маҳмуднинг пойтакти Фазнага жўнатилади.

Мустабид ҳукмдор Маҳмуд Фазнавий шараф қозониш мақсадида ўз атрофига ёзувчилар, шоирлар, фан арбобларини тўплаган. Аммо у амалда бу олимлар ижодининг аҳамиятини тушунмас ва уни қадрламас, улардан эса ўзига сўзсиз итоат қилишни талаб этарди. Манбаларнинг хабар беришича, Маҳмуд Фазнавий Берунийга шундай деган: "Агар сен менинг даргоҳимда бахтли бўлишни истасанг, ўз фанингга мувофиқ эмас, менинг истагимга мос тарзда гапиргин". Бу даврдан нолиб олимимиз ўз асарларининг бирида: "Ҳозирги вақт фанни ардоқламайди ва илмий кашфиётларнинг тараққий этишига имкон йўқ. Бизнинг фан соҳасида ҳозирги билганимиз фақат қадим вақтлардаги билимларнинг тарқоқ қолдиқларидан иборатdir", деб ёзган. Ривоятларга қараганда, Беруний Маҳмуд Фазнавий амри билан кўп ойлар қамоқда бўлган ва ҳатто ҳалок бўлишига ҳам оз қолган. Аммо Беруний бундай таҳқирлашларга қарамасдан, ҳар қандай шароитда ҳам чуқур илмий тадқиқот ишлари билан шуғулланган.

Маҳмуд Фазнавийнинг Шимолий Ҳиндистонга қарши олиб борган босқинчлилик юришларида иштирок қилишга мажбур бўлган Беруний, бу мамлакатни, унинг тили ва адабиётини ўрганди, ҳалқ ҳаётини диққат билан кузатди. У ҳинд адабий меросини тўла эгаллаб, ўзининг ажойиб асари "Ҳиндистон тарихи"ни яратди. Ўрта аср адабиётида муҳим роль ўйнаган бу асар сulton Maҳmud Faznавий вафотидан кўп ўтмай, яъни 1030 йили ёзиб тугалланган эди. Ривоятларга қараганда, Берунийнинг бу асари учун Maҳmуд Faznавий унга катта мукофот ҳадя қилган. Лекин асар муаллифи бойлик ижодимга халақит беради деб, бу мукофотни қабул қилмай, уни рад этган ва сultonга: "Мен идрок билан иш қиласман ва ҳеч қачон мангу, доимий билимни қисқа, сохта дабдабага алиштирмайман," деб җавоб берган.

Беруний ўз умрининг сўнгги йигирма йилини деярли бутунлай Faznada ўтказган. Бу давр ичида у ҳажм

жиҳатдан катта ва кичик бўлган бир қанча машҳур асарлар ёзди.

Маҳмуд Ғазнавийнинг вориси — ўғли Масъуд султон таҳтга ўтиргач, биринчи навбатда, астрономияни ривожлантиришга интилди. Беруний ўзининг астрономияга ва география математикасига бағишиланган жуда катта қомусини мана шу даврда яратди. Бу асар султон Масъудга бағишиланган бўлиб, "Астрономия ва юлдузлар бўйича Масъуд қонуни", деб аталган. Мазкур асар ўн битта китобдан иборат бўлиб, унда астрономия фани ҳар томонлама ёритилган, шу билан бирга асарда турли халқларнинг календари ҳақида, шунингдек, тригонометрия ва математика ҳақида қимматли маълумотлар жамланган.


Улуғ мутафаккир олим Абу Райҳон Беруний, сўнгги тадқиқотларга қараганда, 1052 йили она-ватани Хоразмдан узоқда, Ғазна шаҳрида вафот этган.

Беруний биографиясини ёзиб қолдирган машҳур ўрта аср сайдёхи ва географи Ёқут таъкидлашича, Абу Райҳон ўлим тўшагида ҳам фан тўғрисида ўйлаган ва ҳаётининг сўнгги дақиқаларида кўргани келган кишилардан айрим чигал масалани ечишда ёрдам беришини илтимос қилган. Келган киши: "Ҳозир шундай нарсанинг вақтимикан?", деганда Беруний унга жавобан: "Оҳ, дўстим, ечилиши мумкин бўлган масалалардан атиги биттасини бўлса ҳам ҳал қилмай, мен ҳаётдан кўз юмишни истамайман", — деб айтган.

Хоразмнинг улуғ фарзанди Беруний ҳаётда фақат фанга берилган одам бўлган, у бутун вақтини ва куч-қувватини илм-фанга бағишилаган. Йилда икки мартағина — наврӯзда ва кузда — кун ва тун тенглигининг байрам қилиниши вақтида Беруний қўлидан қаламини қўяр ва ярим йилга етарли озиқ-овқат фамлаб келиш учун бозорга борарди.

Берунийнинг илмий мероси ниҳоятда катта бўлган. Ёқут унинг астрономия, логика, фалсафага доир асарларининг рўйхатини кўрганини ва рўйхат жуда майдо ёзилган олтмиш бетдан иборат эканини хабар қилади. Афсуски, ҳозиргача Беруний асарларининг маълум қисмигина аниқланган бўлиб, улар қисман таржима қилинган ва ўрганилган.

Хоразмнинг маънавият марказига айланишида буюк Беруний билан бир қаторда ажойиб алломалар бутун бир гулдастасини эслаш мумкин. Бу ҳолат, айниқса, ўлкани жаҳонга танитган улуғ шаҳаншоҳлар Текеш ва Алавиддин Муҳаммад даврида намоён бўлади. Хоразмда илм-фан ва



Хоразм шоҳи Текешнинг Кўҳна Урганич вайроналари орасида сақланиб қолган мақбараси

маърифат юксалишида "Маъмун академияси" катта роль ўйнади. Шунингдек бу ерда кутубхоналар мавжудлиги, уларда ноёб қўллэзмалар сақланганлигини таъкидлаш кс-рак. Бу халқ оммаси орасида илм-маърифатга қизиқиш кучли бўлганлигидан дарак беради. Масалан, хоразмшоҳларга қарам бўлган Бухоро вилоятидаги Деҳқон туманида Камбағаллар уйи кутубхонаси (Хизанағ ал-кутуб Дар ал-фуқаро) очилиб, уларда ноёб қўллэзмалар тўпланганлиги тўғрисида тарихий манбалар хабар қиласди. Ҳокимлар барча вилоятларда шоҳлар буйруги ва шахсий ташабуси билан янги мадрасалар қуриш ва уларни моддий таъминлаш учун бой вақф (мулк)лар ажратишга алоҳида эътибор берганлар. Ҳар мадраса қошида бой кутубхоналар бўлган, уларда турли соҳага оид энг ноёб китоблар тўпланганлиги тўғрисида Хоразмда таълим олган кўп олимлар хабар беради. Оқибатда истеъододли олимлар, адаб ва маърифатчилар етишган ва уларнинг аксарияти одат бўйича исмига ал-Хоразмий тахаллусини қўшганлар.

Тарих бизга хоразмшоҳлар даврида яшаб фаол ижод қилган фан, адабиёт ва санъат намояндалари номларини етказган. Ана шулардан бири Умар ибн Муҳаммад ал-Хоразмий аз-Замаҳшарий (1075—1144) жуда кўп асарларнинг муаллифи, ўз даврининг риторика, астрономия, стилистика ва бошқа фан соҳаларида ижод қилган олимлардан бири.

Аз-Замаҳшарийнинг истеъододли шогирдларидан ал Муваффақ ибн Аҳмад ал-Макки Хоразмнинг гўзал нотиги ва имомлар садри, араб тилининг зўр билимдони, энг кучли мударрис, ажойиб адаб. Унинг туғилган йили номаълум, 1172 йилда вафот этганлиги аниқ.

Зайниддин Муҳаммад ибн Абулқосим ал-Боққаш ал-Хоразмий Қуръон луғатини тузган олимлардан.

Абу Иброҳим Исмоил ал-Журжони Хоразм шоҳи Отсизга бағишлиб ажойиб тиббиёт асарини ёзганлардан.

Замондошлари томонидан юксак баҳолангандонишмандлардан Сирожиддин Ёқуб ас-Сақоқи "барча алломаларнинг саркардаси" (ас-Садр ал-аллома) деб ном қозонган. "Хоразмнинг энг мурувватли кишиси, энг муҳим илм соҳаларини эгаллаган олим... "У фаннинг барча соҳаларида кўп асарлар яратган. Буюк сulton Алавиддин Муҳаммад ҳам унинг онаси Туркан-хотун саройида фахрли ўринни эгаллаган эди. Кейинги Хоразм шоҳлари даврида яшаган машҳур маърифатчи олим ва мударрис Мукаррабаддин Муҳаммад ибн Иброҳим ал-Паҳлавон ал Хоразмий (1228 й. вафот этган) саройда катта ҳурматда бўлган.

Кўҳна Хива шаҳрида таваллуд топган Беруний издошли-ридан буюк аллома Аҳмадбин Умарбек Муҳаммад ал-Ҳивақий ал-Хоразмий бутун Шарқда Нажмиддин Кубро но-ми билан машҳур, у Эрон, Миср, Шому Ироқ мамлакатлари-ни кезиб, она юртига қайтиб келган олим ва шоир, қубровия тариқатининг асосчиси, улуғ шайх, турли-туман ва диний-мазҳабий ҳикоятларда куйланиб келган авлиё зотлардан.

Хуллас, манбаъларнинг образли таърифича Хоразм "барча замонларда илм аҳли макони ва донишмандлар карвонининг манзилгоҳи" ҳисобланган. Бухоро эса "доимо уламолар мажмуаси макони, олийжаноб кишилар ватани ва 'илмлар маркази", деб таърифланган. Хоразмшоҳлар давлатида таълим олган жуда кўп олимлар Шарқ мамла-катларида мударрислик билан шуғулланганлар.

Султон Алавиддин Муҳаммад ҳукмронлик қилган даврда энг танилган арбоб ва мударрислардан бири хивалик Шиҳабаддин Абу Сайд ибн Имрон ал-Ҳивақий эди. Шиҳабаддин атоқли ҳуқуқшунос, машҳур муфтий ҳисобланган; зўр донишманд, унинг ақл-идрокига ҳамма тан берган. Ёқутнинг ёзишича, Шиҳабиддин султон замонасида шундай юқори кўтарилдики, ундан ортиқ осмонга чиқиш мумкин эмас. Шоҳ муҳим масалаларда унинг билан мас-лаҳатлашган ва унинг фикрига қўшилган. Шиҳабиддин Хо-разм мадрасаларидан бештасида мударрислик қилган ва ким келса ҳам ўз дарсини бўлмаган, ҳеч ким унинг машғулотини бўлишга журъат қилмаган. У Хоразмдаги шағиитлар мадра-сасида шундай зўр бир кутубхона қурганки, унга тенг кела-дигани илгари ҳам, кейин ҳам бўлмаган.

Мударрислик вазифаси шунча ҳўрматли ва эъзозли бўлганки, юқори мансабдаги арбобларнинг кўпчилиги дав-лат ишларидан бўшагач, мударрислик қилишни фаҳрли иш деб билганлар. Ўша даврда Хоразм давлатининг обрўси ва бойлиги даставвал мамлакатда илм-маърифат ва маънави-ятни қадрлаш, фан, адабиёт ва санъат аҳлини эъзозлаш, уларни ҳар томонлама қўллаб-қувватлаш сиёсати туфайли намоён бўлганлигини барча манбалар тасдиqlайди.

Хоразмшоҳлар давридаги иқтисодий ва ижтимоий ҳаёт қандай кечганлиги фақат ёзма манбалардагина эмас, шунингдек моддий-маданий ёдгорликларда ҳам ёрқин кўринади. Мўғул истилоси арафасида, яъни XII асрнинг охири XIII асрнинг бошларида, шоҳ Текеш (1172—1200) даврида Хо-разм давлатида анча ўзгаришлар рўй беради. Тарихий обида-ларнинг гувоҳлик беришича илгари чўлга айланган Чарма-нёп воҳасида маданий ҳаёт тикланиб, Шоҳсанам, Змуҳшир,



Илк ўрта аср харобаларидан топилган буюмлар

Говурқалъа, Девқалъа, Қалъалиқир-2 каби қадимий шаҳар ва истеҳкомлар қайтадан жонланиб кетади.

Текширишлар XI—XII асрларда Хоразмда темирчилик, кулолчилик, шиша ва қурилиш касбларининг анча тараққий қилганлигини кўрсатади. Бу даврда янги қурилиш материали — пишган ғишт ишлатила бошланади ҳамда биринчи марта деразаларга ойна қўйилади. Дераза ойнаси нинг қолдиқлари Хоразмда Ўрта Осиёning бошқа срларига нисбатан энг аввал топилган. Уйларнинг ички архитектурасини безашда деворга чизилган расмлардан ташқари, ўйма нақш берилган ёғочлар ҳам ишлатилади. Бу эса Хоразмда тасвирий санъатнинг янги ва юқори босқичга кўтгаришганлигини кўрсатади.


Бу даврдаги тасвирий санъатнинг характерли томони шуки, илгариги антик даврдаги одам ва ҳайвон тасвиirlари ўрнига ислом динига биноан, фақат жонсиз табиат ҳодисаларини акс эттириш биринчи ўринга ўтади. Шунинг учун нақшлар ўсимлик дунёси ва геометрик шакллар билан чекланади.

Бундай ёдгорликлардан анча тўла текширилгани қадимги Чарманёп каналининг этагидаги Шоҳсанам истеҳкомидир. Унинг илк ўрта асрдаги Субурни шаҳри харобалари билан боғлиқлигини олимлар исботлаган. Шаҳарнинг номи ҳам (Сув бурни) унинг сув этагида ўрнашганлигини кўрсатади.

Шаҳар девори XII асрда қурилган бўлса-да, аммо ўз антик анъаналарини сақлаганлиги билан ажralиб туради. Девор антик даврдаги (40x40x10 см) хом ғиштдан қурилган. Девор қадимги қалъалардагидек икки қават бўлиб, ундаги шинакларнинг шакли ромбага ўхшаганлиги билан фарқ қиласи.

Субурнининг шимолида жуда кўп учрайдиган қўрғонча харобалари, кичик сув иншооти қолдиқлари ва катта қабристон диққатга сазовордир. Айрим қабрларнинг сағанаси ганч билан ўймакор қилиб ишланган. Шаҳардан 8 километрча шимолда ойна ва ойна буюмлари ишлайдиган катта устахона қолдиқларининг топилиши муҳим аҳамиятга эга бўлиб, Ўрта Осиёда техниканинг тараққий қилишини ўрганишга ёрдам беради. Шаҳардаги иморатларнинг энг ҳашаматлиси катта мачит харобаларидир. Унинг меҳробидаги жимжимадор ва нафис нақшли ёзувлар кишини ҳайратда қолдиради. Мачитдан хоразмшоҳ Текеш зарб қилган танга топилган.

Бошқа топилган нарсалар орасида жўда кўп майший буюмлар ҳам бор. Булар ичida ҳаммаёни нақшдор ёзув



Машхур аллома Фахриддин Розий (XV аср) мақбарасы

билан чиройли қилиб ишланган жез қозон алоҳида ажраби туради.

Шунингдек, жез ва суюқдан ишланган бигизлар, ҳар хил ойнадан ишланган идишлар, Кушон империясининг сўнгти даврларига оид кумуш танга, тошдан ишланган қозон ва бошқа буюмларни кўрсатиш мумкин.

Текширишлар кўрсатишича, Шоҳсанам истеҳкоми антик даврда, яъни эрамиздан аввалги бир минг йилликнинг охирларида пайдо бўлиб, ундаги ҳаёт бутун Кушон империяси давомида мавжуд бўлган. Аммо африфийлар даврига келиб, бу қалъя харобаликка айланади. Буюк хоразмшоҳлар даврида у ерда ҳаёт қайтадан тикланади, аммо мўғуллар истилоси даврида яна сўнади.

Беруний яшаган давр ёдгорликларидан яна бири Амударёning чап қирғоидаги Қизқалъядир. Адирнинг тепасидаги бу баланд қирғоқ мудофаа жиҳатидан қулай бўлган. Бинонинг марказида ҳовуз бор. Бундай ҳовузларни қалъанинг ғарбий қисмида ҳам учратиш мумкин. Диаметри 4—4,5 метрча келадиган бу ҳовузларнинг баъзилари пишиқ гишт билан ишланиб, усти гипс билан сувалган. Бу ҳовузлар Ўрта Осиё даштларида сардобаларни эслатади.

Қизқалъанинг ғарбий деворлари сиртдан ярим доира шаклидаги учта бурж билан мустаҳкамланган. Буржларнинг бирида атрофи пишган гишт билан ишланган ва чуқурлиги 16,2 м келадиган қудуқ бўлиб, унга ер остидан сув оқадиган маҳсус йўл ўтказилган. Сопол қувурли бу яширин ер ости иншоотини дарё бўйидаги Йигитқалъя мудофаа қилиб турган. Бу мудофаа истеҳкоми билан Қизқалъя ўртасидаги тўғри йўлда ҳар бири 300—350 метр масофада жойлашган ва унча катта бўлмаган сунъий тепаликларда ўт ёқиб Қизилқум даштларидан ёв келаётганлигини дарҳол воҳага хабар қилинган.

Археологик маълумотларга қараганда, Қизқалъя ва Йигитқалъя ёдгорликларида XII аср ўрталари ҳамда XIII аср бошларигача, яъни мўғуллар истилосигача ҳаёт давом қилган.

Қаватқалъя комплексига кирувчи ёдгорликлар буюк хоразмшоҳлар даврининг ижтимоий-сиёсий ва маданий қиёфасини тўлиқроқ билишга ёрдам беради. Юқорида айтиб ўтилганидек, бу даврда Хоразмнинг ижтимоий-иқтисодий тузумида жiddий ўзгаришлар рўй берган. Африфийлар даврида бир табақага қарашли бўлган озод деҳқонлар ишлаб чиқариш усулининг тубдан ўзгариши туфайли кучли давлат аппаратига таянган ҳукмрон феодал

ва мазлум деҳқонлар синфиға ажратиб ташланган эди. Афригийлар даврида жиддий тус олган ўзаро урушлар феодализмнинг барқарор бўлиши билан тугаб, тинч ҳаёт, аҳолининг хавфсизликка бўлган ишончи билан алмашина-ди. Илгариги мустаҳкам қалъалар ўрнига энди феодаллар-нинг ҳашаматли кўшклари ва деҳқонларнинг мус-таҳкамланмаган қўргонлари пайдо бўлади.

Бу ўзгаришлар моддий-маданий ёдгорликлардан Говхўра канали воҳасидаги Қаватқалъя таркибиға кирган ёдгорликларда айниқса намоён бўлиб туради. Говхўра воҳаси шу ном билан аталган канал бўйлаб, эни 2—3 километр, узунлиги эса 15 километргача чўзилган сон-са-ноқсиз қалъя, қаср ва қўргон харобалари билан банд бўлган ҳудуддан иборат. Қаватқалъя атрофида 8 км майдонни эгаллаб ётган жойнинг ўзидағина тўқсондан ортиқ истеҳком борлиги аниқланди.

Воҳа марказида унча катта бўлмаган шаҳарчага ўхшаш мустаҳкам қалъя (сатҳи 160x190 м) бўлиб, унинг ўртасида ҳашаматли пахсага ўйма нақш берилган сарой харобалари бор. Қалъя атрофидан ўтган Говхўра канали бўйлаб шу даврга хос яна тўртта ҳашаматли қаср бор. Тўрт бурчак шаклидаги шинаксимон аркли бу истеҳкомларнинг бурчаклари нақш берилган қиррали буржлар билан мус-таҳкамланган. Аммо қалъя деворлари антик мудофаа ин-шоотларида қалин бўлмай, мудофаа мақсадида қурилмангандай бўлиб туйилади. Айрим қаср деворларига ҳам нафис ўйма нақшлар берилган.

Қасрлар атрофида сон-саноқсиз майда ер эгалари ва деҳқонларнинг қўргонлари жойлашган. Қўргонлар бир-бирига яқин қурилган бўлиб, паст пахса деворлар билан ўралган. Қўргонларнинг бирига ёнма-ён қилиб солинган кўп хонали иморат сўнгги вақтларгача Хоразм қишлоқларида учрайдиган катта оила учун солинган кунгирали ҳовлийларга ўхшаб кетади. Деярли ҳар бир қўргонда ёки унга яқин жойларда баланд иморатлар мавжуд. Бу иморатларнинг ўзига хос хусусияти шундан иборатки, унинг деворларида токчалар жуда кўп. Маҳаллий аҳоли шунинг учун ҳам бу иморатларни "каптархона" деб атаган. С. П. Толстов фикрича, бундай иморатлар меҳмонхона вазифасини бажарган, ундаги токчалар эса, ҳозирги ўзбекларнинг баъзи уйларида гидай зеб бериш мақсадида қўйилган.

Ибн Батутта Хоразмга борганда Урганч қозиси меҳмонхонасида ҳар хил чинни идиш ва мисгарлик буюм-

лари ила тўлатилган ва парда билан бекитиб қўйилган токчалар кўрганини ёзади.

"Каптархона"лар ҳар хил услубда қурилган бўлиб, баъзи бирлари буржли кичик қасрларга ўхшаб кетади. Бу ҳолат афригийлар давридаги қасрларни эслатиб, бу даврдаги мөъморчилик ҳам эски анъаналарни сақлаб қолишга интилганлигини кўрсатади. Пахсадан урилган "каптархона" деворларининг ташқи томони ҳам ўйма нақш билан безатилган.

Қаватқалъа комплексига кирадиган ёдгорликлардан қазиб олинган топилмалар унча кўп эмас. Марказий истеҳкомнинг 1-хонасида топилган зинапояли пирамидага ўхшаш ва баландлиги 40 см келадиган қумтошдан ишланган тагкурси ҳамда мармар тагкурсининг жуда кўп синиқлари диққатга сазовордир. Шу хонада ҳар хил мис ва темирдан ясалган буюмлар, ойна ва сополдан ишланган идиш синиқлари, ёғочдан ишланган баъзи бир буюм қолдиқлари, бўйра газлама ва қофоз парчалари ҳам топилган. Буюмлар ичидан мисдан ишланган тунча, ёғоч дастали темир пичноқ, капгир ва темирдан ясалган бошқа буюмлар ажралиб туради. 2-хонада тегирмон тоши, 5-хонада эса жездан ясалган буюм бўлаги, отнинг кўкрагига тақиладиган арабча ёзувли боқир безак, тошдан ишланган қозон парчалари ва бошқа нарсалар бор.

Қаватқалъа ёдгорликлари текширилганда марказий қалъа йирик ер эгаси ҳокимнинг жойи, қасрлар эса йирик феодаллар истеҳкоми, мустаҳкамланган қўрғонлар майда ер эгалари ва деҳқонларнинг турар жойи бўлганлиги аниқланди. Демак, шу даврда шаклланган феодализм тузумига хос табақалар мавжуд эканлигини кўриш мумкин.

Текширишлар натижасида бу ёдгорликлар жуда катта ёнгин туфайли харобага айланганлиги маълум бўлди. Ёнгин шунчалик кучли бўлганки, айрим мис ва шишадан ясалган буюмлар эриб кетган. Баъзи бир далилларга қаранганд, Қаватқалъага ўт қўйилиши мўғул истилоси билан боғлиқ деб ҳисоблашга асос бўла олади. 1220 йили Хоразмга юриш қилган Чифатой ва Угедей бошчилигидаги Чингизхон лашкарлари Самарқанддан Бухорога бориб, ундан Урганчга ўтишда Қаватқалъани талаб, унга ўт қўйган бўлсалар, эҳтимол.

Бироқ хоразмшоҳлар даврида кўп шаҳарлар Ўрта Осиёда типик бўлган ўрта аср шаҳарлари қиёфасига киради. Хоразмнинг ўша даврдаги пойтахти Урганч бунга мисол бўла олади. Бу шаҳарнинг харобалари Туркманистондаги



Күхна Урганч харобаларидағи қазишималар

хозирги Тошқовуз вилояти Күхна Урганч райони марказидан жанубдадир.

Урганч шаҳрига қачон асос солинганлиги түлиқ аниқланмаган. Атоқли шарқшунослар В. В. Бартольд ва А. Ю. Якубовский Урганч сўзини хитой манбаларида учрайдиган Юегянь сўзи билан таққослаб, уни эрамизнинг биринчи асрларида пайдо бўлган, деб ҳисоблайдилар. Профессор Я. Ф. Гуломов эса Урганч эрамизнинг IX асридан кейин пайдо бўлган деб ҳисоблайди. Дарҳақиқат, Урганч ҳақидаги маълумотларни, юқорида кўриб ўтганимиздек, асосан X аср манбаларида учратамиз.

Хораэмнинг ўрта асрдаги пойтахти бўлган Урганч шаҳрининг харобалари таҳминан 400 гектар майдонни эгаллади. Шаҳар ҳозирги Күхна Урганч билан Амударёning қадимги ўзани Дарёлик ўртасида гуллаб-яшнаётган далалар қуршовида жойлашган. Қазишмаларга қараганда бир вақтлар шаҳар атрофи мустаҳкам деворлар билан ўралган.

Хоразм экспедицияси ер устида яхши сақланиб қолган машхур обидалардан Тўрабекхоним мақбараси ва унга яқин турган ажойиб Урганч минораси (XIV аср), ҳашаматли Текеш ва Фахриддин Рази мақбаралари (XII—XIII асрлар) нинг жанубидаги Тошқалъа номли истеҳком харобаларини қазиб текширди. Бу истеҳкомнинг шарқида деворлари майда хом фиштдан ишланган Оқалъа харобалари сақланиб келган. Таҳминан Тошқалъадан 1,5 километр ғарбдан катта пахса девор билан ўралган Хоразмбоғ номли ўзига хос обида киши диққатини жалб қиласди.

Тошқалъа 600x800 метр келадиган кўпбурчакли истеҳком бўлиб, пишган фиштдан тикланган девор ва чуқур хандақ билан ўралган. Қалъа ҳудудида Карвонсарой дарвозаси номи билан машхур пештоқ харобалари ва XX аср арафасида йиқилган илк ўрта аср даврига оид катта минора қолдиқлари бор. Тошқалъанинг жанубий дарвозаси атрофида ўтказилган археологик қазишмалар натижасида шаҳар деворининг қолдиқлари топилиб, унинг пишган фиштдан қурилгани маълум бўлди. Девор остида чуқурлиги 2,5 метр келадиган пишган фиштдан қилинган хандақ ҳам бор. Катта шаҳар девори ажойиб қилиб қурилган. У ташки томони 1,65 м, ички томони 0,8 м қалинликда пишган фишт билан, ўртаси эса тупроқ билан шиббаланиб, умумий қалинлиги 4 метрча келадиган иншоотдан иборатdir. Бу девор, топилган нарсаларга қарагандо, XIX аср охирларида илгариги девор харобалари ўрнида тикланган. Тошқалъа XIII—XIV асрларда кенг территорияни эгаллаган Урганч

шаҳри ичида қурилган арк ёки сарой харобаларири, эҳтимол. Текширишлар шуни кўрсатадики, XV—XVII асрларда шаҳардаги ҳаёт Тошқалъя истеҳкоми билан чекланган. Ана шу даврга оид нарсаларнинг фақат қалъя ичида учраши бунга далил бўла олади.

"Карвонсарой дарвозаси" жойлашган ердаги катта кўча бўйида шаҳар харобалари қазиб текширилди. Карвонсарой олдидаги Чорсуда жуда кўп ҳунармандларнинг кўча томон қараб турган дўконлари, бир бурчакда чойхона, ошхона ва балиқхона борлиги маълум бўлди. Ошхона олдида катта қозон учун қазилган ўчоқларнинг излари бор. Чойхона харобаларидан жуда кўп чойнак синиқлари ва кичик бир халтачада майда чақалар топилган. Бу ерда катта тандирли нонвойхона, темирчилик дўкони, ҳаммом ва шунга ўхшаш қурилишларнинг борлиги аниқланган.

Маҳаллада яшаган кишиларнинг бой ва камбағаллиги ундаги тураг жойларнинг архитектурасида яққол кўриниб турибди. Бир томонда камбағал ҳунарманднинг кичик хонаси бўлса, иккинчи томонда судхўр бойнинг ганч ва бўёқлар билан безатилган ҳашаматли иморати кўзга ташланади. Хоналарнинг ҳаммасида, катта-кичиклигидан қатъи назар, одамлар ётиб туриши учун пишган фиштдан қилинган ва остидан ўт ёқиб қиздирилган супалар, тарнов ва ўчоқлар бор. Мавжуд сопол буюмларнинг сифати паст бўлган.

Топилган нарсалар орасида иероглиф ҳарфи билан тамға қўйилган чинни идишнинг синиқлари Ҳоразм билан Хитой ўртасидаги савдо муносабати илгаригидай фаол давом қилинганлигини кўрсатади. Топилган нарсалар ичида темир ва жездан ишланган қўл тарозилари, ангишвона, кичик шишасимон жез идишлар, суяқдан ишланган, канъкига ўхшаш ғалати буюм, узук, тарози тоши, ҳар хил мунҷоқлар ва бошқа темир, жез, суяқ ва шоҳдан ишланган жуда кўп буюмлар учрайди.

Илк ўрта асрга оид минора харобаларини қазиб текшириш ҳам муҳим маълумотларни берди. Минора харобалари ёнида 1900 йили топилган тошга ёзилган хатга қараганда бу минора 1011 йили, яъни Маъмун академияси вақтида, Абу Али ибн Сино ва Беруний хизмат қилган даврда қад кўтарган. Лекин бу обида мўғул истилоси даврида шаҳарнинг бошқа ёдгорликлари билан бир вақтда йиқилган. Минора қайтадан XIV асрда тикланган бўлиб, уни Кўҳна Урганчнинг ҳозиргача сақланиб келган катта минораси, Тўрабекхоним ва шу даврда қурилган бошқа ёдгорликлар билан тенгдош деб ҳисоблаш мумкин.



Үрта аср охирларига оид хива кулолчилик буюмлари

Минорага қўшилган XI асрга оид жуда ҳам катта ҳашаматли мачит харобалари диққатга сазовордир. Балки бу мачит Беруний яшаган даврдаги Урганчнинг марказий мачити бўлгандир. Бу мачит ҳам мўғул истилоси даврида харобага айланниб, кейин тикланган.

Хоразмбоғ ёдгорлигидан топилган хилма-хил қурилиш зийнатлари, сопол идиш синиқлари ва бошқа муҳим буюм қолдиқлари бу истеҳком Хоразм ҳокимининг шаҳар четидаги ёзги кўшки бўлганлигини кўрсатади.

Бутун Урганч харобалари, онда-сонда сақланиб қолган обидаларни эътиборга олмагандан, Хоразм мўғул ва ундан кейинги истилочиларининг мисли кўрилмаган ваҳшиёна юришлари натижасида қандай фожиали аҳволга тушганлигини муфассал тасаввур қилишга имкон беради.

Мазкур ёдгорликлардан ташқари, мўғул истилоси натижасида Хоразмнинг Гулдурсун, Шўрахон, Норинжон, Маздоқхон, Дарғон ва шу каби шаҳар ва қалъалари абадий харобаликка айланган. Қолган шаҳар ва қишлоқлар ҳам вайрон қилинган бўлса-да, бир қанча вақт ўтиши билан ундаги ҳаёт яна тикланган.

Хоразмнинг гуллаб-яшнаши юқори босқичга чиққанда, хоразмшоҳлар давлати атрофида энг кучли турк қабилалари — қанғли, қипчоқ, туркман ва туб сарт аҳолиси бирлашиб, жипслашаётган ва дунёни забт қилиш мақсадида халифаликнинг маркази Бағдодга қарши юришга тайёрланаётган бир пайтда шафқатсиз Чингизхон қўшинлари ваҳшийларча бостириб киради. Аммо биринчи қарашда мустаҳкам бўлиб кўринган бу давлат кучли ички қарама-қаршиликларни бошдан кечираётган эди.


Мўғул истилоси арафасида Хоразмга қарашли кўчманчи турк қабилалари ва маҳаллий зодагонлар ўртасида тўхтовсиз сиёсий кураш давом этиб, бу кураш сарой атрофидаги доираларга ўтиб, жиддий тус олади. Хоразмнинг ана шу даврдаги подшоси Султон Муҳаммад (1200—1220 й.)нинг қипчоқ онаси ва унинг қариндош уруғларининг, шунингдек кўпгина руҳонийларнинг таъсири остидаги халифаликка ён берган турк доиралари ҳокимиятни ўз қўлига олишга уринадилар. Бунга хоразмшоҳнинг ўғли, таҳт эгаси Жалолиддин Мангуберди шаҳар ва қишлоқ зодагонлари ёрдамида тиш-тироғи билан қарши туради. Шундай кескин вазият Чингизхон лашкарларининг ғолибона юришларига енгиллик туғдирган, албатта.

ХОРАЗМ ДАВЛАТИНИНГ ИНҚИРОЗИ ВА МАДАНИЙ ТУШҚУНЛИК

Ҳозирги Туркманистон Республикасининг шимолидаги Тошховуз вилоятида илк ўрта асрларга оид бир неча кўҳна харобалар ҳозиргача кишини чуқур ҳаяжонга солади. Бу обидалар бир вақтлар дунёни ларзага келтирган буюк хоразмшоҳлар даврига тааллуқлидир. Аммо фалакнинг гардиши билан тасодифан сақланиб қолган 40 метрлик баланд минора, ҳашаматли Тўрабек хоним мақбраси, машҳур олим Фахриддин Розийнинг қабри ва сўнгги хоразмшоҳлардан султон Текешнинг улуғвор гўй гумбази, авлиё деб танилган Шайх Нажмиддин Кубро қабри кабилар узоқ ўтмишнинг гувоҳидир. Бундай обидалар хоразмшоҳларнинг кейинги пойтахти кўҳна Урганч бошига тушган мислсиз фожиалардан сўнг сақланиб қолганлигини айтмайсизми? Мазкур ёдгорликлар буюк аждодларимизнинг нақадар юксак истеъдодли, мустаҳкам иродали, толмас заҳматкаш ва жасур ҳалқ эканлигини исботлайди.

Халқимизнинг яна бир ажойиб фазилати унинг келажакка ишонч билан қарashi, яъни у қандай оғир вазиятга тушмасин, доимо сабр-тоқатли, шукrona табиати билан келажакка яхши умид боғлаб яшайди. Бундай фазилат уни изланишларга, ижодий фаолиятга чорлайди. Мазкур обидалар бир-биридан анча узоқроқда жойлашган, уларнинг оралиғи ҳувиллаб ётган қабристон, майда парчаланган ғиштлар, емирилган иморатларнинг ер текислигидаги харобалари, турли сопол идишлар ва буюмларнинг синиқлари, онда-сонда қуруқ ариқ рошларининг ва полизларнинг излари бу ерда мисли кўрилмаган фожиалар бўлиб ўтганлигининг тилсиз гувоҳидир.

Шундай ачинарли манзара — бераҳм мўғул босқинчилари ва ундан кейинги истилочилар томонидан Хоразм пойтахти Урганчни ер билан яксон қилганлиги тўғрисида хабар бериб турибди. Буни археологик кашфиётлар ҳам тасдиқлайди. Машҳур араб сайёҳи Ёқут ал-Ҳамавий хабар беради: "Мен бу шаҳарни мўғуллар забт этиб вайронага айлантирганигача, 616 йили (мелодий 1219—1220 йиллар) кўрганман. Назаримда, бундан катта, бундан ҳам бой ва обод шаҳарни кўрмаганман. Бироқ мўғуллар босиб олгандан кейин бунинг ҳаммаси тамом бўлди; шаҳарда мустаҳкамроқ биноларгина омон қолган, аҳолини эса тамом қириб ташлашган, деб эшитдим..." Аммо заҳматкаш ҳалқ



Кўхна Урганчдаги Тўрабекхоним (XIV аср) мақбараси

қабристонга айланган пойтахтни бошқа жойга кўчириб, ҳаёт қайта тикланган ва ўзининг бунёдкорлик фаолиятини давом эттириб, мўъжизали обидалар теварагида турли афсоналар ва ривоятлар тўқиган.

Кўхна Урганч туманига борсангиз унинг шимолий қисмида ажойиб нақшлари билан кишини ҳайратда қолдирадиган ҳашаматли бино эътиборингизни тортади. Зўр маҳорат билан безатилган бинонинг ичкарисига кирсангиз, баланд дурдана гумбазнинг ички кўриниши нақшлар билан шундай зўр безатилганки, уни одам ишлаганлигига ишонгинг келмайди. Иморатнинг ниҳоятда баҳайбатлиги ва ўзининг тузилиши, ихчамлиги ва яхлитлиги билан бу жаҳон санъатининг ноёб обидаларидан бири дейиш мумкин. Бино жуда ҳашаматли бўлса-да, аммо қандайдир енгил, гўё ердан кўтарилиб парвоз қилаётгандай сезилади.

Бинонинг орқа томонида кичкина гумбазли қабр мавжуд. Унда ривоятларга кўра, бутун Хоразмда танилган аёл Тўрабек хоним дафн этилган. Ҳозиргача бу аёл тўғрисида аҳоли орасида афсоналар сақланиб келган. Тўрабек хоним мақбараси муқаддас авлиёлар қаторига кирган, аёллар ҳомийси деб танилган. Шуниси қизиқки, бу дабдабали бинонинг теварагида на ариқ, на қудуқ, на дарахт бор. Мазкур авлиё қизларнинг олийжаноб ҳомийси, никоҳ ва

фарзанд кўришда эзгу саҳийлик хизматини адо этиб келаётган авлиёлардан бири. Йлгари сайлларда қизлар дугоналари билан бу ерга келиб махсус ашуалар айтиб, унинг яқинидаги баланд минорага кўтарилилганлар.

Ривоятларга қараганда, Тўрабек хоним мақбараси машҳур гумбазли Текеш мақбарасидан кейин қурилган ва у билан санъат намунаси сифатида рақобатда бўлган. Шуни алоҳида қайд қилиш лозимки, Тўрабек асли тарихий шахс, у Олтин Ўрда улуси таркибидаги Хоразмнинг ҳукмдори ҳисобланган ноиб Қутлуғ Темурнинг хотини, Эри эса Олтин Ўрда хони Ўзбекнинг яқин қариндоши билан ҳолавачча бўлган. Тўрабек хоним Ўрда амирининг қизи, яъни эри билан амакивачча бўлиб, Ўзбекхон ўзининг куёви ва қариндоши Қутлуғ Темурни ҳар томонлама қўллаб-қувватлаган ва унга исломни кенг тарғиб қилишни буюрган. Атоқли ўзбек олими Я. Гуломов эълон қилган бир вақф ҳужжатида Олтин Ўрда хонининг қизи сифатида Тўрабек хоним "Буюк Малика", деб номланган.

Хоразм атрофида, Олтин Ўрдада исломни тарқатишда Қутлуғ Темур ва унинг рафиқаси ўзининг хон билан қариндошлиқ алоқаларидан фойдаланиб, кенг миқёсда фол иш олиб борганлар. Айниқса, шу нарса диққатга сазоворки, эру-хотин Хоразмда ҳар кил хайрия ишларни адо этишда, мадраса ва мачитлар қуришда жуда савобли ишлар қилиб келганлар. Юқорида тилга олган обидалар ҳам асли эр-хотин ташаббуси билан тикланган. Ҳозиргача этиб келган кўҳна Урганчнинг катта минорасини Қутлуғ Темур қурдирган бўлса, ажойиб жума мачитни ва Хоразм шоҳи Текеш мақбарасини Тўрабек хоним бунёд эттирган. Улар суфийларга ҳам ҳомийлик қилиб, бир неча хонақолар тиклатган, вақфлар ажратган, катта ер ва ариқлар ҳадя қилганлар.

Бир ривоятда бутун Хоразмга тарқалган Тўрабекхоним образи анча ташвишли ҳаётни бошидан кечирганлигини кўрсатади. Мазкур ривоятни адабий-тариҳий асарларда ҳам учратиш мумкин. Ривоятнинг қисқача мазмуни қуйидагича: Салжуқийлар сultonни Санжар Тўрабек хонимга совчилар жўнатади. Хоразм аҳли буни ўзининг маликасига ҳақорат деб қабул қиласиди ва совчиларни рад этади. Сulton Санжар жаҳли чиқиб, лашкарлари билан Хоразм халқига қарши юриш бошлади. У чегарага келиб Амударёни бўғиб, халқни олти ой сувсиз қолдиради. Юртда очлик бошланади, халойиқ нолиб ташвишга тушади. Одамлар бунга Тўрабек хоним сабабчи деб, дарёни янги

ўзан билан сув беришини талаб қиласа. Санжарга мурожаат қилиб, түғонни очишни сўраш, никоҳга розилик бериш билан тенг эди. Халқ маккорлик йўлини тутишни маслаҳат беради. Шунга биноан Тўрабек хоним розилик берган. Султон розиликни олиб дарё тўғонини очади ва юртига қайтади. Аму эски ўзани Дарёлиқ томон оқмай, янги ҳозирги ўзани орқали оқа бошлайди. Дарёлиқ қуригач, янги каналлар қура бошлайдилар. Ўша вақтда Полвонён, Шовот ва Арнаёп пайдо бўлган эмиш.

Малика Санжар томон сафарга чиқади, аммо пайти келганда ундан қочиш йўлини ўйлади. Қочиш олдидан малика йўл бўйи ҳар манзилда биянинг ёш тойчоқларини қолдирган. Қайтишда она биялар тойчоқларининг овозини эшишиб йилдиримдек тезликда манзилдан манзилга чопиб борганлар. Бундай тезликда чопган маликанинг биялари кетидан пойига тушган Санжар қувиб ета олмаган.

Мазкур ривоят билан хоразмликлар маҳаллий атамаларни боғлаб, Санжар йўлида учраган манзилгоҳлар номини тилга оладилар. Масалан, султон дарё бўйига етгач жаҳл билан шу ердаги манзилни "Эҳ, пишнак" (ёмон маъносида) деган экан. Шундан гўё Пишнак номи қолган. Пичоқчига етгач, тўхта сўйман, деб дўқ қилган. Дурғадик қишлоғи олдида "дур (тўхта)" сўзи билан боғлаб, маҳаллий қишлоқ номи пайдо бўлган эмиш.

Иккинчи ривоят ўзининг баъзи тарихий реаллиги билан диққатга сазовор. Бу ривоятда Хоразм фольклорида биринчи марта тилга олинган Жонибек образи пайдо бўлади. У овга чиқиб чўлда адашиб бир карвон билан Хоразмга бориб қолади. Маълумки, бу шахс Олтин Ўрданинг охирги хонларидан Ботухон авлодларидан бири ҳисобланади. Барча афсона, ривоят ва эртакларда куйланган мазкур қаҳрамонлар бутун Шарқда тарқалган, аммо турли жанрда ҳикоя қилиниб келинган оғзаки халқ ижоди намуналари сифатида бизгача етиб келганлиги жуда муҳим. Масалан, Хоразмдан узоқда Самарқанддаги Темур томонидан қурдирилган Бибихоним мақбараси билан боғлиқ ривоят Тўрабек хоним афсоналарига ўхашлиги тасодифий эмас.

Ҳашаматли Бибихоним мачити Темурнинг Хоразмга юришларидан кейин қурила бошлаган. Маълумки, Амир Темур босиб олган ўлкалардан, жумладан Хоразмдан зўр ҳунарманд ва донишмандларни асирга олиб пойтахти Самарқандга жўнатгани. Хоразм усталари Самарқанд қурилишларида, Шаҳрисабздаги Темурнинг кўшки Оқ-сарайни

қуришда ва бошқа бино иншоотларни тиклашда фаол қатнашганлар.

Шубҳасиз, Хоразм усталари билан Мовароуннаҳрга Амударё воҳаси афсона ва ривоятлари ҳам етиб келган. Машҳур Бибихоним афсонасида уста севгиси айрим деталлари Тўрабек хоним ва бошқа Хоразм афсоналарига жуда ўхшаб кетади. Масалан, Самарқанддаги Бибихонимни севиб қолган меъмор усто Темур ғазабидан қўрқиб қанот ясад Машҳадга учиб кетади. Ҳудди шундай Хоразм меъмори Усто Куш ҳам қадимги пойтахт Катнинг ҳокими ғазабидан қўрқиб ўзи ясаган қанотда ҳавога парвоз қилиб йўқолади. Тўрабек ва Усто Қуш тўғрисидаги ривоятлар ўз мазмуни ва сюжети билан Мовароуннаҳр ва Хоразм халқ ижоди намуналарининг бирлиги, тарихий жиҳатдан узвий боғлиқ воқеаларни эслатади. Давр нуқтаи назаридан, масалан, салжуқийлар султони Санжар, кейинги Олтин Ўрда хонлари Жонибек ва Темур образлари ҳар хил бўлса-да, Ўрта Осиё халқларининг тарихий тақдирни бир эканлигини маънавий маданиятимиз умумийлигини яна бир марта тасдиқлади.

Аммо, шуниси муҳимки, келтирилган ривоятлардаги Тўрабек хоним ва бошқа образларда маҳаллий хон ва султонлар, амир ва ноиблар орасидаги ўзаро низолар, тахт учун курашлар, саройдаги амалдорлар ва ворислар орасидаги қарама-қаршиликлар ўша даврдаги сиёсий ҳаётнинг акс-садоси эканлиги кўзга ташланади. Айниқса, оғир фожиали воқеаларни бошидан кечирган хоразмликлар Чингиз қўшинларининг ваҳшиёна юришларидан кейинги вайронагарчиликни тугатиш учун олиб борилган сиёсат ва амалий фаолият халқ онгига чуқур из қолдирган эди. Хронологик жиҳатдан чатишиб кетган мазкур ривоятларнинг моҳиятини тушуниш учун ўша давр тарихий воқеаларига бир назар ташлаш зарур.

Маълумки, XIII аср бошларида Чингизхоннинг 1218—1219 йилларда Жебе бошчилигидаги қўшинлари Еттисув ва Шарқий Туркистон ерларини эгаллаб бутун Мовароуннаҳр, қисман Эрон, Афғонистон, Олд Осиё ва Кавказгача бўлган кенг ҳудудни ўзига бўйсундириб, кейин Хоразм давлати чегараларига яқинлашади. Мўғул истилочилари 1220 йилнинг бошларида дастлаб Сирдарё бўйидаги Ўтрорни, кейин Бухоро ва Самарқандни босиб оладилар. Истилочилар шаҳар ва қишлоқларни талон-торож қилиб, аҳолининг кўпчилигини қириб бир қисмини қулликка маҳкум этганлар. Муқаддас Бухоронинг ҳимоячилари бу-

тунлай қирилган, истеҳкомлар яксон этилиб, шаҳарга ўт қўйилган. Самарқанд аҳолиси ҳам қаҳрамонлик билан ўз шаҳрини ҳимоя қилган, шаҳар аҳолисининг тўртдан бир қисми тирик қолган, холос. Хоразмликлар ҳам шундай мусибатни бошдан кечиргандар. Араб тарихчиси Ибн ал-Асир бу воқеаларнинг жонли гувоҳи сифатида шундай деб ёзади: "Улар ҳеч кимсани аямас эдилар, аёлларни, қарияларни, болаларни қатл этдилар.., орқада бирон шаҳарни қолдирмай ер билан текислаб ўтар эдилар".

Чингиз қўшинларининг нисбатан енгил ғалабалирининг бош сабабларидан бири — Хоразм давлатидаги ички низолар, бетўхтов урушлар, эзилган ҳалқ норозилиги каби омиллар туфайли иқтисодий ва сиёсий инқизорзининг бошланиши эди. Қудратли Маъмуринлар сулоласи ўрнига келган Қутбиддин Муҳаммад ибн Ануштегин (1117—1127) анча уддабуро ва матонатли ҳукмдор бўлса-да, унинг фарзандлари, невара-чеваралари даврида мамлакат бир оз тушкунликка юз ўгиради. Унинг ўғли Отсиз (1127—1156) нинг муваффақият билан ҳукмронлик қилган йиллари шиддатли воқеаларга тўла бўлган. Айниқса, даҳшатли ташқи кучлар билан ички тахт ва мансаб талашувлар давлатни анча бўшаштирган эди.

Отсизнинг набираси Аловиддин Текеш ибн Ил-Арслон (1172—1200) Хоразм давлатини мустаҳкамлаш, қўшимча ерларни босиб олиш сиёсатини амалга оширишга ҳаракат қилган. Агар Отсиз Хоразмнинг чинакам мустақиллигига замин яратган бўлса, Текеш ўз давлатининг ҳақиқий асосчиси деб танилган. Унинг ўғли ва валиаҳди Аловиддин Муҳаммад II отасининг сиёсатини давом қилдиришга ҳаракат қилиб, қорахитойларга қарши сабр-матонат билан муваффақиятли кураш олиб борган. Унинг подшолик қилган даврида (1200—1220) Самарқанд ва Ўтрор қорахонийлар қўлидан тортиб олинган, Афғонистон жанубидаги узоқ Фазнагача ўз чегарасини кенгайтириб Фарбий Эрон ва Озарбайжонни бўйсундиради, Даشت Қипчоқнинг ич-ичлагиригача кириб боради. Аловиддин Муҳаммад қорахитойлар билан муваффақиятли курашиб, уларни таслим қиласди. Хоразм шоҳи ўзини иккинчи Искандар, деб эълон қиласди. Айрим маълумотларга кўра, шоҳга тобе бўлган 27 мамлакатнинг ҳокимлари ёки бу ҳокимларнинг гаров тарзида юборилган ўғиллари Муҳаммаднинг саройи қошида тилла ногора чалганлар.

Шундай бўлса-да, феодал ҳокимиятига хос ички зиддиятлар, айниқса саройдаги ва унинг әтрофидаги низолар бу

ерда ҳам мавжуд эди. Мўғуллар истилоси арафасида Хоразмда асли иккىҳокимлик ўрнатилган деса бўлади. Бутун мамлакатда шоҳ ва султон деб Аловиддин Муҳаммад ҳисобланса-да, ички ва ташқи сиёсатни олиб боришда иккинчи ҳоким шоҳнинг онаси Туркан хотун ҳисобланган. У ҳаттоқи айрим масалаларни ҳал қилишда биринчи бўлган, султоннинг баъзи фармон ва буйруқларини инкор этган ва ўз номидан фармонлар чиқариб истаган масалаларни ҳал қилиш қудратига эга бўлган. Шоҳ ҳеч вақт эътиroz билдиrmаган, чунки бир томондан она ҳурмати, иккинчидан Туркан хотуннинг тарафдорлари унинг уруғидан чиққан турк амирлари кўлчиликни ташкил этгани. Замондошларининг таърифича, Туркан хотун "жаҳон ҳокими" деб ном қозонган, фармон чиқара олган. Ўз муҳрига эга бўлган. Туркан хотун пойтахт Урганчда истиқомат қилган, ўзининг маҳсус кўшки ва иккита мулкига эга бўлган, шоҳ ўғли эса Самарқандга кўчиб шу ерда ҳукмронлик қилган. Малика нафақат султон устидан ҳукмронлик қилибгина қолмай, молия масалаларига ҳам аралашган, олий амирлар ва амалдорларга ҳукмини ўтказган. Туркан хотун ҳатто тахт меросхўрини ўзи белгилаган. Бундай ҳолат, шубҳасиз, Хоразм давлатини бўшаширишга ва унинг инқирозини кучайишига олиб келган...

Яна бир муҳим омиллардан Туркан хотун ва унинг ўғли шоҳ босиб олган вилоят ва ўлкаларнинг гаровга олинган ҳокимларини жисмоний жиҳатдан йўқ қилган. Тарихий манбаларда кўрсатилганидек, Хоразм шоҳи Муҳаммад босиб олган мамлакатнинг ҳукмдорини ўлдирган ёки йўқ қилган. Шунинг учун у ўзи барча мамлакатларда якка-ягона бўлиб қолган. У мўғуллардан қочаётганда унга ёрдам берадиган ҳеч ким бўлмаган.

Хоразм шоҳининг яна бир катта хатоси Чингиз томонидан таклиф қилинган савдо-сотиқни рад қилиш эди. У мўғул подшоси билан дастлабки даврларда яхши муносабатда бўлиб, ўзаро элчи ва савдогарлар алмашиб, бой совға-саломлар олишган. Аммо 1218 йилнинг охириларидан бошлаб алоқалар бузила бошлайди, хоразм лашкарлари билан мўғул отрядлари орасида биринчи ҳарбий тўқнашувлар рўй беради. Меркитларга қарши урушга чиққан Чингизнинг ўғли Жўжи лашкарлари, Хоразм шаҳзодаси Жалолиддин Мангуберди лашкарлари ўртасида дастлабки жанг бўлади. Бу жангда Жалолиддин голиб чиқиб, Жўжи қўшиналари чекинади ва Чингизхонга ноxуш хабарни ет-

казади. Аммо мӯгул шоҳи бунга эътибор бермай яна савдо-сотиқни ривожлантириш таклифини киритади. Жалолиддин отаси Алавиддин Муҳаммадга юмшоқ ва мулоим бўлишни, элчи ва савдогарларга нисбатан шафқат ва ҳурмат билан муносабат қилишни таклиф этган. Жаҳлдор шоҳ Чингиз юборган кўпсонли Ухун бошчилигидаги савдо карвонини ҳисбсга олишни буюрган. Ўтрор амири Файрихон Имол эса элчиларни айғоқчи деб ҳаммасини қатл қилдирган, барча молларини мусодара қилган. Одат бўйича элчиларни ўлдириш мумкин эмас эди. Элчилар билан Чингизхон юборган 450 савдогар асли мусулмон бўлади. Муҳаммад қатл қилдирган элчи Кушлухон ҳам мусулмон эди.

Ўтрордаги Чингизхоннинг 450 савдогаридан тирик қолган биттаси келиб хонга бўлган фожиани батафсил гапириб берган. Мӯгул солномаларида қайд қилинганидек, Чингизхон ўзига яқин кишиларни йиғиб шундай деган экан: "Сартаул халқига қарши юриш бошлайман ва қонуний равишда Ухун бошчилигидаги юзлаб қатл қилинган элчиларимиз учун қасос оламан. Сартаул халқига бизнинг тиллашоҳли жиловимизни бежазо юлиб ташлашга йўл қўйиш мумкинми?" Хон уч кечаю уч қундуз якка ибодат қилиб худога шундай илтижо этган: "Э, парвардигор ва оламни яратгувчи! Тозик ва туркларни яратган! Бу ғалаённинг сабабчиси мен эмас! Менга қасос учун куч-қувват ҳадя қилгин!".

Чингизхон лашкарларининг хоразмшоҳлар давлатига қарши чиқишининг яна бир сабаби Алавиддин Муҳаммаднинг ортиқ даражада манманлик қилишидир. У бўйсундирган мамлакатларда маҳаллий ҳокимларни қатл қилдириб, барча ерларни ўз қариндошлари, амирлари ва амалдорларига бўлиб берган. Оқибатда илгариги ҳокимларга хизмат қилиб келган ҳарбий бошлиқларни, тўра ва бекларни ўзига қарши қўйган.

Хоразм шоҳининг яна бир катта хатоси йирик қўшинларини қалъаларга бўлиб юборганлиги. Муҳаммад шоҳининг Чингизга қарши тузган стратегик режаси мутлақо яроқсиз чиқди. Бир қанча шаҳарлар чинакамига қаҳрамонона ҳимоя қилиниб (айниқса пойтахт Урганч), мӯғулларнинг кучлари кўп ойлаб тийиб турилганига қарамай, бу қалъалар бирин-кетин таслим бўла бошлади.

Асосий зарбанинг йўналиши давлат шарқий чеккасининг энг заиф ҳалқаси яқиндагина қўшиб олинган ва сиёсий ғалаёнлар ниҳоятда авжига минган бой шаҳарлар,

Ўрта Осиё ва Хитой билан савдо алоқалари бўлиб турган муҳим қальъалар бўлганини тасодифий эмас эди. Чунки бу ердаги савдогарларнинг юқори табақалари ичida кучли гуруҳлар ажралиб чиқиб, мўғуллар билан яқин алоқада бўлиб, уларнинг муваффақиятларидан манфаатдор эдилар. Бухоро ва Самарқандга берилган зарба туфайли пойтахт Урганч яккаланиб қолди. Оқибатда Чингизнинг олдинги қўшинлари тез орада Амударё соҳилига етиб келди ва Хоразм шоҳининг кучли ҳисобланган улкан армиясини парокандаликка солди. Оқибатда сон жиҳатдан кам бўлган Чингизхон қўшинлари ғалаба қозонди. Лашкар бошлиқлари Жебе ва Субутойнинг йигирма минглик энг яхши корпуси Алавиддин Муҳаммадни Каспий дengiz томон чекинишга мажбур қилди ва у ердаги ороллардан бирига яширинган буюк шоҳ ўша ерда ўлиб кетади. Тарихий манбаларда қайд қилинганидек, Хоразмшоҳи 1220 йилнинг декабрь ойида вафот этади ва унинг жасадини кўмиш учун ҳатто кафандопилмаган.

Шундай қилиб, ўзини энг буюк жаҳон ҳокими деб эълон қилган Хоразм шоҳи Алавиддин Муҳаммад хору-зор бўлиб оламдан ўтган. Манбаларнинг таърифика, бу жаҳонгир шоҳ қорахитойларнинг ерлари, Мовароуннаҳр, Хоразм, Исфахон, Мозандарон, Кармана, Мекрон, Кеш, Фазна, Гур, Сижистон, Бамён, Форс, Ўтрор, Озарбайжан, Ироқ, Тобористон, Журжон устидан ҳукмронлик қилган. Унга бўйсунган ҳудуд жанубда Ҳиндистонга, фарбда турклар юртига, шарқда Хитойгача чўзилган. Унинг номи Дарбанд ва Ширвон, Хурсон ва бошқа мамлакат ва шаҳарлардаги мачитларда хутба намозида тилга олинган. Алавиддин Муҳаммаднинг бойлиги ҳисобсиз бўлиб, мўғуллар қўлига 10 млн. динор пул, 1000 қоп атлас ва бошқа газлама, 30 минг от ва хачирлар, сон-саноқсиз турли моллар ўтган.

Хоразм пойтахтини қамал этган Чингиз лашкарлари турли найранглар билан шоҳининг онаси Туркан хотуннинг таслим бўлишини талаб қилган. Урганчдаги қўшин ва аҳолиси мудофа кучига эга бўлса-да, Туркан хотун ватанини душманга ташлаб қочган ўғли Муҳаммаддан кейин ваҳимага тушади. Шоҳ хотинлари ва фарзандларини, хазинадаги бойликларни ва бошқа қимматбаҳо буюмларни олиб шаҳарни тарк этади. Бераҳм малика шаҳарда қолган барча сultonлар, ҳокимлар ва уларнинг ўғилларини — жами 26 кишини қатл қилдирган эди. Уларни Амударёга

чўқтирган. Бундай шармандалик натижасида кўпчилик Туркан хотундан юз ўғирган, у фақат ўз хизматкорлари, вазир Муҳаммад ибн Солиҳ ва йўл бошловчи Умархон билан қочган.

Ношукур малика Мозандаронга етгач, йўл бошловчини ҳам қатл қилдиради. Чингиз лашкарлари Туркан хотуннинг изидан бориб Илол шаҳрини қамал қилиб, кўп ўтмай уни босиб олади. Хоразм шоҳининг бутун болалари асирга тушади. Мўғуллар шоҳ болаларини ўлдириб, ҳарам аёлларини хотин қилиб оладилар. Туркан хотун эса Чингизхон қароргоҳига жўнатилади ва у ерда хору-зорликда 1233 йили вафот этади.

Урганч аҳолиси етти ой мардонавор курашгач, сulton Хумар-Тегин бошлилигида таслим бўлишга мажбур этилган. Шунча қаршиликка ҳеч қаерда учрамаган мўғуллар бутун аҳолини (100 минг ҳунармандларни Мўғулистонга жўнатаб) ёшу-қарини қирғанлар. Тарихчиларнинг ёзишича қамал қилган 50 минг мўғул лашкарларининг ҳар биттаси 24 та урганчликни ўлдирган. Пойтахтни бутунлай емириб, ер билан яксон қилиш буюрилган. Ваҳший истилочилар аҳолини бутунлай қириб бўлгач, Амударё тўғонини бузиб пойтахтни сувга бостиради. Оқибатда ажойиб тарихий обидалар, минглаб ноёб китоблар сақланган кутубхоналар барбод этилган эди.

Хоразмшоҳининг шармандалик вафотидан кейин катта давлат емирилади ва у, тарихчи Жувайнийнинг таърифича, "бошқа мамлакатлар ўртасида арқони қирқилган кага ўхшаб қолди". Қаттиқ зарбага учраган Хоразм шоҳи Аловиддин Муҳаммад вафотидан олдин онаси тайинлаган валиаҳд тўғрисидаги фармонини бекор этиб, Жалолиддинни тахт вориси деб эълон қиласди.

Буюк Хоразм давлати тарихида сўнгги шоҳ Жалолиддиннинг давлатни сақлаб қолиш учун олиб борган мардонавор кураши бу шиддатли даврнинг энг фожиали ва улуғвор саҳифаларидан бири. Ўз вақтида Туркан хотун томонидан тан олинмаган жасур, истеъдодли Жалолиддин мўғулларнинг муносиб рақиби бўлиб чиқди. У ўзига қарашли Ғазна вилоятини истилочиларга қаршилик кўрсатиш марказига айлантирган эди.

Жалолиддин Урганчдан 300 отлиқ билан қочиб, Нисо шаҳри остонасида 700 отлиқ мўғул қўшинларини енгади. У Ғазнага келиб янги куч тўплаб, карвон яқинида бўлгян жангда мўғуллар устидан яна бир ажойиб ғалаба қозон-

ган. Мард лашкарбоши Жалолиддин бу жангда ҳарбий фан тарихида биринчи бўлиб отдан тушиб, пиёдага айланган ўқ ёйчи (ёйандоз)лар сафини тузиб, мўғулларнинг отлиқ аскарларига қарши қўйиб, уларга қаттиқ зарба берган. Бундай жасурликка тан берган Чингизхон шахсан ўзининг асосий кучлари билан Жалолиддинга қарши отланган.

Мўғул лашкарларига қарши мардоновор курашганлар ичида ҳакиқий ватанпарвар лашкар бошлиқлари ва садақатли сultonлар билан Хоразмшоҳнинг ўғиллари Ўзлоғ шоҳ ва Оқ шоҳ ҳам бўлган. Улар Хурросон тупроғини мудофаа қилишда жанговар курашда ҳалок бўладилар. Шоҳнинг учинчи ўғли Рукнаддин Гурсанжи ҳам олти ой қамалда қаршилик кўрсатиб, кейин асирга тушади. Мўғул Тоймас-нўён олдига келтирилган шаҳзода тиз чўкишдан бош тортиб, қийноқ билан қатл этилган.

Аммо энг зўр қаршилик кўрсатган ва мардоновор кураш олиб борган Жалолиддин кетма-кет истилочиларга даҳшатли зарба бериб кучлар тенг бўлмаганлигидан чекинишга мажбур бўлган. Ҳинд дарёси соҳилида 1221 йил нояброда бўлган охирги шиддатли жангда гарчи ҳарбий устунлик Жалолиддин томонида бўлса-да, Чингизхон кучлик резервларни жангга солиб, ўз рақибининг қаршилигини синдиришга муюссар бўлган. Албатта, Жалолиддин қўшинлари орасида ҳам бир хил қаҳрамонона курашганлар бўлмаган, айрим жанглардаги ғалаба туфайли ўлжа талашган бир қанча кўчманчи ҳарбий бошлиқларнинг хиёнати ва қочоқлиги ҳам Чингизхонга қўл келган.

Ҳинд дарёси соҳилига сиқиб келинган Жалолиддин учкунлик даҳшатли жангдан сўнг мағлубиятга учрайди. Чингизхон Жалолиддиннинг асирга тушган саккиз яшар ўғлини ваҳшиёна қатл қилдиради. Сувдан кечиб ўтиш воситаларидан маҳрум бўлганлиги туфайли ҳарамдаги хотинлари асирга тушиб, номусга қўймаслиги учун уларни дарёга чўқтириб ўлдиртиради. Чингизхон Жалолиддинни тириклай қўлга киритишни буюрган эди.

Жалолиддин асирга тушмаслик учун жўшқин дарёга бутун қурол-яроги билан от солади ва мўғуллар ўқининг жаласи остида бошқа соҳилга ўтиб олади. Бундай жасурликдан ҳайратда маҳлиё бўлган Чингизхон сultonнин таъқиб қилмасликни буюради. У ўғилларига қараб шундай деган экан:"Ота ўғли фақат шундай бўлиши керак!

Шундай даҳшатли жангдан ва жўшқин дарё қаъридан соҳилга соғ-омон чиққан киши ҳали жуда кўп улуф ишлар қиласди ва жасорат кўрсатади!" Унинг билан бирга дарёниг у соҳилига учта отлиқ амир ва тўрт мингта яқин қўшини ўтади.

Анча ҳолсизланган ва пачоқланган Жалолиддин оч ва ҳориган озгина сафдошлари билан нотаниш Шимолий Ҳиндистон аҳолиси орасида пайдо бўлган. Маҳаллий ҳоким унинг оғир аҳволидан фойдаланиб, бир минг отлиқ ва беш минг пиёда аскарлар билан Жалолиддинга қарши ҳужум қиласди. Моҳир ва тажрибали лашкарбоши олдида ожизлик қилған Шатра вилоятининг ҳокими мағлубиятга учрайди, ҳинд қўшинлари тор-мор қилинади. Оқибатда Шимолий Ҳиндистон Жалолиддинга тўла бўйсунади ва унга қарам бўлади. Султон ўзининг аҳволини яхшилаб олади, ҳатто ўз номидан танға чиқариб, барча вилоятларда унинг исми билан хутба ўқиладиган бўлади. Жалолиддин Ҳиндистонда ҳар хил жанглар ва фитналарни бошидан кечириб уч йил ҳукмронлик қилган.

Жалолиддиннинг Хоразм давлатини сақлаб қолиш ва истилочилардан озод қилиш учун олиб борган мардонавр, аммо самарасиз курашининг кейинги ўн йиллик жангномаси энг фожиали ва улуғвор саҳифаларидан. Ҳиндистонда ҳукмронлик қилған даврда унга қарши фитналар ва мӯғулларнинг янги таъқиб вассасалари султонни Ироқ томон юришга ундаган. У дастлаб Кармана, кейин Шероз ва Исфаҳонга бориб маҳаллий хон ва амирлар билан келишиб бир оз мустаҳкам кучга эга бўлади. Аммо бу ерлар укаси Фиёсиддинга тегишли бўлганлиги учун у акасининг келишидан норози эди. Жалолиддиннинг келиши маҳаллий аҳоли томонидан яхши кутиб олинган, чунки Фиёсиддин даврида ўзбошимчалик ва зўровонлик авжига чиққан эди.

Жалолиддин 1225 йили Озарбайжонни босиб олиб, ўз қўшинларини Бағдод томон юришга тайёрлайди. Озарбайжоннинг охирги ҳокими Ўзбек давлат ишларидан четла-тилган бўлиб, бу ишларни унинг хотини салжуқийлар султони Тўғрулнинг қизи Малика-хотун бажариб турган. Жалолиддинга қаршиликсиз таслим бўлгач Озарбайжан ҳокими Ўзбек Табризга қочади ва у ердаги хоразм қўшинларининг вакилларини ўлдиртиради. Хоразмшоҳи Табризга қўшин билан боради ва етти кунлик қамалдан

кейин босиб олади. Шу ерда ўзининг ноибини тайинлаб, Грузияга қарши юриш бошлайди. Хоразм шоҳи Гарни яқинидаги жангда грузинларни тор-мор қилдириб, мамлакатни талон-тарож қилган. Бу жангда 20 минг грузин лашкари ҳалок бўлган, қолганлари асир олинган. Жалолиддин Табризга қайтиб Ўзбекнинг хотини маликага уйланади, кейин Тифлисга юриш қилиб, йўл бўйи Ганжа, Бойлаган, Шанхур, Шутур каби шаҳарларни ўзига бўйсундиради. Отабек Ўзбек бундай нохуш хабарлардан сўнг касал бўлиб вафот этади. Шундан сўнг Отабеклар давлати тугатилиб, Озарбайжон, Ширвон ва Грузия 1231 йилгача Хоразм шоҳи Жалолиддин ҳукмронлигига қолгав. Хоразмнинг Ўрта Осиё ва Хуросондаги асосий мулклари вайроналикка айланган эди. Жалолиддин Шарқда янги қаршилик кўрсатиш кучларини ташкил қилишга уринади. Аммо бу уринишлари пучга чиқади, ноиблари унга қарши фитналар уюштирадилар. Озарбайжон Отабеги тарафдорлари, Кониянинг салжуқий султонлари, Бағдод халифаси донғи чиққан Жалолиддиндан хавотирланиб, зимдан тил бириктириб, унга зарба беришга тайёргарлик кўрадилар.

1230—1231 йили исмоилийлар таклифи билан келган мўгуллар Озарбайжонни босиб оладилар. Жалолиддин барча ҳоким ва ноибларга мурожаатнама жўнатади, аммо ҳеч ким унга жавоб бермайди ва ёрдамга келмайди. Ҳатто унинг вазири Шароф ал-мулк султонга қарши фитна уюштира бошлайди. Ўша вақтда Ганжада қўзғолон кўтарилади, султон амалдорларини қатл қиласди. Хоразмийлар қўзғолонни бостириб, унинг раҳбарларидан 30 кишини ўлдирадилар, саркардаси Бандарни оломон олдида қатл қилиб, жасадини чопиб ташлаганлар. Ганжага келган Жалолиддин 17 кун сақланиб, ўз лашкарларини мўгулларга қарши қўймасдан, уларга талон-тарож ва босқинчилик қилишига рухсат берган. Шу ердан султон озгина куч билан Кичик Осиёга ўтиб Исфахонга қайтиб келади. Тарихчиларнинг таърифика, бу ерга келиб у айш-ишрат ва майпарастликка берилган. Шундай кунларнинг бирида Исфахонга мўгуллар бостириб келади, Жалолиддин қочиб кетишга мажбур бўлади. У кичик бир отряд билан Таври тоғларига яширинади. Жалолиддин Ҳёлам яқинидаги Айндор номли қишлоқقا етиб боргач, бир гуруҳ курдлар томонидан таланади ва шу ердаги бир

курд хоразмликларга қасд қилиб, хун олиш учун (унинг акасини жангда ўлдирганлар) Жалолиддинни найза санчиб ўлдиради. Бу воқеа 1231 йил 15 ёки 17 августда рўй берган. Шундай қилиб, буюк хоразмшоҳлар сулоласининг охирги вакили оламдан ўтган ва давлат бутунлай инқизатга учраб емирилган.

Жалолиддин ўлимидан кейин ўша замон воқеаларининг гувоҳи бўлган ибн ал Асирийнинг ёзишича, мусулмон Шарқидаги ҳалқлар бу жасур лашкарбоши ва улуғ сultonни юксак баҳолаб, анча йиллар унинг ҳалок бўлганига ишонмай келганлар. Ватанини бераҳм мўғуллар томонидан истило қилишга қарши қаҳрамонона ҳаракатларини унутмаган мусулмон истилочиларга ҳал қилувчи зарба беришга янги кучлар тўпламоқда, деган турли афсоналар пайдо бўлган. Аммо бу умидлар пучга чиққан. Хулагу бошчилигидаги мўғул галалари Ўрта ва Шарқ мамлакатларига қарши қонли юришларини давом қилдириб, Ироқ, Эрон Озарбайжон ва Грузияда пайдо бўлганда, ҳеч ким бу ваҳший босқинчиларга қаршилик кўрсата олмаган. Олд Осиё мамлакатлари ва вилоятларида жуда кўп парчаланиб кетган Хоразм шоҳи лашкарлари, айниқса ҳар хил туркий қабилаларнинг вакиллари мўғуллардан қочиб жойлашиб қолган. Одатда бундай кишиларни тарихий манбалар хоразмликлар, деб тилга олади. Бу кишилар баъзан шунча кўп бўлганки, маҳаллий ҳокимлар буни инобатга олишга мажбур бўлган, чунки улар катта ҳарбий куч бўлган. Жалолиддиннинг айрим амирлари ва лашкарбошилари Олд Осиё, ҳатто Миср, Ироқ каби мамлакатларнинг подшолари ва ҳокимларида хизматда бўлиб, маҳаллий ҳукмдор, хон ва сultonлар орасидаги кураш ва фитналарда хоразм ҳарбий кучлари таянч ролини ўйнаган. Шунинг учун салжуқийлар ва айюбийлар валиаҳдлари хоразмликларни хизматга олиб, уларга ер-мулк ажратганлар. Шарқий Анадолидаги айрим вилоятларда ўша даврда қолиб кетган хоразмликларнинг авлодлари ҳозиргача яшаб келмоқда ва хоразм номи сақланган. Сурияда қочиб келган хоразмликларнинг учта қишлоғи ҳозир ҳам мавжуд.

Шарқда, Ўрта Осиёда илк пайдо бўлган йирик федал ҳокимиётининг емирилиши, бу ердаги ҳалқларнинг мўғул истилоси туфайли фожиали қора кунларни бөшидан кечиришга тарих тақдири билан ҳукм қилинган

эди. Жалолиддин мусулмон давлатларининг маданиятини ваҳший мажусийлардан ҳимоя қилувчи бир қалқон бўлиб хизмат қилган.

Мўғул истилосининг энг даҳшатли оқибатларидан юз минглаб бегуноҳ қишиларнинг ёстиғи қуриб, жуда кўп шаҳар ва қишлоқларни, айниқса икки минг йиллаб қарор топиб келган ўлканинг ҳаёт манбаи ҳисобланган сув иншоотларининг вайрон қилиниши Хоразмни оғир аҳволга солган эди. Ўша даврда ирригацияда фойдаланилмаган ортиқча сувнинг бир қисми ғарб томон Дарёлиқнинг эски ўзани бўйлаб Сариқамиш кўлига уриб кетиши ва бошқа омиллар туфайли Хоразмнинг энг ғарбий чеккасида XIII—XIV асрларда деҳқончилик ва шаҳар маданиятининг янги маркази пайдо бўлади. Шубҳасиз мазкур ҳудудда Хоразмнинг қайта-қайта юксалиши Олтин Ўрда давлатининг иқтисодий, сиёсий ва маданий тарихида Хоразмнинг муҳим роль ўйнаганлиги билан боғлиқ бўлган. Атоқли тарихчи А. Ю. Якубовский "Олтин Ўрда маданияти" деб аталган маданият аслида Волгага олиб келинган Хоразм маданиятидан бошқа нарса эмаслигини ишончли далиллар асосида исботлаб берган. Унинг таърифича, ярим қулдор Олтин Ўрданинг ҳарбий ва хазинавий бойлиги босқинчиликка асосланган бу давлатдаги ёдгорликлар ташқаридан келтирилган. Бу вақтда Хоразмнинг сиёсий жиҳатдан ҳам қайта уйғонишининг баъзи аломатлари пайдо бўлиб, ўлканинг нуфузли қабилаларидан бири Қўнғирот ҳокимлари тикланди, янги сулола юзага кела бошлади.

Илк ўрта асрларга мансуб эски Вазир яқинидаги Шамоҳақалъя деб аталган баҳайбат деворли шаҳар-қалъя харобалари XIV асрда яна гуркираб ўса бошлади ва кейинчалик XVI—XVII асрларга қадар яшаган. Ҳозирги Ғазавот каналининг давоми ҳисобланган қадимий суғорма ерларидаги улкан Чарманёб канали илгари Замаҳшар (Змуҳшир) шаҳарига етган бўлса, XII асрда бу канал қайта тикланиб, чўл ичкарисига қараб 70 км то Шоҳсанам қалъасигача чўзилган. Говхўра хавзасидаги далаларга ҳаёт қайтиб, Қаватқалъя, Желдикқалъя ва Тупроққалъя харобалари атрофида деҳқон қўрғонларининг пайдо бўлиши тасодифий бўлмаган. Тадқиқотларга қараганда, Қаватқалъя комплексида саккиз километрли тақир ерда тўқсондан ортиқ деҳқон қўрғони бўлганлиги аниқланган.

Қўрғонларнинг атрофида эса майда ер эгалари ва деҳқонларнинг унча баланд бўлмаган пахса деворлар билан ўраб олинган кўплаб чорбоғлари бир-бирига туташиб кетган. Шуниси муҳимки, кўп хонали ҳовли харобаларининг тарҳи бироз ўзгарган ҳолда кейинги Хива хонлиги давридаги қишлоқ меъморчилигига ўз ифодасини топган ва ҳозиргача қисман сақланган. Тарҳнинг асоси иккита бош бино ёки бинолар гуруҳидан иборат бўлиб, уларни ҳозиргидек бостирмали долон (ёки даҳлиз) иккига ажратиб турган. Деворлар Хоразмга хос пишиқ пахсадан тикланган. Қўрғон деворлари ташқи томонидан кўпинча сувоқ устига ўйиб туширилган нақшлар, қатор бўртиб чиққан ярим устунлар билан безатилган.

Бизнинг кўз олдимиизда тадқиқотлар туфайли тикланган мазкур қароргоҳлар асли йирик феодалларнинг қўрғонлари, майда ер эгалари ва деҳқонларнинг истеҳкомсиз чорбоғлари ўша даврда жамиятда рўй берган ижтимоий-иқтисодий тузумдаги ўзгаришлар жонли манзарасини тасаввур қилишга имкон беради. Бу даврда қишлоқдаги катта бой қўрғонлар зодагонлар истеҳкоми, кичик камбағал қўрғонлар эса паст табақадаги деҳқонларга хос эканлиги жамиятда жиддий табақаланиш мавжудлигининг ёрқин далилидар. Аммо Хива хонлигига то XIX аср охирларигача сақланган катта кунгирали (эски буржли қалъаларни эслатувчи) зодагонларнинг баҳайбат қўрғонлари декоратив жиҳатидан анча ўзгарганлиги ҳам кўзга ташланади. Давлат истеҳкомлари эса тамомила бошқача манзарани касб этади. Бундай ҳолат қадимдан сақланиб, кейин юксалиб кетган Гулдурсун, Қаватқалъя, Замаҳшар ва Шоҳсанам каби катта қалъалар мисолида кўз олдимиизда очиқ-ойдин намоён бўлади.

Ўша даврга оид обидалардан қазиб топилган сопол ва бошқа уй-рўзғор буюмлари ҳам Хоразм амалий санъатининг ўсиши давом қилаётганлигини тасдиқлайди. Ёппасига топилган бир хил рангли ва безакли, феруза сирли идишлар, сирти бўрттириб нақш берилган серҳашам безакли, кулранг ва қора, сирсиз идишлар билан бирга "Рей" ва "Кошон" шаклидаги кўп рангли қандил сопол буюмлари ҳам, токчалари, ярим устунлари, лой сувофига ўйма нақш берилган серҳашам бино намуналари ҳам бу ёрда қадимий нафис санъат анъаналари нақадар кучли эканини кўрсатади.

Эди. Жалолиддин мусулмон давлатларининг маданиятини ваҳший мажусийлардан ҳимоя қилувчи бир қалқон бўлиб хизмат қилган.

Мўғул истилосининг энг даҳшатли оқибатларидан юз минглаб бегуноҳ кишиларнинг ёстиғи қуриб, жуда кўп шаҳар ва қишлоқларни, айниқса икки минг йиллаб қарор топиб келган ўлканинг ҳаёт манбаси ҳисобланган сув иншоотларининг вайрон қилиниши Хоразмни оғир аҳволга соглан эди. Ўша даврда ирригацияда фойдаланилмаган ортиқча сувнинг бир қисми ғарб томон Дарёликнинг эски ўзани бўйлаб Сариқамиш кўлига уриб кетиши ва бошқа омиллар туфайли Хоразмнинг энг ғарбий чеккасида XIII—XIV асрларда деҳқончilik ва шаҳар маданиятининг янги маркази пайдо бўлади. Шубҳасиз мазкур ҳудудда Хоразмнинг қайта-қайта юксалиши Олтин Ўрда давлатининг иқтисодий, сиёсий ва маданий тарихида Хоразмнинг муҳим роль ўйнаганлиги билан боғлиқ бўлган. Атоқли тарихчи А. Ю. Якубовский "Олтин Ўрда маданияти" деб аталган маданият аслида Волгага олиб келинган Хоразм маданиятидан бошқа нарса эмаслигини ишончли далиллар асосида исботлаб берган. Унинг таърифика, ярим қулдор Олтин Ўрданинг ҳарбий ва ҳазинавий бойлиги босқинчилликка асосланган бу давлатдаги ёдгорликлар ташқаридан келтирилган. Бу вақтда Хоразмнинг сиёсий жиҳатдан ҳам қайта уйғонишининг лаларидан бири Қўнғирот ҳокимлари тикланди, янги сулола юзага кела бошлади.

Илк ўрта асрларга мансуб эски Вазир яқинидаги Шамоҳақалъя деб аталган баҳайбат деворли шаҳар-қалъя харобалари XIV асрда яна гуркираб ўса бошлади ва кейинчалик XVI—XVII асрларга қадар яшаган. Ҳозирги Ғазавот каналининг давоми ҳисобланган қадимий суформа ерларидаги улкан Чарманёб канали илгари Замаҳшар (Змуҳшир) шаҳарига стган бўлса, XII асрда бу канал қайта тикланиб, чўл ичкарисига қараб 70 км то Шоҳсанам қалъасигача чўзилган. Говхўра хавзасидаги далаларга ҳаёт қайтиб, Қаватқалъя, Желдикқалъя ва Тупроққалъя харобалари атрофида деҳқон қўргонларининг пайдо бўлиши тасодифий бўлмаган. Тадқиқотларга қараганда, Қаватқалъя комплексида саккиз километрли тақир ерда тўқсондан ортиқ деҳқон қўргони бўлганлиги аниқланган.

Қўрғонларнинг атрофида эса майда ер эгалари ва деҳқонларнинг унча баланд бўлмаган пахса деворлар билан ўраб олинган кўплаб чорбоғлари бир-бирига туташиб кетган. Шуниси муҳимки, кўп хонали ҳовли харобаларининг тарҳи бироз ўзгарган ҳолда кейинги Хива хонлиги давридаги қишлоқ меъморчилигига ўз ифодасини топган ва ҳозиргача қисман сақланган. Тарҳнинг асоси иккита бош бино ёки бинолар гуруҳидан иборат бўлиб, уларни ҳозиргидек бостирмали долон (ёки даҳлиз) иккига ажратиб турган. Деворлар Хоразмга хос пишиқ пахсадан тикланган. Қўрғон деворлари ташқи томонидан кўпинча сувоқ устига ўйиб туширилган нақшлар, қатор бўргиб чиққан ярим устунлар билан безатилган.

Бизнинг кўз олдимиизда тадқиқотлар туфайли тикланган мазкур қароргоҳлар асли йирик феодалларнинг қўрғонлари, майда ер эгалари ва деҳқонларнинг истеҳкомсиз чорбоғлари ўша даврда жамиятда рўй берган ижтимоий-иқтисодий тузумдаги ўзгаришлар жонли манзарасини тасаввур қилишга имкон беради. Бу даврда қишлоқдаги катта бой қўрғонлар зодагонлар истеҳкоми, кичик камбағал қўрғонлар эса паст табақадаги деҳқонларга хос эканлиги жамиятда жиддий табақаланиш мавжудлигининг ёрқин далилидар. Аммо Хива хонлигига то XIX аср охирларигача сақланган катта кунгирали (эски буржли қалъаларни эслатувчи) зодагонларнинг баҳайбат қўрғонлари декоратив жиҳатидан анча ўзгарганлиги ҳам кўзга ташланади. Давлат истеҳкомлари эса тамомила бошқача манзарани касб этади. Бундай ҳолат қадимдан сақланиб, кейин юксалиб кетган Гулдурсун, Қаватқалъя, Замаҳшар ва Шоҳсанам каби катта қалъалар мисолида кўз олдимиизда очиқ-ойдин намоён бўлади.


Ўша даврга оид обидалардан қазиб топилган сопол ва бошқа уй-рўзгор буюмлари ҳам Хоразм амалий санъатининг ўсиши давом қилаётганлигини тасдиқлайди. Ёппасига топилган бир хил рангли ва безакли, феруза сирли идишлар, сирти бўрттириб нақш берилган серҳашам безакли, кулранг ва қора, сирсиз идишлар билан бирга "Рей" ва "Кошон" шаклидаги кўп рангли қандил сопол буюмлари ҳам, токчалари, ярим устунлари, лой сувоfigа ўйма нақш берилган серҳашам бино намуналари ҳам бу ерда қадимий нафис санъат анъаналари нақадар кучли эканини кўрсатади.

С. П. Толстовнинг илмий фикрларича мўғул истилоси фақат ҳарбий қулдорлик ҳокимиятининг ўрнатилиши билангина кифоя қилиб қолмайди. Бу истилолар яқиндаги на муваффақият билан бартараф қилинган феодал тарқоқликка қайтишга, истилочиларга таянган ҳолда ўз халқига қарши иш тутувчи, келгиндиларнинг куч-қувватидан ўзининг тор шахсий манфаатларини амалга ошириш йўлида фойдаланувчи феодал зодагонлар, айниқса маҳаллий ҳокимлар ва хонлар мавқеининг мустаҳкамланишига, ярим қулдорлик тузумининг қайта тикланишига олиб келган эди.

ХИВА ХОНЛИГИ ВА ХИВАЛИКЛАР

Барча ёзма ва оғзаки ривоятларда асли Хива ва хиваликлар шажараси ниҳоятда узоқ тарихга эга эканлиги ва катта авлиёлар билан боғлиқлиги айтилади. Ажойиб тарихчи ва тожу тахт соҳиби Абулғозихон ўзининг "Шажараи турк" номли асарида Хива хони аждодларининг келиб чиқишини пайғамбарлар даври, ҳатто Одам сафиуллоҳгача олиб боради. Унинг таърифича, энг қадимий аждодлардан ота томони Ўғузхонга, аниг отаси Қорахон, аниг отаси Мўғулхон, аниг отаси Аланчахон, аниг отаси Куюкхон, аниг отаси Аблачахон, аниг отаси Тўтакхон, аниг отаси Турк, аниг отаси Ёфас, аниг отаси Нуҳ пайғамбар алайҳиссалом, аниг отаси Камак, аниг отаси Матушалаҳ, аниг отаси Идрис пайғамбар, аниг отаси Барот, аниг отаси Махлайил (Тавротдаги Михаил), аниг отаси Қайнон, аниг отаси Ануш, аниг отаси Шиш пайғамбар ва охирги ота Одамсафиюллоҳ, яъни Оллоҳ яратган Одам атога бориб тақалади.

Абулғозихоннинг онаси Меҳрибону хоним ҳам олий даражадаги авлиё зотларидан Жонғози сultonнинг қизи, аниг отаси Шерғози сulton, аниг отаси Султон Ғози, аниг отаси Хива тахти соҳиби бўлган Элбарсхон, аниг отаси Бурка сulton, аниг отаси Ёдгорхон, "Ёдгорхонда отамиз бирлан онамизнинг отаси қўшулур,— деб ёзди Абулғозий, — олти ёшга етгандা онамиз ҳақ раҳматига кетди. То ўн олти ёшгача Урганчда ота қўлинда бўлдук. Андин сўнг отамиз кадхудой қилди. Тоқи Урганчининг ярмини улуғ акамиз Ҳабаш сultonга ва ярмини бизга берди. Бир йилдан сўнг Ҳабаш ва Элбарс отли акаларимиз бирлан орамизда низо бўлди. Ул сабабдин тура билмай Хевақға отамиз катиға келдук". Демак, ҳазрати



Хива шаҳрининг умумий кўриниши

Паҳлавон Маҳмуднинг ҳам катта авлиё сифатида буюк аждодлар шажарасига қўшилиб, янги хонлик ва сулоланинг ҳомийси қилиб тан олиниши бежиз бўлмаган.

Мазкур ривоятда келтирилган номлар баъзи тарихий шахслар билан боғлиқ бўлибгина қолмай, ҳаттоқи қадими Месопотамия ва Шумер, Таврот ва Инжилдаги образлар билан боғлиқлиги диққатга сазовор. Хонликнинг пойтахти Хива (Хевақ)нинг пайдо бўлиши ва унинг ҳомийси энг кейинги авлиё Паҳлавон Маҳмуд билан боғлиқ воҳада кенг тарқалган ривоятларда ҳам ўз ифодасини топганлиги муҳим аҳамиятга эга.

Хива тўғрисидаги тарихий маълумотлар дастлаб илк ўрта аср манбаларида учрайди. Уни биринчи марта X аср муаллифи Истахрий тилта олади. Ўша давр географ олими Мақдисий ҳам шундай хабар беради: Хива йўл чеккасида жойлашган. Бу катта шаҳар бўлиб, канал қирғозидадир, у ерда ҳашаматли Жоме мачити бор. Макдисий яна шундай ёзади: Ҳайвоқ ёки Хивақ-Хоразм ҳудудидаги шаҳар ва қалъя. Улар ўрталарида 15 фарсах масофа бор, Хоразм аҳолиси уни Хива деб атайдилар. Кейинчалик Хивага оид анча қизиқарли маълумотлар Низомиддин Шомий (XIV аср), Абураззоқ Самарқандий ва Мирхонд (XV аср) асарларида учрайди. Кейинги асрларда Хива тўғрисида маҳаллий, рус ва чет эллардан келган муаллифларнинг турли асарларида ҳар хил маълумотлар келтирилган.

XIX аср бошларида пайдо бўлган Худойберди ибн Қўшмуҳаммад Хевақийнинг "Дилгарийиб" номли асарида Хива тарихига оид айрим маълумотлар диққатга сазовор. У Хоразм шаҳарларини таърифлаб, шундай баён этади: Бу мамлакат қалъаларидан яна бир Қалъя Рамлдир. Унга Сам ибн Нуҳ томонидан асос солинган бўлиб, Хейвак номи билан машҳурдир. Яна айтадиларки, бу сўзда (Хевак) ҳазрат Паҳлавон Маҳмуд Вали ўлими тарихи яширган. Шундай қилиб, у тарихда шаҳарнинг номи бўлиб қолган.

Қалъанинг олдинги номи эса Рамл бўлиб, "қўм билан тўлган жой", деган маънони англатади. Кунларнинг бирида Ибн Нуҳ овдан кейин шу ерда ётиб қолади ва уйқуга кетади. Уйқусида у туш кўради. Гўёки, уни уч юзта олов турли томондан қуршаб олган эмиш. Яхши кайфиятда уйғонган Сам Ибн Нуҳ ўзидан ёдгорлик қолдиришга қарор қиласди. Бу жойга тупроқ тўлдириб шаҳар қуради. Кейин-

ги келишида эса уни қалъа деворлари билан ўраб, ғарб томонида булоқ оқизади... Айтишларича, Хевак кейинчалик кўп марта харобага айлантирилган ва қайта тикланган. Ҳозирда эса у жуда кўркам. Шаҳари унча катта бўлмаган, ҳозир эса уни бир вақтлар беш-олти таюб жойни эгаллаган кўл эвазига кенгайтирганлар.

Мазкур баёнотда икки нарсага эътибор қилиш зарур: биринчидан шаҳарнинг энг қадимий даврларда пайдо бўлганлигига шама қилиниши (масалан, ҳалқ афсоналарида-ги таврот образлари билан боғлиқ Сим ва Нуҳ даври); иккинчидан, археологик кашфиётлар исботлаган Хиванинг қурилиши тарихига анча тўғри келиши (шаҳарнинг қумтупроқ устида қурилиши) каби маълумотлар мухим аҳамиятга эга. Бу мазмундаги ҳалқ орасида тарқалган афсона ва ривоятлар ҳам Хива шаҳрининг пайдо бўлиши ниҳоятда узоқ тарих билан боғлиқ эканлигини тасдиқлайди.

Хиваликларнинг таърифича, қадим даврларда бу шаҳар ўрнида чўл (дашт) бўлган ва бу ердан Марвдан Хоразм пойтахти Кўҳна Урганч (Гурганж) га олиб борадиган савдо йўли ўтган. Ҳозирги Ичонқалъа ўрнида битта қудуқ бўлган, унинг номи Хевак дейилган. Хиванинг пайдо бўлиши ҳам шу қудуқ билан боғлиқ эмиш. Ҳозиргача кимки Хивага келмасин, уни ўша қудуқ жойлашган ҳовлига олиб борадилар. Бу тарихий обида Ичонқалъада Мадраим Сайдовга қарашли уйнинг ҳовлисида авайлаб сақланиб келмоқда ва ҳозир ҳам "Хевак" деган номда бўлиб тарихи тиниқ чучук сувли машҳур қудуқ. Шу қудуқ номи билан шаҳар аталган, дейишади. "Хевак" атамасининг ҳам қадимилигини инобатга олиб, шаҳар тарихи узоқ даврларга оид, деган фикрни ахборотчилар қайта-қайта айтардилар.

Шуни ҳам эътиборга олиш зарурки, мазкур афсоналарда шаҳарнинг келиб чиқишини асослашда чўлу-биёбондаги сув манбаи-қудуқ билан боғланиши ва унинг теварагида одамлар пайдо бўлиши минтақадаги табиий шароитга тўғри келиши ҳам ҳақиқий манзарани тасвирлайди. Тадқиқотлар шуни кўрсатадики, ҳақиқатан ҳам Ичонқалъанинг қурилиши заминида қум қатламлари мавжудлиги аниқланган.

Хиванинг ёшини аниқлаш мақсадида ўтказилган тадқиқотлар анча самарали натижалар берган. 1984—85 йилларда Ўзбекистон Республикаси Фанлар Академиясининг Қорақалпоқ филиали олиб борган археологик қазишмалар Хиванинг ҳозирги ўрнида эрамиздан аввалги бирин-

чи минг йиллик ўрталарида деҳқончилик ва ҳунарманчиллик билан шуғулланувчи аҳоли яшаганлигини исботлайди. Бу ерда ҳар хил ноёб буюмлар — хум парчалири, қадаҳлар ва бошқа ашёлар, қурилиш иншоотларининг қолдиқлари, айниқса Хоразмнинг антик даврига оид хом ғиштлар ва тўғри бурчакли квадрат шаклидаги минорали деворлар билан ўралган Ичонқалъа эрамиздан аввалги IV—III асрларда пайдо бўлганлигини аниқ кўрсатади. Хивадан 15—17 км шимолий-ғарбда қад кўтарган қалъаларнинг харобалари ҳам ўша даврги оид. Кушон даврида (I—IV асрлар) ҳаёт Ичонқалъа ташқарисида давом этган. Атоқли ўзбек олими Я. Ғ. Гуломов ўтказган тадқиқотлар ҳам Ичонқалъа ва унинг теварагида ҳаёт бўлганлигини тасдиқлайди. Кейинги қазишмалар натижасида Ичонқалъа ҳудудида қадимги қалъа деворлари ва сопол идиш топилмалари ҳатто эрамиздан аввалги V—IV асрларга оид эканлиги аниқланган.

Ичонқалъа ва Дешонқалъа деворлари кейинроқ қайтадан тикланган. VI—VII асрларда бу ерда ҳаёт анча жонланган, теварак-атрофдаги ерлар ўзлаштирилган. Хива ҳудудидаги қадимги деворлар атрофида Хоразм ўтроқ деҳқончилик билан шуғулланган аҳолининг ҳовли типидаги уйлари ва феодал қасрларининг харобалари яқин даврларгача сақланган. Шу даврга оид Оқшихбобо ва унинг жанубий-шарқий қисмидаги квадрат шаклидаги қаср харобалари бунга мисол бўла олади. Тарихий манбаларга қараганда, IX—XI асрларда Қўҳна Арк ҳудудида, Оқмачит ва Полвон дарвоза атрофларида ҳаёт давом этган. Хиванинг янгидан гуллаб яшнаши, айниқса унинг ғарбий ва марказий қисмida ҳаётнинг жонланиши XII—XIII асрларга тўғри келади.

Мўғуллар истилосидан кейин шаҳар бир неча марта талон-торож қилинишига қарамай, ҳаёт унда давом этиб, айrim иншоотлар қурилган. Чунончи Ичонқалъа доирасида Шоқаландарбобо манзилгоҳи ва Шоҳимардон карвонсаройи вужудга келган. Хива шаҳарининг деворлари XIII асрнинг иккинчи ярмида емирила бошлаган эди. Кейинги аср охирларида қалъа деворлари таъмирланиб қайта тикланди. XV—XVI асрларда шаҳарда ҳаёт бироз сўна бошлаган эди, бироқ Хива хонлиги ўрнатилиши ва пойтахтнинг бу ерга кўчирилиши билан Хива чинакам равнақ топа бошлайди, унинг майдони кенгаяди, Ичонқалъа деворлари янгидан қурилади, ҳашаматли бинолар пайдо бўлади.

Мўғуллар истилоси ва улар ўрнатган зулм нақадар оғир бўлмасин, ҳалқ ижодкорлиги ва бунёдкорлиги сўнмаган. Мўғуллар келтирган оммавий харобаликдан кейин ҳам узоқ ўтмай Хива ва унинг теварагида аввалги меъморчилик анъаналари янги гоялар, янги техникавий ва бадиий услублар билан бойиб, ривожланиб бораверади. Аммо XIV асрларда бу ерда бутун Мовароуннаҳдагидек ҳокимият учун мўғул хонлари ва маҳаллий ҳукмдорлар ўртасида қизғин ўзаро курашлар давом қилиб турар эди. Ана шундай вазиятда Ўрта Осиё тарихи саҳнасида янги йирик шахснинг пайдо бўлиши бутун Марказий Осиё ва хиваликлар ҳаётида катта роль ўйнаган эди. Бу улуғ шахс жаҳонни ларзага келтирган машҳур Амир Темур эди. У Мовароуннаҳр, Олтин Ўрда ва Хурросонда авж олиб кетган ўзаро феодал урушларининг олдини олди. Темур Мовароуннаҳни бўйсундириб, давлатни янада кенгайтирди. Буюк Жаҳонгир 1379 йили Хоразмнинг Жанубий қисмини давлатига қўшиб олади ва кейинги ғолибона юришларида Темур 1388 йили катта қўшин билан кўҳна Хоразм пойтахти Урганчни қамал қиласи ва шу билан бутун ўлкани қудратли янги империяга қўшади.

Шуни ҳам алоҳида қайд қилиш лозимки, буюк саркарда ва давлат арбоби Амир Темур ўзининг юришларида имкон борича қон тўкиш тарафдори бўлмаган. Амир Темур Кўрагоний жангномаси деб аталмиш ноёб асар "Темурнома" да бир ривоят келтирилган. Унда қуйидагича ҳикоя қилинади: қирғинбарот жанглари курашаётган икки томон учун ҳам бирдек қон тўкиш деган гап. Айниқса, жанг бир диндаги кишилар ўртасида бўлса, бу кечирилмас хатодир. Амир Темур билан Султон Аҳмад яккама-якка олишаётганда, ғойибдан пайдо бўлган бир қўл уларни ҳавога кўтариб: "Эҳ, густоҳлар, икки мусулмон на учун низо қилурсиз", деб дашном беради. Дин аҳлиниң аралашуви билан низо сулҳга тортади, Султон Аҳмад Бағдодга амир қилиб қолдирилади. Умуман, "Амир Темурнинг юришларида,—деб мулоҳаза қиласи "Темурнома" га ёзган сўзбошида ўзбек олими Поён Равшанов,—бир хусусият кўзга яққол ташланиб турадики, у мумкин қадар шуни жанггача олиб бормаслик пайдидан бўлади. Уни яхшилик билан қарши олган мамлакат ҳокимларини ўз ўрнида қолдиради, уларга муравват кўрсатади. Аксинча, гапида турмаган, сотқинлик йўлига кирган, рақиблар билан тил биритирган юрт эгаларини у аёвсиз жазолаган, бадарға қилган."

Амир Темур ўлимидан кейин катта империяда таҳт талашишлар ниҳоятда кескинлашиб кетади. Мустақил бўлиб олишга ҳаракат қилаётган Темур авлодлари, маҳаллий амалдорлар орасида тинимсиз курашлар, алғовдалғовлар империянинг тинкасини қуритиб, бутун ўлқадаги катта-кичик мулкдорлар орасида низоларни кучайтирган. Бундай оғир вазиятни бошидан кечираётган Мовароуннаҳр, шу жумладан Хоразм ҳам XV аср бошлиридан Даشت-қипчоқ томондан келган кўчманчи қабилалар ва элатлар томонидан босиб олинади.

Дастлаб Хоразмга Олтин Ўрда хони Ўзбек Урганч амири қилиб қўнгирот қабиласидан чиққан жияни Қутлуғ Тёмурун тайинлайди. Унинг билан Хоразмга келган турк-қипчоқ қабила вакиллари маҳаллий этник группалар билан аралашади. XIV асрнинг 90-йилларида бу ерга қипчоқлар оммавий равишда кўчиб келиб, ўрнашиб маҳаллий аҳолига сингиб кета бошлаган эди.

Айниқса, XVI аср бошлиридан Хоразмга, шу жумладан Хивага, Абулхайрхоннинг набираси Шайбонийхон ўзбеклари кўплаб кўчиб келиб жойлашганлар. 1511 йилда Беркахоннинг ўғиллари Элбарс ва Билбарс номли ўзбек сultonлари "ўз уйлари ва одамлари" билан Сирдарё бўйларидан олдин Орол денгиз соҳиллари томон ва Амударё ҳавzasига, кейин бутун Жанубий Хоразмга тарқалиб ўрнашадилар. Муҳаммад Шайбонийхон ўз қўшинлари билан дастлаб 1499 йили Зарафшон водийсида пайдо бўлган эди. Сўнгра 1504 йилда Хоразмга юриш қилиб Урганчни ўн ой муттасил қамал қишиб, урганчликларнинг мардонавор мудофаасига қарамай таслим қилдирган. Кейинги юришлари натижасида бутун Мовароуннаҳр ва Хурсонни ўзига бўйсундирган.

Аммо Эрон шоҳи Исмоил I томонидан зарбага учраган Шайбонийхон Марвга чекинади. Мурғоб дарёси бўйида Шайбонийхон қўшинлари билан эронликлар орасида қаттиқ жанг бўлиб, алданиб қуршовга тушган ўзбеклар мағлубиятга учрайди. Шайбонийхон шу жангда ҳалок бўлади.

Шайбонийхоннинг жияни Убайдуллахон ўз қўшинлари билан 1513 йилда Мовароуннаҳрга бостириб кириб, деярли жанг қилмасдан Самарқандни эгаллайди. Унинг ўғли Абдулазизхон Бухорода ўз Ҳукмдорлигини ўрнатади (1540—1549). Ўша вақтдан бошлаб, узил-кесил ўзбеклар қўлига ўтган Самарқандда 1540—1551 йиллар

ўзбекларнинг улуғ хони унвони билан Абдуллатиф тахтга ўтиради. Шундай қилиб бутун Мовароуннаҳр ва Хоразм Шайбонийхон ва Абулхайрхон авлодлари орасида бир неча қисмга бўлиниб кетган. Ўша вақтда Шайбонийлар тахти отадан ўғлига эмас, балки хон авлодидагиларнинг ёши ва мавқеига қараб мерос бўлиб ўтар эди.

Хоразмга Элбарсхон билан келган қабила ва элатлар орасида найманлар, уйғурлар ва дўрманлар борлиги тўғрисида Абулғозихон хабар беради. "Улуғ тўй қилиб ўзбек ва сарт барчаси йиғилиб,—деб ёзди у,—иттифоқ бирлан тарих тўққизуз ўн бирда (1505) Элбарсхонни хон кўтардилар...Ўзбекнинг эви ва эли йўқ. Бир ерда қарор қилиб турмас. Беш-ўн кундан сўнг Вазирни талар ва чопар-да, қайтур-кетар... Урганчдан ўзбек юрт-овули келиб Хевакни чопар эркандур...Андин сўнг Хевак, Хазорасб ва Катни олишиб Хурносонга отланиб човуб туурлар. Ул вақтда Хурносон этаки то Астрободгача Урганч подшоҳларина таалуҳ эрди. Ани тоқ бўйи, Урганчни сув бўйи дерлар эрди... Пўлат султон Хевақда ва Темур Султон Хазорасбда эрди. Хазорасбнинг ўзбекин ва сартин қуба тақдим юқори Ултурғон ўзбекни ва сартни барчасини Хевакга келтурди... Хевакда сипоҳидин олтмиш киши, Урганчда қирқ киши бор эмиш".


Мазкур маълумотлар Хивадаги нафақат сиёсий аҳволни, муҳими унда яшовчи аҳолининг этник қиёфасини аниқлашга ёрдам беради. Бошқа тарихий манбалар ҳам Абулғозихон маълумотларини тасдиқлади. Хоразмга келиб жойлашган ўзбеклар дастлаб Вазирни, кейин Урганч, Хива, Хазорасп, Катни эгаллаб мустақил хонликлар тузадилар. Аммо ўша даврда улар ўртасида ҳокимият учун кураш бошланиб, қўшни ўлкалар — Хурносон, Астробод, Каспий бўйи, чунончи Манғишлоқ ва бошқа ерларга узлуксиз юришлар қилиб турганлар. Абулғозий ва бошқа манбаларнинг хабар беришича, XVI асрнинг иккинчи ярмида Хоразмга келиб жойлашган турли уруғқабилалар мамлакатда ўз ҳукмдорлигини ўрнатишга интилганлар. Уларнинг асосий этакчи гуруҳлари найманлар, уйғурлар, дўрманлар бўлган ва уларнинг бийлари ҳам иноқлари илгаригидай у ёки бу султон ёки хоннинг ҳокимиятини эгаллашида фаол ҳал қилувчи роль ўйнаганлар, ҳалқ оммаси эса навкарлик вазифасини бажарган. Абулғози Оқтой хоннинг навкарлари орасида дўрманлар бўлганлигидан хабар беради. Урганч учун

ўтган жангда Эш Султон Хўжамхон (1558—1602) томонида бўлган ва асир тушган уйғур ва найманларни ўлдириб юборган. Хивага қайтиб келгач ўз қўшини таркибидаги уйғур ва найманларнинг ўрнига дўрманларни тайинлаган. Аммо айрим уруғ зодагонлари юқори мансабда бўлганлар. Оқтой хоннинг ўғли Пўлат султон даврида Инзибий исмли уйғур султон номидан давлат ишларини олиб борган. Аванишхоннинг ўғли Али Султон ҳукмронлик қилган вақтда найманлардан Муҳаммад исмли бий Али ўғли Санжарга берилган Нисани 25 йил бошқарган. Худди шундай воқеалар кейин ҳам Араб Муҳаммадхон (1602—1622) ва Исфандиёрхон (1623—1643) вақтида содир бўлганлигини тарихий манбалар хабар беради. Хуллас, айрим уруғларнинг қатағонликка учрашидан қатъи назар, илк Хива хонлари даврида уйғурлар, найманлар, дўрманлар етакчи роль ўйнаб келгандар.


Аммо XVII асрнинг иккинчи ярмидан бошлаб мазкур қабилалардан ташқари ўзбекларнинг Амударё қуи оқимига жойлашган бошқа уруғ-қабила туркумларининг фаоллиги кучая бошлаган. Шу билан бирга шимолишарқдан, Сирдарё қуи оқими томонидан Амударё ҳавзасига ўзбекларнинг янги тўлқини кела бошлайди ва бу ерда ўзбек аҳолиси келаётганлар ҳисобига ортиб, қўнғирот, қипчоқ, қанғли ва манғитлар сони анча кўпаяди.

Абулғози Хива хонлигига яшовчи ўзбек уруғи ва қабилаларини тўрт гуруҳга бўлади: 1) уйғур ва найман; 2) қўнғирот ва қиётлар; 3) нукуз ва манғитлар; 4) қанғли ва қипчоқлар. Мазкур гуруҳларга у бир неча майда қабила вакилларини ҳам киритган. Бундай гуруҳларнинг номи 14 та бўлиб, шулардан жалоир ва али-элилар қиётларга қўшилган, кенегаслар нукусларга, хўжаэлилар манғитларга, дўрманлар, юзлар, минглар уйғурларга, саидлар найманларга қўшилган. Хивада ўзбеклар гуруҳига кирган қўнғиротлар ва хитойлар жуда озчиликни ташкил қилган. Аммо пойтахт атрофида, барча асосий қабилаларнинг вакиллари учрайди, айниқса қўнғирот, дўрман ва найманлар кўпроқ жойлашган.

Барча тарихий манбаларда ва этнографик тадқиқотларда хиваликларни этник жиҳатдан икки гуруҳга бўлиб таърифлайдилар. Булар ўтроқ қадимий аҳолиси — сарт-



Ислом Хўжа минораси



Хива хонининг қабулхонаси

лар ва келгинди, лекин ўтроқ аҳоли билан аралашиб кетган уруғ-қабилали ўзбеклар. Сартлар, кўпчилик тадқиқотларда қайд қилинганидек, Ўрта Осиё шаҳарлари ва қалъяларида истиқомат қилиб, деҳқончилик, ҳунармандчилик ва савдо-сотиқ билан шуғулланиб келган ўтроқ аҳоли. Атоқли шарқшунос академик В. В. Радлов таърифича, "сарт" атамаси асли санскрит сўзидан келиб чиққан бўлиб, савдогар, карвонбоши деган маънени англатади. Унинг фикрича сартлар, шу жумладан Хива сартлари ҳам Ўрта Осиё халқларининг эронзабон туб аҳолисининг авлоди, қадимий туроңликларнинг турклашган элати. Улар ўзларининг уруғчилик номларини мутлақо сақлаб қолмаган. "Сарт" сўзи ўрта аср муаллифларининг асарларида ҳам учрайди. Юсуф Хос Ҳожиб ва Маҳмуд Қошғарий "сарт" сўзини "савдогар"маъносига таърифлайдилар. Мўғуллар ҳам дастлаб мусулмон савдогарларини, Ўрта Осиёни босиб олган турклар ҳам маҳаллий шаҳарликларни "сартлар" деб номлаганлар. XIII асрда Хоразмни босиб олган мўғуллар маҳаллий аҳолини ва мовароуннаҳрлик савдо ва ҳунармандчилик билан шуғулланувчи аҳолини сартовул, сартактой, сартокти, деб атаганлар. Мўғуллар тилида Ўрта Осиё сартларини "хотон", яъни "шаҳарлик", "ўтроқ" деб номланиши ҳам диққатга сазовордир. XVI асрларда Мовароуннаҳрни, шу жумладан Хивани ҳам босиб олган

шайбонийлар ўзларини "ўзбеклар", маҳаллий туб аҳоли-ни "сартлар", деб атаганлиги маълум.

Хива хонлиги аҳолисининг этник тузилиши тўғрисида муҳим маълумотлар рус саёҳлари ва дипломатик вакилларининг ёзган асарларида ҳам келтирилган. 1793 йили Хивага дипломатик топшириқ билан келган майор Бланкенагель шундай деб ёзди: Умуман Хива ерининг аҳоли сони 100.000 жондан кўп деб тахмин қилиш мумкин. Шулардан ўзбеклар 45700, сартлар 15000, қорақалпоқлар 10.000, ёвумутлар 5—6000, қолганлари эса асир тушган қуллар бўлган. Шу ердаги қадимиј аҳоли сартлар ўзбекларга тобе эдилар ва эккан ҳосилининг кўп қисмини уларга тўлардилар.

Хонликда ҳукмрон ва имтиёзли ҳарбий табақа сифатида ўзбеклар солиқ тўлаш мажбуриятидан холи бўлганлар, сартларга эса бутун солиқ оғирлиги юкланган. Тахт учун кураш тўхтовсиз бўлиб турганини таъкидлаб, Г. Я. Килевейн: "Ўтган юз йиллик охирларида биринчи марта хон унвонига сазовор бўлган Элтузаргача сартлар ўзбекларнинг зўравонлигига бардош бериб келдилар. Элтузархон барча ўзбек иноқлари ёки шаҳарнинг бошқа майда ер эгаларини ўз ҳокимијатига бўйсундирганидан бошлаб олий давлат мансабларидан ўзбеклар узоқлаштирилиб, сартлар тайинлана бошланди. Сартлар, қушбегидан ташқари, барча олий лавозимларни эгаллайдилар", — деб ёзган. Унинг таърифича, бу ерларнинг қадимиј аҳолисини улар сартлар ва тожиклар деб атайдилар, бу савдогарлар ва оддий одамлар деганидир. Н. Муравьев эса сартларни "шу ўлканинг ҳақиқий ва қадимиј эгали-ри", деб атайди. Хива хонлари архивида топилган ноёб ҳужжатларда Хива ва хиваликларнинг этник тузилишига оид қимматли материаллар мавжуд.

Этнографик тадқиқотлар ҳам Хивадаги маҳаллий аҳолининг таркибида турли элатлар борлигини тасдиқлайди. Нафақат ёзма манбаларда, дала материаллари ҳам сарт ва ўзбекларни ажратиб, уларнинг ташқи қиёфа-сида, яъни антропологик тузилишида ва хўжалик фаолијати, маданияти ҳам майший турмушида айрим фарқ борлигини қайд қиласидилар.

Кекса хиваликлар ҳам хонлик даврини эслаб, келгинди ўзбек элатлари билан маҳаллий сартлар орасидаги фарқни ўзича талқин қиласидилар. Уларнинг таърифича, илгарила-

ри, бу ердаги ўзбекларни ўзбек эмас, балки "ороллар" деб номлаганлар. Инқилобга қадар улар Ойбўғир ва Орол денгизи ўртасидаги бир оролда яшаганлар, шунинг учун "ороллар" деб ном олганлар. Ороллар бу уруғ ёки халқ эмас, балки лақабдир... Урганч, Хива, Хонқа ва Ҳазораспда инқилобдан аввал "қора сарт" деб аталган халқ яшаган. Кейин ороллик ўзбеклар ҳам, қора сартлар ҳам "ўзбек" деб атала бошлаган.. К. Л. Задихинанинг ёзишича: "Хонлик даврида Гурландан то жануб қадар, Питнак, Ҳазорасп, Хива, Шаббоз аҳолиси — Нукус, Манғит, Гурлан, Қипчоқ, Қўнғирот, Хўжайли, Қўҳна Урганч, Чимбой аҳолисини "ороллар" деб атаганлар ва ҳисоблаганлар. Агардà кишиларнинг катта йиғини ёки маъракаси бўлса Гурландан юқориси то Дарғонотагача сартларнинг битта улкан маъракаси бўлган, Тўқмоқдан то Гурлангача бошқа бир гуруҳ ороллик ўзбекларнинг улкан маъракаси ўтган... Хонқа, Хива, Ҳазорасп шаҳарлари аҳолиси доимо бир жойда ўтроқ ҳолда яшаганлар. Қўнғирот ўзбеклари эса Турқистон бўйлаб кўчиб юрганлар".

Ўзбек элатларининг ўтроқ ҳолатга ўтиши анча узоқ давом қилиб келган. Этнографик ва тарихий маълумотларга қараганда, Хива хонлигида то XX аср бошларигача ўзбеклар ўтроқлашган турмуш тарзига ўтса-да, пахса уйлар билан бир қатор эскича кигиз ўтов (қора уй)ларда ҳам яшаганлар. Маълумки, кейинги Хива хонлари ҳам Тошҳовли ичиде маҳсус ўтов ўрнатганлар. Этнографлар қайд қилганидек, суғорма деҳқончилик билан шуғулланувчи туб аҳоли — "сарт"ларнинг келгинди ўзбекларга таъсири шунча зўр бўлганки, асrimiz бошларида улар, айниқса хонликнинг жанубий қисмида, қўчманчилик анъаналарини деярли йўқота бошлаганлар. Ўтроқлашиш жараёнида улар маҳаллий аҳолидан суғориш деҳқончилигининг мураккаб тартиб-қоидаларини ўргана бориб, ўз навбатида бу ҳолат "сартлар" ва "ўзбек"ларнинг даставвал хўжалик, кейинчалик эса маданий-маиший жиҳатдан яқинлашишига олиб келди.

Хива воҳасининг жанубий қисмидаги ўтроқлашган ўзбеклари шимолдаги уруғларига нисбатан тезроқ уруғ-қабилавий бўлиншиларини унута бошладилар, аммо ўзларининг "ўзбек" номини сақлаб қолдилар.

Г. И. Данилевскийнинг ўтган асрнинг биринчи ярмига оид этнографик маълумотлари диққатга сазовор. Унинг таърифича, ўзбеклар асосан Хива хонлигининг шимолида кўпчиликни ташкил қилган ва у келтирган хонликдаги

25 та шаҳарнинг фақат б тасида ўзбеклар яшамайди, уларнинг аҳолиси фақат сартлардан ва форслардан иборат, деб кўрсатилади. Хивадан шимолда жойлашган 8 та шаҳарда: Гурлан, Бофот, Қипчоқ, Қтай, Кўшкўпир, Қўнғирот, Мангит, Хўжайлида фақат ўзбеклар ёки кўпчилиги ўзбеклардан иборат бўлган аҳоли яшаганлиги қайд қилинган; 8 та шаҳарда эса "сартлар" билан ўзбеклар яшайди, 3 та шаҳар аҳолиси тўғрисида маълумот йўқ, деб хабар беради ўша муаллиф.

Шу муносабат билан 1897 йили Чор ҳокимияти томонидан Россия империясида ўтказилган биринчи аҳоли рўйхати туфайли тўпланган жуда қизиқарли этник маълумотларни эслаш зарур. Ўша рўйхатда тилга олинган туркӣ халқлар ичидаги сартлар бутун империяда 968,7 минг кишини, ўзбеклар эса 726,5 минг кишини ташкил қилган.

Таниқли ўзбек олим академик Я. Ғуломовнинг таърифича, асримизнинг бошларига келиб Хоразмда ўзбек уруғ-қабилалари қўйидагича жойлашган: қўнғирот ва қтайлар Гурлан ва Шовот туманларида, мангитлар Гурлан ва Анбар-Манақда, Қиётлар Шовот туманида, қипчоқлар Урганч ва Қўшкўпир туманларида, дўрманлар Урганч ва Анбарманақда, хидирэли Урганч ва Хивада, тами Хонқа, Бофот ва Янгиариқ туманларида жойлашган. Найманлар асосан Питнакдан тортиб то Янгиариққача ва Урганч шаҳри атрофигача, Хазорасп туманинг катта ҳудудда тарқалганлар. Уйғурлар ҳам кўп туманларга тарқалиб жойлашганлар. Амударёнинг ўнг қирғоғидаги Хўжакўлдан тортиб Кўкўзаккacha бўлган барча ерлар қанғли-қипчоқларга қарашли бўлган. Улар билан ўн тўрт уруғ-қабилалар ўрнашган. Бундан ташқари, Хива атрофида турли уруғ-қабилалардан ташкил топган унча катта бўлмаган этник-гуруҳлар ва қабила вакиллари жойлашган. Айниқса қиётлар билан қўнғиротлар Хивадан Янгиариққача бўлган катта ҳудудни эгаллаганлар.

XVIII асрнинг охири XX асрнинг бошларида Хива хонлигига юқори мансабларни эгаллаб олган Қўнғирот иноқлари ўртасида кескин кураш бўлиб турган. Бу кураш асли таҳтиш бўлиб, асосан бир томондан Элтузар хон, кейинчалик Муҳаммад Раҳим ва иккинчи томондан Тўра Мурод сўфи ва Хўжамуродлар орасида олиб борилган. Оқибатда Муҳаммад Раҳим ғалаба қозониб, Қўнғирот сулоласи ҳокимият тепасига келиб, мустаҳкам ўрнашиб олгач, Хива хонлигининг шимолий ва жанубий қисмлари бирлаштирилди. Мазкур сулола вакиллари ўз

ҳокимиятини мустаҳкамлашда табиийки ўзбекларнинг асосий уруғ-қабила зодагонларига таяниб иш кўрганлар. Муниснинг хабар беришича, Муҳаммад Раҳимхон томонида қипчоқ, кенагас, қўнғирот, қиёт, нукус, манғит, жолайир, қатағон, найман, қанғили уруғларининг вакиллари бўлган.

Хонликда ўзбекларнинг мустаҳкам ўрнашиб олиши бу ерда ўзбеклар таъсирининг кучайишига олиб келди, оқибатда, тадқиқотчиларнинг қайд қилишича, "ўзбекномининг ўзи бора-бора Хива хонлигида яшовчи аҳолининг барчасига нисбатан ишлатила бошлади". Ҳозирги Хоразм, жумләдан, Хивада ҳам, ўзбек қабилалари маҳаллий уларда уруғ-қабилавий бўлиннишлар ва турмуш тарзи мутлақо йўқолиб кетган. Аммо В. В. Бартольд қайд қилганидек, Хоразм ўзбекларининг этник қиёфасида, тилида ва майший — маданий турмушида ўзига хослик сақланиб қолган.

ХИВАЛИКЛАРНИНГ АНЪАНАВИЙ ХЎЖАЛИГИ ВА МАШҒУЛОТЛАРИ

Хива хонлигининг қўнғирот сулоласи ҳукмронлигига бирлашуви ва кейинги равнақи тасодифий эмасди. Шу муносабат билан янги сулоланинг ҳомийси сифатида авлиё даражасига кўтарилиган ҳазрати Паҳлавонпирнинг танланиши ҳам табиий ҳолат эди, деса бўлади. Чунки буюк мутафаккир шоир Паҳлавон Маҳмуд ва ундан кейинги улуғ сиймолар Мунис ва Ҳофиз Хоразмийлар ҳам, сўнг Огаҳий ва Баёний ҳам бу ўлканинг энг фожиали ва оғир аҳволдаги мӯғуллар истилолари, хонларининг ўзаро таҳт талашувлари туфайли таназзулга учраб, эл бошига тушган чексиз мусибатлар, вайроналиклар, руҳий ва маданий тушкунлик вақтида шеърият ва илм маърифат осмонида ярқираган юлдузлар эди. Хива хонлиги ташкил топганидан кейин энди куч-қувватга кириб юксалаётган даврда янги давлат мафкуравий жиҳатдан ёрдам берадиган ҳомийларга муҳтож эди. Бундай шахс элда обрўли ва севимли халқпарвар шоир Паҳлавон Маҳмуд эди. Хива шаҳрининг ҳомийси деб танилган бу авлиё халқ ғамини ўзининг бош вазифаси деб билганлиги учун ариқ ўтказиб сув берган, Хива яқинида Чингизхонга қарши урушда ҳалок бўлган паҳлавонлар қабри устида

мақбара барпо этган, асирга тушган хоразмликларни озод қилган.

Хива ва унинг атрофида яшовчи аҳоли ўзининг икки ярим минг йиллик тарихида доимо деҳқончилик, ҳунармандчилик ва савдо-сотиқ билан шуғулланиб келган. Академик Я. Ф. Ғуломовнинг одилона ёзганидек, "Хоразмда деҳқончиликнинг юқори маданияти жуда қадим замонларда сунъий суғориш асосида вужудга келган ва худди Миср, Месопотамия ҳамда Шарқнинг бошқа мамлакатларидек тараққий этган".

Хоразм учун XV—XVIII асрлар ва кейинги асрнинг биринчи ярми жуда оғир давр бўлган. Бу мамлакатда тўхтовсиз ўзаро қонли курашлар, муңтазам равишда олиб борилган босқинчилик юришлари ўлканинг тинкасини қуритиб, кўп қурбонларга сабаб бўлган.

Агар қисқа муддат ичida, Абулғозихон (1643—1663) ҳукмронлик қилган вақтда бир оз иқтисодий-маданий жонланишини инобатга олмагандан XVIII аср бошларига келиб хиваликлар чуқур сиёсий инқизорзни ва иқтисодий тушкунликни бошидан кечираётган эди. XVIII асрнинг 30—40 йилларида Хива тахтида бир неча хон алмашиб, кейинги йиллар ҳам таҳт қўлдан-қўлга ўтиб турган. 1763 йилдан бошлаб қудратли Кўнғирот иноқлари соҳта хонларни қўйиб давлатни бошқара бошлаган. Мана шундай вазиятда Хива тахтида қўнғирот сулоласининг дастлабки вакилларидан Эшмуҳаммад ўғли Муҳамма Амин давлатни қўлга олган эди.

Тарихий маълумотларга қараганда, Муҳаммад Амин Иноқ таҳтга келгунга қадар Ҳивада бир неча йил ёвмуттуркман феодаллари ҳукмронлик қилганлар. Улар билан маҳаллий ўзбек амалдорлари орасида давлатни қўлга олиш учун бўлган курашлар натижасида мамлакат вайрон қилинган, кенг халқ оммаси оғир аҳволда, очлик ва қашшоқликда яшаган. Муниснинг ёзишича, "Муҳаммад Амин Иноқга қўшилгунча бир йилда 53 марта ёвмут сипоҳи билан уришдилар... Ёвмутнинг зулм ва тааддиси ҳаддан ўтиб, қалъа-қалъага рафтомад қила олмадилар. Бу жиҳатдан Хоразм диёрида қаҳат ва фило шойиъ бўлди. Тоун ва вабо воқиъ. Аксари маориф ва машоҳир, балки фуқаро ва раоё маҳалла-маҳалла ва қабила-қабила жало ихтиёр қилиб... атроф ва ақтори оламга муңтазир бўлдилар. Ҳусусан, Бухоро Жонибиға мусоғирот кўргизиб, жуъ (очлик) балосидан қутиладилар. Қочмоққа қудрати етмаган халқ авлодин қозоқ ва қорақалпоққа сотиб нафақа

қилдилар. Ёвмут дағи ўғирлаб сота бошлади. Аксари қулов (қалъалар) ва билод (шаҳарлар) хароб бўлиб, кентлар ва мазраъалар бешава чангалистон ва кулот ерлар найистон бўлди. Хивақнинг олий иморатлари муиҳадим бўлиб, ўрнига сўксўк ва юлгин кўкарди. Вахший жониворлар одамийзодга қойилмақом бўлди. Анингдек обод шаҳарда 40 уйлик роият қолди. Баъзидин эшитдимку, 15 уйлиқдан кўп эмас эди. Аксари Намоз жумада уч ёки тўрт киши топилур эрди. Муонидлар шаҳарнинг атрофида муаталаккаин эрди. Қаҳат ул ғоят истило топдиким ит ва эшак гўшти олинмай халойиқға ҳалол бўлди. Баъзи ерда одамни ҳам ёбдурлар".

Манбаларга қараганда, хиваликлар хотин бола-чақалари билан Муҳаммад Амин Иноқ бошчилигига қаҳатчилик ва очлик балосидан қочиб Бухоро томон кўчишга мажбур бўлганлар.

Оғир аҳволда қолган шаҳарликлар қўзғолон кўтарганлар. Вақтинча Хоразмдан воз кечган Муҳаммад Амин Иноқ хон авлодидан бўлмаса ҳам қайтиб келиб таҳтни қўлга олади ва Қўнғирот сулоласига дастлаб асос солади. Унинг ўғли Аваз Иноқ (1790—1804) ҳам отасининг ишини давом эттириб, сохта хонлар номидан мамлакатни бошқарган. Янги сулолани маҳаллий амирлар, катта ер эгалари, савдогралар ва руҳонийлар қўллаб-қувватлаганлар. Аваз Иноқнинг ўғли Элтўзар сохта хон Абулғози V ни таҳтдан афдариб ўзини Қўнғирот сулоласининг ҳақиқий хони деб зълон қиласиди. Аммо Элтўзар икки йил ҳукмронлик қилиб 1806 йили Бухоро билан бўлган урушда сувга чўкиб ҳалок бўлади. Шундан сўнг Хива таҳтига мазкур сулоланинг кўзга кўринган йирик намояндадаридан бири — Элтўзарнинг укаси Муҳаммад Раҳим I (1806—1825) кўтарилади. У олий кенгаш таъсис қилган, солиқ ислоҳоти ўтказган, ўлпонларни мунтазам ундириб олиш йўли билан давлат хазинасини анча бойитган, божхона ташкил қиласиди, пул зарбхонасини очиб тилла танга зарб қила бошлаган.

Янги хоннинг энг катта ютуғларидан бири бой зодагонлар ва йирик ер эгаларининг ўзбошимчалигига ва тарқоқлигига қарши курашиб, уларни ўзига бўйсундиришида, майда феодалларни қарам қилишида. Муҳаммад Раҳим I 1811 йили Орол бўйидагӣ 20.000 оила яшаётган қалъани вайрон қилиб, оролликларни тўла бўйсундириган, уларнинг бошлиғи Тўра Мурод сўфини ўлдириган. Мазкур хоннинг деярлик 20 йиллик ҳукмронлик қилган даври ҳам

турли воқеаларга бой бўлган. Оллоқулихон 1825—1843 йиллар ҳукмронлик қилган бўлса, ундан сўнг Раҳимқулихон уч йил, Муҳаммад Амин тўққиз йил, Абдулло беш ой, Қутлимурод етти ой, Сайд Муҳаммад тўққиз йил хонлик қилгач, Муҳаммад Раҳим II узоқ таҳтда ўтирган (1865—1910).

Янги хоннинг солиқ соҳасидаги сиёсати хазинани бир оз бойитган, нарх-наволар тартибга солинган. Бозор иқти-содиётига катта эътибор берган Муҳаммад Раҳим II ички ва ташқи савдони анча кучайтирган.

Мунис, Огаҳий ва Баёнийларнинг тарихий асарларида Хивада қўнғирот сулоласи ўрнатилгандан сўнг Эрон билан Хурросон учун бўлган урушлар, тож-таҳт талашувлар, фе-одаллар ўртасидаги қонли тўқнашувлар, туркман ва қорақалпоқларни хонликка қўшиб олиш учун бўлган ку-рашлар тасвирланган. Бу курашлар туфайли ҳалқ оммаси оғир аҳволга тушганлигини, оч-яланғоч яшаганлигини, хонлар ва сultonларнинг босқинчилик ва талончилик сиё-сатини, улар орасида авж олган майшатпарамастлик ва зўравонликларни тасдиқлайдиган турли далиллар келти-рилган. Муҳаммад Раҳим II нинг таҳтга келиши билан мазкур ижтимоий-иқтисодий аҳвол анча ўзгарган, ўлкада осойишталиқ, бунёдкорлик ва нисбатан тўқ-фаровон ҳаёт бошланиб хўжаликнинг барча соҳаларида, айниқса дехқон-чиликда, савдо-сотиқ ишларида жонланиш рўй берган. Айниқса Россия билан ташқи савдо анча ривожланган. Амударё бўлимидан олиб кетилган пахта толасининг уму-мий миқдори 500 минг пудни ташкил қилган бўлса, 1906 йилда фақат хонликнинг ўзидан 600 минг пуд пахта толаси олиб чиқилган. Ўша йиллар хонликдан 106 минг пуд мол териси, 17 минг пуд юнг ва 130 минг пуд беда уруғи Россияга жўнатилган.

Шуни ҳам алоҳида қайд қилиш лозимки, Қўнғирот сўло-ласи ва Хива шаҳрининг ҳомийси деб танилган ҳазрати Полвонпирнинг кўримсизгина қабри мазкур сулоланинг даб-дабали хон даҳмасига айланиши тасодифий воқеа бўлмаган. Хива хонлари буюк авлиёга қанча яқин бўлсак, у дунёда шунча қўллаб-қувватланамиз, деган ниятда Паҳлавон Маҳмуд билан ёнма-ён қилиб ўзларини дағн қилишни буюрганлар. Бунинг учун 1810 йилдаёт муҳташам бино қуриб битказилган, ибодатлар ўтказиш учун масжид ва хонақоҳлар қурилган, мақбара ён қаторига Хива доругасининг гўри ки-ритилган. Унинг сағанасига хонларники сингари безаклар берилган. Ён галлереяга Абулғозихон (1665), Анушаҳон

(1681), Йўлбарсхон(1744), Муҳаммад Раҳимхонлар дафн этилганлар. XX асрга келиб, қабристонни тўрт қироатхона ва Ёқубхўжа мадрасаси қуршаб олган. 1913 йилда мақбара ҳовлисида икки қаватли бино қад кўтарган, унинг битта хонасида Исфандиёрхоннинг дабдабали даҳмаси ўрнатилган.

Паҳлавон Маҳмуд мақбарами атрофида бетакрор мураккаб меъморчилик мажмуининг вужудга келиши антик Хоразмнинг кўп асрлрик меъморий қурилиш ва гўзал санъат анъаналарини ўзида мужассамлаштирибгина қолмай ўз давридаги юксак хўжалик-маданий ҳаётнинг ифодаси деса ҳам бўлади.

XIX аср охири — XX аср бошларида Хива хонлиги Ўрта Осиёдаги феодал типидаги давлатлардан бири бўлиб, аҳолиси асосан деҳқончилик билан шуғулланган. Уларда кўп тармоқли ҳунармандчилик муҳим роль ўйнаган. Асримиз бошларида хонликдаги жами аҳоли 742 минг нафар кишини ташкил қилган. Шулардан 30 мингги туркман уруғларига мансуб. Хонликда 1500 дан ортиқ рус фуқароси, ўтган аср охирларида Германиядан кўчиб келиб Оқ масжидга жойлашган 137 нафар немис фуқароси ҳам яшаган. Бу даврда пойтахтда турли қурилишлар авж олган. Тадқиқотлар шуни кўрсатадики, ўтган асрда бошланган бу жараён XX асрга келиб ўзига хос йирик жамоат бинолари ва ҳовлиларида баланд устунли айвонлар бўлган, турар жойлари ягона бадиий бутунлик касб этган ноёб меъморчилик ансамблида ўз ифодасини топган. Уларни майда-майда кўча ва боши берк кўчалар бир-бири билан туташтириб турган. Ҳар хил маҳалла (элат) тадбирлари ё касбкори, ё миллати (уруг-қабиласи), ё тâбақасига қараб маъмурӣ-диний (мачитқавм) жамоат марказида олиб борилган. Қоидага биноан, мачитқавм ихтиёрида ҳовузли мезана, ҳордиқ чиқарадиган ва чой ичишга мўлжалланган атрофи гулзор супа, айрим туаржойлар ва хўжалик учун ажратилган қўшимча қурилиш иншоотлари кўп бўлган.

Хиванинг қалъасидан ташқи қисми-шаҳристонда замонлар ўтиши билан тевараги қалъали деворлар билан ўраб олинган работ вужудга келган. Оқибатда, Хивада иккита шаҳар қисми — Ичонқалъа, яъни ички қисми ва Дешонқалъа, яъни ташқи қисми пайдо бўлган. Бу ерда Хива хонликларининг шаҳар ташқарисидаги қароргоҳи ҳам қад кўтарган. Шаҳристоннинг шимоли-гарбий бурчагидаги машҳур Нуруллабой саройи ва шаҳар ташқарисининг энг чекка жойларидан бирида тикланган Рафсанак саройи бунга мисол бўла олади. Хива атрофидаги сарой ва ибодатхона-

лар Қиблатозабоғ, Чодраҳовли, Отажонтўра ва Исмоилхўжа кабилар, Шоҳимардон ва Шайх Мавлон даҳмалари, Саёт қишлоғидаги Тошмачит ва Биби Ҳожар мақбараси каби обидалар гўзал боғу роғлар орасида қад кўттарган. Мазкур ноёб иншоотлар орасида онда-сонда тикланган бой деҳқонлар ва амалдорларнинг катта, баланд пахсали ва кунгирали қўрғон типидаги ҳовлилари билан бир қаторда тарқоқ ҳолда йўл ёки сув бўйида жойлашган қишлоқда яшовчи аҳолининг камбағал қатламлари истиқомат қиласидиган бир хоналиқ уйлар ҳам кўп учрайди.

Хива хонлигидағи аҳолининг, юқорида қайд қилгани миздек, шимолий ва жанубий ўзбекларга бўлиниси на фақат этник жиҳатдан, балки ҳўжалик — маданий типлари жиҳатдан ҳам ўзига хос хусусиятга эга. Ўтган асрдаги Хива хонлигига суғорма деҳқончиликни ўрганган муаллифлардан бири шундай деб ёзди: "Воҳадаги Хива хонлиги қисми ҳўжалиги кўҳна Урганч — Ҳўжаэлидан иккига бўлинади: жанубда, ҳаммаёқда жуда кўп ариқлар бўлиб, унда йил бўйи сув сақланган; шимолий қисмидаги ариқлар кам учрайди ва улар сув тошқин вақтларида тўлиб оқади, бошқа вақтда сувни фақат қудуқлардан олиб фойдаланганлар. Бундан ташқари, Хоразмнинг жанубий қисмидаги шимолга нисбатан аҳоли анча зич жойлашган, ҳам бу ердаги аҳоли, асосан "деҳқончилик билан шуғулланади ва бу уларнинг деярлик танҳо ҳаёт манбай". Масалан, тарихий манбаъларга кўра Хива хонлиги аҳолиси 1909—1910 йилларда 700 мингдан ошиқ кишидан иборат бўлса, шундан тахминан 75 фоизи жанубий қисмидаги яшаган.

Демак, хонликдаги деҳқончилик билан асосан жанубий Хоразмда яшовчи ўзбеклар шуғулланганлар, тупроғи унумдор бўлиб, юқори ҳосил этиштирилган. Аммо маҳаллий деҳқончилик ҳўжалиги ернинг табиий шароитига қараб бошқа минтақага нисбатан анча фарқ қиласиди. Хоразмда иқлимининг ёзда жуда иссиқ бўлиши бу ерда фақат суғорма деҳқончиликни тақозо қиласиди, ер сатхининг текислиги сув оқимини маҳсус механизм ва иншоотлар орқали бошқаришни талаб этади. Шунинг учун то 20-йилларгача Хива хонлигига чиқир билан суғориш кенг тарқалган. Масалан, энди совет тузуми ўрнатилган йиллари бутун Хоразмда 66 мингдан ортиқ чиқир бўлган, ўртача ҳисоблаганда бир ҳўжаликка айрим пайтлари 3—4 чиқир тўғри келган.

Юқорида сугориш усуллари механизм ва иншоотлари түғрисида анча батафсил тұхталиб ўтилган зди. Бу ердаги деңқончилик ўзига хос хусусиятга зга. Амударё оқимининг доимо ўзгариб туриши, унинг тошқин вақтлари кслтирадиган ташвишлари серлойқа Аму сувининг арна ва ариқларга құм уюмларини түплаш маҳаллий деңқончилик учун ҳар йили құшимча меңнат сарфланишини талаб этиб турғанлигини тарихий манбалар тасдиқлайди. Амударё тұлиб оқиб турған даврида учта катта тошқин доимо деңқончиликка хавф туғдирған: апрель, май, июнь ойларда сув тошқини бўлади. Асримиз бошида Хоразмда бўлған гидромуҳандис С. К. Кондрашевнинг таърифика: "Амударё қутирган пайтда маҳаллий гидротехника иншотлари унинг олдида мутлақо ожизлик қилас эди. Дарё каналлар сув оладиган жойларни емириб, ювиб кетиб, уларни қисман бекитиб ҳам қўяди, натижада каналлардаги сув камайиб кетади. Оқибатда мазкур каналдан сув ичадиган ерлар сувсиз қолади. Бундан ташқари, сув тошқини пайтида Амударё баъзан пастлик ерларни босиб кетади. Нишоб ерлар ва паст қирғоқларда тошқин вақтларида сув жуда ёйлиб оқади". Тошқинлар пайтида құдратли дарё оқими қирғоқдаги сунъий иншоотларни, уй-ҳовлиларни, экин далаларини емиради, қишлоқ ва түқайзорларни сув босиб кетади. Бундай оғатдан сақланиш учун аҳоли дарё бўйлаб тупроқдан катта дамба (қачи) тиклаганлар. Аксинча, сув танқис бўлган пайтда сунъий каналларнинг сақасига құшимча иншоотлар қурғанлар. Масалан, Хиванинг асосий сув манбаси Полвонёпда сув етмаганда ишлатиш учун 6 та сақа қурилган — Тошсақа, Пирёрған, Чагаллақарна, Хавазак (Бешариқ), Качанава ва Түғритешик. Бундан ташқари, қишда ва эрта баҳор пайларни барча сув тармоқларини, айниқса бош канал ва ёпларни бир неча марга қазиб чуқурлаштирганлар, құшимча дамбалар қурғанлар. Құшимча канал, арналар қазиши, уларни таъмирлаш, йўлларни ва қалъаларни тузатиш каби турли жамоатчилик ишлари мажбурий тарзда ўтказилган.

Хиванинг бош сув иншооти Полвонёпда қазув эрта баҳорда бошланиб 12 кун ёки ундан күпроқ вақт давом этган. Ҳар 10 таноб ер "бир сув" ҳисобланиб, бир қазувчига ажратилган. Агар ер ҳажми ундан оз бўлса, бир неча деңқон хўжалиги бирикиб сув жамоаси (жабди)ни тузиб бир қазувчини ўзлари тайинлаган. Қазувчилар одатда 20 тадан бирикиб бир гуруҳ ташкил қилганлар ва ҳар гуруҳ ўз орасидан раис (жабдибоши), жамоа ишларини бажара-

диган хизматкор ва қўшчини сайлаган. Бу тўғрида ўша давр деҳқончилигининг шоҳиди С. К. Кондрашев шундай деб ёзади: "Бош канални тозалаш (қазиши) учун ер эгаси ҳар ўн таноб ер ҳисобидан бир ой ёки ундан кўпроқ вақтга бир хизматкор (қазувчи) ажратиши шарт бўлган. Ундан ташқари, ҳар бир хўжайнин (ер эгаси) бир каналдан сув ичадиган ўзларининг ёпини қазиши ҳам мажбур... Бундай ишлар сув очилгунча баҳор пайтида ўтказилган. Баъзан сув танқислигида ёз пайтлари бош канал иккинчи марта қазилиши ҳам мумкин".

Зарур озиқ-овқат, иш қуроллари ва кўрпа-тўшакни ҳар бир қазувчи ўзи келтирган. Ундан ташқари ҳар қазувчи мәхсус солиқ — "афанақ пули" тўлаган. Ҳар бир жабдига муайян ձериқ (ёп) қисми ажратилган. Қазувни бошқарувчи хон амалдорлари (соҳибкор) тайинланган, унга ҳар қишлоқнинг вакили (ясовул) бўйсунган. Полвонёпни қазиб бўлгач, ундан чиқадиган ёпларни ва бошқа тармоқларни қазишга киришилган. Бу ғоят мушкул ва сермеҳнат иш кенг деҳқонлар оммасининг тинкасини қуритган. Масалан, Хива хонлигида сув иншоотларини таъмирлаш ва тозалаш учун 700 мингга яқин ишчи куни сарфланган.

Сув тақсимоти муайян тартибда маҳсус маъмурият (мировчилик) томонидан бошқарилган. Одат бўйича экинлар сувга муҳтож пайтида сувга танқислик сезилса, биринчи навбатда ариқ этагидаги срларга сув берилган, кейин юқори участкага ўтган ва ҳоказо. Суғориш усуслари экин турларига қараб ҳам белгиланган. Шоли, беда ва бошқа бошоқли дон экинлари чек билан бўлинган, тахта-тахта қилиниб бостириб суғорилган. Шўрни ювишдан олдин ер бир неча марта ҳайдалиб, яхшилаб молаланиб текисланган ва кейин сув бостирилган. Кўпинча экинлар эгатлар орқали суғорилган.

Ўша пайтларда сув камида 5—6 метр чуқурликда оқиб, Амударёнинг лойқаси ёпларни ҳар йил камида бир-бир ярим газли лой билан тўлдирган. Шу сабабли деҳқонлар уни ҳар баҳорда бир марта тозалашган. Бу ишга қишлоқнинг барча йигитлари чиқиб, асли бу тадбир ҳаёт талаби билан юзага келган анъанавий катта ҳашар бўлиб қолган. Қазув одатда соқа, яъни сув бошидан бошланган. Ёп ҳар йили қазилаверган, ундан чиққан лойқа чиқиндиси ён томонга отилавериб, икки томонда тупроқ уюми пайдо бўлади, буни рош дейдилар. Лой иши учун капча деган бел ясатилган, у темир белкуракнинг кичик нусхаси бўлиб, уст томонига ярим доира шаклида қалин сим тортилган.

Мазкур ёп қишлоқда хўжаликларо сув йўлининг умумий номи бўлиб, аксарият ҳолларда уни яна иккита атама билан номлашган. Биринчиси — чиқириқ, яъни қишлоқ чиқириларига сув етказиб берадиган ўқариқ, дейилса, иккинчи номи — "тортма" бўлиб, иккаласи ҳам ўз номига мувофиқ вазифани бажарган.

Хиваликлар Полвонёпни қазиб бўлгач, ундан чиқадиган катта-кичик ариқларни тозалаб, яъни қазиб чиқиб баҳор келиши билан каналнинг бош тўғонига босилган вардни очганлар. У ҳам жуда катта меҳнат талаб қилган. Сув Полвонёпни тўлдириб, қишлоқларга борадиган маҳаллий ёпларга, ундан майда шохобча (солма)ларга тарқалган. Солма хиваликларда, одатда икки хил номда бўлган: бири чиқирига борадигани чуқур ариқ — тортма орқали бўлса, унга "чиқир солма" дейилган; иккинчиси, отизга йўналтирилгани "оёқ солма" деб аталган, у бевосита далага сув етказган. Сувга яқин жойланиш, айниқса соқага ёки паст оқимга яқин далали кишилар ўзини бахтли ҳисоблаганлар.

Одат бўйича деҳқонлар экинлар сувга муҳтож пайтида, айниқса сув танқислиги сезилса, ундан навбат билан фойдаланишга қаттиқ риоя қилганлар. Сув кўпинча чек билан тақсимланиб, биринчи навбатда ариқ этагидаги ерларга сув берилган, кейин ариқ охирларидан иккинчи қисмига, сўнг юқорироққа ва ҳоказо. Ҳатто кичик ариқ, яъни солмаларга ҳам сув навбат билан тақсимланган. Деҳқонлар ўз навбатларини сабр-тоқат билан кутганлар, сувдан фойдаланиш тартибини бузганлар эса қаттиқ жазолаңган, уларни сувдан маҳрум қилганлар, пул жаримаси тўлашга мажбур қилганлар, ашаддийлари ҳатто қамоққа ҳам олинган.

Маҳаллий деҳқончиликнинг иккинчи муҳим омили ерга ишлов беришдан иборат. Хиваликлар ҳам жамоа ва хусусий ерларда қадимий ва оддий иш қуролларидан фойдаланиб келганлар. Масалан, асримиз бошларигача Хоразмда ҳам ерни ҳайдашда ёғочдан ясалган омоч (бу ерда "кунда" дейилади), ҳайдалган ерни текислашда мола каби оддий қуроллардан фойдаланилган. Одатда омоч учига темирдан ёки чўяндан ясалган тиш ("поза") ўрнатилган. Омочни бўйинтириқ ва тиркаш билан молга қўшганлар. Ерни текислашда ишлатиладиган мола маҳсус тахтадан ясалган бўлиб, унга баъзан темир тиш ўрнатилган ("сих мола" ёки "дандана"). Ер ишларида анъанавий бел, кетмон, канча, ҳосил йигишда ўроқ ва хирмон кўтаришда темир ёва

(сешоха ёки панжшоха), ёғоч бел, ғалвир (загама ёки тир) каби қороллар ишлатилган.

Ерни ҳайдашда тупроқнинг сифатигагина эмас, унда экиладиган экин турига ҳам эътибор берилган. Масалан, лалми, юмшоқ тупроқли ерлар бир-икки марта ҳайдалса кифоя, суформа, айниқса шоликор ерларни беш-олти марта ҳайдаш зарур бўлган. Ундан ташқари оғир тошлоқ ерларда катта омоч (кунда), енгил юмшоқ тупроқли ерларда кичик омоч ишлатилган. Хива кундасининг омочдан фарқи тиши (поза) нинг бир оз кенг ва ялпоқлиги, бу эса ерни юмшатибгина қолмай, қатламлаб ўтларни тагидан қирқишига имкон беради.

Ҳайдалган ерни текислаш ва уруғ сепилгач устидан тупроқ тортиш учун мола ишлатилган. Хивада икки хил мола бўлган: бири тут ёки ўрик дараҳтидан 2 метргача узунликда ишланган, паст қисмига икки қатор темир тиш ўрнатилган сихмола ёки моладандана асосан қуруқ ажриқли ерларни ва кесакли далаларни текислашда ишлатилган: иккincinnиси — оддий мола, икки метр узунликдаги ёғочдан ишланган.

Ер кавлаш ва қурилишда энг кенг тарқалган қадимий иш қуроли бел ва кетмон. Хоразм воҳасида, жўмладан Хивада ҳам, ғаллачилик, полизчилик, боғдорчилик ва ерга ишлов бериш, ариқларни тозалаш каби ишларда асосан бел ишлатилади. Хива бели конус шаклидаги уни чўзилган ўткир, икки тепки қулоқли темирдан ясалган. Ундан аравага тупроқ ва гўнг ортишда ва уни далага сепишда, ерга ишлов беришда, қазув ва чопиқда ҳам ишлатилган.

Ерга ишлов бериш асосан ерни бир неча марта ҳайдаш, мола босиш, ўғитлаш ва сув беришдан иборат. Кўп асрлик тажриба натижасида маҳаллий деҳқонлар экинларини навбатлаб экиш мураккаб тизимини кашф этганлар, фаслга қараб тупроқнинг хосияти ва сугориш имкониятларини ва бошқа деҳқончилик сирларини яхши билганлар.

Ерни сугориш нақадар зўр санъат ҳисобланса, экинларни вақти ва жойига қараб, яъни алмаштириб экиш ҳам юксак маҳорат талаб қилган. Хоразм деҳқони учун узоқ йиллар тўпланган тажриба гўё ҳамманинг талабига жавоб берадиган илоҳий жадвал бору, ҳамма бу жадвални билади ва унга амал қиласи. Тобга келган ерга уруғ сепиш қўлда бажарилган. Кейинчалик қўлда сепилган уруғнинг худди ҳисоблаш машинасидан ўтиб, ерга қадалгандек текис униб чиқиши ва кўпинча кўнгилдагидек ҳосил бёриши хоразм-

лик деҳқонларнинг кароматли санъатга эга эканлигини алоҳида таъкидлаб ўтиш мақсадга мувофиқ.

Бир-икки ой ичида экин-тикинлар ниҳоясига етар, бундан буёғи парвариш ишлари, чиғир ҳайдаб ўз вақтида сув бериш, экинларни бегона ўтлардан тозалаш, кетмон талаб экинларни вақти-вақти билан чопиқ қилиш каби ишлар бажарилади.

Ҳосилдорликни оширишда муҳим тадбирлардан бири ерни ўғитлаш. Манбалар ва ахборотчиларнинг берган маълумотларига қараганда Хоразм деҳқонлари қадимдан гўнг аралаш тупроқ (қум)ни ўғит сифатида ишлатганлар. Баъзан эски харобалардан кесак (пахса) ва дарё лойқасидан, томорқаларда кесак аралаш нажос ўғит сифатида фойдаланилган. Маҳаллий деҳқончилик ниҳоятда катта меҳнат талаб қилган.

XIX аср охири — XX аср бошларида Хива хонлигидаги асосий экин — ғалла ҳисобланган. Жумладан дон экинлар билан 65 фоиз ер банд бўлған бўлса, маҳаллий пахта "ғовоча" 5,8 фоиз экинзорни эгаллаган. Яқинда топилган 1910 йилга оид архив ҳужжатларидан бирида Хива хонлигидаги деҳқончилик қилинадиган ер майдони 571 минг танобни, шундан мадраса ва вақфга тегишлиси 120 минг танобни, экин экилмайдиган ер майдони 1 млн. 18 минг танобни ташкил қилган, деб кўрсатилган.

Ўрта Осиёни районлаштириш материалларига биноан. 1925 йили Хоразмда барча экинларнинг 28,6 фоизини буғдой ва арпа, 18,5 фоизини шоли, 18,3 фоизини макка ва оқ жўхори, яъни дон экинлар барча экинзорларнинг учдан икки қисмини эгаллаган. Шу билан бирга, экин майдонларининг 16,9 фоизи пахта, 10 фоизи — беда, 1,5 фоизи дуккакли ўсимликлар (мош, ловия), 0,7 фоизи кунжут, зигир каби мой берадиган экинлар, 2,1 фоизи қовун, тарвуз, қовоқ ва бошқа полиз ўсимликлари, 3,1 фоизи турли бир йиллик экинлар билан банд бўлган.

Айрим тадқиқотчилар хulosаларига қараганда, 1924 йилги материаллар деҳқончиликда инқилобдан илгариги ҳолат сақланиб қолганлигини кўрсатади. 20-йилларнинг ўрталарида Хоразм воҳасида, шу жумладан Хива атрофларида ҳам, барча суғорма ерларнинг анча қисми, яъни 30 фоизи буғдой билан банд бўлган, 12,6 фоиздан 22 фоизгачасини жўхори эгаллаган. 15—18 фоиз ерга беда экилган, чунки воҳада табиий яйловлар кам бўлиб, чорвага ем-хашак етишмаган. Ҳатто арпа ёки бошқа баҳор экинларидан кейин ем-хашакка иккинчи экин қилиб жўхори экилган

ва уни хомаки ўриб, йифиб-териб қишига ғамлаганлар. Шунни алоҳида қайд қилиш лозимки, Хоразмда ўзига хос чорвачилик (асосан оғилхонада боқиши) туфайли бу ерда беда етиштириш ривожланганки, махсус беда уруғчилиги муҳим соҳа бўлиб, жаҳон бозорига экспорт қилинган. Пахта экиш ҳам бутун воҳада XIX асрнинг 80—90 йилларида кўпайиб хоразмликлар экин майдонларининг 17—22 фоизини Америкада етиштирилган ғўза нави эгаллаган.

Қадимий полиз экинлари ҳам кўп етиштирилган. Кунжут ва зифир, полиз экинларидан қовун, тарвуз, ошқовоқ (кади), сабзи-пиёз кенг майдонларни эгаллаган. Масалан, асrimiz бошларида О. Шкапскийнинг тадқиқотларига қараганда, Хива хонлигига ўртacha хўжалик (6—7 танобли) ерининг 30,3 фоизида буғдой, 26,4 фоизида жўхори, 2,5 фоизида қовун, қолганида кунжут (1,2 фоизи), мөш (0,9 фоизи), тариқ, сабзи-пиёз экилган. Бундай хўжаликларда иш қуроли ҳам чекланган бўлиб, ўрта ҳисобда биттадан арава, чифир, катта ва кичик омоч (кунда), бўйинтириқ, темир тишли мола ва мола-дондона, уч-тўрт ўроқ, 2 та бел ва капча, бир икки темир ёки ёғочдан ёва (панжшоха) ва кетмондан иборат бўлган. Юқорида қайд қилинганидек, маҳаллий бел бир неча хилда бўлган, шулардан кенг тарқалгани ўрта бел ёки малак бел, арава бел ва капча (бел), уч хил кетмон асосан полиз (қовун-тарвуз) экинларига ариқ тортишда, чопиқ кетмон асосан сабзи-пиёз каби экинларга ишлов беришда ишлатилган.

Маҳаллий деҳқонлар мазкур экинларни зўр маҳорат билан парвариш қилиб, уларни бутун йил бўйи, кейинги ҳосилгача сақлаш қобилиятига эга бўлганлар. Хиваликлар айниқса узумнинг ва анорнинг олий навларини, қовуннинг махсус навларини ёзгача сақлаш сирларини билганлар. Уларни деҳқоннинг бой хўжаликларида махсус омборларда, болаҳона (талак)ларда, кўпчилик деҳқонлар эса сомон ёки явшон аралаш лой билан сувоқ қилинган 1.5 м. келадиган чуқур (ўра)ларда сақлаганлар.

Унни маҳаллий табиий географик шароитга мослашган тегирмонларда тортганлар. Хивада асосан ҳайвон кучи билан ҳаракатга келтирилган тегирмон ("харос" ёки "каш-каш") ва қўлда айлантириладиган тегирмон ишлатилган. Бу ерда ер сатҳи текислигидан ва дарё оқимининг пастлигидан сув тегирмонлари деярлик йўқ. Шоли ҳам ҳайвон кучи билан ишлайдиган махсус механизм (дапма) да ва қўлда сўқи (кели) да янчилган. Техник экинлардан пахта чигити, кунжут, кандир, зифир ва полиз экинлари асосан, қўшимча,

қовун уруғидан махсус мой жувозларда янчилүб ёғ тай-
ёрланган. Ғовачани қўл билан оддий дастгоҳ (чиғириқ) да
тозалаб чигитни ёғ жувозга, толасини ип йигириб, бўз ва
бошқа газламалар тўқишида ишлатилган.

Маҳаллий деҳқонлар кўп асрлик тажриба асосида таби-
ат ҳодисаларини кузатиб халқ календарини яратганлар.
Бундай календарлар бир неча хилда бўлган. Этнографик
маълумотларга қараганда, Хоразмда илгари кенг, энг кўп
тарқалган йил ҳисоби "деҳқон дўқсони", деб номланган.
Асли ҳар уч ойлик фаслни ўзида ифодаловчи тўрт 90 га
бўлинган: 15 февралдан 15 майгача — баҳор дўқсони, 15
майдан 15 августгача — ёз дўқсони, 15 августдан 15 ноябр-
гача — гузак дўқсони ва 15 ноябрдан 15 февралгача — қиши
дўқсони. Мазкур календарь хонликда қабул қилинган рас-
мий қуёш йил ҳисобига тўғри келган. Йил "баҳор дўқсони"
дан бошланиб, ҳамал, совур, жавзо ойларига, "ёз дўқсо-
ни"— саратон, ҳасад, сумбула ойларига, "гузак дўқсони"—
мезон, ақраб, қавус ойларига, "қиши дўқсони"— улли чилла
ва кичик чилла ҳам ҳут ойига тўғри келган.

Мазкур йил ҳисобидан ташқари экин экиш ёки пишиб
етилиши тизимини юлдузларга қараб ҳам белгилаганлар.
Масалан, июнь ойи бошларида Ҳулкар юлдузи пайдо
бўлганда, қишки экинларнинг пишиб етишганлигидан да-
рак беради. Тарози юлдуз туркуми уфқдан баланд
кўтарилса, ёзниң келганлигининг белгиси ҳисобланган.

Хиваликлар хонлик даврида фақат деҳқончиликда эмас,
балки чорвачиликда, айниқса ҳунармандликда ҳам ажойиб
маҳорат кўрсатгандар. Аммо чорвачилик деҳқон
хўжалигининг таркибий қисми бўлиб, унга хизмат қилувчи
соҳа ҳисобланган. Деҳқон гўшт ва сут маҳсулотлари учун
мол, қўй, эчки сақлабгина қолмай, балки ишчи кучи си-
фатида от, ҳўқиз, тую ва қисман эшакдан фойдаланган.
Улар ерга ишлов беришда, чиғир орқали суғоришда, қиши-
лоқ хўжалик маҳсулотларини ишлаб чиқаришдаги ҳар хил
механизмларда, транспорт воситаси сифатида ва
ҳоказоларда ишлатилган. Йирик моллар асосан оғил(мол)
хоналарда. сақланган, майда мол (қўй-эчкилар) қисман
үтлоқ ва яйловларда боқилган. Табиийки, чорва моллар-
нинг кўпи бой хўжаликларда бўлиб, улар пода-пода
қўйларни махсус подачиларга топширганлар.

Молсиз камбағал деҳқонлар ерга ишлов беришга бир
неча хўжалик бирикиб, ҳўқизларни қўшиб алғов тартибида
жамоа ташкил қилганлар, бир ҳўқизли хўжалик қариндо-
ши ёки қўшнисининг ҳўқизини олиб қўш қўшган. Алғов

асосида баъзан икки-уч хўжалик бирикиб, қўшни навбат-ма-навбат ишлатганлар. Бош ишчи кучи от ҳисобланган. Миниш учун кўпинча туркман оти ишлатилган. Асримиз бошида Хива хонлигининг жануб қисмида 30 мингдан ортиқ от, 70 минг қўй-эчки, 29 минг тую бўлган. Хонликда яхци отнинг баҳоси 25—30 тилла, ўртачаси — 10 тилла бўлган. Оти кўп хўжаликлар бирикиб қозоқлардан тажрибали подачиларни мардикорликка жалб қилганлар, масалан, 500 отга 40 га яқин подачи ёлланган.

Ҳўқиз, сигир ва бузоқларни хиваликлар қора мол, дебномлайдилар. Айниқса деҳқончиликда йил бўйи ишлатиладиган ҳўқизларга эътибор зўр бўлган. Уни ер ҳайдашда, ҳирмонда, баъзан чифирда ишлатганлар. Ҳўқизнинг нархи ҳам баланд бўлган.

Хива хонлигининг барча шаҳар, қишлоқларида ҳунармандлар кўп бўлган. Улар металл ишлаб чиқаришдан бошлаб, то турли хилдаги тўқима ва тикув санъатигача тўла эгаллаганлар. Асримиз бошларида Хива ва Урганч ҳунармандчиликнинг энг йирик марказларидан ҳисобланган. Ҳар бир касб катта шаҳар бозорларида ўзининг растасига эга бўлган, баъзи маҳалла (қавм) ўз касби номи билан аталган. Хивада архив маълумотларига қараганда, ўтган асрнинг 60-йилларида марказий бозорда дўкон очиб маҳсус солиқ (тейжой) тўлаб турган доимий ҳунармандларнинг сони 556 устадан иборат бўлиб, улар 27 хилдаги касб-ҳунар вакиллари бўлган. Доимий дўконга эга бўлган мазкур касблардан ташқари бозорда дўкон очмай маҳсулот етказиб берган кулол, читгар, позачи, дурадғор каби бошқа турли ҳунармандларни эътиборга олганда касб-ҳунар турлари яна ҳам кўп эканлигини тасаввур қилиш қийин эмас. Масалан, Ўрта Осиёни районлаштириш материалларига биноан XIX асрнинг 80-йилларида фақат Хивада оиласи билан ёки ҳамкорликда ишлаб турган 2528 турли корхона эгалари рўйхатга олинган. Г. И. Данилевский берган хабарига кўра ҳунармандчиликнинг Хивадан кейинги бош маркази Янги Урганчда 320 дўён мавжуд бўлган. Бу ердаги корхоналар майда бўлиб, унда ёлланма меҳнат чекланган.

Ҳунармандчиликнинг энг қадимий ва кенг тарқалган соҳаси металл буюмларни ясаш билан боғлиқ. Шулардан анча мураккаб қўйма буюмлар ва қуролларни ясаганлар. Хива ҳунармандлари қозон, майкалдон, чойнак, жувоз бошмоғи, шамдон, нос сўқи соли билан, елим коса, арава филдирагига марганак каби буюмларни қуйиб ясаганлар.

Дүйкон одатда устаниң уйида қурилган. Үнда 5—6 нафар шогирд ва бир неча ёлланма ишчи хизмат қилған. Дүйконда асосан чүян эритадиган дастгоҳ (лойдан қурилған босқонли ўчоқ) ва турли асбоб-ускуналар, поза ва бошқа қолиплар, чарх ва ҳар хил асбоблар мавжуд бўлған. Чүян қуювчи усталар ичида илгари тўп ва ўтли қуроллар ясайдиган ҳунармандлар хон саройида хизмат қилғанлар. Айрим тўпларга баъзи усталарнинг номи битилған. 1908 й. Хивага борган Н. Н. Самойлович ўз ҳисоботида хон саройида Худойберган девон исмли машҳур муҳр ўювчи, тўп қуювчи ва соатсоз уста билан учрашганини қайд қиласди. Атоқли пичноқчи уста Отажон Мадримов шулар жумласидандир. Хивада бадиий характердаги қилич, пичноқ ясаш санъати қадимдан ниҳоятда ривожланганлигини бошқа манбаълар ҳам хабар беради. Тарихий манбаларга биноан асримиз бошларида позачилар хомашёни асосан Россиядан темир-терсак тарзида олганлар. Ўша вақтларда Оренбург ва Троицк орқали Ўрта Осиёга, шу жумладан Хива хонлигига юзлаб тонна пуд чўян буюмлар жўнатилған, сўнгра улар синиб ишдан чиққач, маҳаллий усталар эритиб зарур маҳсулотлар қуйғанлар.

Металл ишлаб чиқариш соҳасининг бутун минтақада жуда кенг тарқалгани темирчилик ҳисобланған. Бу касб эгаси бўлмаган қишлоқ йўқ деса бўлади. Асримиз бошларида туникачилик ва қулфгарлик ривож топади. Хонликнинг баъзи қишлоқлари "пичноқчи", "дамирчи" деб номланған ва шу номда катта шаҳарларда маҳалла ҳам бўлған. Инқилобий тўнтиришдан илгари ҳунармандчилликнинг маркази Хивада 86 темирчи борлиги ҳужжатларда қайд қилинади. Улар одатда бозорда маҳсус расталарда дўйон очиб, тегижой жаримаси тўлаб турганлар. Баъзи темирчиларнинг дўйони уйида бўлиб, айнқса қишлоқда буюртма шаклида ишлаб, иш ҳақига натурал ҳолатда (асосан фалла билан) ҳисоблашганлар.

Темирчи усталар ишлаб тайёрлаган буюмларини маҳаллий бозорларда сотганлар. Баъзи усталар буюртма маҳсулотлар ишлаб чиқариш учун буюртмачи уйида ҳам хизмат қилғанлар. Улар одатда темир буюмларини қайта тузатиб, таъмиглаш ишларини ёки янги маҳсулот ясаш каби ишларни бажарганлар.

Кенг тарқалган касблардан бири мисгарлик ҳисобланған. Мисгарлар мисдан қурол-аслаҳа, уй-рўзғор буюмлари, безаклар ва ҳоказолар ясаганлар. Қадимий даврлардан маълум бўлған бу касб ажойиб амалий санъат соҳаси ҳамдир. Ўрта

Осиё, шу жумладан Хоразм мисгарлиги тўғрисидаги маълумотлар ҳатто антик замон муаллифлари Страбон ва Герадот асарларида тилга олинган. Мисгарлик санъатининг ўзига хос мактаблари ўзбек элининг Қўқон, Самарқанд, Тошкент, Хива ва бошқа шаҳарларида ривож топган. Хивалик усталар мис буюмларни икки услубда — мисни эритиб қўйиб ва маҳсус сандонда болғалаб ясаганлар. А. Д. Калмиковнинг таърифича, Хивада энг қадимий ва ўзига хос шаклдаги мис идишлар яратилган, айниқса сув солинадиган ва чой қайнатиб дамланадиган идишлар. Фақат Хоразмда ишлаб чиқиладиган қўмғон баъзан ўйма нақшлар билан безатилган.

Хива мисгарларининг маҳсулотлари на фақат шакли, балки нақши ва номланиши билан бошқа ўзбек кандалорлик санъатидан фарқ қиласди. Агар кўп жойда зарб қилинган ўйма ҳам чизма бадиий безаклар геометрик, меъморий, ўсимлик ёки ҳайвон расми ва нақшлар билан безатилса, маҳаллий кандалор усталар чизма усулини фақат пардозлашда қўллаб, асосан ўсимлик нақшларини жуда кўп қўллаганлар. Уларда мис идишларнинг кафт, баъзан, бўйнидан юқори қисмини медальонлар билан безаш, айланма нақшлар бериш оммавий бўлган. Хоразм кандалорлик мактабининг зўр вакилларидан Худайберган Матчонов, Матёқуб Жонибеков, Собиржон Юсуф ва Матпано Худайбергановлар, Хожиниёз Саид Ниёзов, Бекжон Ёқубов, Отажон Мадрахимов кабилар ном чиқарган мисгар усталар.

Хива заргарлари ҳам донғи чиққан касб-ҳунар вакиллари. Архив маълумотларига қараганда, ўтган аср ўрталарида 12 та машҳур заргар тилга олинган бўлса, асримизнинг 20-йилларида, яъни Хоразм инқилоби арафасида бу сон 51 га етган. Заргар асосан уйда ишлаган, аммо бозорда ҳам заргарлар растаси бўлган. Қимматбаҳо буюмлар ва безаклар, қурол-аслаҳалар ясадиган маҳсус зўр заргар усталарни хон саройида сақлаган.

Заргарларнинг энг кенг тарқалган маҳсулотлари аёлларнинг турли безаклари ва тақинчоқларидан иборат. Улар олтин, кумуш ва қимматбаҳо тошлардан ясалган бўлиб, ажойиб санъат намуналари ҳисобланади. Хива усталари асосан бошга тақиладиган дузуглар, кўкракка осиладиган шавкаладузуглар, дўппини безайдиган тахя-дузуглари, сочга осиладиган килитбоғи, кумуш ва қимматбаҳо тошлар билан безатилган туморлар, бурунга осиладиган араваклар, турли хил зираклар, билакузук ва узуклар, бўйинга тақиладиган маржон ва зеби-гардонлар, пешона безакла-

ри ва бошқа зеби-зийнатларни зўр маҳорат билан ясаганлар. Бой хонадонларда Хива заргарлари юпқа олтин пластинкалардан кесиб қумғон, гулдон, самовар шаклида ясаган безакларни асримиз бошларида учратиш мумкин эди. Аммо маҳаллий заргарлик кейинчалик фабрикада, Россияда ишланган оммавий маҳсулотлар рақобатига чидамай инқирозга учрайди.

Темирчилик билан боғлиқ амалий санъатнинг қадими соҳаларидан бири — пичоқчилик. Хива пичоқчи усталигининг ажойиб маҳсулотлари бутун Ўрта Осиёга тарқалган. Маҳаллий пичоқлар шаклларининг нозиклиги ҳамда металлни моҳирона қайта тоблаб ишланганлиги, тифи юзининг ислимий нақшлар билан безатилганлиги, "қинбоги"нинг металлдан ясалиб, унга чиройлик нақшлар берилганлиги билан ажралиб туради. Хивалик пичоқчи уста Отажон Мадраимов (1884—1916) ва унинг ўғли Мадраим Отажонов ясаган гулдор пичоқлар ҳозиргача музейларнинг безаги бўлиб келмоқда. Хива пичоқларининг қини ўймакор нақшли мис ва жез қўймалар билан моҳирона безатилган.

Фақат Хивада ўзига хос қулф ишлаб чиқарилган. Бу ердаги қулфгар усталар ўз маҳсулотларини уйдўконларида ясад, асосан савдогарлар орқали бозорга чиқарганлар.

Маҳаллий аҳоли хўжалигида дурадгорлик, яъни ёғочдан маҳсулотлар ишлаб чиқариш соҳаси ниҳоятда муҳим ўрин эгаллаган. Ёғоч усталарини Хоразмда "йўниғчи" деб атасалар-да, бу соҳа ишлаб чиқариш маҳсулотларига қараб бир неча касбларга бўлинган. Масалан, қишлоқ хўжалик қуролларини маҳсус усталар ясаганлар, аравасоз ва кемасоз, синч (нигирик) уйлар қурувчи, бешик ва уй-рўзгор буюмлар: ясайдиганлар (харрот), эгарчи ва элакчилар, ўймакор каби усталар айрим дўконларга эга бўлганлар. Баъзи дўконлар бозор расталарида жойлашган. Хива хонлари архиви ҳужжатларида, масалан, асримиз бошларида бозорда тагижой (солиқ) тўлайдиган фақат харротлар сони келтирилган. Хива музейи архивида кўрсатилганидек, 1920 йилда пойтахтда 143 йўниғчи уста, янги Урганчда тахминан 20 га яқин, Хонқада икки ҳисса кўпроқ ёғоч усталари бўлганлиги тўғрисида маълумотлар сақланган. Хива ва Хазорасп атрофидаги йўниғчи усталар арава, чиғир, кунда ва мола, бўйинтириқ, жувоз, бўват, нова, қайиқ ва кема, сўқи ва сўқипсони, синч (нигирик) ва ҳар хил устун (ўра)лар, панжара, эшик ва дарвоза, бешик, эгар, ёғоч

каравот (кат), ҳар хил даста, ўйинчоқлар ва ҳоказо ишлаб чиқарғанлар.

Дурадгорликда 20-йилларгача аравасозлик билан кемасозлик алоҳида ўринни эгаллайди. Маҳаллий арава деярли энг қадимий ҳолатда бизга етиб келган ва у бошқа ўзбек араваларидан (масалан, машҳур Қўқон аравасидан) ғилдирагининг катталиги, тузилиши ва бошқаруви билан фарқланади. Хива аравасида аравакаш маҳсус жой (занги) да ўтириб бошқаради. Қўқон аравасида бошқарувчи отнинг эгарида жойлашади. Хива аравасида ёзги пайтларда одам учун маҳсус соябон, далага ёки бошқа қишлоқ хўжалик маҳсулотлари ташиш учун сават ясад ўрнатилган. Баъзи араваларни, айниқса тўй араваларини наққош усталар ўйиб безаган.

Хоразм кемасозлари ҳам ўз маҳсулотларини чиройлик қилиб ясаганлар. Улар кеманинг бурун қисмини баъзан одам калласи ёки қуш шаклида безаганлар. Қадимий даврлардан бутун Амударё ва маҳаллий каналларда сузадиган катта-кичин кема ва қайиқларни Хоразм усталари ясад келган. Антик даврга оид обидалардан Бештўбада ва Тупроққалъада топилган расмларда кема тасвири борлиги диққатга сазовор. Манбаларнинг хабар беришича, ўтган аср охирларида Амударёда маҳаллий усталар ясаган 330 та катта ва ўртacha, юзлаб майда кемалар сузид юрган. Катта кемалар 500 пуддан 2000 пудгача, ўртacha 100 дан 500 пудгача ва кичиклари юз пудгача юк кўтарган. Ўртacha кемаларни усталар бир ярим ойгача ясаганлар ва улар 4—5 йил хизмат қилган. Кемасозлик асосан Питнак, Хонқа ва Гурланда, аравасозлик барча катта шаҳарларда, айниқса Хивада ривожланган. Ёғоч хомашёсини танлаш ҳам катта санъат талаб қилган. Айниқса, ўймакор усталар илгари зарур ёғочни олти ойдан бир йилгача ҳовузларда сақлаб, кейин ўн йилдан ортиқроқ сояда табиий ҳолатда қуритишган, баъзан ёғочга маҳсус ранг бериш учун сомонга қўшиб қуритилган.

Энг зўр ўймакор усталар Хивада бўлган. Бу ерга асrimiz бошларида келган тадқиқотчи А. Д. Калников фақат Хивада энг ноёб, юксак ва ўзига хос санъат анъаналари — ёғоч ва тош ўймакорлиги сақланиб қолганлигини қайд қилган. Атоқли наққош, эски ўймакор, халқ устаси Ота Полновнинг айтишича, Хивада ўша вақтда учта йирик дўкон бўлган. Ўймакор усталар асосан буюртма маҳсулотлар тайёрлаганлар. Аммо улар хонга зарур бўлса, саройда ёки катта амалдорлар ҳовлисида хизмат қилганлар.

Ўймакор усталар ўзига хос турли услуг ва усулларга эга. Масалан, Хива ёғоч ўймакорлиги маҳсулотлари ўзининг монументаллиги, ёғоч табиий рангининг сақланиб қолиши, нақшларининг майдалиги билан бошқалардан ажралиб туради. Турли буюмларда, оддий тумор ва қутичадан то йирик дарвоза ва устунларгача бериладиган нақшлар ўзининг гўзаллиги, бадиий тузилиши билан кишини жалб этган. Хива ўймакорлари қайрағоч, терак ва чинор (гужум) ёғочларини кўпроқ ишлатиб, унинг табиий тарзини сақлаш учун ёғочнинг юзасига ва заминига пахта, ёки зифир ёғи (оқ ёғ) суртганлар. Хива ўймакорлик усталиридан марҳум Ота Полвонов, Сано Боқбеков, наққош Абдулла Болтаев ва бошқалар жуда машҳур бўлганлар.

Ҳар бир шаҳарда жимжимадор нақшли бешик, чарх, ўқлов, урчуқ, дук, чилим, жувоз, тўқимачилик асбоблари, ҳар хил уй-рўзгор буюмлари ясадиган маҳсус усталар — харротлар бўлган. Улар камар билан айлантириладиган чарх, катта-кичик бичқи (хаткаш) ва исканалардан фойдаланганлар. Эгарчи, тароқчи, элакчи ва мусиқа асбоблари ясадиган усталар орасида ҳам меҳнат тақсимланган. Айниқса, турли мусиқа асбоблари — дутор, рубоб, фижжак, сурнай, болобон, най кабиларнинг кўпчилиги бадиий қийматга эга бўлиб, улар ҳил нақшлар, садаф ёки суяқ, рангли металлар билан безатилган. Ўймакорликда энг кенг тарқалган услуг ислимий классик нақш тури бўлиб, бурч, гул, куртак, таноб ёки шакл номи қўшилиб ислими меҳроб, ислими бодом, ислими булбул кабилар ишлатилган.

Хивадаги амалий безак санъатининг ноёб турларидан бири — тош ўймакорлиги. Хоразмнинг кўп жойларида то-пилган эрамизнинг бошларига оид баъзи обидаларнинг устунлари ва пойдеворлари безатилган харсангтош ва мармарлардан қурилган. Ўтган асрда тикланган Хива иморатларининг кўпчилигига ҳам тош ўймакорлари яратган устунлар ва панжаралар, музейда сақланган мармардан гулли лаганлар, чойнак-косалар кишини ҳайратда қолдиради. Баъзи идишларда ўйма нақшлар билан бирга араб ҳарфида битилган ёзувлар ҳам учрайди. Нозик тош ва мармар ўймакорлик намуналари бўлган устун ўрнатиладиган асос, таг курсилари ниҳоятда чиройлик қилиб безатилган. Масалан, Тошҳовлида ўрнатилган мармар ва тошдан ўйиб ишланган ислимий, геометрик, ёзувли нақш-ноғоралар кишига алоҳида бир завқ бағищлайди. Бу эса Хоразмда тош ўймакорлиги санъатининг юксак даражада ривожланганлининг ёрқин далилидир.

1947 йил Навоий театри биносини ажойиб мармар ўймакорлик намуналари билан безатишда хивалик усталар С. Худайберганов, Х. Раҳимов, Б. Давлатов, А. Бекжонов ва К. Рўзматовлар зўр маҳоратларини намойиш қилганлар. Театрдаги Хива замин деворининг пастки қисми 12 та ўйма мармар плита билан безатилган, ундаги ўйма гуллар хивалик наққош А. Болтаев чизган композиция асосида ясалган, мазкур усталар ва уларнинг шогирдлари ганчкорлик соҳасида ҳам юксак маҳоратга эга. Улар ганч ўймакорлиги намуналарини ҳозиргача турли иморатлар қурилишида намойиш қилиб келмоқдалар.

Хоразм ўймакорлик санъатининг жаҳон миқёсида ўзига хос юксак маданият намунаси эканлигини ўтган асрда яшаган буюк рус бадиий танқидчиси В. В. Стасов алоҳида қайд қилган. У Оружейная палата музеида сақланаётган Эрон шоҳлари ва Хива хони тахтларини ўрганиб, ўзининг "Хива хонининг тахти" номли мақоласида, Хоразм усталари ясаган гул ва ўсимлик шаклидаги нақшлар билан моҳирона безатилган ва тахтнинг ўзига хос оригинал (ноёнб) санъат намунаси эканлигини алоҳида таъкидлаган.

Қурилиш ишлари билан шуғулланувчи усталарнинг кўпчилиги дурадгорчиликни ҳам яхши билганлар. Улар бир неча касбларга бўлинган: фишт терадиганлар, пахса урадиганлар, сувоқчилар, гумбаз тикладиганлар, синч (нигирик) уй қурувчилар ва ганчкорлар. Ганч ўймакор усталар катта ганч тахталарда ва токчаларда, девор ва шипларда турли гуллар ва геометрик нақшларни ўйиб безаганлар, жимжимадор панжаралар ва гулдонлар ясаганлар. III—IV асрдаги Хоразмнинг пойтахти Тупроққалъанинг серҳашам сарой меҳмонхоналари ўйма ганч билан безатилганилиги бу касбнинг нақадар қадимий эканлигини кўрсатади. Айниқса хон ва унинг амалдорлари саройлари жуда бой ўймакорлик намуналари билан безатилган. Ганчкор усталарнинг нозик безаклари XIX—XX аср бошларида қурилган Тошқовли, Кўнаарк, Нурлавой каби саройлар ва мадрасаларга алоҳида гўзаллик бағишилган. 1873 йилда чиққан "Мирское слово" газетасининг хабар беришича: "Хивада ганчдан ҳар хил буюмлар ясалади: қаттиқ ганч тахталарга, турли нарсаларга, токча ва қутичаларга чиройли ўйма нақшлар берилган. Бойларнинг уйлари ва хоннинг саройида ҳатто полни ганч билан тўшашган, чунки намлик ва иссиқдан яхши сақлаган". Ганчга ўйилган нақшларнинг намуналари ёғоч нақшларга ўхшаб кетади.

Ганч (хаж)ни Хивага яқин жойдан махсус кишилар (ҳажжачи) келтириб таъминлаганлар.

Антик даврдан ниҳоятда кенг тарқалган оммавий ҳунармандчилик кулолчилик касби ҳисобланади. Унинг дастлабки намуналари неолит даври маконларида топилған бўлиб, то ҳозирги давргача етиб келган ва юқори даражада ривожланган. Айниқса, кулолчилик Каттабоғ, Мадир, Бофат, Қтой номли қишлоқларда донг чиқарган. Ўтган асрдаётқ қишлоқларда ва усталар орасида меҳнат тақсимоти бўлган. Масалан, Мадир ва Каттабоғда кулоллар асосан чиройлик гулли ва геометрик нозик нақшлар берилган идиш (товоқ) лар ясаш билан ном чиқарган. Йирик идишларни 'ясашда боғот усталари танилган. Асримиз бошларида Мадир қишлоғида ўн беш кулолчилик дўкони (устахонаси) бўлиб, уларда саксондан ортиқ моҳир усталар ишлаган. Мадир кулол (кошинчи)ларининг санъати шунча зўр бўлганки, одатда хон ўз қурилишига асосан мадирлик усталарни жалб қилган. Кошин тайёрлашда Уста Болта Матризаев, Болта Ваисов, кейинги усталар Даврон Саъдуллаев, Амин Мирзаев, Матжон Қулматовлар жуда машхур бўлган.

Хоразм кулоллари гулли сир берилган идишлардан ташқари, чиройли кошинлар ясаш санъатини тўла эгаллангар. Маҳаллий кулоллар ҳар хил уй-рўзғор буюмлари ясаганлар. Ҳар бир маҳсулот учун лой танланиб ишлов берилган. Масалан, кесма кошинга ўтга чидамли қорамтирилайдан, гилватага оқ тош ёки оққум қўшиб, ширали лойга кварц қуми қўшиб ҳар хил мозаикали кошинлар тайёрланган. Ўтмишда маҳаллий усталар лойни узоқ вақт (20 кунгача) сув сепиб тепкилаб пиширганлар. Идишлар асосан кулолчилик чархида тайёрланган.

Хонлик даврида тўқимачилик, ипакчилик ва каштачилик касблари ҳам жуда кенг тарқалган. Манбаларнинг хабар беришича, бу даврда бўз ёки алача тўқийидиган махсус дастгоҳ (дўкон) ва иш йигирадиган натурал хўжаликка эга бўлган маҳаллий дёхқонлар ўз эҳтиёжлари учун иш йигириб, бўз тўқиб, кийим тикиб кийганлар. Аммо махсус бўзчи, ипакчи, тола ишлаб чиқарувчи, бўёқчи, пардозчи, тандачи, читкар (гул босувчи), каштачи ва бошқа касб-ҳунар эгалари ҳам бўлган. Тўқимачилик маҳсулотларини ишлаб чиқариш ҳам ҳар хил турларга бўлинган. Хоразмда умуман тўқувчини жаммоб деб атаганлар, улар ўзаро ипак ёки пахта ипидан тўқилишига қараб фарқланганлар.

Үзига хос амалий санъат ҳисобланган читгарлар Хива, Хонқа, Урганч, Хазорасп ва Тошховузда кўп бўлган. Улар маҳсус гул ўйиб ясалган ёғоч қолиплар билан чит газламаларга ҳар хил нақшлар босганлар. Ипак ва ярим ипак тўқувчи усталар газламани табиий бўёқлар билан ўзлари бўяганлар. Улар ипак газлама (турма)га гулли нақш берганлар, рўмол ҳам тўқиганлар.

Деҳқон хўжаликларида хотинлар пахтадан ип йигириб, оддий дастгоҳда бўз тўқиб, уни сариқ, жигарранг, яшил ва бошқа рангларга бўяганлар ва ундан ҳар хил кийим-кечаклар тикканлар. Баъзан уйда тайёрланган калава ва газламалар яқин бозорда ҳам харид қилинган. Бўзни бўяшда бузгунч (бодом)дан сариқ ранг бериб, ёғоч қолип билан гул босилган.

Ипакчилик ва ипак тўқимачилиги Хива ва Хонқада ривожланган, айниқса Дурғадик қишлоғи ипак газламаси билан машхур бўлган. Бу қишлоқнинг ўзида асримиз бошларида 20 та хўжалик ипакчилик билан шуғулланган, 40 дан ортиқ ипак тўқув дўкони ишлаб турган. Ўша даврда хонликда 350 пудга яқин ипак тайёрланган. Айниқса чопон тикиш касби ривожланган, уни нафақат совға-салом ва кундалик миллӣ кийим сифатида, ҳатто бошқа юртларга экспорт учун ҳам ишлаб чиқарилган.

Ўтган асрнинг охиrlарида немисларнинг "Зингер" фирмаси яратган тикув машинаси Хоразмда пайдо бўлгандан кейин тикувчилик (машиначилик) янада ҳам ривожланади. Маҳсус чопонфурушлар ўлгадаги тикувчиларнинг маҳсулотларини сотиб олиб, маҳаллий бозорларда ва қўшни мамлакатларда сота бошлаганлар. Тарихий манбаларга қараганда, ўтган асрнинг ўрталарида Туркистондан Оренбург ва Троицк орқали ҳатто Россияга ҳар йили икки мингга яқин пахта ипидан тикилган ва ярим ипак чопонлар жўнатилган. Ўзбекларнинг ҳурматли меҳмонга чопон кийгизиш ва тўй-маросимларда сарпа қўйиш одатлари ҳам чопондўзликнинг ривожига муҳим омил бўлган. Совға-саломга одатда чопон билан маҳсус белбоғ рўмол ва бош кийим қўшиб бериш дўппидўзлик ва чўгирмадўзлик соҳаларини ҳам ривожлантирган.

Маҳаллий дўппилар, айниқса аёллар киядиган Хоразм таҳялари ўзига хос доирасимон шакли, кашта услуби, гул нақши, кумуш танга безаклари ва попуги билан ажralиб туради. Эркакларнинг хоразмча бош кийими телпак ва чўгирма йигирманчи йилларгача кенг тарқалган бўлиб, маҳсус касб-ҳунар соҳасини яратган. Маҳаллий телпакдўз

ва чўгирмадўз усталар Хива, Урганч, Хонқа, Ҳазорасп қаби шаҳарларда кўп бўлган. Бу шаҳарларда, айниқса Хивада, қўй терисидан пўстин тикиш ҳам анча ривожланган. Маҳаллий пўстинлар ҳам ўзига хос шаклда совуққа мослашган иссиқ кийим ҳисобланади. Уни пўстиндўзлар рангли терибўёқлари ва қашта билан безатганлар, анор пўстидан ишланган сариқ рангта бўяганлар. Терига яхши ишлов бериб тикилиши пўстинни ихчам ва енгил қилган. Аммо бош кийим чўгирма ва қоракўл ёки сур теридан тикилган шерози попоқ (теппак) фақат Ҳоразмга хос.

Тикувчилик билан боғлиқ яна бир оммавий касб мол терисидан ишланган маҳсулотлар. Дастреб бу соҳага зарур ҳомашё етказиб берадиган кўнчи асосан Хива, Урганч ва Хонқада ривож топган. Масалан, Хонқада Сарапоён қишлоғи машҳур бўлиб, унда 30 га яқин хўжалик маҳсус тери ишлов (кўнчилик) билан шуғулланган. Асримиз бошларида мануфактура типида корхона (талатин-завод) пайдо бўлган. Унга рус савдогари Алешин деган киши асос солган. Иккинчи йирик корхона Урганчда Солижонов деган бой томонидан яратилган. Унда 80 га яқин кўнчи уста ишлаган ва ҳар куни 100—180 яхши сифатли тери ишлаб чиқарилган. Хивада фақат иккита йирик талатин ишлаб чиқарарадиган корхона бўлган. Кўнчилар орасида асримиз бошларида меҳнат тақсимоти рўй берган. Масалан, маҳси ва сувдон учун тери ишлаб чиқарарадиган уста (саҳтияғор), қўй ва эчки терисидан юмшоқ замш тери ишлайдиган уста (мешигар) ва оддий хомчарм ишлаб чиқарарадиган чармгар уста ихтисослашган.

Пойафзал усталари ҳам бир неча соҳага бўлинган: ҳоразмча маҳсидўз ва кавушдўзлар маҳси ва калиш тикканлар, маҳаллий этик (оқ адик) тикадиганлар асосан Хива ва Урганчда кўп бўлган. XIX аср ўрталарида Хивага борган Н. Залесов, хиваликлар ўзига хос шаклдаги оқ теридан тикилган баланд пошиали учи сичқон думидек кўтарилилган этик киядилар, деб ёзган эди. Этикчи усталарнинг дўкони асосан уйида бўлиб, унда 5 тадан 10 тагача одам ишлаган.

Мол терисидан маҳсус уста — саррошлар от ва эшак абзали, юган, камар, эгар-жабдуқ каби маҳсулотлар ишлаб чиқарганлар. Саррошлар Хивада кўп бўлган.

Бутун Шарқдаги сингари Ҳоразмда ҳам қадимдан ширинликлар пишириш касби ҳурмат-иззатда бўлган. Шира-пазлар Хива ва Урганчда дўкон очиб, бозорда ўз маҳсулотларини сотганлар. Унда ҳар хил ҳажмда ва шак-

лда чүян қозонлар, мис чүмич ва тоғоралар, ёғоч чилчүп ва өзгөчө, тарози, қандолат қолипи ва бошқа асбоблар бўлган. Маҳаллий ширапаз усталар турли хилдаги ширинликлар — кунжитли ҳолва, новвот, печак, пашмак, нишолда, мураббо, қандолат тайёрлаганлар. Асосий хомашё узум шарбатидан олинган, ўтган аср охирларидан бошлиб Россиядан келтирилган қанд маҳсулотларидан ишлатилган. Хивада узумдан шароб, заиб ва сирка ҳам тайёрлаганлар.

Барча шаҳару-қишлоқларда зигир ёғи (оқ ёғ) ишлаб чиқардиган маҳсус жувозлар бўлган. Охирги хон даврида, ахборотчиларнинг айтишича, Хивада 200, Тошқовузда 100 дан ортиқ жувоз ишлаб турган. Маҳаллий ёғ жувози ҳайвон (туя ёки от) кучи билан айлантирилган. Жувозни дурадгор (йўнифчи) усталар қайрағоч, тут ва тол ёғочидан ясаганлар. Оқ ёғни кунжут, каноп, зигир, лолақизғалдоқ, қовун-тарвуз уруғидан ишлаб чиқарганлар. Хонлик Россия томонидан босиб олингандан сўнг пахта экиш кенгайиб, чигитдан ёғ чиқара бошлаганлар. Кунжараси молга ем шаклида ишлатилган.

Қассоблик ва ошпазлик (боқоул) ҳам ҳурматли касблардан бўлиб, уларни ҳамма қишлоқ ва шаҳарларда учратиш мумкин. Ошпазлар тўй-маъракаларда катта ош ва бошқа таомлар тайёрлашда зўр маҳорат намойиш қилиб келмоқдалар. Хоразмнинг бозорларида ҳозиргача маҳсус балиқчи дўконлари мавжуд бўлиб, балиқ қовуриш ўзига хос санъат ҳисобланган. Ҳар бир бозорчи ёки харидор бозор кунлари балиқхўрлик қилиши одат тусига кирган.

Хоразм воҳасига Қоракўл, Кармана ва Самарқанд арава йўли мавжуд бўлган. Айрим карвонлар ҳатто Болгария, Россия, Сибирь, Эрон, Афғонистон, Ҳиндистон ва Ҳитойга жўнатилган. Савдо алоқалари Қора денгиз бўйи ва Олд Осиё мамлакатлари билан ҳам ўрнатилган. Воҳадаги ўтроқ аҳоли билан теварак-атрофдаги кўчманчи элатлар орасидаги мунтазам савдо-сотиқ муҳим аҳамиятга эга бўлган ва уларнинг иқтисодий-ижтимоий ривожига зўр таъсир қилган. Қўшни қозоқ, туркман қабилалари юзлаб қўйларни ҳайдаб бозорларга етказиб маҳаллий савдогарларга кўтарасига сотиб, ўзларига зарур молларни харид қилгандар. Наршоҳийнинг таърифика, йирик хунармандлар ва деҳқонлар учун бойлиқ савдо, яъни бозор иқтисоди ўз хунар-касбидан ҳам муҳим аҳамиятга эга бўлган.

Бозор маҳсулоти ишлаб чиқариш ва товар-пул муносабатларининг ривожи, албатта ижтимоий тузум ва меҳнат тақсимоти даражаси билан бевосита боғлиқ. Асримизнинг

биринчи чорагида Хоразмда ишлаб чиқариш кучлари анча ривожланган, бозор иқтисоди аста-секин кўтарила бошланган, савдо-сотиқ жонланиб, Хива ва Урганч йирик савдо марказларига айланган эди. Бу ердаги бозорларда, айниқса Хива бозорида, савдо расталари мутахассислашган, улгуржи ва чакана савдо муаммолари ҳал қилинган. Пойтахтда катта карвонсаройлар, муайян моллар ва ҳунармандчилик маҳсулотларига мўлжалланган расталар, баъзан дўконлар жойлаштирилиб, савдо-сотиққа қулайликлар яратилган.

Хоразмда савдонинг нақадар ривожланганлигини бу ердаги дўконларнинг сонидан билиш мумкин. Архив маълумотларига қараганда, ўтган аср охириларида Хива бозорида 260 та дўкон, Урганчда 300 та, Қўнғиротда — 315, Хўжайлида — 150 га яқин дўкон бўлган, айrim ҳунар-касб дўконларнинг ўзида маҳсулот ишлаб чиқарилиб, шу ерда сотилган. 1893 йили Хива хонлигидан Чоржўй орқали 350 минг пуд юк чиқарилган бўлса, шу йўл билан 235 минг пуд юк хонликка киритилган, яъни экспорт мол импортга нисбатан юқори бўлган. Қўнғирот орқали эса 375 минг пуд мол чиқарилган.

Пишган гиштдан ишланган Хиванинг тимли бозорида йирик карвонсаройлар ва омборлар билан бирга катта-кичик дўконлар қатор жойлашган. Қишлоқ хўжалик маҳсулотлари маҳсус расталарда жойлаштирилган; мол, ўтин-кўмир, ёғоч ва қурилиш материаллари, ем-хашак бозорлари одатда шаҳардан чекка жойда бўлган. Бундай бозорларда даллоллик авж олган, улар улгуржи ва жонли мол савдосида муҳим роль ўйнаганлар. Баъзан шаҳарликлар билан даштиклар орасида ҳатто ўзига хос "савдо дўстлиги" ўрнатилган. Одат тусига кирган мазкур савдо муносабатлари ўтроқ хиваликлар ва чорвадор қозоқ ҳам туркманлар орасидаги қадимий савдо муносабатлари авлоддан-авлодга ўтиб, узоқ даврлардан икки хилдаги хўжалик муносабатларининг рамзи сифатида намоён бўлган.

Йирик савдогарлар айrim шаҳарларда шахсий карвонсаройлар қўрдирганлар. Масалан, Бухорода бир неча хивалик савдогарлар ўзларининг карвонсаройларига эга бўлган. Айrim карвонсаройлар катта феодал, хон ва уларнинг амалдорлари ёки диний ташкилотнинг мулки (вақфи) ҳисобланган, улар ўз эгаларига катта даромадлар келтирсан. Савдо ишларида фаол қатнашадиган маҳсус хизматчи-мирзалар ҳисоб-китоб ва қредит ишларини яхши билганилар, йирик савдогарлар раҳбарлигига жамоа (корпорация)лар пайдо бўлган.

Ўзбекистоннинг мустақил республикага айланиши хусусий мулкчиликни қайта тиклаб савдо эркинлигига кенг ўйл очиб берди. Бозор иқтисодиётининг жорий қилиниши на фақат республикада, бутун вилоятларда, шу жумладан Хоразмда ҳам, анъанавий савдони янги замонавий услугуб ва техникавий воситалар билан бойитиб, ўзбек ҳалқининг ижтимоий-иқтисодий ва маданий ривожига зўр имкониятлар яратмоқда. Ўлкамизда давр талабига жавоб берадиган янги савдо уюшмалари, концерн ва фирмалар, истеъододли ишбилармонларнинг пайдо бўлиши республикамиз порлоқ келажагининг муҳим гаровидир.

МАЊНАВИЯТ ВА НАФОСАТ ҲАЗИНАСИ

Инсониятнинг энг ажойиб ва буюк кашфиётларидан бири ёзувдир. Унинг пайдо бўлиши жамият тараққиётининг юксак даражага кўтарилиши, инсон тафаккури ва онгида туб ўзгаришлар рўй бериши билан боғлиқ ниҳоятда муҳим бир жараённинг ёрқин намоёни деса бўлади. Одатда тарихчи олимлар оловни кашф этилиши, ўқ-ёй ва чархни пайдо бўлиши, жез ва темир қуролларнинг яратилишини инқилобий ҳодиса деб таърифлайдилар. Ваҳоланки, шуни алоҳида қайд қилиш лозимки, асрлар давомида кишилар тўплаган амалий тажриба асосида пайдо бўлган илм-фан ва маърифатни, умуман маданий ва мањнавий тараққиётни инсониятнинг энг ноёб қадриятларидан бири ҳисобланган ёзувсиз тасаввур қилиб бўлмайди. Бу юксак мањнавий маҳсулотнинг яратилиши учун ҳам узоқ тарихий давр зарур эди. Бизнинг буюк аждодларимиз кашф этган афсонавий кўп асрлик тарихий обидалар ичida ўзига хос, аммо ҳалигача кам ўрганилган ёзма маданият ниҳоятда муҳим ўринни эгаллади.

Қадимги Хоразм ва Суғдиёна дастлабки ёзув пайдо бўлган ўлкалар қаторига киради. Сўғд ва Хоразм ёзуви антик замонда бутун Олд Осиёга тарқалган қулдорлик даври юксак маданиятининг ажойиб намунаси арамей ёзуви билан яқинлиги тасодифий бўлмаган. Чунки бу минтақада яшаган қадимий этник аждодларимиз доимо ўзаро иқтисодий-маданий алоқада бўлган.

Тадқиқотчилар орасида ҳозиргача Хоразм ёзувининг қаҷон пайдо бўлганлиги тўғрисида аниқ бир маълумот йўқ. С. П. Толстовнинг археология-этнография комплекс экспедицияси топган ёзув намуналарини жиддий ўрганганди.

В. А. Лившиц ва ўзбек олими М. Исҳоқовлар қадимги Хоразм ёзуви эрамиздан аввалги V—IV асрдан эрамизнинг XI—XIII асрларигача ажойиб маданий восита бўлиб хизмат қилган, деб тасдиқлайдилар. Уларнинг таърифича, эрамиздан аввалги 1-минг йиллик ўрталарида Аҳмонийлар тасарру-фига кириб, унинг идора бошқарув тизимида амал қилган арамей ёзуви ва тили маҳкамачилик билан таниш бўлган Хоразм давлати 22 ҳарфли арамей алифбосини тез орада маҳаллий тилнинг фонетик талабларига мослаштирилган. Оқибатда янги Хоразм ёзуви шаклланиб, бутун қадимий Турон ҳалқлари сингари хоразмийлар ҳам Олд Осиё умумжаҳон ёзув маданияти доирасига кирибгина қолмай, унинг муҳим бўлимини ташкил қилган. Демак, маҳаллий хоразмий ёзуви алифбе тизимининг чизма шакллари минг йилдан ортиқ тараққиёт йўлини босиб ўтган. М. Исҳоқовнинг ёзишича, илк даврда арамей ва хоразмий ҳарф шаклларини фарқлаш қийин бўлса, кейинчалик хоразм ёзувининг қиёфаси аждод ёзувдан таниб бўлмас даражада узоқлашганлигини кузатиш мумкин. Мазкур янги ёзув алифбосида қайси ҳарф қандай товушни ифодалагани маъносида жиддий ўзгаришлар рўй берган, арамей алифбосининг айрим ҳарфлари хоразмий сўзларини ёзишда мутлақо ишлатилмаган.

Тадқиқотчилар янги Хоразм ёзувини Хива шаҳри пайдо бўлган даврга тўғри келганлигини, яъни икки ярим минг йил муқаддам хоразмликлар орасида тарқалганлигини қайд қиласидилар. Аммо Хоразмда топилган ёзув намуналарининг мазмунига эътибор қилсак, бу ёзув ундан олдинроқ вақтда яратилган, деган фикрга келиш мумкин. Бундай ажойиб ёзувлар Қўйқирилганқалъа, Тупроққалъа, Ойбўйир, Тўққалъа, Миздахкан каби обидалардан кўплаб топилганлиги диққатга сазовор. Масалан, Тупроққалъада кашф этилган ёзувлarda қадимги Хоразм пойтахтидаги хонадон аъзоларининг рўйхатлари берилган. Бошқа ҳужжатларда ҳарбий чақириқ, солиқ, жон рўйхатлари қайд қилинган. Айрим ҳужжатларда Тупроққалъа омборларига қабул қилинган хўжалик асбоб-ускуналари, бу нарсалар тақсимлаб берилиши ҳақидаги тилхатларни ўқиш мумкин. Бу ёзувлар қадим Хоразм аҳолиси саводли, ўқимишли бўлганлигини тасдиқлайди. Шубҳасиз, эрамиздан аввалги IV асрга оид обидаларда өддий ҳалққа мўлжалланган буюмлар ва ҳужжатларга битилған ёзувлар ҳам оммавий тусга эга эканлигини исботлайди. Албатта бундай ҳолатга Эришиш учун бир неча аср зарур бўлган.

Демак, Хоразмда ёзув Қўйқирилган ва Тупроққалъа битиклари мазмунига кўра яна ҳам узоқроқ тарихга эга бўлган. Бу фикримизни Тўққалъа қасри харобаларида кашф этилган юзга яқин битик ҳам тасдиқлади. Бу битиклар энг қадими жаҳон дини зардуштий қабристонидан топилган, уларда дафн қилинганларнинг исми-шарифи, вафот этган йили, баъзан ой ва кунлари кўрсатилган. Илк ўрта асрларга оид бу обида ёзувлари қадими Хоразм аҳолисининг дунёқараши, маданий тараққиёти даражаси, ижтимоий муносабатлари тўғрисидаги қимматли тарихий манба бўлиб хизмат қилади. Ўша даврга оид худди шу тарздаги битик намуналарининг бир гуруҳи Миздаҳкан номли ажойиб ёдгорлик харобаларидан ҳам топилган. Қадимги хоразм ёзувлари Тупроққалъада кўп миқдорда хум ичига тиқилган чарм ҳужжатларга битилганлиги ҳам диққатга сазовор. Бу ҳужжатлар маҳсус мажбурий меҳнат ёки солиқ тўплашга лойиқ аҳоли рўйхатлари, деб қаралмоқда, улар салкам икки минг йил муқаддам хоразмийларнинг ижтимоий-иқтисодий ва маданий ҳаётини тасаввур қилишга имкон берадиган муҳим ҳужжатлардир.

Ўтган асрнинг иккинчи ярми ва бизнинг асримиз бошлирида Хива ҳонлигига ҳукмронлик қилган Феруз замонида шаклланган илм-маърифат, маданият, маънавият ва нафосат қадими Хоразмнинг буюк маданий меросининг ҳақиқий давомчиси ҳисобланади. Ферузнинг атрофида ажойиб адаб ва санъаткорларнинг тўпланиши ўлка тарихий тараққиётида муҳим маънавий аҳамиятга эга бўлди.

Феруз замонида илгари вайрон бўлиб кетган бинолар ва иншоотлар қайта тикланди, янги канал ва ариқлар, карвонсаройлар ва бозорлар, олтмишга яқин мадрасалар ва масжидлар барпо этилди, янгича мактаб ва табобат маркази очилди. Асримиз бошларига келиб ҳонликда 130 мадраса, 1636 масжид ва 1500 мактаб бўлган. Ҳоннинг фармони билан давлат ҳисобидан таълим берувчи мударислар, охунлар, имомлар маблағ билан таъминланиб турилган. Биргина Хива ва унинг теварагида 137 масжид бўлган.

Муҳаммад Раҳимхон Сонийнинг санъат соҳасида қилган хизматлари бениҳоя катта. У барча адаб ва санъаткорлар ҳомийси ғамхўр раҳбари бўлган. Унинг ғамхўрлигига Табибийнинг "Мажмӯатуш шуаро", Баёнийнинг "Шажараи Хоразмшоҳий", Комил Хоразмий ва Ризо Оғаҳийнинг асарлари яратилган. Феруз саройдаги ўттизга яқин шоирларнинг шеърларини девон қилиб нашр этган, жуда кўп ажойиб форс тожик ва бошқа тиллардаги асарларни ўзбекчага таржима



Хива хони Муҳаммад Раҳимхон Соний (Феруз).

қилдирган, "Баёзи мусадласот", "Баёзи ашъор" каби мақом ва шеър тўпламлари пайдо бўлган.

Ферузнинг ташаббуси ва бевосита иштирокида саройда ашулачи, созанда ва масхарabolар кўриги узлуксиз ўтказилиб турилган, у энг зўр санъаткорлар иштирокида мунтазам бўлиб турган мақомхонлик кечаларида ўзи қўлига танбур олиб, нағма-навозликини бошлаб берган. Феруз энг қадимий "Шашмақом"ни тўлиқ ўрганиб олганди.

Муҳаммад Раҳимхоннинг буюк шахс бўлиб шаклланишида замонасининг улуғ тарихчиси ва шоири, ажойиб таржимони Муҳаммад Ризо Огаҳийнинг роли катта бўлган. У ёш шаҳзодани оталиққа олиб, унга илм-тарбия бериб, адабиёт, тарих ва санъатга, айниқса шеър ва бастакорликка ишқ уйғотган. Шу билан бирга доно устоз тарбияси ва панд-насиҳатлари туфайли шаҳзода ўзида ботирлик ва тадбиркорлик, аввалига нисбатан адолатли ва ҳимматли бўлиш, фисқу-фасодга йўл қўймаслик ва душманга шафқатсиз бўлиш каби хислатларни мужассамлаштирган.

Муҳаммад Ризо Огаҳийнинг адабий ва илмий мероси жуда бой. Ўзбекистон Республикаси фанлар Академияси Шарқшунослик Институтининг Қўллэзмалар фондида сақланаётган, ҳали кам ўрганилган жуда кўп баёз ва тўпламларда Огаҳийнинг ғазал, муҳаммас, маснавий, руబоий ва қасидалари, ноёб икки нусха қўллэзма девони, Хоразм хонларига бағишлиланган асарлари бунга далил бўлади. Форс ва ўзбек тилларида самарали ижод қилган бу ажойиб адиб бир қатор бадиий асарларни она тилига таржима қилиб ўзбек адабиётини бойитган. У машҳур шоирлар Саъдий Шерозийнинг "Гулистон" тўпламини, Абдураҳмон Жомийнинг "Юсуф ва Зулайҳо"сини, Низомий Ганжавийнинг "Хамса" сидан "Ҳафт пайкар" достонини, Ҳилолийнинг "Шоҳ ва Гадо" номли асарини ўзбек тилига зўр маҳорат билан таржима қилган. Тарихчи Муҳаммад Вориснинг "Зубдатул ҳикоёт" номли форсий тилда ёзилган асарини, Кайкавуснинг шарқда машҳур "Қобуснома"сини, Шайх Али Имоддин Ғиждувонийнинг "Мифтаҳут толибин" ва Ҳусайн Али Кошифийнинг "Ахлоқи Муҳсиний" номли асарларини, Муҳаммад Носирнинг "Тарихи Нодирий" ва бошқа бадиий ва тарихий китобларни форсчадан ўзбек тилига таржима қилган. Огаҳий ўз девони муқаддимасида шундай деб ёзади: "...Менинг ота-боболарим Ҳоразм сultonларининг амирларидан ва юз номли ўзбек тоифасидан мироблик мансабига етишганлардандир. Ёшлиқ чоғимдан бошлаб илм олишга қизиқдим. Мадрасада ўқидим... Ҳали

илм қоидаларидан тўла баҳраманд бўлганимча йўқ эди, жаҳоннинг ранго-ранг жафоси ва балоси, ҳаётнинг оғир юки тоғдек бошимга тушди... Ташвишлардан қутилиб, бироз вақт ва фурсат топсам, зўр иштиёқ билан олимларнинг, шоирларнинг суҳбатида бўлиб, баҳр олар эдим".

Ажойиб ижодкор Огаҳий 1874 йили Хоразмда вафот этади.

Мутафаккир шоир Огаҳийнинг шогирди Комил Хоразмий ўз замонасининг энг ўқимишли ижодкорларидан эди. У йирик давлат мансабларида бўлишидан қатъи назар шеърият ва мусиқа соҳасида самарали меҳнат қилиб ноёб асарлар яратган. Комил Хоразмий Ферузнинг отаси Сайд Муҳаммадхон даврида саройда оддий хаттот бўлиб, кейин миrzабошилик даражасига кўтарилиган, сўнг у девонбеги вазифасини бажарган таниқли давлат арбоби бўлиб етишади. Комил мусиқа соҳасида фаол ижод қилиб, "Танбур нотаси" ("Мақоми Феруз шоҳий")ни яратган, "Мураббати Комил", "Пешрави Феруз" каби куйларни ижод этган. У қадимий Хоразм мақомларидан "Рост", "Наво", "Дугоҳ", "Бузрук", "Сегоҳ" ва "Ироқ" номли мақомларга "Панжгоҳ" мақомини қўшиб олти ярим мақомга етказган. Истеъдодли Комил Хоразмий миллий мусиқа асбобларидан ташқари гармон, балалайка, қўбиз каби асбобларни чертишни билган. Хива матбасида икки бор нашр этилган "Девони Комил" (1881 ва 1895 йиллар) ўзбек адабиёти тарихида алоҳида ўринни эгаллади.

Комил Хоразмий 1883 йили Москва ва Санкт-Петербургга бориб, рус халқи маданияти, маърифати ва санъатини ўрганади, мактаб тизими ва нашриёт ишлари билан танишади. У 1891 йили Тошкентда бўлиб Лахтин босмахонаси фаолияти, гимназияда ўқитищ услуби, рус драма театри томошалари билан танишиб, Хивада ҳам шу ишларни йўлга қўйишни тарғиб қиласди. Бу соҳада айниқса кейинги йиллари (1892—1896—1897) Тошкент, Самарқанд, Бухоро ва Қашқар сафарлари, Феруз билан Россияга қилган сафарлари самарали натижалар берган эди.

Комил Хоразмий форс тилини яхши билган ва ҳатто шу тилда ажойиб шеърлар ёзган. Шоир 1899 йили 74 ёшида вафот этади ва она шаҳри Хивада дафи қилинади.

Ундан учта ўғил қолади, шулардан энг кейингиси Муҳаммад Расул Мирза яхши ижодкор сифатида хоннинг энг яқин кишиларидан бири бўлиб қолади. Муҳаммад Раҳимхон уни миrzабoши қилиб тайинлайди. Хоннинг топшириғи билан отаси Комил Хоразмийнинг ишларини давом қилдиради. Таъзиқотчиларнинг таърифича,

шеърият ва мусиқага меҳр қўйган ижодкор, танбур ва фижжакни зўр маҳорат билан чаладиган, ҳақсўз, камтар, мулоийим, дилкаш, хушсурат инсон бўлган Мирзани Феруз кўп сафарларида ўзи билан бирга олиб юрган.

Мирза шоир сифатида бир девон яратган, классик меросдан "Раъно ва Зебо" достонини ўзбек тилига таржима қилган, ажойиб хаттот бўлиб стишган ва бу соҳада ўнлаб етук шогирдлар тарбиялаган. Мирзабошининг ҳаётлигидәёқ Феруз буйруғи билан унинг шеърлари Кўҳна Аркдаги тошларга наққош бериб ўйиб битилган. Бастакор машвоқлар Мирза ғазаллари асосида гўзал қўшиқлар яратганлар.

Комил Хоразмийнинг иккинчи ўғли Пиркомилни Муҳаммад Раҳимхон Гурланга ҳоким қилиб тайинлаган. У ҳам "Девони Пиркомил" номли шеърий тўплам яратган. Исфандиёрхон даврида Пиркомил мирабошилик лавозимига кўтарилилган ва Хоразм инқилобидан кейин 1926 йили Урганчда вафот этган.

Ўтган асрдаги адабий муҳит ва ундаги ижодкорлар тўғрисида муҳим маълумотларни Баёнийнинг "Шажарайи Хоразмшоҳий" номли ажойиб тарихий асаридан олиш мумкин. Феруз давридаги истеъодди шоир Исо Тўра ибн Раҳимқулихон (Хусравий) жуда кўп мамлакатларни сайр этган, Макка, Мадина. Қуддус, Истанбул каби муққадас шаҳарларни зиёрат қилган, 1887 йили Хивага қайтиб келиб ижод қилган. Баёний таърифида Исо Тўра "бу сайлларида манзил-баманзил борган ерларида ажойиботу ғаройиботдин не кўрсалар, китобот қайдига киргузуб бир саётнома битдилар ва онда сўзни иборат оралиқ била баён этиб балоғатнинг додин бердилар. Не учинким, ул ҳазрат бир фозили сухондон ва шоири хушбаён эрдиларким, ўзларини Хусравий тахаллуси била мутахаллус этиб, шеър ҳам айтур эрдилар..." Хусравий Хива адабий муҳитида шунча катта обрў ва мартабага эга бўлганки, унинг вафотига бағишлиб буюк шоир Комил Хоразмий маҳсус таъриф ёзган.

Феруз даврида қалам тебратиб ижод қилган маданиятимиз тарихида муҳим из қолдирган шоирлардан Муродий ва Табибий ижодлари ҳам кам ўрганилган. Бундай ажойиб адиблар тўғрисидаги нодир маълумотлар Баёний асарларида келтирилган, холос.

Юқорида қайд қилинганидек, Феруз саройида одат тусига кирган мақом оқшомлари ва шеърий мусоҳабаларда барча таниқли санъаткор ва шоирлар иштирок қилганлар. Саройда бўлган воқеалардан бирини Ходим номли адиб ўз хотиралирида шундай ҳикоя қиласи: "Хоннинг кўнглига яхши гурунг

эшитиш тушса, ёнбошлаб ётганича, ўтирган вазирларидан бири номини айтиб "фаланкас, гурунг эт", деб буюрарди. Агар қонун бобида гурунг эшитишни истаса, Толиб Маҳзумга мурожаат этиларди. Агар мақоми паст, шўх гапларини эшитишни хоҳласа, Қаландар Дўйнисага буйруқ қилинарди. Ана шунлай кунлардан бирида хон Худайберди маҳзумга "гурунг эт", деб хитоб қилди. Худайберди маҳзум гурунг бошлади: "Тақсир чарчи саройида Али Маҳрам деган чарчининг Аҳмад деган бир ўғли бор. Жуда ўқувли шоир йигит. Агар уни саройга олдириб, қандай ғазал ёзишни буйруқ қилсангиз, дарров истаган ғазалингизни ёзиб беради. " Бу гапни эшитган Феруз кичик Мамат маҳрамга буйруқ берди: "Дарров бориб чарчи саройидан Аҳмад деган шоирни олдир. Худайберди маҳзум сўзини синааб кўрамиз". Мамат маҳрам тезлик билан саройдан чиқиб бир соатлар чамасида Табибийни чарчидан олиб келади.

Хотираларда таърифланганидек, Аҳмаджон Табибий ориқдан келган, кўса соқол, юзида бирорта ҳам тук йўқ. Буни кўрган Феруз Худайберди маҳзумга: "Ҳали бу бир ёш бола-ку" деган, -Майли, синааб кўрамиз. Қани, шоир "Шоҳим менга ойлади хизматда дегил" мисрасига бир ғазал тирка! Аҳмаджон Табибий Давлатгалди дўғма ёнида тик турганича, тўққиз байтдан иборат ғазални битди ва Давлатгалди дўғма қўлига икки қўллаб топширди. Давлатгалди дўғма эгилганича хон қўлига ғазални олиб борди. Феруз ғазални диққат билан ўқиб чиққач, юзида майин табассум пайдо бўлди: — "Худайберди маҳзум, бу йигит шоир эканку, бу модаризод шоир экан-ку,"— деди. Шундан сўнг Табибий саройда қолиб, бу ердаги таниқли пешқадам шоир ва олимлар қаторига қўшилган.

Бундай шеърият оқшомларида одатда Феруз ўзи бошловчилик қилиб, янги ёзган ғазалларини ўқиб мушоирани очиб берган. Сўнгра бошқа шоирларга ана шу хон ёзган янги ғазалга пайров тариқасида ғазаллар битиш буюрилган. Баёнийнинг хабар беришича, шундай пайров кечаларнинг бирида, Муҳаммад Раҳимхон ҳазратлари "ўз ғазалларидан юз ғазални шоирларга бериб буюрдилар: "Мунга пайравлик этиб ғазал айтинглар". Шоирларнинг ҳар бири онга пайровлик этиб, юз ғазал айтдилар. Хон ҳазратлари Табибийга амр этдилар, токим, ул ғазалларни маснавий шаклида жам қилиб бир китоб этгай. Табибий фармони мужиби била амал қилиб, ул ғазалларни жамъ қилиб, ҳар ғазални ёзмоқчи бўлғонда, маснавий била ул ғазални айтғон ким эканин баён этиб, бу

тариқада тамоми ғазалларни жамъ қилиб, тамом этиб, китобга "Мажмуат уш-шуаро" от қуюлди."

Россия Хивани босиб олишидан олдин Девонбеги лавозимида бўлган довюрак Муҳаммадмурод ва Раҳматулла Ясо вулбоши хоннинг энг яқин кишиларидан бўлганлар. Аммо чор ҳокимияти Хивага бостириб кирганда зўр жасорат кўрсатганлиги туфайли уларни оқ подшо Россияга (дастлаб Казалинск, кейин Калуга вилоятига) сургун қилган. Муҳаммад Раҳимхоннинг илтимоси билан Александр II уларни сургундан озод қилган ва Хивага қайтарган. Хон Муҳаммадмуродни ва Раҳматуллани аввалги мансабларига қайтадан тиклаган.

Феруз билан бир неча марта Россия сафарларига борган Муҳаммадмурод девонбеги вафотидан кейин унинг ўғилларидан Шайхназарбой дастлаб Кўҳна Урганчга ҳоким қилиб тайинланади, у катта обрўларга эга бўлиб ўзининг донишмандлиги ва ишбилармонлиги билан хоннинг назарига тушади. Шайхназарбойни Муҳаммад Раҳимхон яхши хизматлари учун катта инъомлар билан тақдирлаб, сарой хизматига таклиф қиласди. У давлат ишларидан ташқари шеърият билан ҳам шуғулланган ва Шуносий тахаллуси билан ижод қилган.

Шайхназарбой ҳаёти анча фожиали ўтган, бир неча марта ҳибсга олинган. Исфандиёрхон даврида ясовулбоши даражасига кўтарилган. Шоир сифатида Баёний, Мирза, Табибий каби атоқли машҳур шоирлар тарбиясида шаклланган ва "Девони Шуносий" номли асарни босиб чиқарган. Халқнинг осойишталиги ва фаровонлиги учун курашган Шайхназарбой саройдаги фисқу-фасоднинг қурбони бўлган, турли туҳматлар билан қораланиб, Исфандиёр буйруғи билан Олмата қалъасига сургун этилади, кейин Хивага қайтиб келгач, заҳарлаб ўлдирилган. Унинг ўғли Сайдназар совет даврида таниқли адаб бўлиб етишган.

Ўтган асрнинг иккинчи ярми — XX асрнинг бошларида яшаган ва ижод қилган Муҳаммад Юсуф Баёний машҳур тарихчи олим ва ажойиб шоир эди. Унинг "Шажараи Хоразмшоҳий" ва тугалланмаган "Хоразм тарихи" номли ажойиб илмий асарлари, шеърий тўпламлари, араб ва форс тилларидан ўзбекчага ўгирилган тарихий асарлар — ўзбек фани ва адабиётига қўшган зўр ҳиссаси. Баёний тиббиёт билимидан ҳам хабардор бўлган. У Хивада 1859 йили туғилган. Баёний асли хон авлодидан, Элгузар хоннинг набираси, Бобожонбек Оллоберди тўранинг ўғли. У ёшликтан илм-фанга қизиқиб, замонасининг йирик тарихчи оли-

ми ва истеъдодли шоири бўлиб етишди. Ўзининг хонлар авлодидан бўлишига қарамай, у давлат ишларига, амалдорликка қизиқмаган. Баёний куфий, сулс, райҳоний, шикаста ва бошқа хатларни яхши билган, ажойиб хаттот бўлиб танилган, мусиқа соҳасида ҳам катта ном қозонган. Табибий сўзлари билан айтганда:

Баёнийки бор шоири хуш баён,
Сўз ичра қилур дурри гавҳар аён.
Бу ҳам асли бу хонадондин эрур,
Сўзи руҳи эл жисмiga жон эрур,
Муҳаммад Юсуфбек номи анинг,
Хусул айламак коми онинг...
Баёнийки машҳур шоир эди,
Дема шоир онийки, соҳир эди.

Жуда кўп тилларда нашр этилган Мавлон Дарвеш Аҳмаднинг араб тилида ёзилган умумий тарихга оид "Саҳоифул ахбор" (1681 й.) номли асарини ўзбек тилига таржима қилиб Баёний китоб муқаддимасида ўзи ҳақда шудай деб ёзади: "Мен, Муҳаммад Юсуф, тахаллусим Баёний, Бобожонбекнинг ўғлимани. Мазкур китоб рум (усмонли) тилига таржима этилган бўлиб, бу тил фойдаланувчилар учун жуда оғирлик қиласр эди... Бу китобнинг усмонли тилида ёзилган нусхасидан фойдаланувчилар Суроҳ ва Қомусга мурожаат қилишга мажбур эдилар". Шунинг учун, Баёний таърифича, у ўқувчиларда келажакда ёрдамчи луғатларга мурожаат қилишга эҳтиёж туғилмасин деган мақсадда уч жилдан иборат мазкур асарни рум туркисидан содда тил билан чигатой (ўзбек) тилига 1900—1901 йилларда таржима этган.

Тадқиқотчиларнинг ёзишича, Баёний ўз замонасининг иқтидорли олимларидан ҳисобланганлиги туфайли, бошқа адиллар томонидан таржима қилинган кўпгина асарларни таҳрир қилган. Масалан, тарихчи Фазлулла Ҳусайнин ёзган "Равзатул аҳбоб" номли асарнинг ўзбек тилига таржимасини таҳрир қиласр экан, унинг аввалида, "Мен шу вақтда Абдулҳақ Деҳлавий томонидан ёзилган "Маорижун нубувва" номли китобни таржима этишга машғул эдим. Бу ишни тўхтатиб, мазкур асарнинг таржимасини таҳрир этдим, гўёки, бошдан-оёқ янгидан таржима қилгандек бўлдим". Демак, Баёний на фақат буюк тарихчи олим ва шоир, у моҳир таржимон ва муҳаррир эди. У 1923 йили Хивада вафот этган ва ўша жойда дафн қилинган.

Кўпчилик мадрасаларда охунлик ва мударрислик вазифаларини хонликдаги энг етук олимлар ва шоирлар бажарид келганлар. Масалан, Арабмуҳаммадхон мадрасасининг мударриси Муҳаммад Юсуф Ҳожи-Доий адабий ҳаракатчилигининг йирик намояндаси сифатида замондош шоирларнинг ижодига танқидий қараб, ўзинингadolatпарварлиги ва тўғри сўзлиги билан ажралиб турган. Доий Хивадаги Жоме масжидида ваъзхонлик вазифасини бажарган ва ўз тингловчиларига тўғрилик, инсофилик, одиллик, одамийлик, қарз ва фарз ҳақидаги Қуръон оят ва сураларидан ҳам ҳадислардан таълим бериб келган. Доийни Феруз устозим деб ҳисоблаб ҳурмат қилган. Табибий таърифича, у хассос шоир, сўз устаси ва етук хаттот бўлган. Унинг қаламига "Девоний Доий" номли асар мансуб.

Яна бир таниқли мударрис олим Худойберган Охунд дастлаб Саид Шоликорбой мадрасасида, кейин Муҳаммад Амин мадрасасида таълим-тарбия берган. Бу аллома Ферузга пайров шеърлар ёзиб ном чиқарган. У моҳир таржимон, хушвот хонанда ва мусиқашунос сифатида ҳам танилган. Ожиз Муҳаммад Раҳимхон вафотидан кейин Хиванинг қозикалони бўлиб ишлаб,adolat билан ўз вазифасини бажарган. У 82 ёшида 1919 йили вафот этади.

Хуллас, Хивадаги йирик мадрасаларда хизмат қилган ва турли давлат ишларига қатнашиб, мушоираларда фаол иштирок қилиб келган таниқли мударрис ва шоирлардан Ҳабибулла Охунд (Ҳабибий), Ибодулла Хокий Охунд, Муҳаммад Ёқубхўжа (Холис), Оллоқули Охунд, Муҳаммад Шариф Охунд, Муҳаммад Юсуф Охунд, Муҳаммад Ризо каби етук олимлар хонликдаги ёшларга илм-тарбия бериб, маърифат ва маданият равнақига катта ҳисса қўшган Хоразмнинг улуғ фарзандлариридир.

Муҳаммад Раҳимхон ўз саройида 1884 йилда илмий доирада маҳаллий фуқаро болаларидан малакали, илмли кишилар тайёрлаш мақсадида махсус мактаб очган ва унга истеъдодли тарбиячи олимлар жалб этилган. Ферузнинг фармони билан Урганчда 1904 йили биринчи янги услуб мактаби ташкил қилинган ва унда дастлаб 55 бола таълим олган. Хивада очилган рус-тузем мактаби Феруз ҳомийлигида бўлган ва унда рус тили, риёзат, тарих, география, табиат, она тили, ислом каби фанлар ўқитилган.

Илм-фан ва маърифат ривожи учун, шоирлар ижодига ёрдам бериб, уларнинг асарларини нашр этиш ва бошқа

китоблар чиқариш учун Хивада босмахона ташкил топади. Унда Феруз кўрсатмаси билан дастлаб Алишер Навоий, Мунис, Иброҳим ҳўжа, Холис ва бошқа шоирларнинг асалари босиб чиқарилган. Кейин Комил Хоразмийнинг бешта девони, Ферузнинг девони, Табибийнинг "Мажмуат уш-шуаро"си, Огаҳий, Баёний, Мирзо, Пиркомил Девоний, Ғуломий, Султоний, Саъдий, Асад, Раҳмонқулқори, Фозий каби шоирларнинг асалари чоп этила бошлаган. Хива матбаасида қисқа муддат ичидаги 30 дан ортиқ шоир ва таржимонлар яратган асалар босиб чиқарилган.

Хива хонлигига маориф ва илм-фанинг ривож этиши, замонавий услубларга етиши XIX аср охири XX аср бошларида ўлкада фаол хизмат қилган давлат арбоблари номи билан боғлиқ эди. Хива тахтига ўн тўққиз ёшар Муҳаммад Раҳимхон кўтарилиганда унга вазирлик қилган Иброҳим ҳўжа ҳокимиятда доно ишбилармон кишиларни тўплаб, мамлакатнинг маданий ва маънавий ривожига ижобий таъсир қилган эди. Ниҳоятда тадбиркор ва халқпарвар бош вазир Иброҳимхўжа ташаббуси билан хонликда янги низом ва қонун-қоидалар киритилади, солиқлар камаяди, қурилиш ва сугориш ишлари яхшиланади. Оқибатда бош вазир халқ орасида катта обрўга эга бўлган эди. 1889 йили у вафот этади, Бош вазирликка Хазорасп ҳокими Сайид Абдуллахўжа таклиф этилади. Унинг ўрнига Хазораспга ҳоким қилиб Иброҳимхўжанинг ўғли Исломхўжа тайинланади.

Тахминан ўн йиллар ўтгач, Сайид Абдуллахўжа вафот этади. Бош вазирлик вазифасига анча ақлли, тажрибали ва доно тадбиркор Исломхўжа кўтарилади. Сайд Исломхўжа маърифат ва маданият соҳасида кўп ишларни амалга оширади. У валиаҳд Исфандиёрхон билан бир неча бор Санкт-Петербург, Москва ва бошқа рус шаҳарларига сафар қиласи. Вазирнинг сафарида Комил Хоразмий, Муҳаммад Расул Мирзабоши, Худайберган Девонов, Отажон Девон каби илғор маърифатпарвар кишилар йўлдош бўлган. Улар рус маданияти ва маърифати билан яқиндан танишиб, барча ижобий томонларини ўз юртида татбиқ қилишда фаол хизмат қилганлар. Исломхўжа бошчилигига Отажон Девон иштирокида Хивада почта-телеграф ва касалхона қурилиб ишга тушириллади, босмахона ва кутубхона очилади, кино-фото, янгича қурилиш ишлари амалга оширилади. Бош вазир Хоразмга Темир йўл келтириш режаларини тузади.

Бундай тадбирлар мамлакатда маданиятнинг тез суръатлар билан ривожланишига сабаб бўлган эди. Афсуски, Феруз вафотидан кейин, унинг ўрнига тахтга чиқсан Исфандиёрхон ўзининг қайнотаси бош вазир Исломхўжани хазина пулларини беҳуда сарфлаганликда айблаб, уни йўқ қилишга киришади. Оқибатда жаҳлдор Исфандиёрхон ўз мақсадига эришади, маърифатпарвар, доно вазир Сайд Исломхўжа хоннинг топшириғи билан қонхўр навкарлар томонидан ваҳшиёна ўлдирилади.

Ўзбек халқи миллий санъатининг шаклланишида узок давлар ўтказилиб келинган турли сайиллар ниҳоятда муҳим роль ўйнаганлигини алоҳида қайд қилиш лозим. Сайил ҳар йили муайян фасл муносабати билан ташкил қилинадиган халқ байрамлариdir. Сайилгоҳлар гўзал табиат манзара-сида, соя-салқин жойларда, кенг ва очиқ майдонда ташкил қилиниб, томошалар уч кундан бир ҳафтагача, баъзан бир ойгача давом қилган. Ўтган асрда ва бизнинг асримиз бошларида Хоразмда "Наврӯз байрами", "Сумалак сайили", "Қовун сайили", "Қизил гул" байрами тантанали нишонланган.

Сайил ўтказиладиган жойларда ўтовлар тикланиб ошхона, чойхона, новвойхоналар қурилган, мева-чева ва баққолчилик дўконлари очилган, бадиий ҳунармандлар ўз маҳсулотларини намойиш қилганлар, бахши ва мақомчилар, халфалар чиқишиган, ўғил болалар ижросида оммавий халқ рақслари ижро этилган, созанда-гўянда ва масхара-бозлар чиқиши қилганлар, қиз ва йигитлар иштирокида "қиз қувиши" ўйини ташкил қилинган.

Нафақат сайилларда, барча умум халқ байрамларида, оиласвий-маиший тантаналарда истеъоддли санъаткор мақомчилар ансамблининг қатнашчилари хизмат қилгандар.

Хоразм энг қадимий давлардан достончи бахшиларнинг ўлкаси бўлиб келган. Кекса хивалик ахборотчи Бекжон ота Давлетовнинг берган маълумотига қараганда, бахшилар келин-куёв тўйларида ишқий достонларни, бошқа тўйларда, сайил ва байрамларда эса кўпроқ қаҳрамонлик достонларини куйлаб келганлар. Бахшилар ўтказилаётган тантаналарга қараб катта-кичик достонларни танлаб бир кечада, ёки кун ботгандан тонг отгунча сўз ва соз билан куйлаб ижро этганлар. Улар достоннинг мазмунига қараб ихчам ва тушунарли қилиб, юксак ижодкорлик санъати билан, воқеаларнинг ижобий ва салбий томонларини оғзаки тушунириб, дутор жўрлигида,

имо ишоралар, овоз ва мимика билан, баланд ёки паст мақомда куйлаб, томошибинларнинг диққатини ўзларига жалб қила билганлар. Уларнинг репертуарида ўзбек достонларидан Гўр ўғлига бағишлиланган туркум "Авазхон", "Бозиргон", "Сайёдхон ва Ҳамро", "Фарид ва Шоҳсанам", "Шобаҳром", "Қоракўзойим", "Гулруҳ пари", "Юсуп Аҳмад", "Қирқ минг" каби хоразм ҳалқ оғзаки ижодининг нодир асарлари муҳим ўринни эмаллаган. Бу достонлар ўзининг мазмуни билан драматик ишқий ("Шоҳсанам ва Фарид", "Сайёд ва Ҳамро" кабилар), қаҳрамонлик (Гўр ўғли туркуми, Авазхон, "Қирқ минг" ва ҳоказо) достонларига бўлинган.

Этнограф олим Тўра Қиличев XIX асрда яшаб ижод қилган хоразмлик бахшилардан янгиариқлик Бобо бахши ва унинг ўғли Жуманазар бахши, қиёт-қўнғиротдан Аннафас бахши, Матёқуб қори бахши ва унинг ўғиллари Ҳасан ва Сайд бахшилар, хивалик Бекжон бахши, хонқалик Абдирим бахши, гурланлик Нурмат бахши, урганчлик Оташ ва Фаридниёз бахшилар тўғрисида маълумотлар беради.

Мазкур созанда ва бахшилар ҳалқнинг қаҳрамонлик ва севги достонларини зўр маҳорат билан ижро этганилар. Бутун ўзбек элида, шу жумладан Хоразмда ҳам созанданинг истеъоди ва маҳорати вокал куйни ижро этишига қараб баҳоланган. Чунки катта ҳажмдаги мураккаб куйни ижро этиш учун жуда катта дид ва санъат талаоб қилинади. Санъаткорлар XVI асрга оид "Шашмақом" куйини тўла ўрганиб, унга "Наво", "Сегоҳ", "Дугоҳ" мақомларини боғлаб янги куйлар яратганлар. Мақом ўзининг куйни мураккаб шакли ва жиддий ритми (мақоми) билан бошқа ашула ва куйлардан ажralиб турган. Мақом асосан энг машҳур шоирлар яратган асарларга басталанган. Масалан, ҳозиргача мақомлар Умар Ҳайём, Жомий, Румий, Навоий, Бедил, Оғаҳий, Комил Хоразмий, Феруз, Мунис каби классик шоирларнинг ғазал ва шеърлари асосида куйга солинган. Биринчи бўлиб ўзбеклардан "Хоразм танбур нотаси"ни ёзиб олган Комил Хоразмий мақомларни илмий асослаб берган. Унинг ўғли Мирза ҳам мақомчиликка катта ҳисса қўшган. У "Сабо" ва "Уфори" каби ажойиб куйларни "Шошмақом"нинг "Рост" мақомига қўшган.

Хоразм мақомчилигининг ривожланишида атоқли мусиқашунос ва бастакор олим, марҳум Матниёз Юсовнинг хизматлари каттадир. У кўп жилдлик "Хоразм мақомла-

ри"ни тартибга солди, ўзбек мақомчилик санъати назари-
ясини анча бойитди.

Тадқиқотчилар Хоразм рақс ва куйларининг энг қади-
мийлигини таъкидлаб уни зардуштийлик маросимлари билан
боғлайдилар. Асли халқ байрамлари, сайиллари, куй
ва рақслари ибтидоий даврлардан бошлаб, айниқса илк
давлатлар ташкил топгандан сўнг диний байрам ва маро-
симлар билан узвий боғлиқ бўлган.

Этнограф Тўра Қиличевнинг таърифича: "Ибтидоий
хоразмликларда ҳам ирокезларга ўхшаш ҳарбий
рақслар ташкил қилинган ва зафар тантаналари
ўтказилганлигини исботловчи қадимий "лазги" ўйини
ҳозиргача ўйналиб, ҳарбийлик хусусиятларини ўзида
сақлаб келаётир. Бу ўйинда раққос қўлларини юқори
кўтариб, аста-секин бармоқларини мусиқа тақтларига со-
лади. Ўзи эса гўё рақибига қарагандай гавдасини қимир-
латмай тутиб туради. Бир неча такт ўтгач, қўл учি
ҳаракатига гавда ҳаракатини қўшади. Кейин бирдан душ-
манга ташланишга ўзини сафарбар қилган жангчидай май-
да қадамлар билан югуриб, қўл бармоқларини ўйнатиб,
қарс уришни тезлатиб, қашқарларнинг жанг қилаётган
ҳолатини ифодалайди. Раққос ўйин охирида эса рақиби
устидан қозонилган ғалаба жадал кураш ва меҳнат нати-
жаларида эришилганлигини қўл, оёқ, тана ва бошқа ишо-
ралар билан ифодалаб беради".

Шу муносабат билан қадимги юонон муаллифи Гекатей-
Страбоннинг Хоразмда яшаган массагетлар тўғрисидаги
маълумоти диққатга сазовор: "Уларнинг қуроллари камон,
қилич, қалқон, мис болталар бўлиб, отда ҳам, пиёда ҳам
яхши жанг қилишади: жанг пайтида олтин камар ва олтин
енгбоғлар тақиб оладилар". Тарих фанининг отаси деб
танилган Геродот эса мазкур фикрни тасдиқлагандек,
"Аракс (Амударё) бўйларида яшовчи массагетлар кечаси
гулхан ёқиб, ўсимлик ҳидидан маст бўлиб, унинг атрофида
олов ўчгунча қўшиқ айтиб рақсга тушар эдилар", деб
ёзади. Маълумки, Хоразм тўйларида, халқ сайилларида
кечалари гулхан ёқилиб, атрофида санъаткорлар ва
раққослар яқин-яқинларгача томошибинларга ўз санъатини
намойиш қилиб келганлар. Бундай маросимларнинг
Наврўз байрами вақтида ўтказилганлигини Абу Райхон
Беруний ҳам ёзади.

Ҳозирги давргача сақланиб келган сайиллар ва тўй-
томушаларида ижро этиладиган хоразмликларнинг "Но-
рим-норим", "Ашшадорози", "Ҳуббимбой", "Мўри",

"Қовун ўйини", "Чағаллоқ", "Сулгин ўйини" каби халқ күйи ва рақслари маҳаллий златларнинг турмуш тарзи билан боғлиқ бўлиб, уларнинг қадимий дунёқарашини ифодалайдиган санъат намуналариридир. Масалан, этнографларнинг фикрича, "Ҳуббимбой" ўйинининг ижро этилиши, унинг мазмуни ва этимологияси қадимий авлиё Ҳоким ота ва унинг ўғли Ҳуббим ҳақидаги афсона билан боғлиқдир.

Сайилларда намойиш қилинадиган оммавий ўйинлардан бири "Аравадаги ўйин" ҳам ўзига хос томоша. Бунда бир от уч аравага қўшилиб, олдинги аравада созанда-гўяндалар ва раққослар жойлашади. Раққос ўғлон болалар мусиқа жўрлигига турли ўйинларни ижро қилганлар, ўзаро лапарлар айтишганлар. Ўғлон боладан бири қиз қиёфасида бошига тахя кийиб, унинг устидан гулли рўмол ёпиб, эгнига узун кўйлак кийиб ўйнаб, лапар айтишган. Арава сайил майдонини айланиб ўтаётганда аравадагилар устидан мева-чевалар сочилган.

Илгари сайилларда ижро этиладиган энг севимли ва қизиқарли ўйинлардан "Қовун-қовун" ва "Шириннавот" ўйинлари асримизнинг 20-йилларигача ижро қилиб келинган. "Қовун-қовун" ўйинини икки ёки ундан кўп раққослар қовун этилиб пишгандан кейин ўтказиладиган маҳсус сайилларда ёки тўйларда ижро этганлар. Унда пантомимик шаклда қувонч туйғулари, қовунни узиб, уни тури ва мазасига қараб саралаш ҳаракатлари ифода этилади. Ўша даврларда ижро этилган "Қиз қувиш" ўйини ҳам жуда қизиқарли ўтган.

Эстетик ва руҳий жиҳатдан энг чиройли ва кулгили ўтадиган сайил намойишларида масхарабозларнинг чиқишилари диққатга сазовор. Уларнинг репертуари ниҳоятда ранг-баранг бўлган. Хоразм масхарабозлари мавзусида маҳаллий масхарабозларнинг мавзусини уч қисмга бўлади: 1) мураккаб йўсингдаги эпчиллик билан акробатик услубда бажариладиган рақслардан "Коса ўйини", "Тоғора ўйини", "Ликоб ўйини", "Пичоқ ўйини"; 2) қаҳрамонлари ҳайвонлар ва қушлар бўлган рақс пантомима ўйинларига "От ўйини", "Улоқ", "Қумпишик", "Пишик", "Хўрз", "Фоз", "Қирғовул", "Бедана", "Чағаллоқ", "Юопопуш", "Каптар" ўйини; 3) меҳнат ва майший турмушни ифодаловчи пантомимик ўйинлар "Сипса ўйин", "Чўгирма тикиш", "Кўкнори", "Қиморбоз", "Карта ўйини" ва бошқаларни киритади. Бундан ташқари маҳаллий масхарабозлар репер-

туарида қисқача драматик ва юмористик спектакллар муҳим ўринни эгаллайди. Масалан, сайил ва байрамларда ижро этиладиган мусиқа ва рақслар "Гавданбой хатари", "Рувон хатари", "Кампир хатари", "Эр ва хотин", "Домла қори эшон хатари", "Азайимхон хатари", "Хачатур армани хатари" каби саҳналаштирилган чиқишилар томошабинларда ниҳоятда зўр таассурот қолдирган.

Асримиз бошларида Хоразмда атоқли масҳарабоз Давлат пақопоқ, Жуманиёзқори ва Юсуф шарлама ижро этган "Сартарош", "Фолбин", "Зимлак", "Пурхон" каби ўткир юмористик спектакллар ўзбек халқ театрининг энг ажойиб намуналаридан ҳисобланган. Мазкур саҳналарни, айниқса "Зимлак" ўйинини, Худайберган кўр, Бовоқ ота Аvezov, Қурбонбой шарлама юзларига ниқоб кийиб, бошларига шоҳ қадаб, соқол қистириб, эгниларига пўстинни тескари кийиб зўр маҳорат билан ижро этиб, томошабинларни мамнун қилганлар.

Хоразм масҳарабозларининг ўт билан ижро этиладиган "Машъала" ёки "Олов бози" ўйинлари, дорбозлик санъати тўй ва сайилларда ниҳоятда қизиқиб томоша қилинган. Масалан, таниқли масҳарабоз Худайберган Аvezov оғзига чармдан бўлган оғизча қўйиб, чўғ бўлиб ёнаётган кўмирини оғзига солиб, нафаси билан оғзидан аждарҳога ўхшатиб олов пуркаган. Дорбозлик санъатини мукаммал эгаллаган тўрткўллик Давлат Мурод дорбоз (1788—1878), тошқовузлик Собир дорбоз (1883—1942), хивалик Иброҳим дорбозлар катта тўй ва сайилларда фаол иштирок қилганлар.

Ўзбек халқининг ўткир тафаккури, зеҳни ва истеъоди унинг асқиячилик санъатида айниқса ёрқин намоён бўлади. Хоразмликларда ҳам ўзига хос асқиячилик-дейишма на фақат халқ сайиллари ва байрамларида, оиласвий маросимларда ва дўсту-биродарлар даврасида ҳам зўр мақорат билан намойиш қилиниб, кишига хуш кайфият бағишлийди.

Ўтмишда бутун Марказий ва Олд Осиёда энг ноёб ўзига хос санъат соҳаси хотин-қизлар ижро қиладиган халфачилик фақат Хоразм воҳасида пайдо бўлган ва ҳозиргacha сақланган. Тўй ва аза маросимларида фаол хизмат қилиб келган Хоразм халфалари асосан учта-учта бўлиб, бири мусиқа ёки доира чалиб, бири ўйнаган, бири куйлаган. Ахборотчиларнинг хабар беришича, илгари вақтларда Хоразмда "халфалар" тўй-маъракаларда хотин-қизлар ўтирадиган хонанинг тўрида, уларга қарама-қарши ўтириб,

кун ботгандан кейин тонг отгунча бири қўйиб-бири олиб Хоразм ғазалларидан, халқ достонларидан бирининг айтганига иккинчиси жавоб бўладиган қўшиқлар топиб айтганлар. Баъзан улар маъракаларнинг характеристига қараб ўзлари қўшиқ тўқишиб ҳам айтишган. Халфаларнинг репертуари ниҳоятда ранг-баранг бўлиб, уларда халқ қўшиқлари ва лапарлар, классик шоирларнинг қўшиқбоп ғазаллари, катта-кичик достонлар асосий ўринни олади. Улар раққосаларнинг оташин ўйинлари ва мусиқа куйлари билан тўлдирилади.

Марҳум Жуманиёз Қобулниёзовнинг аниқлашига қараганда, дастлаб халфалар чолғу асбоби ёки гармон ёрдамида эмас, балки икки пиёла ёки ликопчаларни бир-бирига уриб, ундан чиққан овозга жўр бўлиб куйланлар. Уларнинг жарангдор ва майин овози пиёланинг нозик ва ўйноқи жаранги билан қўшилиб, ўзига хос чиройлик оҳанг ҳосил қилган. Тадқиқотчи Т. Жалолов халфалар ижодига зўр баҳо бериб, шундай деб ёзади: "Халфалар маъракаларнинг файзи, қизлар мажлиси ва аёллар базмининг маликалари саналадилар, улар тўй ва маъракаларга қатнашиб, шодликка шодлик, қувончга қувонч қўшадилар, ўйноқи куйлар, нафис рақслар, дилбар ашулалар билан тўй аҳлларининг қалбларига эзгу ҳис-туйғуларини сепадилар".

Халфаларнинг маҳорати, ижрочилик, ижодчилик қобилияти ва фаолияти шу қадар зўр бўлганки, ундан нафақат хотин-қизлар, балки уларни четдан туриб кузатиб турган эркаклар ҳам маънавий озуқа олганлар. Халфалар ўзлари ижод этган куй ва ашулалар билан чекланиб қолмай, "Тоҳир ва Зуҳра", "Фарид ва Шоҳсанам", "Сайёд ва Ҳамро", "Гўрўғли" туркумидаги ишқий-романтик ва қаҳрамонлик достонларнинг лирик ва ижтимоий моҳиятига эга қисмларини куйлаганлар. Шуни ҳам айтиш зарурки, жасур халфалар мазкур мазмундаги асаллар билан чекланибгина қолмай бошқа муҳим мавзуларда ҳам ўткир таққидий шеърий лавҳаларни ва термаларни ҳам айтиб куйлаганлар. Айниқса зулм ва адолатсизликлар дадил фош этилган.

Ўтган аср охирларидан бизнинг давримизгача етиб ижод қилган ва халқ орасида катта обрўга эга бўлган хивалик Шукуржон халфа (1851—1950), Жони халфа (1870—1920), Бибижон халфа (1876—1920), Онажон Собирова (1885—1952), Анаш Маърам (1882—1917), Дурхоним халфа (1881—1936), Киш халфа Ҳасанова (1881—1948),

Ойша кулол халфа (1880—1949), Ёқут халфа Вафоева (1844—1914), Шарифа Нўғой Оташева (1892—1960), Ўғил Нўғой Қўрёзова (1859—1949), Шарифа халфа (1900—1972), Ёқут халфа Сеитниёзова (1903—1972) каби ажойиб санъаткорлар Хоразм маданиятининг ривожига зўр ҳисса қўшганлар.

Аммо кейинги вақтларда Хоразмда ижодий ижрочи, достон ўқийдиган якка халфалар ҳам пайдо бўлган. Шулардан Розия Матниёз қизи, Саодат Худайберганова, Понша Саидмамат қизи, Амбаржон Рўзметова, Аноржон Раззоқова кабилар халқ орасида ҳурмат-эътиборга муяссар бўлган ажойиб санъаткорлардир.

Шуни алоҳида қайд қилиш лозимки, Хоразмнинг достон ва термаларида ашула ва куйларида халқ орасида кенг тарқалган жуда кўп латифа ва мақолаларда, эртак ва масалларда ҳам ўтмишдаги ижтимоий адолатсизликлар ва социал-зулм, хурофий тасаввурлар ва иллатлар очиқдан-очиқ фош қилинади ва масхараланади. Хоразмликларнинг оғзаки ижодида халқнинг ўтмишдаги фожиали аҳволи, меҳнати, турмуш тарзи, тилак-орзулари, яхши фазилатлари тўла изҳор қилинган. Уларда пок севги ва садоқатлилік, ҳамкорлик ва дўстлик, жасурлик ва биродарлик каби фазилатлар ҳам жўшиб куйланади. Шу билан бирга ижтимоий тенгсизликка, зулм ва зўравонликка, адолатсизлик ва ноинсофликка қарши чексиз нафрат ва қаҳр-ғазаб изҳор қилинади. Теран халқчиллик билан ажралиб турган Хоразм фольклорининг ранг-баранг ғоялари халқнинг кундадлик майший турмуши ва маънавий ҳаётини, умуминсоний қадриятларни тўла ҳолда ифодалайди.

Халқ оғзаки ижоди, халфа ва бахшилар яратган ажойиб асарлар — моддий ва маънавий маданият билан бевосита боғлиқ бўлган кўп қиррали санъат намуналари — монументал бадиий обидалар, турли хилдаги амалий безак маҳсулотлари билан ҳамоҳанглигидир. Моҳир аждодларимиз узоқ тарих давомида яратган ажойиб обидалар шу кунгача етибгина қолмай, улар ажойиб истеъодди ижодкорлар томонидан ривожлантириб келинган.

Ўзбек элининг мустақилликка эришиши, озодликнинг нашъали ҳавосињи ҳазм қилиш, ўзбек онгида тамомила янги кўламли дунёқарашнинг шаклланиши халқимизнинг ўзлигини танишига имкон яратиб, унинг порлоқ келажаги учун зарур янги пойdevорни бунёд қилмоқда.

Истиқлол сари дадил қадам ташлаётган хиваликлар доимо новқирон Она шаҳри таваллудининг 2500 йиллигини

зўр хурсандчилик ва фахрланиш ҳисси билан кўтаринки руҳда нишонламоқдалар. Қалб ҳарорати билан битилган хоразмлик шоир Эркин Самандаровнинг жўшқин сатрлари бундай юксак кайфиятни тўла ифодалайди:

Эритиб дилларнинг ҳасрат музини
Саодат қуёши боқди Хивага.
Ҳарорат қўйнида кўриб ўзини
Халқ тўлқин бўлди-ю, оқди Хивага.
Шодликка чулғанар ҳар уй, ҳар элат,
Ферузга уланиб кетади лазги.
Бу олий тантана, бу нурли ҳаёт
Меҳнаткаш баҳтига энг тиниқ кўзгу.

Тарихга назар ташласак миллатимизнинг маънавий бисоти ғоят бой ва қадим, ижодий имкониятлари ва истеъдоди ниҳоятда беқиёс. Буни кўҳна Хива мисолида ёрқин намоён эканлиги мустақиллик шароитида режалаштирилган ислоҳотлар кўламида айниқса кўзга ташланади.

Асрлар оша бизгача етиб келган барча катта-кичик тарихий обидалар ва амалий безак санъати намуналари хоразмликларнинг майший турмушининг ва маънавиятининг таркибий қисми сифатида маҳаллий аҳолининг ўзига хос хусусиятларини мужассамлаштирган. Хива санъатининг қайси бир соҳасини олманг-ашуласи, рақси, тарихий обида ё бадиий амалий санъат намунаси узоқ асрлар оша бизга етиб, ҳозиргacha инсон қалбини ҳаяжонга солиб келмоқда.

Бу шаҳарми на ё бир сеҳр,
Тошларми бу, мўжизами ё,
Обидалар бағрида на сир,
Нақшларда ёнар не зиё,
Пештоқдаги ғазалми ё ранг
Нафосатнинг сеҳри эмасми?
Тошда нидо қилувчи мисра
Огаҳийнинг шеъри эмасми?

(Эркин Самандаров)

Ҳақиқатан ҳам Хоразм санъатининг қайси бир соҳасини олманг, ўзига хос сирли чиройи ва нафосати шу кунгача ҳар бир кишини ҳайратда қолдиради. Хива обидаларидаги ганчкорлик, кошингорлик, наққошлиқ, ҳаттотлик, тошта-

рашлик, музейларида сақланиб келган каштачилик, мисгарлик, заргарлик ва бошқа маиший буюмлар афсонавий даражада уйғунлашган, гўзалликнинг сирли равишда халқ оғзаки ижоди намуналари билан чатишиб, ҳамоҳанг бўлиб кетиши ёрқин ифодаланган. Хоразмликларнинг табиий истеъдоди, жасорати ва меҳнатсеварлиги туфайли пайдо бўлган маънавий маданиятининг хилма-хил ва ранг-баранг барча намуналари уларнинг жаҳон маданиятига қўшган катта ҳиссасидир.

Ўзбек элининг бир ярим асрга яқин давр ичida дастлаб чоризм, кейин совет мустамлакачилигига бўлиб эндиликда мустақилликка эришиб истиқлол йўлига ўтиши бутун Хоразм аҳлини ҳам нафақат ижтимоий-иқтисодий, балки бутун маданий-маънавий ҳаётида янги, мисли кўрилмаган тараққиётига зўр замин яратиб берди.

М У Н Д А Р И ЖА

Кўхна ўлка сирлари ва жасур тадқиқотчилар	3
Қадимий дарё, канал ва ариқлар бўйлаб	25
Ибтидоий маконлар ва илк аждодлар ҳаёти	40
Оташпарастлик ва муқаддас Авесто	52
Девлар яратган қаср ва қалъалар даври	68
Қудратли Кушон давлати ва тилсимотлик Тупроққалъя	87
Илк феодализм даври обидалари	116
Хоразм давлатининг инқирози ва маданий тушкунлик	146
Хива хонлиги ва хиваликлар	162
Хиваликларнинг анъанавий хўжалиги ва машгулотлари	176
Маънавият ва нафосат казинаси	201

ИСА ДЖАББАРОВ
СОКРОВИЩНИЦА АНТИЧНОЙ
КУЛЬТУРЫ И ДУХОВНОСТИ

На узбекском языке

«Ўзбекистон», нашриёти,
700129, Тошкент, Навоий кўчаси, 30. Нашр № 34—95.

Рассом *O. Васихонов*
Расмлар муҳаррири *Ҳ. Мехмонов*
Техник муҳаррир *C. Собирова*
Мусаҳҳих *Ш. Орилова*
Компьютерда тайёрловчи *A. Йўлдошева*

Теришга берилди 01.10.96. Босишга рухсат этилди 12.03.99.
Қозоз формати 84x108 1/32 "Таймс" гарнитурасида оғсет босма
усулида босилди. Шартли босма л. 11,76. Нашр л. 13,28. Тиражи 3000.
Буюртма № К-843. Баҳоси шартнома асосида.

"Ўзбекистон" нашриёти, 700129, Тошкент, Навоий, 30.
Нашр № 34—95

Ўзбекистон Республикаси Давлат матбуот қўмитаси ижарадаги
Тошкент матбаа комбинатида босилди.
700129, Тошкент, Навоий кўчаси, 30.

Жабборов, Исо

Антик маданият ва маънавият хазинаси.— Т.:
Ўзбекистон, 1999, 221 б.

ISBN 5-640-02221-3

Тарихчи-этнограф ва файласуф олим Исо Жабборов номи кенг китобхонларга яхши таниш. У ўзининг тарихий-этнографик, фалсафий асарларида ибтидоий маконлар давридан то янги замонгача бўлган воқеаларни қаламга олади. Чунончи, муаллиф ушбу китобида Хоразм воҳасида яшаб ўтган қадимги аждодларимизнинг турмуш тарзи ва машгулотлари, уларнинг моддий маданияти ва маънавияти тўғрисида атрофлича фикр юритади, археологик қазишмалар ва этнографик тадқиқотлар натижасида қўлга кири-тилган ажойиб кашфиётлар ҳақида қизиқарли маълумотлар беради.

Китоб тарих ва этнография, археология ва ўлкашунослик фанларига қизиқувчи кенг китобхонлар оммасига манзурур бўлади, деган умиддамиз.

ББК 63.3(5У)+63.5

№ 832-99

Алишер Навоий номидаги
Ўзбекистон Республикасининг
давлат кутубхонаси

ЖК 0505000000—014 99
М 351 (04) 99